


non est. per Bernard




6.9.58

100-



Digitized by the Internet Archive
in 2016



LES XV.
LIVRES DE LA
METAMORPHOSE D'OVIDE
POETE TRESELEGANT, CONTE-
NANTS L'OLYMPE DES HY-
STOIRES POETIQUES,
traduitz de latin en
François.



*Reueuz, corrigez, & augmentez de plu-
sieurs figures outre les precedentes
impressions.*

EN MOY LA MORT,



EN MOY LA VIE.

A PARIS,
Chez Hierosme de Marnef, & Guillaume
Caueillat, au mont S. Hilaire à l'en-
seigne du Pelican.

1574.

L E diuin Philofophe Platon étant malade, &
 voyant les limites de fa vie: commanda luy eſtre
 fait oreiller de liure de Sophron poete mimographe,
 eſtimant poeſie eſtre profonde philoſophie couuerte du
 rideau, d'infatigable delectation, & ayant la con-
 gnoiſſance de la vie de l'homme, qui ne eſt que vne fa-
 ble, voulut mourir ſur iceluy. A ce meſme exemple.
 Aleſandre le grand ſouloit prendre ſommeil ſur l'I-
 liade d'Homere: laquelle l'eſmouuoit à cheualerie &
 hautz faitz. Tant eſt certaine l'energie d'iceluy que
 Horace à osé dire que le Poete forme la tendre bou-
 che de l'enfant, & polit la langue balbutiente. Mais
 entre tous les prix en a raporte l'amoureux Poete O-
 uide en ſes transformations: œuvre de ſi grand prix &
 de tant de grace que les grecz, l'ont traduit à leur lan-
 gue. Ce qu'aüſſi dernièrement a eſté fait en la langue
 Françoisſe, digne que tel liure ſoit par icelle leu ſelon
 le naturel du liure ſans allegories: ieſquelles mieux
 qu'aillieurs ſont traittées par Fulgence en ſes
 Mythologies lequel avec celeſte faueur au
 premier iour parlera François. Et par
 auſſi à chacun auteur ſa l'en-
 ge ſera gardée.

OO OO

OO



LE PREMIER

LIVRE DV GRAND O-

limpe, des histoires Poë-
tiques.

*Briue proposition de l'œuvre, avec
innocation.*



VOULOIR m'a prins d'écrire, & reciter les mutations & admirables formes, transmüées d'une incredible Metamorphose en nouveaux, estranges, & variables corps, figures, & especes. Non pas sans premierement implorer le secours, & faueur obtenu de leurs Auteurs, qui les ont ainsi trāsformés. Lesquelz de present ie inuoque à vouloir ayder à leur ouurage. En deduyfant, mon stile perpetuel, & concatené des le commencement des choses, & premiere origine du monde que l'Aage doré commença iusques à mon tems, que le Pere du pais Octouia Auguste l'instaurateur de paix l'a reuouqué, & estably par tout l'vniuersel Empire de Rome.

A ij

*Narration commençant à la resolution de Chaos,
& separation des Elements.*



Avant que la grand' & spacieuse mer Oceane fust en sa source, Terres fussent découuertes, Ciel comprint & enuelopast toute la machine & fabrique du monde: En nature, mere de toutes creatures, n'étoit qu'un aspect confus, & face couuerte de nulle variété distingue, laquelle (témoignant l'antiquité) on appelloit Chaos vne masse de choses confuses embrouillées & mal iointes. Et n'étoit autre chose que vn poix, lourd, difforme, & immuable, sans art & artifice, ensemble vn grand amas de semences discordantes de choses entremêlées, & confuses. La grande Lanterne du

Ciel, le Soleil de ses raiz etincellans encores n'écleroit point le iour. Encores la Lune incōstante ne renouuelloit point tous les moys ses cornes. Encores la Terre soutenue de son poix & pendue au milieu des Elements n'étoit mise à son fil, & plomb solide, ni fixe en sa rondeur spherique. Encore la grande mer n'auoit été du ses longs, & larges bras à la Terre. Car la ou étoit la Terre, indistinctement là étoit l'Eau ensemble, l'Air, & le feu, & par ainsi la terre étoit instable, l'eau innauigable, l'Air sans lumiere, & le feu sans chaleur. Parquoy il n'étoit Element qui eust sa nature, forme & figure. Il n'y auoit que repugnante contrariété, entre inegale & dissonante proportion. Qualitez cōtraires étoient en vn subiect. Car en vn corps enueloppé, le froid contredisoit au chault, le moyte resistoit au sec, le mol batailloit avec le dur, & le leger discordoit au pesant. Mais Dieu ayant meilleure nature acorda ce different, car il separa le Ciel d'auec la Terre, tira les Eaux des sources : & desassembla le Feu cler de l'air épez. Et apres toutes ces choses desassemblées, & fait à parcelles ses extraits distinguez d'un monceau barbouillé & obscur, va obliger les Elements en paix l'un avec l'autre, combien qu'encores leur dure la memoire de l'ancienne noyse.

La situation des Elements

DEs incontinent que les Elements se trouuerent chacun à par soy, & n'estre plus liés l'un avec l'autre, chacū va choisir son lieu selon son inclination & nature, & prédre possession de son propre siege. Le Feu pur & agile luyfant, & chaud cōme principal, & seigneur, va élire son étage & residence eminente au plus haut lieu tout aupres de la voulte concaue du Ciel. L'air qui aslès étoit legier de hayt, & delié, suyuiſt le feu prenāt place aupres de son frere, La Terre épessē & graue, ayant en soy le dur, le rude, & le pesant: laquelle resta au fons du chauderon pour lie, & crassē, apres que les autres Elements furent purifiés, pour sa pesanteur fut contrainte de se contenter du plus bas lieu. L'eau voyant que chacun auoit déia sa situation & loge, fut grandement douteuse, ou elle feroit sa demeure pour sa variabilitété, volontiers eust pris habitation avec le Feu, si l'ancienne inimitié d'entre eux deux ne l'eust gardée, & ne voyant lieu vacant, va requerir l'air & la Terre, de la vouloir loger, l'Air qui grandement ne l'aymoit pas, promist en lieu & remſ en receuoir certaine paction, & puis bien tost apres la déchargeroit. La Terre toute étourdie & si lassē que ne se pouuoit bouger d'un lieu, fut contente d'auoir quelqu'un qui la secouruz au besoin, & permist à l'eau d'abiter à l'entour

d'elle, & par tout ou luy plairoit. A quoy s'accorda l'eau, & va tellement accoller sa sœur, qu'elle la confina par ses riuages & bords.

Description des quatre Elements, de leur nature & composition.

A Pres ces choses ainsi egalemēt disposées, & que la machine eust ses membres bien qualifiéz, & par ordre proportionés, celuy grād facteur voulut que la terre print figure ronde, en laquelle puis apres feit distinctions de Fontaine, Sources, Riuieres, Estangz, Lacz, Paluz, & Mareltz, Et voulut que les Riuieres feussent tortues, & obliques, & que les grosses engloutissent les petites, & puis d'un cours perpetuel fallassent plonger dans le ventre de leur mere. Commanda pareillement que les champs fussent étenduz en belles Plaines & Landes plâtureuses. Les Vallées basses & courbes, les Montagnes enflées bossues, les Forestz couuertes de ramée. Les Arbres vétuz de robes vertes, les Prés diaprés & tapisés d'une gaye & réiouisfante verdure, enrichiz & aornéz d'herbes, ayâts pour leur legitime du patrimoine de leur mere Nature, fleurs colorées odorantes & delectables- feuilles comestibles & salutaires, racines appetissâtes & medicinales. Permist aussi à la mer indignation & couroux, à se tourmenter aucunes-fois par grand' fureur & rage, & ruer ses innundations & tourbillons terribles

iufques aus nuées, & tantoft apres continuant
fes tempeftes & orages, les deprimer iufques
aux creux des abimes, & menaffer la Terre de
fubmerfion par impetuofité des vagues redou-
blées. Ordōna de rechef que le Ciel fust ceint
de cinq cercles appellées zones & autant la
Terre, & voulut que la zone du milieu fust
plus ardante, & inhabitable par force de cha-
leur. Et les deux des extremitez femblablemēt
inhabitables par le grand froid excessif qui y
eft: mais entre la chaude & les froides, en col-
loqua deux attrempées par la participation du
froid & du chaut, & par ce habitables des cre-
atures. En apres decreta que l'air de fa nature
ferain receuroit nuées, pluyes, exhalations,
gresles, bruynes, vapeurs, fumées, impreffions,
éclairs tonnoirres epouuentables, foudres &
trestous les vents: cōbien que ne permift point
que tous enfemble vomiffent les groffes gou-
lées d'Air fur la campagne, mais à chacun fa
propre region fut assignée, & tems designé à
fouffler, afin que de leur rencontre entrebate-
ment & violence, ne détruiffent le monde, si
grand est le discord des freres. Parquoy il lo-
gea Eurus, dict Subfolan, au pais du leuant au
chateau de laube fa mere, feignorifant fur la
contrée orientale Nabathée & de Perse, avec
les monts vaffaux des raiz du Soleil leuant, &
luy fut assignée l'Esté à dominer & regner sur

la Terre . Puis voyant le gracieux, delicat, & doucet Zephirus , tout mignon & amoureux, enramelé de fleurs, & apimpeloté de gaye verdure, l'enuoya au ponant avec l'amye Flora au palais du vespre, Prince des parties Occidentales, & luy commanda reparer de sa douce, & soueue alaine, les richesses & aornements du plaisant printems destruites par la cuyfante & mal gracieuse Bise, appelée la trauerse , autrement le baley du Ciel, laquelle fust enuoyée en poste, tenir garnison sur la mer Septétrionale, & Scytique, à rechiner contre son vieux mary le paresseux, fourré, tréblant & croteux Yuer. Mais Auster le fumeux & bouillant , ayant bonne chere & gros feu, alla prendre d'assaut la cuyfine du Soleil vers midy , là ou Phœbus fait sa dinée, & va prendre acointance avec la depenciere de l'année, nōmée l'Este, bien pourueue de vitaille & monitiō, & avec le gros bouteillier maistre Autonne l'enyuré , de moust remplist si fort sa vessie, que depuis iamais ne soufle, qu'il ne pisse, ou peu ou prou, & qu'il ne remplisse d'humidite les éponges de l'Air.

L'Aornement des Elementz.

A Grand peine les ELEMENTZ étoient demeslées, & tirés de la confuse masse de chaos, que les étoiles, lesquelles parauant étoient parmy les Elemētz cachées & musées, se vont demontrer claires & luyfantes . Et afin

qu'il n'y eust region vacante, & priuée de chose à luy appartenantes, chacune fut aornée de ce qu'étoit expedient à sa nature: car les étoiles de matiere claire & reluyfante, furent mises & attachées au Ciel comme cloux tenâts le Ciel. La mer & Riuieres eurent en ceste diuision, pour leur part & portion, les poissons & bestes nageantes. La Terre receut toutes sortes & especes de bestes brutes. L'air agitable & mobile, se contenta des oyseaux.

La formation de l'Homme.



TOutefois encore falloit il en ces belles choses si triuphantement disposées l'Animal plus saint & parfait de toutes les creatures, capables de haut entendemēt, bonne raisō,

longue memoire, & plain ſçauoir: qui dominaſt à toutes les beſtes, & poſſedaſt celuy opulent & magnifique heritage du mōde, avec les biens terriens & treſors inferieurs, & peult dilater ſon empire & puiſſance par Mer & par Terre, & enclorre tout ſouz ſa main & iuriſdiction. Lequel homme de ſa premiere naiſſance ou bien fut il fait premierement, par le maiſtre de toutes choſes, ou par la Terre recente & freſchement née, plaines des premieres ſemēces, par les influences du Ciel ſon couſin, receut eſpritz vitaux par engin & ſubtilité. Car Prometheus pere de Deucaliō vn des Titans, filz de l'ancien Iapetus, par ingenieuſe ſcience, & art prudemment excogitée, print du limon de la terre detrempé d'eau, & en fabriqua vn ſimulacre à la ſemblance des Dieux, & fiſt vn ymage noble, de méchante, & treſvile étoffe. Et combien que tous les autres animaux & beſtes, ayent de leur nature à regarder la Terre & encliner la teſte en bas: nonobſtant donna à l'homme vn viſage ſublime & élevé, & par droite & entiere lineature, compaſſée par ſymmetrie, le fiſt regarder le Ciel, & auoir la face ouuerte, & dreſſée enuers les étoiles. La deéſſe Minerue extraite du cerueau de Iupiter, maitreſſe de tous ars & ſciences, ſçachant la noble entreprinſe de Prometheus, deſira pour la nouueauté du cas, voir le chef d'œuvre de

l'homme, & accorda à Prometheus apres auoir
veu son industrie hautement excogitée, tirât
plus sus l'ouurage diuin qu'humain, luy faire
clerement voir les perfections, excellences &
beautez cœlestes: ce qu'elle fit, & le transporta
au Ciel. Prometheus bien émerueillé, voyant
que les corps cœlestes, étoient émeuz & ani-
mez par la chaleur, se pensa pour l'acomplisse-
ment de son œuvre, qu'il luy falloit auoir de
se feu, & passant pres du Chariot du Soleil, va
dérober de ce feu, & en aluma vne torche, la-
quelle (apres qu'il fut en terre) mit dās la creu-
se poitrine de son manequin. L'ymage va
sentir incontinent la chaleur vitale, & se
va remuer, & commença à viure: &
eut nom Pandora, qui vaut autāt
à dire, cōme comble de tous
biens, & fornissement de
tous dons & vo-
luptés.



L'âge doré.

Regnant Saturne apres que le monde cō-
 mença à se peupler : vint l'âge doré, fait
 par les bonnes gents & prudes personnes, que
 pour lors nourrissoit Nature, lesquelles sans
 reformateur aucun, Loy & precepte, de leur bō
 gré & franche volonté, gardoient par grande
 veneration à chacun, foy, droit, & honnesteté,
 avec toute autre vertu duysible, à gents debon-
 naires & paisibles . Crainte n'auoit point lieu :
 car les peines n'étoient encores sur les rengs,
 pour la transgression du cōmandement, qu'en-
 core étoit incōneue. Encore certaines parolles
 pleines de menasses, & prohibitions grauées,
 en tables d'arain, & affigées en lieu publique,

ne cōtraignoient à obseruations , la gent simple, & traitable . Le visage graue & seuer du iuge rigoureux , encor n'étoit à horreur , faisant paour à la suppliante multitude des citoyens. Car ilz étoient sans iuges, proces, aduocats, plaideries, & sentences, bien seurs & d'accord. Superiorité & inferiorité, encores étoient musés, & rassis dans la spelonque des maux. Ils étoient tous egaux selon l'ordre de nature & raison. Encore le haut & gros Sapin, n'étoit par force descendu de sa montagne, & entré en la mer, pour aller en pelerinage, aux regions barbares & lointaines, decouvrir terres neuues. Nul ne s'occupoit au nauigations, à fabriquer nauires & galions, chacun étoit content de ce que luy apportoit sa prochaine terre, & ne sçauoit on plus loin que de son riuage. Les cités ouuertes, & villes patentes à chacun, n'étoient encores munies & remparées de profonds fossés-, imprenables renforts, bouleuers, & grosses fortresses. La trompette & le tabourin, n'auoient encore éueillé le furieux dieu mars, qui profondemēt dormoit, lon ne sçauoit que cettoit de harnois de guerre, de bataille, garnison, & gensdarmes. Car la pacifique gent, iouyssoit à souhait du delectable repos. Pareillement la terre qui étoit vierge, n'étoit encore souillée de sang humain, voire violée ni naurée de fer. Sans la contraindre par labourage,

elle de par soy, exposoit ses biens abondamment, à chacun par equalité. Suffisance contétoit les appetiz, des viâdes produictes sans travail, & moyen de l'homme. Le Soleil leur cuysoit les doux fruits, les vermeilles & humbles fraizes, leur étoient pour viandes delicieuses & exquises. Le tems ne se changeoit iamais: tousiours étoit serain, tousiours fleurs & fruitz ensemble, incessamment souffloit le gracieux & tiede Zephire. Lon ne sçauoit que c'étoit de froid & chaud: L'eau des ruyssèaux étoit laict, les grandes riuieres étoient pur vin, plus doux qu'Hypocras & Maruesie. Le Miel distilloit tout au lōg des arbres. La terre étoit tousiours couuerte de toute fertilité, & abondāce plantureuse. Et ce tems precieux, & d'incomparable suauité, dura tout au long du regne de Saturne.





A Pres que la plaisante & venerable vieillie du bon Roy Saturne, fut contrainte par la violence & oppression de son fils Iupiter, prendre le chemin tenebreux de la mort: succeda Iupiter, lequel reduit le monde souz sa puissance & main, & lors print sa naissance la lignée d'argent, non pas si noble, bonne & riche que celle de l'or, ne si aisée & plaisante. Car Iupiter de lors qu'eut prins le sceptre, & administration de la Monarchie: va retirer & abreger celuy perpetuel bon tems, le separant en quatre parties, en Printems, Esté, Autonne, & Yuer, & confina dans ces quatre tems l'an reuolu. Alors cōmença froid & chaud, seiche-
resse

resse & humidité, clair & obscur, soucy & peine
plaisir & douceur, pauvreté & richesse, Meum,
& tuum. Maisons commencerent d'estre con-
struites, non pas de prodigieuse sumptuosité
& prodigue opulence, mais sobrement & de
contentement naturel. Lors fut depucelée la
grande mere la Terre, & lui fist-on de longues
playes. Lon commença d'emprunter les trésors
de la déesse Ceres pour les ensevelir dedans la
terre. Les sauvages & fors taureaux furent lors
reduits en servitude, contrainctz prêter le col,
& gemir souz le ioug. Et ne tarda on gueres a-
pres que l'âge d'argent fut decedé, qu'on ne
donna place au tiers âge, dit l'âge d'arain, ex-
cedent en malice & mauuaitié, l'âge d'argent
son predecesseur, & lors cōmença lon à mettre
à bon escient la main au couteau. Cupidité la
nourrice d'iniquité commença à ietter ces al-
lumettes dans la fornaisie du cœur mortel, non
obstant que l'entédement humain n'étoit en-
core decédu de la haute étage de raison: enco-
re lon n'auoit pas mis la malque à amitié. Pro-
messe encore étoit de bō arroy, & n'étoit po-
ut rompue, fors vn peu écornée à vn bout. Ver-
gongne encore tenoit sa marque au front des
femmes. Bobance & Somptuosité étoient en
enfance, & à grand peine se sçauoient encores
habiller, iusques a ce que le dernier âge de fer
le dehonté, & d'iniquité rempli, eust gaigné le

fort, & pris d'assaut le ruyneux & affamé courage de l'hōme, par la trahyson de sensualité.

Le dernier âge dit l'âge de fer.



LE dernier âge conducteur & guide de tous maux, heritier & possesseur vnique de tout le monde, à son entrée aux vertus qu'auoient seruy sēs predecesseurs. Liura congé, & deliura les prisonniers & capitaux vices, & lez affranchit leur donnant grace de plenitude de pouuoir. Lesquelz furent tresbien receuz, & singulierement celuy déloyal conuoiteux & inextinguible feu d'auarice, qui tellement embrasa les fourneaux de l'apetit des gents, que conscience y fut brulée: & en telle forme defigurée, que depuis est cheute de pris, sans en

tenir grand conte. Les voilles alors commencerent d'étendre leurs bras & enfler leur sein, les pilotz & mariniers se vôt fier à l'eau, & aux ventz qui ne cognoissoient pas : le gros arbre vint sauter & trebucher dans la mer, la terre qui parauant étoit entiere & commune, commença à estre déchiquetée & mise en pieces, receuant limites & beffoies, par diuerses appellations & diuers maitres. Et non tant seulement fut content le déréglé desir, d'auoir de ce que amplemēt la terre germinoit, mais encore force fut d'aller au ventre & entrailles de la terre, & luy saigner la riche & maitresse veine: pour en auoir le sang. Alors le nourrissement & entretient de tous maux à estre de terre. Le fer à été en vogue pour exercer tout malefice sans punition: homicide à été receu, larrecin & détroussement ont entretenu les passages: lon à commencé viure de rapine, tellement que depuis l'hôte enuers son hôte n'est pas seur, le parent enuers le parent, vn amy à l'autre, le mary enuers la femme: brief pitié est prosternée & conculquée. Toutefois encore la redoutable vierge Astrée, vertu de iustice, n'auoit encore abandonné son siege, cōme les autres ses sœurs: mais voyant que malheur se dériuoit sur toute la face de l'vniuers, & que plus on ne tenoit conte d'elle, se banda les yeux pour ne voir tāt de maux, & remist son glaue à repos, & laissa

les terres se retirant vers son pere au Ciel.

*L'entreprinse & temerité des Geäts enuers le Ciel,
& de leur deiection.*



ET afin que la haute region ne se puisse vanter, d'estre plus en seureté que les parties inferieures, lon dit que les Geants mébruz & robustes filz de la terre, affecterent temerement le Royaume celeste, & le voulurent inuader par force: car tous d'une proterne entreprinse osèrent bien assembler les plus hautes montaignes de la terre, les rengeant l'une sur l'autre si bien que peu s'en failloit, que ne touchassent déia les cornes de la Lune. Mais Iupiter voyant telle audace & plus que hardie temerité, enuoya vers son forgeron Vulcam aux

fournaises d'Ethna, querir des plus gros & massifz foudres, & les leur enuoya par telle rudesse, que le haut môt Olympe de Macedoine en fut brisé. Les renommées montaignes de Thessale, Pelion, & Ossa furent desassemblées l'une del'autre par piece, & éclas. Et ces grâds & pondereux corps foudroyez, & opprimez de leur pesanteur étans étenduz, lon dit qu'ils arrosèrent grandement le sein de leur mere de sang noir & épez, duquel afin qu'ilz laissassent quelque memoire d'eux, furent procréés hommes sanguins & coleriques, mesprisans les Dieux: & n'aymans que meurtres & sang épandu faisant ample foy de leur origine. Ce que voyant le grand pere Iupiter fils de Saturne en fut bien marry, & en contéplât la malice du monde, se va arrêter sur la cruauté du tyrant Lycaon Roy d'Arcadie, & en va concevoir grandes indignations, & ires dignes de Iupiter.

Parquoy par son heraut Mercure fist conuoquer conseil, & appeller tous les Dieux, lesquels sans dilatiō vindrent au consistoire à ce destiné,

∞

B iij



Le conseil des Dieux pour detruire le monde.

Il y a vn chemin éleué en haut, lequel se manifeste en Ciel serain nommé Galaxia, cercle de laict : trefapparent pour sa blancheur, c'est le chemin, & par la passent les dieux quand vont au grand palais de Iupiter & maison royalle. Et des incontinent que les Dieux furent appellez & conuoquez par le heraut Mercure, ce chemin fut remply de Dieux tendans vers le grand conseil & palais de leur seigneur. Et ia se commençoit a ouyr le bruit de la multitude déia assemblée: car les maisons des nobles & puissans seigneurs, sont celebrées & frequentées à portes patentes & ouuertes. Et étans tous les Dieux dedans la grand salle,

chacun print son lieu selō son degre & titre, sur beaux & riches sieges de marbre. Et au plus haut & eminent lieu fut Iupiter tout de bout, appuyé sur son sceptre d'yuoire: lequel d'une grauité heroique pensa vn peu, regardant la terre, ce pendant l'on fist grande silence. Puis ietant ses yeux de l'un & l'autre côté, d'une seuerité ponderense, va mouuoir trois ou quatre fois sa redoutée & venerable barbe, par laquelle fait trembler la terre, la mer, & les étoiles, & d'un visage émeu & indigné va parler ainsi. Le tems, ô superieurs, que la lignée serpentine des Geants, pretendans chacun en son endroit ruer cent mains à nôtre empire celeste, comme bien sçauiez, ne me troubla si fort, ny mist tant de cures & sollicitudes en mô cerueau, que i'ay de present. Car combien que les Geants fussent ennemys terribles & cruels: toutefois la bataille d'une nation & congregation pendoit, & n'auoye affaire qu'à gens d'un lignage. Mais maintenant tout ce que le grand Occeane enuironne, est de pointe contre moy, & me deliure lon de chacun côté, les dures & grosses alarmes de rebellion & desobeissance. Parquoy détruire faut le mortel genre. Je iure les fleuves infernauz qu'il sera ainsi. Toutefois premierement faut essaier toutes choses, afin que les bons ne perissent parmy les mauuais: car la playe inguerissable du membre pourry

faut couper, afin que ne se corrumpe le demourant du corps & procede plus auant. I'ay la bas des demy Dieux des Rustiques, Faunes: Nymphes, Satires, & les Syluains monticolles, lesquels encore ie ne repute dignes qu'ilz soient receuz au Ciel, & du tout deifiez: parquoy les terres & habitations que leur auons données, laissons les leur posseder. Mais pensez vous, ô superieurs, qu'ilz soient assez seurs: veu qu'à moy, qui contient & gouuerne & le foudre & vous, le renommé tyrant Lycaon attendu sa trahyson, & m'a voulu inuader? A ces parolles tous les Dieux commencerent à murmurer & fremir, & requierent soigneusement qui étoit celuy pour en prendre punition.





Iupiter alors voyāt le bruit émeu par tout le theatre, va cōmander & de voix & de mains silence. Et quand le bruit fut appesé pour la grauité du regent Iupiter, reprint parolle, disant: Metez à part ce soin car Lycaon est deia de son fait recompencé. Nonobstant ie veux bien que sçachiez, & le delict, & la vengeance, l'infameré du siecle étoit deia par trop en noz oreilles. Laquelle desirant n'estre pas vraye, vouluz sçauoir la verité, si descendis de notre Olympe en bas, & souz forme humaine enuironnay toutes les terres. Trop faudroit de tems pour vous denombrer combien de maux par tout trouuois que lon commettoit, telle-

ment que l'exécrable malefice surmōtoit pres-
que toute verité. Déia i'auois passé la perilleu-
se montaigne d'Arcadie, la men allé giste à
bestes cruelles, avec les autres mons voisins,
Cyllene & le froid Lyceus, quand i'entray au
territoire du Tyrant, & prins logis en son cha-
teau: Et vers le soir ie donnay signe qu'un Dieu
étoit venu, tout le peuple commença reueram-
ment de me prier & adorer, fors le traistre qui
sen moqua, & proposa le soir venant d'essayer
si i'étois immortel, ayant deliberation de me
meurtrir en mon sommeil. Et non content de
cecy, vn des molossès qui vers luy étoient en
otages mist à mort, & la chair fit cuire pour
m'en seruir au repas. Mais quand serui ie fuz
de tel metz, plus mon ire ie ne peuz contenir,
que ne cominédasse au feu qui pres étoit d'en
prendre la vengeance. Le cruel voyāt le feu pre-
stement obeir à mon commandement, & met-
tre en execution par toute sa maison la ven-
geance demeritée, épouuenté print fuyte, & se
tira errant par les bois, & vrlant comme vn
loup qui déia à demy étoit tel. Et perdu auoit
parole, quand ses robes furent muées en peau
velue, les bras en cuissès: toutefois la blanche
vielleſſe qu'il auoit luy demoura, les yeux étin-
celants, & la mesme cruauté, & depuis l'ardeur
qu'il auoit de meurtrir, exercé enuers les sim-
ples brebis, & à ioye de sang espādu. Vne seule

maison a été détruite, mais vne seule maison seulement n'a pas été digne d'estre détruite, quand par tout vniuersellement regne inhumanité. Voyla ma sentence. Que sans delay le monde puny iouxte son demerite fera, & totalement détruit, & effacé. A ces derniers parolles eut grand' controuersie entre les dieux, & étoient fort differents en opiniōs: car plusieurs auoient compassion & douleur de la perte de l'humain lignage, d'autres approuuoient la iustice. Toutefois fut enquisse la forme de la peine, & par quelle sorte seroit la terre veue.

Outreplus se complaignoient les aucuns, qui seroit puis apres celuy qui mettroit l'encēs sus l'autel & sacrifieroit. A sçauoir mō si les bestes tant seulement possèderoient dorefnauāt toute la terre, & habiteroient par les belles citez & maisons royales: A telles demandes répond Iupiter: Iay assez de soucy & sollicitude de cecy n'en ayez crainte, car ie pouruoiray le monde de nouuelle lignée par merueilleuse naissance laquelle sera differente à cette cy. Et en disant ces motz, commanda aux Cyclopes de luy apporter multitude de foudre, car mettre il vouloit le feu aux quatre quarres du monde, toutefois vn peu apres s'auisa, que quand le monde seroit bien allumé & embrasé, le feu pourroit atteindre iusques a l'essieu du Ciel, & mettre les Dieux en dangier. Aussi se souuint que les

destinées auoient decreté, que le tems viédroit que tout le monde bruleroit: parquoy fist retirer les foudres. Et se pensa que mieux seroit si la totale destruction se faisoit par eau. Ce que d'un commun consentement fut acordé entre les Dieux.

Le deluge.



LOrs mist Bise en prison, & tous les vens seichans aussi, & laissa courir Nothus, & tous les vens qui sont pluye. Nothus affubla sa pluuiieuse chappe: si fist plouuoir, & venir eau bouillonneuse par telle maniere & si longuement, que tout le monde se commença à ébahir. Iris fut par l'air étendue pour l'eau des abimes reboire, & la répandre sur la terre,

tellement que tous les biens de la terre furent effondrez, & periz. A tant ne suffit pas à Iupiter car il cōmanda à Neptune le Dieu de la Mer: qu'il fist son effort pour la periclitatiō & perdition du monde. Neptune obeit tantost à son commandement, tellement qu'en peu d'heure sembloit de tout le mōde vne seule mer. Alors pouuoit on prendre les poissōns par dessus les arbres. La pluspart du monde fit Iupiter par l'eau perir, & ceux qui par eau ne furent mors, perirent de faim & de paour. Entre Achaye &



Thebes, auoit vne terre que iadis étoit plantureuse & riche, & la auoit vne montaigne la plus haute du monde, qui étoit appelée Parnasus. Sur ladite montaigne auoit vne paire

de gens, qui soigneusement adoroient & seruoient Dieu. L'homme auoit nom Deucalion, & la femme Pyrrha. Ces deux se mirent en vne petite nacelle, & par ainsi furent sauuez. Quand Iupiter vit tout le monde perir, & le preud'homme Deucalion & sa femme sauuez, il separa les nues, & fit la pluye cesser, & mer fist retirer en sa source, & chacune riuere en son endroit & lieu. Et puis fist Bise & Zephirus venten pour seicher la terre, ainsi s'apparurent les arbres sur la terre.

De la reparation du monde par Deucalion, & sa femme Pyrrha apres le Deluge.



Quand Deucalion vid le monde à plain,
il vint à sa femme, & en l'accollant luy

dit telles parolles: Ma douce Amye, vous m'aues tousiours esté loyalle, & m'aues tenu bõne compagnie: Nous sommes la mercy Dieu gardez de grand peril, en tout le monde n'est de mouré que nous deux seulemēt. Et sçachesque si vous fussies perie, ie me fusse noyé: car la voye de l'homme seule est maudite. Or nous conuient il auiser comment nous pourrons restaurer l'humain lignage. Lors commencerent eux deux moult fort à plorer. Apres conclurent d'aller requerre les diuins fortz, pour sçauoir par quelle maniere ilz pourroient repeupler la terre. Tātōt du lieu se partirent, & cheminerent tant qu'ilz vindrent au riuage de Cephisius, ou il prindrent de l'eau, & la sacrerent, puis en arrosèrent leurs vestures. Apres se mirent à la voye, & s'en vindrent droit au temple de Themis ou ilz trouuerent les huys ouuers, mais ilz n'y trouuerent feu ne lumiere, dont ilz peussent faire sacrifice. Ilz entrerent au temple, & feirent à la déesse leur oraison en telle maniere: O Themis treshonorée Dame, si par votre priere les Dieux du Ciel & de la terre, pouuoient estre amolliz & rapaisez, vueilles nous conseiller par votre debõnereté, comment nous pourrions l'humain lignage restaurer & reparer. Themis la déesse ouyt la priere, si leur transnit vne voix qui leur dit ainsi: Chacun de vous se desceinde la ceinture,

& enuelope sa teste de sa robe, & iette derriere luy les oz de sa grand mere. Deucalion & Pyrrha regarderent l'un l'autre moult ébahiz & émerueillez, de l'obscur respōce qu'ilz auoiēt ouye. Lors dist Pyrrha que les oz de sa grand mere ne prendroit elle pas, car l'ame perdrait son repos. Moult examinerent entre eux deux l'obscur sort, dont Deucalion dist: Amye, le sort que nous auons ouy, a autre intelligence que ne sçauons comprendre. Car notre grande mere est la Terre, & les oz sont les pierres, de ses oz entend Themis la déesse. Et ceux pour recouurer l'humain lignage deuons nous ietter derriere nous. Pyrrha s'appaisa vn peu à la raison de son mary Deucalion: mais fort dur luy étoit à croire cestuy sens. Lors se partirent du temple, enueloperent leurs testes, & otèrent leurs ceintures, puis prindrent les pierres: les ietterent & ruerent derriere leur dos, & les pierres s'amollissoient en peu d'heure petit à petit: & se formoient en forme de creatures humaines. Celles que Deucalion iettoit auoiēt forme d'hommes, & celles que Pyrrha iettoit auoiēt forme de femmes. Et ainsi fut l'humain lignage rétably, & restauré.

De la

De la vaillance & conqueste de Phœbus contre Python le grand Serpent: & des amours de Phœbus à la belle nymphe Daphné.



A Pres ce deluge du lymō pourry de la terre naquist vn Serpent de tresmerueilleuse grandeur nommé Pythō, lequel étoit si lōg qu'il comprenoit vn arpent de terre de longueur. Cestuy Serpent étoit tant fier & tāt orgueilleux, qu'homme de luy n'osoit approcher. Phœbus occist ce Serpēt de son trait. Et apres ce qu'il l'eut occis, il devint moult hautain & orgueilleux; pour ceste victoire, car le serpent auoit de longueur bien trois mesures de terre. Et en signe d'icelle victoire établit vn ieu, qu'il feist appeller la feste Pythia. Et étoit vne cour-

Olympe

Je de ieunes gens, & celuy qui mieux fueroit, auroit coronne de Nefflier, car en ce tems n'étoit point encore de Laurier, car s'il en eut été Phœbus l'eut porté pour la victoire qu'il auoit eüe. Et l'occasion pourquoy le Laurier vint premierement, ie le conteray presentement.



La premiere amour que Phœbus eut oncques, ce fut à vue nymphe appelée Daphné, Phœbus ayma celle nymphe, non par auature & demouât amour. Et ce auint par courroux de Cupido si comme ie vous conteray. Cupido s'en alloit iadis iouer: pour son tems passer & en soy ébatât comme vn ieune enfant qu'il étoit, auoit vn arc, & plante de flèches dans sa petite trouffe. Phœbus qui nouuellemēt tauoi

occis Python le grād Serpent, dont il se tenoit moult outrecuydé & fier, vint à Cupido, & luy dist ainsi comme par moquerie. Cestuy arc ne ces flèches ne t'aduiēent point: pas ne les dois porter deuāt moy: baille les moy qui suis grād & fort, & qui ay occys le Serpent Python, ie les dois mieux porter que toy, n'aussi tu ne te dois pas comparer à moy. Cupido fut lors durement courroucé à Phœbus, & luy dist: Sçache que ie te feray biē tost ma force sentir, sçauoir & apparcevoir, si mes flesches auront ne force ne vertu: car ie t'en cuyde par tēs si griueusement blesser, qu'à peine fera la playe curable. Alors Cupido s'en volla, qui tāt étoit courroucé a Phœbus que plus ne pouuoit, & s'assit sur le mont Parnasus. Puis tendit son arc, & tira deux flesches diuerses l'vne à l'autre. L'vne auoit pointe de fin or, & qui de celle étoit feru: il conuenoit qu'il aymast & fust amoureux & l'autre auoit pointe de plomb, & qui de celle étoit touché, il étoit entaché de courroux, plein de refus & de hayne. Cupido pour se vēger de Phœbus print la fleche dorée: & la tira droit au cœur de Phœbus. Celuy fut tantost épris de l'amour de Daphné, tellement que sans elle ne pouuoit viure ne durer. Puis print Cupido la fleche, & en tira au cœur de Daphné, & elle ne fist depuis que hayr Phœbus. Celle daphné lors étoit la plus belle nymphe du pa-

ys: & si n'auoit cure d'homme n'y de mariage ains étoit toute sa cure en chasses, & à seruir Diane la Déesse des bois qui vierge étoit.



Phœbus ardoit tout enflambé tant surprins étoit de l'amour de la belle Daphné, qu'il ne se scauoit maintenir. Il la poursuïuoit tous les iours par les bois & forestz. Mais c'étoit pour neant & sans raison: car celle à luy rien n'en contoit. Souuent Phœbus luy disoit telles ou semblables parolles. Helas dame ma tresdouce amie, ayes de moy pitié & mercy, comme de celuy qui pour vôtre amour viure & durer ne peut. Regardes amye, pas ne suis homme pour estre déprisé: car ie suis Roy des Iles de Delphe, de Claros, de Thenedos, & de Patha-

rec, & suis filz de Iupiter le souuerain Dieu, & suis le souleil qui tout le monde enlumine. Je ay trouué l'art de Medecine, de Phisique, de Musique. Mais tout mō sçauoir ne ma puisſance n'ont peu remedier enuers la tresgrieue & importable maladie, qu'amours me dōnēt, dōt ne puis guarison aucune auoir, si nō par vous.

La belle dame auoit mis son amour & entēte aillieurs, ne faisoit cōte des parolles ou prieres de Phœbus, n'a chose qu'il dist, ne prétoit son oreille, car elle vouloit sa virginité garder. Phœbus qui attēdoit & esperoit guarison de s'amy, & veoit que par priere, n'aussi par don ou promesse, ne la pouuoit conuertir ne auoir à sa volonté, si la voulut éforcer. Daphné qui s'aperceut, se mit à fuyr pour luy échapper. Et Phœbus se mit à courir apres elle, & de si pres l'aggressoit & approchoit, que la pucelle ne sceut plus que faire, si nō reclamer sa maitresse Diane, qu'a ceste extreme besoin la voulsist aider. Et tantost la déesse ouyt sa priere, si la cōuertit & mua en Laurier. Et quand Phœbus la vid ainsi muée, il l'acolla & baïsa, & luy dōna telle dignité, qu'en tout tems seroit verd. Et puis fit Phœbus des rainceaux verdz chapeaulx que dessus sa teste mist.

De l'amour de Iupiter à Io, & de la mutation de Io en vache, & du pasteur Argus qui la print en sa garde.



A Pres que Daphné la belle nymphe, fut trāsnuée en verd Laurier, Peneüs son pere la tīt pour perdue. Si en demena moult grād dueil, car il aymoït moult. Cestuy Peneüs, étoit aīsi cōme Dieu des eaus, & fleuves de la cōtrée. Il habitoit en vn lieu nōmé Tépe, du côté d'vne mōtaine nōmée Pindus: laquelle la riuere Peneüs court & est si roide & si tēpetueuse, que elle bruit, & écume merueilleusement. La étoit la demeure, & la maison du pere de Daphné. En ce mesme lieu le vindrent reconforter Sperchius portepeule, Empheüs le trauaillant Hepidanus le viel, Amphrysius le ioyeux, & Eas. Mais poīt n'y vīt Inachus, & la cause pour quoy, Inachus fut iadis Roy de Crete, lequel

eut vn fils & vne fille. Le fils eut nom Phoro-
neus, & la fille Yo. Iupiter vn iour alloit iouer
parmy le royaulme de Grece. Si vid la pucelle
Yo sur la riuiera de sō pere: de laquelle tātost
s'amoura: & de fait la requit de son amour, en
telle ou semblable maniere. O Vierge digne
d'estre cōiointe à Iupiter par mariage, tu es biē
henrée. Demande luy tandis que tu es en son
vmbre tout ce qui te vient à plaisir: & tu l'ob-
tiēdras, soit d'estre déessē des forestz ou des
chās: car ie suis celuy qui est seigneur par des-
sus le Ciel, & qui fais échauffer le soleil, & ar-
tréper à ma volōté. Ne crains pas ie te prie d'ē-
trer es cauernes des bestes cruelles: car ie suis
celuy qui tiēs le sceptre en ma main par dessus
tous les Dieux cœlestes: & qui de ma fenestre
enuoye en la terre, les foudres & tonnerres à
ma volōté: ne t'en fuis pas de moy ie t'en prie.
La pucelle qui fut hōteuse ne se voulut au dieu
consentir aucunemēt: ains de peur que force
ne luy fist, elle se mist à courir parmy la cham-
paigne de Lycie. Et ia auoit la champaigne
transpassée, quand le dieu pour la prendre &
retenir, fist suruenir vne grande obscurité sur
la terre. Parquoy la veüe de la pucelle fut telle-
mēt troublée, qu'elle ne vid où elle peut fuyr.
Ainsi la print Iupiter, & d'elle fist sa volōté &
la depucela. Peu de tēs ceste chose fut celée, car
Iuno s'en aperceut. Et quand elle vid la nuée si

obscurc estre sur la terre si soudainement, elle pensa de son mary ce qui en estoit. Si s'en alla parmy le ciel le querir mais point ne le trouua Elle decédit en terre, & tât fist que par sa puissance elle departit l'obscurité & les tenebres de la terre, a fin de son mary surprédre au fait.



Iupiter qui sceut que sa femme Iuno venoit mua la belle Yo en vache, a fin qu'elle ne pensast la verité du fait, ainsi qu'il étoit advenu. Et quand Iuno fut decendue, & venue en la presence de Iupiter son mary, elle luy demanda dont celle vache venoit comme celle qui y pensoit malice. Iupiter luy respondit en mentant, pour couvrir son meffait qu'elle venoit de terre. Dont ie vous prie & requiers

par amour, dist Iuno, que vous me la donnez. Quand Iupiter ouyt ceste nouuelle requeste, il ne sceut que dire, & fut tout èbahy : car de baillet l'amie à son ennemie ce luy sembloit trop grieve chose à faire. Neàtmoïs pour plus grand mal euitier, & pour l'oter de souspeçon, il la luy donna & otroya . Quand Iuno eut la vache à sa volonté elle fut fort ioyeuse en son courage: & de l'autre part elle eut grád' paour qu'õ ne la luy emblast, car de casséblable elle auoit été deceuë, & tröpée de Iupiter: pour laquelle cause elle la bailla à garder à Argus son vacher, car elle pensa que bié la garderoit. Cestuy Argus auoit en son chef cét yeux desquelz tãdis que les vns prenoient leur repos, les autres veilloient, & ainsi ne pouuoit on par nul lieu là aller que tantost ne l'apperceust. Argus print la vache par le cõmandemét de sa dame Iuno en garde, & la viuoit d'herbes ameres, & d'eaus troubles, cõme les autres vaches. Elle étoit liée par le col d'une corde: dõt moult luy déplaisoit. Elle donc ainsi malheureuse eut volontiers prié & requis mercy & pardõ à Argus mais elle ne pouuoit étendre les bras. Elle voulut parler, cõme acoutumé auoit: mais vne telle voix mist dehors, que mesmes elle s'en épouuenta. Auint vn iour que la vache alla sur la riuiera d'Inachus sõ pere, où n'aguere se souloit ébatre. Si regarda en l'eau: & quãd elle se

vid en forme de vache, ayant la teste cornue, elle fremit tout de peur. Ses compaignes ne la cōnoissoiēt, ne mesmes Inachus son propre pere, ne aussi ses sœurs. Yo fut moult dolente de sa mutatiō, mais amēder ne le pouuoit pour ceste heure. Inachus qui moult étoit courroucé de la perdition d'Yo sa fille, s'en alloit ébattre vn iour par la prairie, enuiron sa demeure, si vid celle vache côtoyer la riuere. Il la suiuit & pensa la contenāce & maniere d'elle & en cestuy pensement regarda en terre, & vid en la poudre, ou la vache auoit passié, le pié comme rond, & parmy vn traict y auoit pour la fente du pié de la vache. Lors se pensa Inachus, que le traict qui étoit parmy le rond, & le rondeau en laquelle signifioient ces deux lettres du nō d'Yo sa fille: & luy donna vraye approbation que c'estoit sa fille Yo. Lors Inachus acolla la vache, luy arracha des herbes, & luy donna à manger. La vache luy lechoit les mains, & ploroit moult triste de ce qu'il vçoit ainsi sa fille: luy commença à dire telles parolles.

Helas ma belle fille, ie ton miserable pere t'ayant tant quise par diuerses terres que ie t'ay trouuée. A dure & male heure partis de moy, certes tu fusses maintenant hautement mariée à aucun puissant & renommé prince: ce qui m'eust grand ioye été, & encores plus grande ez enfans mes neueux, qui de toy fussent

venuz. Si comme Inachus faisoit telz & semblables regrets, & plaintes sur la vache sa fille, furuint Argus, lequel rudement la luy tollit. Si l'emmena en vn lieu detourné, & se mist en haut dessus vne roche, afin que plus tost peust regarder & veoir enuiron de luy.



Iupiter qui toutes ces choses regardoit, ne peut plus souffrir s'amie estre detenue en telle vilité. Si apella Mercure son fils, & luy dit: Vois tu illec sus celle roche ce pasteur qui regarde sur celle vache, sçache que c'est Yo ma tresdouce amie. Va, & si fais tant par tes sciences & arts, que tu occise le pasteur, & deliure Yo m'amie de ses mains. Mercure au cōmâdemēt de son pere Iupiter s'appreta tātost & mit

ses piez en ses ælles, sa verge qui fait endormir
print en sa main, & couurit ses cheveux dorez,
afin que de nully ne fust connu. Puis decendit
en terre, mais tantost qu'il approcha du lieu
ou Argus gardoit Yo la vache, il se mist en sè-
blâce de Pasteur. Si print en l'vne de ses mains
vn baton, & vn flaiol en l'autre: puis s'en alla
vers la roche, où seoit Argus, pas apres autres,
moult soueuement flaiolant. Quand Argus
qui pas ne le connut, ouyt le doux son du fla-
iolet, il fut tant desirant de l'ecouter, que tout
sentr'oublioit de la garde à luy baillée de sa
vache. Et de fait requis à Mercure que il se
vousist seoir aupres de luy. Mercure qui autre
chose ne pretendoit, volontiers le fist: & com-
mença à flaioler tresdoucelement, & mieux que
parauant n'auoit fait. Et Argus luy demanda
où il auoit eu ce flaiolet, car il n'auoit onques
yeu le pareil. Mercure luy respondit en flaiol-
lant, pour le fol mieux deceuoir en telle ma-
niere.

*L'inuention du flaiol pour l'amour du dieu
Pan à Syringa : laquelle fut muée
en Canes.*



EN Archadie eut iadis vne tresbelle pucelle, nommée Syringa, fille d'un puissant homme, nommé Ladon. Maintenant est vne riuieré large en maniere d'un lac. Celle pucelle fut requise & aimée de maints hommes moult puissans, comme le dieu des vêts, le dieu des montaignes, le dieu des champaignes, & des Satyres, lesquels souuét auoit fait amuser. Elle habitoit en Ortige & étoit vierge de veneration comme Diane, & de tel attour : car ceux qui la veoient, cuidoiét d'elle que ce fust Diane proprement : car elle étoit ceinte comme elle, & n'y auoit autre difference, sinon que Syringa portoit vn arc ferré de corne, & Diane le portoit ferré de fin or. Pan vid celle pucelle

Syringa, qui du Terre de Lycie vint, & moult la requist & pria de son amour, en disant que volontiers la prendroit en mariage, si à luy se vouloit consentir: mais celle le refusa, & n'eut onques cure de luy, & afin, que force ne luy fist, elle s'enfuit vers la riuere Ladon son pere: & là s'arréta. Pan qui de pres la poursuivoit, se hata, en intention de la prendre, & de la déflorer: mais elle pria à ses sœurs que, sa forme luy fust muée, laquelle chose fut tantost faite: car quand Pan la cuida saisir, il print plein son poin de roseaux. Quand il se vid ainsi trompé & deceu, pour l'amour de la belle, il se print fort à soupirer, & fist de roseaux flaiiolets, d'où cestuy en est vn.

*La mort d'Argus, & de la translation
de ses yeux aux quenies des paons
qui trainent le chariot de Iuno,
& de la restauration de
la vache Io en femme.*



T Andis que Mercure en flaiolant raconta ceste fable, il endormit Argus, lequel clouyt tous ses yeux l'un après l'autre. Lors Mercure, qui autre chose ne pretendoit qu'à l'endormir en dormant luy trencha la teste. Quand Iuno sçeut que son pasteur Argus fut ainsi occis en son seruice, elle en fut tant dolente & courroucée, que plus n'en pouuoit. Si decendit du ciel en terre, & print tous les yeux, qui en la teste d'Argus estoient, & pour reuerence & honneur de luy, les mist en la queue de son oyseau nommé Paon, & de ce est il que la queue du Paon est ainsi encluminée en maniere d'yeux. Apres ce fist Iuno (qui tât estoit courroucée) la vache épaindre & chasser par tout l'yniuerfel.

monde, & couroit comme beste forcenée, mugissant & brayant sans auoir aucun repos, tant qu'elle vint sur la riuere du Nil. Illec s'agenouilla & dressa la teste vers le ciel, & reclama en gemissant son seigneur Iupiter, par lequel elle étoit ainsi muée & violée. Iupiter entendit sa priere. Si vint à Iuno sa femme, & luy priant comme il peut, que son maltalât luy voufist pardonner, par tel si qu'il luy promist que iamais n'auroit compagnie à elle. La déesse Iuno fut lors rappaisée, & luy pardōna la faute. Si reprint Yo sa forme, & retourna en sa premiere beauté. Puis elle s'en alla en Egypte, où elle fut tenue pour déesse. Et les aucuns l'appelloient Isis. Elle eut vn filz de Iupiter, qui fut nommé Epaphus.

Du debat qui sourdit entre Epaphus & Phaëton son compagnon, qui se disoit filz de Phœbus.

CEstuy Epaphus auoit vn compagnon de telle semblance & tout pareil à luy de aage, nommé Phaëton. Et étoit filz de Phœbus le dieu du Soleil, dont il s'en tenoit moult orgueilleux & fier. Lequel auoit Epaphus en dedain, & par son orgueil le vouloit suppediter, & souuēt le blamoit, & disoit telles ou semblables parolles: ô Epaphus tu es bien pauvre de sens & d'entendement chetif, quand tu croys tant les mensonges de ta mere, disant que tu es filz du grand Dieu Iupiter, & que pour tel te tiens

tiens. Et Epaphus luy respondit : Mais toy tu ne deuois estre si fier ne si orgueilleux comme tu es : car tu te faitz filz du Soleil, & tu ne luy appartiés en rien, ains es vn batard trouué, non sçachant qui est ton pere. De celle parolle eut Phaëton grand' vergongne, & se teut: mais en son cœur pésa que la verité brieuement en sçaueroit, ou il mouroit en la poursuite. Si se partit de illec tout prestement, & s'en alla vers Climene sa mere moult dolent, & luy compta de tout ce qu'Epaphus luy auoit dit à la verité, & puis commença Phaëton à prier sa mere moult humblement en telle maniere. Ma treschere & tresaymée mere, pour tout l'amour que vous auez en vers moy, & à tous les Dieux, dites moy la verité, si ie suis filz de Phœbus le dieu du Soleil, & m'en donnes telles enseignes que i'en sois acertené, & que mon pere me reconnoisse pour filz. Beau filz (respondit Climene, qui lors tendit les mains vers le ciel) Je te iure par le hautain luminaire du soleil, que i'adoue, que tu es filz du Soleil Phœbus qui nous éclaire, lequel t'engendra en moy. Et si croire ne me veux, sçauoir le peux de luy: la maison où il demeure n'est gueres loin d'icy. Quand Phaëton eut ouy la response de sa mere, il se leua tout ioyeux, & dist qu'il n'arreteroit iamais tant que certaines nouvelles en sçaueroit. Lors se mit Phaëton au chemin par l'enhortement


ment de sa mere, qui iamais plus ne le verra. Et
tant alla par ses iournées, qu'il arriva en Oriét
en la salle ou Phœbus habitoit.

Fin du premier liure du grand Olympe.



LE SECOND LIVRE

DV GRAND OLYMPE DES HI-
stoires poétiques. Lequel décrit la
triumphe de la salle de Phœbus.



LA salle de Phœbus étoit assise sur hautes
colomnes claires comme fin or, couverie

d'iuoir, ayant double porte d'argent, dont l'ouurage surmontoit la matiere. En ceste salle auoit Mulciber. entaillées eaus qui enceignent la Terre, & le ciel enuironnant le monde. Triton estoit en mer, & Protheus en terre, Egyon le geant, qui cheuauchoit les balaines. En terre étoient hommes peincts, bestes, nymphes, villes, &c. Par dessus ces choses estoit peinct subtilement la figure du firmament. Six signes auoit deuers dextre, & six deuers fenestre. L'enfant Phaëton vint là, & se tint loin de son pere douteux: car la lumiere ne pouuoit souffrir. Phœbus estoit assis en vne chaire noblement attourné. Enuiron luy furent de tous cotez les Ans, les Mois, les Semailles, les Iours, les Heures, & Minutes, & tous les siècles ordonnément. Printemps y estoit paré de diuerses fleurs. Esté y estoit tout nud, & portoit chapeau d'espyz en sa teste. Automne y estoit chargé de raisins & de fruiçts. Et Yuer plein de gelée, la teste chargée de cheueux gris, y estoit aussi. Au milieu de toutesces choses, seoit Phœbus, qui vid Phaëton en la salle deuant luy: lequel étoit tout ebahy. Si l'appella Phœbus, & luy dist. Beau filz, que fais tu là? Quand Phaëton foyt filz appellé de Phœbus, il luy respōdit: Pere, qui le mōde enlumines, si vous droitement me nommes, & veritablement par ce nom, & que vostre filz ie sois, ie vous prie

que vous m'otroyes tel signe & tel don , que chacun le croye fermement. Lors Phœbus abaissa vn peu ses retz, & l'enfant s'approcha de luy, si l'ébrassa Phœbus, & luy dit en telle maniere: Sçache de vray que ie t'ay engendré en Climène ma droite amye , & si te iure le palus d'enfer, que tu auras ce que tu demanderas.

La presumptueuse & temeraire petition de Phaëton à son pere Phœbus, pour regir son chariot.



Q Vaud Phaëton eut ouy la promesse de Phœbus son pere, moult orgueilleux en

fut en son courage, & pensa qu'il demãderoit don assez hautain. Si dit à Phœbus : Trescher pere ie vous demande humblement, & si vous requiers au nom du don que m'auez otroyé, q̃ vous me dōnes la charge du soleil àcōduire du tout à ma volonté, & que ie puisse mener & conduire vn entier iour les cheuaux du soleil.

Quand Phœbus oyt la folle requeste de son filz Phaëton faite, trop se repentit du don que fait luy auoit, & luy dist: Sçaches beau filz, que si ie pouuoismuer la promesse que ie t'ay faite, que ie le ferois volontiers. Comment oses tu demander telles choses? Tu as demandé bien ta mort, car iamais ne pourrois endurer la peine qu'il y conuient, & appartient. Nul homme mortel autre que moy ne le pourroit faire. Iupiter mesme, qui est nostre souuerain dieu celeste. & qui tout peut, ne le pourroit mener ny conduire. Moymesmes, quand si hault ie voy & dessouz moy la terre & la mer, ay grande frayeur & horreur. Et encores y a il autre chose: car le ciel tourne tousiours, & meine apres luy les étoiles. Si conuient il que ia pour le mouuement du ciel ne me déuoye. Or me dis comment pourras tu ce faire sans toy déuoyer? Attendu aussi que les cheuaux sont tant roides, qu'on ne les peut tenir quand ilz sont échauffez, & leur chaleur resplendist. Sçaches, que tost t'auroient surmonté &

détruit. Encores t'amonnesté & auise qu'il te faudra tantost passer par deuant les cornes du fier Thoreau, puis deuant la gueulle du fier Lyon, & apres deuant la queuë du fier Scorpion, pour lesquelz signes, si les cheuaux ne s'ont fort tenuz de leurs resne, ilz ont acoutumé de fremir, & eux epouuenter: ilz soufflent & fremissent si fort que moy mesmes ay grande peine de les tenir. Si que beau filz auise toy, & prens pitié de toy mesmes, tandis que tu as le choix & le loisir de ce faire. Bien sçay que grand desir as de sçauoir si tu es mon fils: & comme ie t'ay dit, bien en peux estre certain, car comme pere, pour ton bien ie te conseille que tu desiste de ta requeste. Phaëton pour chose que son pere luy dist ou conseillast, ne se voulut oncq' deporter qu'il n'obtint sa requeste. Pourquoy quand Phœbus vid ce, il luy dist: Puis beau fils que croyre ne me veux, sçaches que quoy qu'il me doie couter, tu l'auras, puis que promis te l'ay. Lors l'émèna Phœbus pour veoir le chariot, s'il s'en vouldroit ôter. Duquel les aix & le timon furent d'or fin, les gântiers furent dorez, & les raids argêtez: par lieux auoit chrysolites, émeraudes, topazes, & autres pierres précieuses qui par la reflexion du soleil rendoient grande clarté. Phaëton le regarda, & moult s'émerueillâ de la grande beauté qui en ce chariot étoit: mais onques pour ce point ne lâissa son opi-

nion, ains plus fort que deuant ardoit, & conuoitoit de l'auoir en son domaine.

Enseignement de Phœbus à Phaëton pour regir le chariot, & le conduire d'Orient en Occident.

A Tant commença à aparoir l'aube deuers Orient, qui chassa Lucifer & les autres étoiles deuant soy, qui derniere demeure en place au Ciel. Quand Phœbus vid le mōde rougir & l'aube éclaircir. Il appella les Heures, & leur commanda atteler les cheuaux au chariot, & tantost elles firent son commandement. Tandis Phœbus ioignit son filz Phaëton d'un oiignement precieux, afin que la chaleur ne luy nuisist. Puis luy mist les raids au chef. Et en soupirant luy amonnesta de tenir roidement les resnes aux cheuaux. Ne les hâtes beau filz. car grand traual est de les tenir parmy les airts. Ne va pas là où la voye est trenchée en trauers en la fin vers les trois zones. Et ne tiens pas le chemin vers Bise ne vers Boreas, qu'on appelle Aquilon: ains tiens le chemin royal, où la trace des roies de ce chariot appert. Et pour donner également chaleur au monde & au Ciel, ne va ne trop bas ne trop haut. Car en ardrois le monde si trop bas allois, & si trop hault, tu ardrois le ciel, ou brulerois. Seur seras par tenir le moyen chemin. Ne tiens pas la voye à dextre au serpent, ne celle à senestre.

au pol artic : mais va sagement entre deux. A dieu te commâde, dist Phœbus, & fortune te garde, plus loisir n'auôs de parler ensemble la nuit s'en va & le iour vient. Monte au char & prens les resnes, où tu te repêtes, & change ta folle intention, & retiens mon admonnestement tandis que tu as le loisir & le pouuoir, si me laisse mener mon char. Phaëton de ce ne voulut rien faire, ains s'est sur le chariot assis :

Si tient les resnes, & a le cœur moult ioyeux de son mal qui luy est prochain. Il remercia son pere : mais le pere qui n'auoit cure de ses mercis, sospiroit, & craignoit sa male aduenture, qui prochaine luy étoit.



Du mauuais gouuernement que fist Phaëton du Chariot de Phœbus, & de son trébuchement.



L Es cheuaux du soleil furēt tantost attelez, & étoient de telles couleurs. Pyrous étoit tout rouge, Eoüs étoit tout blanc, Ethon resplēdissant, & Phlegmō de chaleur. Ces quatre cheuaux sont pleins de grande fierté. Ilz heurterēt aux barres des piés. Et Thetis leur ouurit la porte, qui pas n'estoit certaine de son neveu, comme grāde mescheance luy étoit prochaine auenir. Quand les cheuaux furēt au chemi, ilz s'entirent tantost qu'ilz n'auoiēt pas le faix que ilz souloiēt auoir, & que point n'auoient leur maistre. Si s'emeurent & desuoierēt tantost, & le chariot print à saillir & à chanceler par l'air, ainsi comme feroit vne petite nacelle qui est vuide & sans conducteur par tem-

peste en la mer. Lors eut Phaëton grand doute quand il vid qu'il ne pourroit gouuerner ne maintenir les cheuaux, & qu'ilz courroient si durement. Moult se repentoit de sa folle entreprise, & ce fut trop tard. Car quand il se vid si haut vers le Ciel, & il regarda vers la Terre, il eut telle peur, qu'à peu que le cœur ne lui faillit. Et la lumiere des raids l'aveugla en telle maniere, qu'à peine il se veoit conduire. Et lors aymast mieux Phaëton qu'il n'eust onques veu son pere, ou au moins qu'il l'eust creu: mais trop tard étoit du repentir. L'une heure regardoit en Orient & l'autre regardoit en Occident tant qu'il vid en l'air vn grand Dragon, duquel il eut si tresgrande peur, qu'il s'oublia tout, & laissa aller ses resnès. Et quand les cheuaux se sentirent du tout à leur franchise, ilz se mirent hors du droit chemin, & commencerent à courir, sans tenir sente ne voye parmy le firmament. Si auint qu'ilz allerent trop bas, parquoy ils ardirent la terre en plusieurs lieux villes & chateaux, & la pluspart de la mer seicha. Lors perdit Lybie sa moiteur, qui est maintenant toute seiche & sablonneuse. Et les Ethiopiens prindrent lors leurs noires couleurs par la force de la grand chaleur: fontaines, puis & lacz tarirent & seicherent en diuerses parties du monde. Ceux de Thebes perdirent Dirce, ceux d'Arges Amymones, en Ephyre fail-

le Pyrene, en Esdoch Alpheus, en Mesopotamie Tigris, en Lacone Eurotas, en Ægypte le Nil, en Armenie Euphrates, en Indes Ganges, en Sirie Orontes, en Espagne Tagus, en Alemagne le Rhin, en France le Rhône, en Italie le Pau, à Rome le Tybre. Pas ne puis toutes les riuieres nommer, mais en quelque lieu qu'elles fussent, elles tarirent, & seiche-
rent. Neptunus eut grande peur, qui la mer veoit tarir, & la terre veoit ardoir. Et se complaignoit au souuerain dieu Iupiter en telle maniere: Beau sire Dieu souuerain, qui tout creas, ne vueille pas consentir que la machine du monde ainsi perisse: mais s'il te plaist que par feu soit détruite, allume moy, & espans de ton feu. Tu sçais que ie suis ordonné pour tout porter. Et ainsi si ie failloie il conuiendroit le monde faillir, car Athlas ne pourroit plus soutenir le monde.

La mort de Phaëton, & du dueil de sa mere.

Ainsi se deult & cōplaint Neptune, & la terre aussi, & Iupiter le souuerain Dieu ouyr sa cōplainte, & sçeut, & vid le grand meschef q au monde étoit. Si pensa cōment il y pourroit remedier: il n'auoit point d'eau au ciel pour éteindre le feu q par tout bruloit. Car le char q pas n'auoit tenu son chemin droit, & q aucune fois étoit allé trop pres du Ciel, l'auoit en telle maniere seiché, q l n'y auoit poit de liqur, nede

moiteur pour attrempier & moderer sa rage. Pource enuoya Dieu sa foudre & vn grand tonnerre, tellement qu'il cheut sur Phaëton, & l'occist sans en rien dommager les cheuaux, mais le char fut tout dépecé & rompu, tellement que rien ne demeura entier. Et les cheuaux pour la tresgrande frayeur qu'ilz eurent s'enfuyrent l'vn ça, l'autre là, & rompirent tout ce à quoy ilz étoient tenuz & liez. Ainsi fut Phaëton par sa grande outrecuidance occis, & foudroyé en terre de la hauteur du ciel. Si fut enterré en Eridamon, & écrit on sur la tombe de lay: Cy gist Phaëton, qui par orgueil voulut mener le char du Soleil.

Le dueil de la mere & sœurs de Phaëton, pour sa mort, & de leur Metamorphose. Et de la plainte de Cygnus, & de sa mutation.



Clymene pour la mort de son filz Phaëton, fut si dolente que plus n'en pouuoit. Si se mist à décourir par le monde, plorant & criant horriblement, comme hors de son sens, demandant à tous ceux que elle rencontroit, nouvelles de son filz Phaëton. Tant erra & chemina l'éplorée & folle, qu'elle vint en Occident, où elle trouua le tōbeau de son filz: & y vid vn epitaphe qui estoit dessus escript, qu'elle lisit, & recommença son dueil & ses pleurs. Les Heliades, Phaëtuse, Lamperie & Phœbe, sœurs de Phaëton qui illec suruinrent, demenerent aussi si tresgrand dueil, que par la grande destresse qu'elles menoient, deuinrent arbres. Quand Clymene vid ses filles ainsi en ar-

bres transmuées, lors n'y eut que courroux. Si recommença plus fort dueil, & plus piteux regretz que deuant. Et print les arbres à accoller, comme celle qui les cuidoit arracher, & emporter avec elle. Et elle en derompit les raims, & ainsi comme elle hochoit & corrompoit les arbres: elle dérompoit ses filles, tellement que tous les arbres en deuenoient sanglās, & crioient de la grande angosse. Les Heliades pleurerent leur frere Phaëton, sur Eridan, & furent en arbres muées: encores pleurent les arbres larmes, lesquelles deuiennent arbres, & flottent par le Pau, dont les dames d'Italie se fardent, & éclaircissent leur visage.

Cygnus, yn Roy de Lombardie, qui étoit extrait du lignage des Heliades, neveu de Clymene, filz du Soleil & de la nymphe Stelene, grand & puissant seigneur en Italie, fut présent à celle mutation. Et quand il vid Phaëton son frere de par son pere Phœbus estre par la sentence de Iupiter le souuerain dieu, ainsi fulminé & foudroyé, pour les feux desquelz il auoit enflammé la plus part du monde, plora tant & en si grande abondance, qu'il sembloit que de ses yeux saillissēt deux fleues accomparez au fleue d'Eridanus, & lequel venāt regarder ses sœurs qui muées étoient en arbres, comme dit est: & considerant le tresbuchement de son frere Phaëton, eut si grande frayeur au cœur,

qu'il fut subitement mué en vn blanc oyseau, qui est nommé Cygne. Et pource que Phaëton par trop haut monter, & par sa grande outrecuidance fut foudroyé, ne voulut onques depuis le Cygne haut voller: Ains se tient en bas dessus les eaus. Le col de Cygnus en sa mutation deuint long estendu: ses piez luy cloïrent & deuindrent noirs. Son corps deuint chargé de plumes blanches & nettes. Il hayt à merueille le feu, pource que son frere Phaëton, que tant aymoit, en auoit esté brulé, & fulminé. Et celle étoit la principale cause: parquoy il voulut depuis habiter enuiron & dessus les fleues & estangs: considerant que l'eau est le contraire du feu, & illec pour son frere gemist & souspire perpetuellement.

*La complainte de Phœbus sur la mort de son
filz Phaëton. Et de l'amour de Iupiter
enuers la belle Calisto.*



DE Phaëton auez ouy, auquel il mescheut par son orgueil, parquoy Phœbus fut si courroucé & si triste, & eut si grand dépit qu'il voulut mettre le monde en obscurité, pour ce que Iupiter auoit ainsi son filz brulé & occis. Tantost s'aveuglast & s'obscurcist, & le monde vint comme en tenebres. Lors dist Phœbus en se complaignant: Onques en iour de ma vie ne cessay d'auoir peine, sans aucun guerdon. Souffrir ne veux de moy plus trauailler pour servir le monde, qui le chariot veut mener, si le meisme pour donner clarté au monde. Et sil n'est aucun qui le sçache ou puisse faire, si vienne éprouuer son art & sa sçience, celui qui mon filz a foudroyé: pour ce q̃ mal se gouernoit.

Bien

Bien ſçay que ſ'il le menoit, il auroit le col ſi chargé qu'il luy prendroit pitié de moy, de ce qu'il m'auroit mon filz tollu & occis. Ainſi cōme Phœbus ſe complaignoit en regrettāt ſon filz Phaëton, toutes les deïtez celeſtes l'enui-
rōnerent à ſimple chere, en luy priant & requere
rant humblement, qu'il n'aueuglaſt le monde.
Iupiter luy meſmes l'en pria, & ſe nomma ſoy
excusant de la mort de Phaëton ſon filz, di-
ſant qu'il vaut mieux perdre vn ſeul homme,
que tout le monde periſt. Lors Iupiter qui uſa
de ſa ſouueraine puiſſance, luy diſt: Ne ſoyez
courroucé, ne ſi mal vueillant au mōde. Phœ-
bus allez, & faites vōtre ofice aīſi comme vous
l'auez acouſtumé, & que le ſoulies faire. Et ſi
obeyr ne me voulez, ſçachez que grieuement
& a la rigueur vous en puniray. Phœbus au cō-
mandement de Iupiter n'oſa contredire, ains
raſſēbla les cheuaux fort courroucé, leſquelz
étoient diſpars en diuers lieux, & qui tous trē-
bloient de peur, quand ilz virent leur maitre.
Phœbus moult les brocha & aguillonna, en
leur reprochant la mort de Phaëton ſon filz.

Le feu que Phaëton auoit allumé, eſtre finé
& éteint, & le ſiecle par Phœbus enluminé,
comme il ſouloit. Iupiter regarda par tout le
Ciel, ſi le feu l'auoit dommagé en rien, mais il
n'y trouua que reparer. Puis décēdit en bas, &
alla viſiter la terre, pour a point la remettre, car

moult endomagée elle étoit. Il vīt en Archadie pource que mieux s'y aymoit qu'en autre part. Et ce pour l'ocasion de sa nourriture. S'y reuerdit la terre, & réplist les riuieres, qui seiches étoient. Tandis qu'il alloit & venoit parmy céruy pays, il trouua vne belle & gente damoiselle d'Archadie. Et si tost qu'il la vid, il fut si épris de son amour, que nullement durer ne pouuoit. Ceste pucelle étoit apprinse de chasser aux bestes sauvages. Dart portoit, arc & carquois plein de flèches. Et étoit compagne à la deesse diane, la plus prochaine & la plus aymée d'elle, & tousiours étoit à sō côté. Mais humaine puissance ne peut auoir durée. Car Diane luy tollit tost sa grace, comme presentement vous orrez.

ON dit en vn commun vers: Amour de riche trop peu dure. Fol est celuy qui s'y assure. Plusieurs sont auourd'huy, qu'auōs veu depuis n'aguères, estre biē en la grace des grands & puissāns seigneurs, qui depuis en peu d'heure perdēt leur grace & biē veuillāce, & pour peu d'occasion chéent en grande honte, ainsi pour petit de chose, perdit la belle qui étoit nommée Calisto, l'amour de sa Dame Diane. Si vous diray pourquoy & toute la matiere. Vn iour enuiron heure de nonne que Calisto étoit trauaillée & lassée de chasser au boys la sauuagine, & de courir apres, entra en

vn boys, pour en l'vmbre se reposer, Et de-
tendit son arc, & mist ius son carquoys. Puis se



coucha sur la verdure, cuidant illec estre seu-
re. Iupiter la vid lasse & fougée, si se pensa que
lors étoit heure ou iamais d'accomplir d'elle
sa volonté, & que Iuno sa femme ia ne le
sçauoit. Et si elle par aduanture le sçauoit
(dist Iupiter) si n'en tiens ie conte, puis
que tems & lieu ay de faire chose qui me plai-
se, & point ne doute sa hayne. A tant s'en
alla vers la pucelle, & pour la mieux dece-
voir, print la forme & la contenance de dame
Diane. Puis s'aprocha d'elle & luy dist: Vier-
ge, belle compagne: tu as huy toute la iour-
née chassé & fort trauaillé ton corps, dont tu

es fort lassée. Celle qui le vid , & ouyt cuyda
vrayement que ce fust Diane sa Dame, si se le-
ua deuant elle, & luy dist: Treschere dame, plus
noble & plus vaillante deesse que Iupiter, s'il
veut si m'oye, ioye & honneur vous viene. Iu-
piter l'ouyt, car il estoit present, mais chose
qu'elle luy dist, ne luy dépleut: ains s'éiouif-
soit, quand en le déprisant la prisoit. Vers elle
s'aprocha Iupiter, si l'acolla & baïsa plus étroi-
temēt que vierge ne deust faire a vn autre. Plus
se trayoit vers elle que Diane ne souloit faire,
tant qu'elle luy vouloit dire ou elle étoit allée
chasser. Iupiter l'embrassa & la ietta sur l'her-
be où il la dépucela. S'elle eust peu, volōtiers
defendue se fust: mais rien ne luy eust valu. Si
Iuno l'eust sceu moins l'en eust haye par apres
Quand Iupiter eust de la belle Calisto sa vo-
lōté faite, il monta au ciel. Calisto fut dolēte
de sa mesauēture, & moult hayt le lieu depuis
ou elle auoit perdu son pucelage. Si se partit
de là toute ébahye & moult honteuse, & peu
s'en faillit que au departir qu'elle n'oubliaſt
son arc & son quarquoys.

A tant vint vne Dame Diane par les monta-
gnes, ses compaignes avec elle, avec grande plā-
tē de fauugine. Calisto la vid & moult se dou-
ta: mais quand elle vid les routes & cōpagnies
des autres Dames ensemble estre. Bien vid que
il ne luy conuenoit douter, si s'assembla avec

elles, Autruy qu'elle deffouz le ciel, ne ſçauoit qu'elle fuſt depucellée, mais il n'eſt choſe ſi ſecrete, qu'en fin ne ſoit reuelée, meſſait ne ſe peut celer, & touſiours cuide le malſaicteur qu'on ne parle de ſon meſſait. Ainſi étoit auis à Calisto, quand Iupiter l'eut depucellée, tant honteuſe & vergõgneuſe étoit, que perſonne n'oſoit à ſon viſage regarder. A ſa face étoit biẽ aparent, laquelle ſouuent rougiſſoit, & muoit couleur, qu'elle auoit été deſhonorée: car poĩt n'étoit ſi amparlée, ne ioyeuſe que deuant auoit acoutumé, ne ſi iointe au côté de Diane ſa dame, ne point n'aloit deuant ſi comme elle ſouloit, ains, ſe tenoit touſiours derriere.

Diane, ny ſes compagnes, ne ſ'en apperceuoient, à quelque ſigne qu'elle fiſt. Car point n'auoient telle choſe éprouuée. Ia auoit huit mois paffez, & grande partie du neuſieme, quand vn iour apres midy qu'il fiſt biẽ chaud & Diane qui pour le chaud de la chaſſe étoit laſſée. vint en vn froid boys, auquel auoit vne treſbelle fontaine. Lors diſt Diane à ſes compagnes, cy enuiron n'a repaire, & nully, dont douter nous puiſſions, ie veux que nous toutes nous baignions. De celle choſe fut Calisto moult dolente, car bien ſçauoit quand elle ſeroit deuétue l'on aperceueroit à ſon ventre, la verité de ſon fait. Les aucunes qui étoient ia dépouillées, & les autres

saillies au bain la dépouillerent vousist ou nō
& se détirent. Et lors vid & sçeut chacune à
plain, que elle étoit grosse, combien qu'elle
courist son ventre de ses mains, le mieux que
elle pouuoit. Pource Diane luy defendit, que
avec elle n'entrast au bain, ains sans arrest, s'en
allast hors de sa compagnie.



T Antost apres sçeut Iuno, que Calisto e-
toit deliurée, d'un beau filz que Iupiter
son mary auoit en elle engédré. Lequel moult
bien luy ressembloit, si fuz Iuno moult cour-
roucée sur Calisto: parquoy toute éprise de ia-
lousie decendit du ciel: & vint à Calisto, qu'el-
le accueillit de parolles moult orgueilleusemēt
en luy disant: Folle garse, comment fus tu si

osée ne si hardie, que mon mary me soubtrahis, trop te fias en la beauté de tō visage. Je la r'oteray & liureray à honte, adonc luy courut sus & la tira par les cheueux, & abatit à terre toute écheuelée : si la deffoula & traita villainement. Et celle luy tendoit ses bras & luy prioit humblement: mais sa priere ne luy valut rien: car Iuno luy tollist & ôta sa belle forme, & la mua en vne vieille Ourse. Pas n'eust cure qui lors l'eust veue qu'ōques à Iupiter, eust été amye. Quand elle cuidoit parler, vn si horrible son rédoit, que c'étoit pour soy épouuëter. Rien ne luy demoura que la pensée & l'entendement, de ce qu'elle eust onques premierement eu, continuellement se lamentoit, & telles mains & telz bras qu'elle auoit, tendoit vers le ciel, & se complaignoit en son cœur, de celuy qui l'auoit deflorée, & ôte sa virginité, par quoy elle étoit venue à icelle deshonneste beste, & auoit tout honneur perdu, & si auoit trop peu de son plaisir. Elle n'osoit demeurer seule au boys, ains alloit comme folle par les chams, & fuyoit deuant les chiens qui luy aboyoient & infestoient, sans auoir ayde ny secours de nul homme. Et si conuenoit qu'elle se déuoyast pour les autres ours, quand elle les veoit en aucun lieu : combien qu'elle fust fille de Lychaon qui fut mué en loup

Calisto fut quinze ans en ceste misere.



Archas son fils qui ia étoit grand & appert, té doit vn iour vne de ses reitz par ces boys pour prendre sauuagine. Si vid sa mere d'auenture, mais ne la recōneut point, & la mere le reconneut tantost. Si l'arresta quād le vid, & le voulut baïser & festoyer, mais l'enfant qui laïde la vid, & qui de son acoïntance cure n'auoit, cōmença à fuyr, & print son dart & le lança contre elle. Frappée l'eut en sa poitrine sans arrest: mais Iupiter qui l'auoit aymée, la defēdit de la playe & de mort, & ne souffrit qu'Archas la touchast, ains raut & porta au ciel le dart du iouuenceau & l'ourse ensemble. Encor y est appelée Ourse l'étoile enquoy Calisto fut muée.

Le courroux de Iuno & de la mutation de Calisto en estoille.

IVno auoit entendu que Calisto, qu'elle auoit en ourse muée, étoit translatée en estoile au ciel, & que plus ne luy pouuoit nuire. Elle fut si courroucée que plus n'en pouuoit. Si s'en alla aux dieux de la mer qui rreshonnement la receurent, & luy demanderent l'ocasion de sa venue. Celle leur dist en telle maniere: Ia ne vous celeray mon dueil. Dame & deesse souloye estre des dieux du ciel. Or ay ie maintenant contre moy maitressè qui veut tenir le ciel. Si tost que la nuit viendra bien pourrez apercevoir & voir si ie vous dy verité. Sept étoiles nouuellement assises pourrez voir au firmament pres du derrier esieu vers Septentrion dont dolente suis. A Calisto, qui mesfait m'auoit, auoye sa forme tollue & mise en ourse, or est étoile deuenue par Iupiter mon mary: dont ie suis plus dolente que si remise l'eust en sa premiere forme. Bien voudroye qu'il la fist royne du ciel, & me laissast pour elle. Quand Iuno se fut ainsi complainte: elle leur pria en telle maniere. Je uous prie, dist Iuno, que s'onques vous m'aymastes quen vòtre mer ne la laissiez descendre. Les dieux de la mer luy otroyerent prestement sa requeste. Puis quand Iuno les eut remerciez, elle s'en retourna moult ioyeuse au ciel. L'ourse est si-

chée au cercle du firmamēt, & commence son tour en septentrion, ne tant ne peut tournoyer qu'elle ne soit a l'oposite de midy. De ces sept étoiles dont ie vous dis, est apellée la region ou aparentes sont, septentrion, pour nombre de sept. Et ce feint, on, qu'en mer ne s'étende point: car pres du poit du iour sont assises ou le firmament fait son tour, si ne font que tournoyer enuiron, & en nul tems ne s'éloignent. Mais de celles perdrons nous souuent la veuë: qui du point sont loin & les voyons diuersement, selon la diuerse motiō du ciel, en diuerses saisons, & pource l'ourse à nom char tartif Car on la peut voir tousiours pres du point, le quel s'apelle Polus Articus, ou par semblance fait son tournoyement.

Après ce, que la requeste de Iuno fut confirmée, elle se leua en l'air en vn chariot que les paons tiroient qui nouuellement étoit peinte des yeux d'Argus. Le corbeau qui premierement auoit esté blanc, mais par sa ianglerie & raport mauuais, & par son non sçauoir deuint noir, passoit par là. Si vous vueil raconter comme ce luy auint, & pour quelle cause il fut ainsi mué en plumes noires.

Par ianglerie le Corbeau n'eut oncques depuis son corps beau.

EN Thessalie eut iadis vne belle pucelle & plaisante, née de la cité de Larissē nommée

Coronis qui alors auoit vn blâc oyseau nômé corbeau, lequel ayma priuément Phœbus. Cestuy oyseau aperceut vn iour Coronis sa dame qui du ieu d'amour s'ébatoit moins que hōnestemēt auecquesvn autre que son maistre Phœb⁹. Si se mist au chemin pour aller hastiuemēt dire à Phœb⁹, la nouuelle de ce qu'il auoit veu. La corneille le récontra, luy demāda ou il alloit si hastiuement: il dist qu'il alloit à son seigneur Phœbus telle chose dire de sa dame, dōr paraenture elle sera triste & hōteuse. La Corneille luy decōseilla d'y aller: car tousiours dit elle, viēt trop tost qui mauuaises nouuelles apporte. Et saches que tu pourras biē courroucer Phœbus, & si tu le courrouces t'en pourra mesfauenir: parquoy mesmes te peux mirer que toute verité n'est pas bōne à dire, ma loyauté ma fait dommage irreparable, se tu me veux ouyr & mes parolles noter, bien te pourras par moy chatier & retarder de ton entreprinse.

Iadis fuz toute maitresse de l'hotel Pallas, la déesse de force & de sapience, & elle m'aimoit moult bien, mais depuis trop me hayt & sans cause. Si te diray comment. Vulcan le depiteux villain, qui par sa l'aydure & difformité perdit la grace des dieux, qui la foudre de Iupiter forgea, conuoita & ayma par sa follie ma dame Pallas ma maitresse, mais de luy elle ne tenoit conte. Si auint vn iour qu'il la

voulut par force contraindre à son amour, & avec elle gesir, mais la dame si bié se defendit: qu'il ne luy peut aucune chose faire. Si s'espādīt son germe, dont s'engendra en la terre vn fils nommé Erichthonius, qui auoit corps de homme. & pié de serpent. Cestuy enfant mist en une boyte ma dame Pallas, & le bailla à garder en Athenes aux trois filles du Roy Cecrops. Si leur defendit étroitement & sur grādes peines, qu'elles ne ouurissent point la boyte. L'aysnée eut nom Pandrosos, la moyenne Herse, & la tierce Aglaros. Celle fut la plus mufarde des autres, car elle trespassa le commandement de ma dame & ouurit la boyte, si vit ce qui étoit dedans. Et moy qui étois rappie & mucée pour voir si elles trespasseroient le commandement de ma maistresse. Si tost que ie uy qu'elles l'eurent trespaslé, ie l'allay à ma dame Pallas dire, comme à celle qui moult luy cuydoie complaire, mais si tost que ie luy eudīt: d'elle fus si mal, qu'elle me defendit & dechassa de son hotel, si ne m'y osay onques quis voir.

Coronis pour rapporter mauuaises nouuelles fut mucee en Corneille.

L'Ocasion pourquoy ie suis corneille, dit elle au corbeau, ie vous diray. Iadis fus de rresgrand beauté, & euz nom Coronis fille du Roy Corone'. Je ne vouluz onques auoir mary



ains vouluz ma virginité preseruer & garder. Auint vn iour que i'allois sur la riuē de la mer m'ebatant, si me vit Neptunus tant belle, qu'il s'en amoura, & me requit d'amours. Et ie qui vouloye viure chastemēt n'en euz cure. Mais il me voulut efforcer, & moult se trauailla pour moy corrompre, & quād ie vy que ne pouuoie defendre ne courir, que tousiours il ne m'acōfuyuist, ie requis & suppliy à Pallas ma dame, qu'elle me vousist sauuer de ceste honte, & elle le fist : car elle me mua en vne corneille, & par ainsi fuz garantie & sauuée. Si ay tousiours depuis seruy ma dame, iusques à l'heure qu'elle me debouta & chassa, pour le dolent raport que ie luy fis. Si est & sert en mon lieu la chou-

ette qui n'ose voler fors que de nuit.

La naissance d'Esculapius prince de medecine, & de la mort de sa mere Coronis fille du Roy Coroneus de Grece.



Q Vand le corbeau ouyt le conte de la corneille, il la méprisa & dépit moult : & dist qu'il ne pourroit souffrir tel deshonneur à son seigneur, & qu'il iroit incontinent annoncer. Lors vint le corbeau à Phœbus son seigneur, & entierement luy conta la chose de la dame Coronis. Quand Phœbus l'entendit, tel dueil en eust, qu'à peu ne forcena. Il tédit tantost & benda son arc, & tira cōtre Coronis sa mie, qui grosse étoit de luy, qu'il assena. Elle sentāt le coup mortel, cōmença à crier en haut

disant: Héé mon trescher amy Phœbus ie pers
par vo'la vie, & cōbiē quelauoye assez deslertuy
en noz amours faussant. Mais certes auis m'e-
toit, que point ne dussiez auoir esté si harif, de
prendre si grieue punition, ains auoir attendu,
que deliurée fust du fruit, qu'en moy aues en-
gendré. Or en aues occis deux d'un seul coup,
dōt l'un étoit innocent. Quand Phœbus l'ouyt
si piteusement cōplaindre & regreter sa portée,
pitié luy en print, & moult se repentit & blama
de si hastiue vengēce. Grand dueil en fist, mais
de ce ne sçauoit à qui s'en prendre fors au cor-
beau qui les mauuaises nouuelles luy auoit a-
portées. Phœbus vint à samie qu'il trouua des-
ia morte. Si se pensa quel pas ne laisseroit le
fruit qu'elle portoit, si luy ouurit le costé, & en
tira l'enfant vif & sain, qui depuis fut moult
sage, & eut non Esculapius: lequel trouua l'art
de nigromance, & sçauoit tant de medecine,
qu'il faisoit les mortz resusciter. Phœbus
mist cestuy enfant en garde à Chyron qui biē
& diligemment le nourrist & endoctrina, &
Coronis fut par Phœbus arse, & la cēdre mise
en vn pot, & enterré en grand honneur. Le cor-
beau qui merite & guerdon attendoit de Phœ-
bus, pour la nouuelle qu'aportée luy auoit: fut
par sō courroux dechassé de luy, & en signe de
douleur, luy mua ses blanches plumes en noi-
res: & onques depuis ne fut veu blāc corbeau.

La naissance de Chyron le centaure demy homme & demy cheual.

E Richthonius l'enfant, creust & moult amenda en peu de temps, car Chyrō y mist grande peine & grāde cure, pour le grand merite & guerdon qu'il en attendoit de Phœbus: & à bref dire, si bien en pensa, qu'il luy aprint tout l'art de medecine qu'il auoit iadis aprins, sicomme la fable le raconte en ceste maniere. Saturne l'Empereur de Crete fut iadis son pere, & pource que Saturne sceut deuant la naissance de Iupiter, qu'en sa femme deuoit engédrrer vn filz, qui sa terre luy tolliroit, il quist engin d'auoir lieu propice ou retraire se peust, & dont desheriter ne le sceust: il se apensa que sa femme laisseroit, & autre acointance prendroit Saturne resolu en ceste opinion, s'acointa d'une belle damoyfelle nommée Philire. Mais pour la doute de Cybelle sa femme, & afin qu'elle ne cheust en ialousie, Saturne se mist en forme de cheual, & par ainsi deceust sadicte femme. Et en celle forme conceut en Philire Chyrō, demy cheual & demy homme. Ce filz ayma tāt Saturne, qu'il le fist immortel, & luy dōna diuine forme, & si luy aprint l'art de medecine, l'art de harper: & aussi la maniere de tirer de l'arc, & pource fut il appellé Sagitaire.

Le diuine.



CHyron par grand cure nourriſſoit l'enfant en vn trou en repos, car il attendoit grand merite comme dit eſt. Ceſtuy Chyron auoit vne moult belle fille, qui ſçauoit l'art de deuiner. La pucelle étoit nommée Ocyroë, quand elle vit l'enfant, elle ſceut tãtoſt qui luy étoit à auenir. Et luy diſt choſe dont abſtenir ne ſe peut. Enfant tu es de grande deité, tu ſauueras grande partie du monde, & feras mortz reſluſciter. Mais les dieux auront pour ce ſur toy enuie, & toy qui maintenant es immortal, feront mortel, & ſi ſeras par ton ayeul foudroyé, pource qu'il ſe courroucera de tagloire, & puis tu viuras par le fait de ton doux pere

Olympe

F

pardurablement : ainsi que par destinée viuras
 dois, veu que tu es de nature diuine, & si verras
 encores le venin du Serpēt, qu'Hercules occi-
 ra en l'eau, dont ton corps sera tellement sur-
 prins, que durer ne pourras de la grāde angoi-
 sē, tu prieras Hercules d'Espagne qu'il demeure
 avec toy, & l'hebergeras & toucheras ses
 fiesches qui sont entoxiquées de venin. L'vne
 te cherra sur le pié, dont tu seras fort blessé, &
 en souffriras long temps grand ardeur. Puis de
 ceste blesseure mourras, & apres seras deifié, &
 ton corps sera stelifié en vn signe celestiel, & ie
 feray muée en iument & viuray bestialement.
 Avec ce mot luy destourna la parole & la lā-
 gue, tellement qu'elle ne pouoit plus mot dire:
 mieux luy vauīst moins sçauoir, qu'auoir la
 maluellance de ce Dieu.

*Du bannissement des cieux d'Appollo, & de sa ber-
 gerie : & du larcin de Mercure, & de la trahison
 de Battus, & de sa punition.*

CHyron pleure & meine grād dueil pour
 sa fille Ocyroë qui muée étoit en iumēt,
 & qui belle forme auoit ainsi perdue. Dōt tous
 ceux qui l'auoient veue & cōneue étoīēt tous
 ebahis: car quand elle cuidoit parler, elle han-
 nissoit. A ceste besongne luy fut le secours de
 Appollo moult lointain. Et combien que pre-
 sent eut esté à ceste mutation, si ne croy-ie pas
 qu'il luy eust peu faire aucune aide, ne deffaire



les faitz de Iupiter : car Phœbus encores dolēt & courroucé de la mort de son filz Phaëtō que Iupiter auoit foudroyé, fist mourir plusieurs geans, qui forgeoient la foudre de Iupiter: dōt lesdieux & déesses l'exillérēt & bānirent des ci-eux, & luy tollirēt sa dignité. Adōc s'en alla cō-me chetif serf, sans aucū riche atour garder les bestes. Il auoit vn flaiolet, duq̃l il flaioloit tous iours parmy les chams, & s'ébatoit avec les autres pastoureux, à deduit de son flaiolet: & demenoit dāses & carolles, sans entēdre à ses bestes. Et avec ce auoit habit de pasteur, & si auoit vne croce de sauuage oliuier, pour garder & guider ses bestes. Vn iour vit Mercure le bestes de Phœbus vagabondes, & sans garde par les

champs de la cité de Pyliō, en Messenne: si les soustrahist par son enchañtemēt, & dehors du chemin les mist en vn obscur lieu. Ce larrecin ne vit nul, fors vn vilain de Pylion nōmé Battus, qui gardoit les cheuaux, auquel il pria que point ne l'acusast, & il luy donneroit vne vache blāche, telle qu'il voudroit choisir au troupeau. Le vilain luy respondit qu'il allast seurement: car ie te iure, dit il, que ceste pierre acuseroit plustost tō larrecin que moy, & luy mōtra la pierre. Lors luy dōna Mercure la vache, & puis se partit d'illec à tous ses bestes: mais il y retourna tantost en vn autre forme, & dist à Battus en telle maniere. Amy, as tu point nagueres veu par cy passer vn troupeau de bœufz: enseigne les moy si tu les sçaiz, & ie te donneray vne vache & vn veau. Quand Battus ouit la promesse qui mieux valoit que la premiere, il luy enseigna les bœufz, & dist qu'un homme qui n'agueres passoit par la les auoit emblez, & luy enseigna le val ou il les auoit mussiez & retraits. Mercure commença à rire, & luy dist par grand desdain. Faux & déloyal vilain, vous estes desia pariure, vous me trahissez: car ie suis celuy qui vous donnay nagueres la blanche vache. Lors mua Mercure Battus en pierre de touche, sur qui on essaye l'or, & depuis icelle pierre ne sert qu'à remonstrez.

La paix entre Phœbus & Mercure.

Q Vand Phœbus apperceut qu'il auoit ses bœufz perduz, il fut moult courroucé, & bien pensa que Mercure lesauoit emblez: mais il auoit ses sagettes emblées, pource qu'il dourtoit son trait. Lors fut Phebus plus dolent & plus courroucé que deuant, & plus ébahy, pource que Mercure par deux fois l'auoit deceu: mais Mercure par sa belle eloquence & douce parolle, fist tant à Phœbus, qu'il eut sa beneuolence & grâce. Et afin que son maltalant luy pardonnast, il luy donna sa harpe qu'il auoit faite, controuuée, & ordonnée de sept cordes, Et lors luy pardonna Phœbus, & luy donna sa croce, dōt guider & cōduire souloit ses bestes. Depuis Mercure apella icelle croce, caducée, & en fit maintes merueilles: car il fist de celle croce, maint mort viuifier & resusciter. Les vns endormoit, & les autres en éueilleit: & si en pouuoit les ames tirer hors d'enfer.

Le voyage que fist Mercure vers Athenes, & des amours qu'il y fist.

Q Vand Battus fut mué en pierre, Mercure laisse la terre ou ceste mutation auoit esté faite, pour la déloyauté que trouué y auoit, & sen vola par l'air en Athenes, ou il récontra d'auēture vne assemblée de ieunes pucelles, belles & gētes: qui du tēple de Pallas, venoiēt de porter sacrifices. Dont chacune d'elle portoit vn panier plein de fleurettes en sō bras. La



plus belle d'elles toutes, estoit Herse nommee. Laquelle reluisoit en beauté, outre & par dessus les autres, plus que l'étoile du iour par dessus toutes les autres étoiles. Quand Mercure vit la belle Herse, il fut si espris de son amour, qu'il delaisa son chemin qu'il entrepris auoit, pour aller avec elles. Mercure estoit tresbel homme, & si estoit tresbien aorné de tous habillemens. Un chapeau auoit par cointise dessus son chef, comme amoureux homme, aorné & paré de toutes fleurs, & ainsi coint & paré, se mist à la voie deuers l'hostel d'Herse: La maistresse maison ou elle demouroit, estoit couverte à volte d'yvoire: & s'il y auoit trois chambres, ou trois pucelles demouroient, qui estoient filles au Roy Cicrops. Celle qui demouroit en la dextre chambre, auoit

nō Pandrosos: Aglauros demeuroid en la fenestre: & Herse en celle du milieu. Aglauros apceut premierement venir Mercure. Celle étoit moult orgueilleuse & depite . Si demanda à Mercure assez orgueilleusement qu'il queroit là. Et Mercure luy respondit: Je suis, dist il, le messagier, truchemēt & poste des dieux. Point ne celeray mon vouloir. Je suis icy venu pour Herse ta sœur auoir en mariage . Par ma foy, dist Aglauros, point ne l'auras, car ie le deconseilleray à mon pere & à ma mere, si tu ne me dōnes grād auoir. Ia ne demeurera, ce dit Mercure, puis qu'il ne tient qu'à l'auoir. Lors luy en bailla Mercure tant, qu'Aglauros luy promist d'auoir sa sœur en mariage, comme il feist.

Le recours de Pallas à Ennie, pour soy venger d'Aglauros.

QVād la deesse Palas, vit la grād déloyauté d'Aglauros, q sa sœur védoit pour auoir, lors luy souuint du cōmandement qu'elle auoit trespasé, quād la boitte ouurit . Si se pensa que de tout ensemble se vouloit maintenāt véger, & que nul ne luy pourroit si biē aider à ce faire, que dame Ennie feroit. Celle Ennie étoit la plus laide & la plus décolouree figure du monde. Elle auoit puante alaine, & si étoit sa coutume, que quād elle sçauoit aucune personne auoit du bien, elle en auoit tel dueil, qu'a peine en mouroit. Tous maux & toutes



ordures vfoit . Elle ne viuoit finon de venin . Celle Enuie faisoit fa residence en vn moult obscur val & froid, ou soleil ne lune ne pouuoit luyre. La deesse Pallas vint à l'hôtel d'Enuie , qui moult étoit tenebreux & obscur. Si heurta à la porte: car dedans ne vouloit elle pas entrer. Enuie mangeoit lors ses entrailles, & beuuoit venin, comme celle qui d'autre chose ne viuoit. Quand la porte fut ouuerte , Pallas détournâ son regard arriere : car point voir ne vouloit la contenance d'Enuie, qui tantost se leua de terre ou elle étoit assise, & laissa les viandes serpentines qu'elle mangeoit, & s'en alla à lent pas deuers la deesse, soupirant de dueil & d'ire, pour le sens, pour la beauté, &

pour la bienheuteté dōt la deessē étoit pleine. La forme d'enuie étoit laide & plus hydeuse que décrire ne sçauroye, pâlé, & deffaitte comme femme malade. Toufiours regardoit de trauers. Elle auoit les dents pleines de rousse pourriture. Onques ne dormoit ne reposoit : pour penser ou pourchasser dommage d'autrui. Et quand elle veoit aucune bonne auenture venir à aucune personne, elle fendoit d'ire & de māl talant. Et c'étoit la chose qui plus la bleissoit & greuoit. Toufiours étoit médisant. Et combien que Pallas la hayst, toutesfois si l'apella elle assez de bonne sorte. Va, dist Pallas à Enuie, ie le te commande, en la riche cité d'Athenes, & prens l'vne des filles de Cæcrops, celle qui a nom Aglauros, Si luy fais porter la baniere de ta puante pourriture. A tant se partit Pallas sans plus dire. Et Enuie ne pouuoit mettre en refus son commandement. Et aussi bien luy plaisoit le mettre à execution, puis qu'elle auoit le commandement de mal faire. Lors s'apréta Enuie au plustost qu'elle peut, & sans arrester print vn tortu baton d'épine, environné d'éguillons moult poignants, si s'en alla vers Athenes, couuerte d'vne obscure nuee. La punaisie qui yssoit de son aleine, hōniffoit & enuenimoit citez & chateaux par ou elle passoit. Tant erra dame Enuie, que la cité d'Athenes vit pleine de grans noblesses, de

jeux, d'ébatement, de paix & liesse, de sens & d'auoir. Et à peine s'abstint de plorer: car rié n'y vit q ne luy despleust. Elle vint deuant Aglauros, pour le cōmandemēt de dame Pallas acōplir. Si luy emplist le courage, & routes les entrailles de venin, & luy chāgea sa nature en tel le cōdition qu'elle auoit. Et pour la pl⁹ greuer, luy mist au deuāt Herse sa sœur à l'œil, qui tāt estoit preude & sage, & qui si riche mariage auoit fait du dieu Mercure, qui tant l'aimoit & prisoit. Et quand Aglauros la regardoit, à peu



que le cuer ne luy creuqit de dueil. Trop luy greuoiet les biens qu'elle veoit auoir à sa sœur. Elle ayma mieux estre morte, que de voir sa sœur auoir tant d'honneur & de reuerence, ne

qu'elle eust tât de biens . Moult pësoit & proposoit d'elle greuer s'elle pouuoit . Vn iour étoit la porte close & celle étoit au guichet assise, & occupoit toute l'étrée. Mercure qui par là passoit, pria qu'elle se tirast d'un côté, & qu'elle le laissast passer. Celle respōdit que non feroit, & q̄ de là ne se mouueroit . Lors dist Mercure en courroux: Je prie à dieu q̄ à tousiours y puis se tu estre, sa priere fut tostouye: car quand Aglauros se cuida leuer, elle ne se peut mouvoir. Et aïsi elle y demeura iusques à tât q̄ elle mourut: & quād elle fut morte, si fut muée ē pierre.

Q V A N D Mercure se fut ainsi âpremet d'Aglauros végé, il se partit d'Athenes, & s'en vola par l'air à Iupiter son pere , qui l'apella pour l'enuoyer à vn siē message: mais pas ne luy dist ce qu'il proposoit de faire. Va beau filz , dist Iupiter à Mercure: & si maine les bœufz du riuaige que tu vois paistre en la montaigne. Mercure sans delay fist son commandement.

La trahison de Danaus qu'il cōmist enuers les filz de son frere mariez à ses filles cinquante, & de la noblessē de Hypermestra, qui sauua son mary.

C E pendant Egistus filz d'Epaphus d'Egypte, qui auoit cinquante filz, desquelz moult se tenoit seur d'estre par eux auancé, & Danaus son frere auoit autant de filles. Ces deux freres tenoient vn seul royaume . Mais ilz. étoient en discord , pource que chacun

d'eux vouloit auoir la principale seigneurie. Mais en la fin ilz s'acorderent par telle condition, qu'ilz assembleroient ensemble par mariage leurs cent enfans, & en feroient les noces tout en vn iour. Ainsi le cuida Egistus : mais Danaus eut vne autre pensee. Point n'est d'huy ne d'hier, que trahison est commencee. Le premier qui naquit de mere, tua son frere par trahison. Danaus fut traistre, si pessa que ses gendres enyureroit le iour, & si donneroit à vne chacune de ses filles vn couteau trenchât, pour couper les gorges à leurs mariz & cousins, & leur dist que chacune occist le sien, quand ilz feroient endormiz. Et celle qui faudroit, fust seure de mort. Grandes furent les noces des cousins & des cousines. Helas poit ne sçauoient les épousez, que Danaus leur oncle & beau pere fust si malueillât. Quand ce vint à la nuit, que les mariz furent tous endormiz, chacune de ses filles occit son mary, excepté Hypermestra, qui tant fut franche, que trahison ne voulut faire.

QUAND Hypermestra entédit l'horreur & la frayeur, les sanglotz & soupirs des mourās, que ses sœurs auoient occis, comença à plorer. Grand angoisse à son cueur auoit de son mary, qui plein d'yresse dormoit de côté elle en son lit. Commandé luy étoit, qu'il dormât l'occist, sur peine de la mort. Si se commença à laméter, & complaindre en ceste maniere. Helas, dit

Hipermestra, chetive q̄ ie suis, onques en iour de ma vie ne sceu qu'est meurtre ne trahison. Commettray-ie tel horreur en mon cousin, mon amy & mon espoux? Ouy, mō pere qui si mauuais est & si inhumain, m'a dit qu'il moccirait moy mesme, si ie n'acōplissoye son cōmandement. A ce mot se dressa Hipermestra à l'instant: si print le couteau en sa main, & en eust occis son mary, si de peur & de pitié, le couteau ne luy fust cheut de la main à terre. Lors recōmença à faire ses regretz derechef. Comment, dit elle, occiray-ie mō cousin & mon espoux? Ia n'en souilleray n'en sanglanteray ma main. Puis dist: Hee seray-ie la plus pitoyable de mes sœurs, chacune a desia occis sō mary, & pourquoy ne fais-ie ainsi comme les autres, en occiant le mien? Pour rien ne l'occiroye, ains ayme mieux perdre la vie de par mō pere, que luy ôter la siēne. Qu'elle chose m'a il mesfait, ne ses freres aussi qui sont mortz? L'ont ilz desseruy pour maintenir leur royaume qui leur appartenoit de droit? Certes nēny. Et silz l'auoient desseruy, si n'ay-ie pas talent d'estre homicide ne meurtriere. Ia a Dieu ne plaise que moy qui suis pucelle, soye meurtriere de mon espoux.

A I N S I plouroit Hipermestra, soupiroit & trembloit de peur pour son mary. Et en fin à basse voix l'apella & éveilla: puis luy dist: Lin^{er} mon doux amy, tous voz freres sont ia mis à

mort, & aussi seres si vous demeurez icy, tant q̃ le iour vienne. Prenes hatif cōseil de vous sauuer: car par le cōmandement de mon pere, sōt to⁹ voz freres mis à mort de ceste heure. Quād Linus ouyt dire ces parolles, il fut moult effrayé, attendu qu'il venoit de dormir. Si dist à Hypermestra: Ma douce compagne, & qui les a occis: Et vous q̃ voulez vous faire, qui tenes encores le couteau en la main? Amy, dist elle, si de vous sauuer ne penſes deuant que mon pere vous treuve, il vous conuiendra mourir. Lors print Linus congé de ſ'amye, & ſ'enfuyt pour doute de la mort, qui prochaine luy estoit. Et Hypermestra demeura seule dolente & éplorée iusques au iour q̃ le felon mauuais & cruel roy se leua, & avec tous ses sergés alla chercher en toutes les chābres ses gēdres mors vn à vn. Et tous les trouua mors, excepté vn, cestoit Linus le mary d'Hypermestra. Lors luy demāda q̃lle auoit fait de son mary, & pourquoy mort ne luy rédoit comme les autres. Hypermestra qui moult ébahye fut, respōdit à son pere qu'il ſ'en étoit fuy, & qu'il l'auoit mesmes voulu occire. Lors la print le roy par les cheueux, & moult la traita inhumainemēt. Puis la fit ietter en vne obscure chartre, & exilla le viel Egist⁹ sō pere, & Lin⁹ ſ'é estoit fuy, ie ne ſçay ou, pour garantir sa vie. Et ainsi Danaus le traistre eut tout le royaume en son gouuernement: mais

ainsi que l'autorité dit de la possessiō. De chose mauuaise mēt acquise, ne doit iouir son tiers hoir. Ainsi ne demeura gueres, que Linus q'eschapé étoit tellemēt ne l'assaillit, qu'il luy tollit son royaume, & la vie, faisāt telle iustice de luy qu'on deuoit faire d'un traistre. Et pareille mēt fist il de toutes ses filles, q' ses freres meurtry auoyent, fors Hypermetra sa bonne fēme, qui l'auoit guarāty de mort, pour la déloyauté de ses filles, elles sōt toutes en enfer à dueil & à honte, & à perdurable tourment, & ont empres elles vne besongne, qu'elles ne peuuent acheuer n'acomplir, c'est qu'elles cuydent emplier les crybles que chacune porte aupres d'une caue pour épuiser & vuidier le fleue: mais elles ne peuuent leur folle entreprinse parfaire: car tousiours puisent, & en vain se trauallent, & ainsi sont en peine pardurable.

Le raiissement d'Europe, fait par Iupiter en forme d'un Toreau.

Mercure le messāger desia auoit les bœufz menez de la prairie en la mōtagne: illec se souloit ébatre Europe avec les pucelles. Son pere étoit nōmé Agenor le roy de Sidone, & étoit moult puisāt & riche. Il auoit de sō épouse trois filz, & vne fille de tressouueraine beauté. L'un eut nō Fenis, cestuy fut roy de Fenice. Le secōd eut nō Cilix, leq̃l fut roy de Cilice. Ces deux nōmerēt les royaumes de leurs nōs. Et le tiers filz eut nō Cadmus, qui premierement é-



crit le langage des Grecz. Ces trois filz furent
 vaillants & puissants hommes. Or vous diray
 d'Europe qui tant estoit belle, que nature à la
 former n'auoit rien oublié. Celle ayma Iupiter
 tant & si fermement, que pour elle laissa sa for-
 me diuine, & mist sa deité toute en nōchaloir.
 Celuy q. d'amours est espris, n'est pas du tout
 a son vouloir, nonobstant qu'il soit de hautli-
 gnage: amour veut les ayman asservir, & si ne
 veult estre serf. Contraires sont amours & sei-
 gneurie, tellement qu'ensemble ne peuuent
 estre bonne compagnie. Amour est franche &
 debōnaire, seigneurie est dangereuse: orgueil-
 leuse & dépite: & veut qu'ō la serue & craigne.
 Mais amour veut qu'ō soit debonnaire & ser-
 uiable,

uiable, & si veut auoir pareil, & non maitre. Iupiter qui de tonner est expert, & iette foudre par tout le monde, quand il luy plaist, auoir ne peut force contre amour, car amour le mist en tel estat, qu'a autrui luy cōuint obeyr. Pource ne doit on auoir en merueilles, si aucun aymāt est assorté par amour. En vne prairie pres du riuage de la mer, passoit la vacherie royalle, & le dieu qu'amours suportoist laissa sa diuine forme, pour le deport de la belle Europe. Si deūt bœuf; & se maintint cōme vn bœuf, pour à l'amour d'icelle paruenir. Cestuy beuf, étoit tout blāc & de trébelle forme, & plaisāt à regarder. Il étoit simple & sans desroy. Moulte s'ebahist Europe de la grād beauté de ce bœuf, & de la simplessse qu'elle y vit, & moulte se delectoit a le regarder. Et si par vergōgne ne l'eust laissē, elle de la main l'eust touchē. En fin prit Europe hardiment en elle. Si s'aprocha du toreau, & luy dōna à māger. Et Iupiter qu'amours tenoit en son dāger en semblance de toreau, luy lechoit & baisoit les belles & blāches mains. Et moulte s'ecioissoit du present qu'elle luy faisoit, & s'euirō deux n'eussēt été autres, il eut parfait d'elle sa volōté & desir: à peine s'en pouuoit il abstenir. Moulte se deduysoit & déguisoit le toreau pour la belle qui le tātinoit, & qui chapelletz de fleurs luy donnoit, & mettoit dessus ses cornes. Si alloit par l'herbe comme les autres

boeufz paissant. Et tant enchanta la belle qu'elle ne le cōnoissoit point, monta sur son dos, & le toreau pas à pas la porta iusques à la mer: puis se bouda dedans & se mist à nager, portant sa proye sur son dos. La pucelle mouls'ébahit & déconforta, & regarda le riuage, & ses pucelles criās & plourans apres leur dame qu'éporter veoyent. La pucelle se tint aux cornes de la main senestre, & de la dextre se tint sur le dos. Le dieu s'entremist tant à nager qu'il arriva en Crete. Illec reprint sa droite forme Il découuirt à Europe son courage & ses amours, & puis la depucella, & engédra en elle Minos, qui toute la crete tūt & en fut roy toute sa vie. Si la fable ne ment, par luy sont faitz d'enfer les iugemens, & donne à chacun selonc ce qu'il a desseruy. Iupiter nōma la tierce partie du mōde, en l'honneur de l'amyce, Europe. & luy en fit present.

Fin du second Livre.



LE TIERS LIVRE

du grand Olympe des histoires
Poëtiques.

*La peregrination de Cadmus, & de l'oracle qu'il
eut d'Apollo, & de la mort de ses compagnons.*



I Vpiter tenoit Europe s'amyé en Crete en sa
salle royalle, & auoit mis sa forme de toreaux
ius, & repris son diuī atour, & se deduisoit illec
auec elle, en grand ioye, liesse & soulas. Quād
Agenor sceut & cōneut, qu'il auoit sa dite fille
Europe pdue, il apella Cadmus sō filz, & luy cō
māda qu'il allast p toute la terre chercher sa seur
Europe & étroitemēt luy defēdit de iamaīs ē sa

terre retourner, & avec luy ne ramenoit sa sœur Europe. Cadmus en obeïssant au cōmandemēt de son pere, s'atourna au mieux qu'il peut, & puis se mist en chemin moult èbahy: il ne sçauoit quel chemin il deuoit prendre ne retenir, pour recouurer Europe sa sœur. Et si n'osoit retourner en sa terre, se retrouvée n'étoit. Cadmus mist grāde peine & grād trauail afin que trouuer la peut, n'ensuyuir, ou prouuer les larcins & faitz de Iupiter. Tout premierement il s'en alla au tēple d'Apollo, pour cōsulter & enquerre quel chemin il deuoit tenir. Il eut respōse qu'en sa voye il trouueroit vn ieune bœuf qui onques n'auoit porté le ioug de la charrue qui le suyuiſt: & au lieu ou le verroit arreſter il fiſt son manoir, & illec edifiast vne cité qu'il apeleroit Bœocie. Cadmus ioyeux de la respōse, rendit graces & louanges aux dieux, & se partit d'illec: mais il n'eut gueres longuement erré, que deuant luy vit le bœuf en son chemin comme le dieu Apollo dit luy auoit, il se mist à aller apres luy, & le bœuf tint la voye entre le gué de Cepheſius, en delaiſſant la terre de Panopeye. Et quand il aperceut celui qui le ſuyuoit, il ſ'arreſta, & a terre se coucha en l'atē dant, & dreça ſes cornes en haut deuers le ciel, en mugissant à haute voix. Quand Cadmus vit le bœuf couché, il en fut moult ioyeux, car il auoit illec trouué la fin de son exit. Si en

baïsa la terre, & salua les montaignes d'environ. A Iupiter veut sacrifier, afin qu'il luy donnast bonne auanture de son voyage, ses gens & compagnons enuoya à l'eau viue à vne fontaine qui étoit dedans vne vieille forest pres d'illec, pour nettoyer le sacrifice: & ceux firent tantost son commandemēt. Quand ceux cuyderent en la fontaine puyser de l'eau vn serpēt de terrible grandeur & iaune, pour le grand venin dont il étoit plein, qui auoit trois testes & trois ordres de dents, étoit mucé & en repos en la fontaine. Lequel quand il entēdit le son des potz ou ceaux puiser, il saillit hors, & assaillit les seruiteurs de Cadmus: & les deuōra tous, & mist a mort.

La vaillance de Cadmus contre le serpent, qui luy auoit tué ses compagnons.

TAnt attendit Cadmus ses gens, qu'il fut noire & obscure nuit: & moult s'ebahissoit de leur demeure, & ne sçauoit qu'elle cause les detenoit illec si longuement. Il étoit biē armé d'un cuyr de lyō fort & dur à merueilles: & si auoit en sa main vn dard moult fort trenchant & affilé. Si se mist a chemin pour aller querir ses compagnōs au bois, mais il les trouua tous mors & occis, & le serpēt étāt sur leurs corps, pour le sang succer. Moult fut Cadmus hardy, quand il ne se épouuenta de la grādeur du mōstre. Il passoit celuy de grādeur qui de-

part l'ourse du ciel. Il n'est homme mortel que du regard d'iceluy, seulemēt ne d'eust auoir



grād' peur & horreur. Cadmus l'assaillit moult hardiment, sans rien soy esbahir, & l'aila ferir d'vne grand' & pesante massue sur le dos. Mais sa dure écorce le preserua & garātīt, telle mēt q̄ ce coup ne luy fist aucū mal. Toutefois le coup fut si roide, quil deust auoir froisēvne tour, s'ainsi l'eust atainte. Al'autre coup le ferit Cadmus d'vn dard d'acier en l'échine si roidement, quil luy fist vne grande playe dedans le corps. Adōc se print le serpēt à fremir d'agoisse, & regarda sa plaie. Si print à mordre le dard de grād ire, & tāt fist que le fust en tira. Mais le fer y demoura, moult se demenoit horriblemēt

& enuehimoit, allumoit, & fort écumoit. Si fai-
soit trébler la terre d'euirō luy. L'alaine qui du
corps luy failloit, bruloit & seichoit fleurs &
arbres. Il se defédoit en si grād courroux, qu'il
abatoit tout ce qu'il rencōtroit : mais Cadmus
qui expert étoit & legier, luy lançoit l'épieu
qu'il tenoit en sa dextre maī, & la targue qu'il
tenoit en sa fenestre. Le serpēt sās cēier l'assail-
loit moult enflammé, & Cadmus se defendoit
moult vigoureušemēt, cōme preux & vaillāt
qu'il étoit. Quand le serpēt luy couroit sus de
ses dens, il receuoit sa morsure avec sa lance.

Qu'iroy ie faire long conte? Cadmus lança &
ébranla son glaiue pat si grand vigueur, que
quand le serpent sentit la rigueur du fer il se
print à reculer. Et lors le hasta Cadmus de si
pres, que contre vn chesne le aculla, tellement
qu'il ne se pouuoit plus remouuoir: Soubz la
pesanteur du serpent conuint l'arbre ployer.
Moult fut ioyeux Cadmus, quand il eut le ser-
pent vaincu. Si le regarda & s'ébahit moult:
car il étoit merueilleusement hideux & terri-
ble à regarder.

*Cadmus seme les dens du serpent, & naissent gens
d'armes, lesquelz s'entretuent.*

NE demeura gueres qu'une voix soudaine-
mēt vīt à Cadm⁹, & ne sçeut qu'il luy dir
ainsi. Cadmus, ne t'eiouis point trop pour le
serpēt que tu as occis & déconfit: car deuant ta

mort tu feras encores serpēt. Quand Cadmus ouyt ces parolles, fort ébahy en fut, & perdit



toute memoire, & comme vne image de boys ne se remuoit. A tant descendit Pallas de l'air pour le rassurer. Si s'apparut à luy & luy commanda qu'il labourast & arast la terre, & y semast les dens du serpent, pour faire croistre & germer le peuple auenir qui en deuoit yssir. Cadmus accomplit le commandement de la deesse Pallas. Et tāt creut la semēce des dens semez par luy, que tost en naquirēt chevaliers armez pretz à faire bataille. Cadmus les vit, dont il en eut grād merueille. Si s'apréta incontīnēt de cōbatre se mētier en étoit : mais l'un d'eux s'ecria, & luy dit qu'il mist ius ses armes, & que

poit ne se meslat de leur debat, & que nullemēt ne se doutast d'eux. A ce mot lâça celuy sa lāce & tua vn de ses cōpagnōs . Et puis vn autre le retua. Et aīsi s'entretuerēt tous les freres: exceptez cinq; qui par le cōseil de Pallas, laisserent leur debat, & furēt tousiours bōs amis ensēble & s'entre acointoīēt tous cīq à Cadmus, & luy aiderēt à edifier sa riche cité, q fut plus noble, que celle de Thyer, Cadmus la nōma du dieu, & du bœuf, qui la mené l'auoir, & le apella Thebes. Puis mada par tout le royaume des gens, & les fist venir pour habiter sa nouuelle cité.

La briene fortune de Cadmus.

CAdmus regnoit en Thebes sa cité, qu'il auoit nouuellemēt fōdée, en grāde prosperite. Et peu luy chaloit, l'exil que son pere Agenor luy auoit indiēt. Car biē luy en étoit venu grāde fortune: il prīt à fēme vne moult belle & vaillāte damoysele, fille à Mars le dieu des batailles, & à Ven⁹ la deesse d'amours, de laqle il eut de moult vaillans hoirs, filz & filles. Moult se vid Cadmus emparētē & redoutē de tous ses voisins. Et moult luy fut fortune fauorable, qui trop se chāge en peu d'heure: car les biēs de fortune sōt muables, folz sōt ceux qui en eux se fiēt. Fortune qui auoit Cadmus exaucē & esleuē en ce mōde, en tāt grāds hōneurs, cōme dit est, l'eust en peu d'heure precipitē & abaissē en ruyne. Tel rit au matī qui au vespre

pleure: Et le dernier iour est tousiours à attendre à l'homme estre dit bien heuré, & nullement deuât la mort: car la roue de fortune tourne incessammét, tout ainsi qu'auint à Cadmus lequel au milieu de sa felicité, eut de tristesse pour vn sien neveu.

La piteuse fin d'Acteon le veneur mué en cerf, pour auoir veu Diane nue qui fut par ses chiens vené.



Cadmus eut d'Hermione quatre filles que moultaymoit. L'ainée eut nō Athnoe. Celle fut mere d'Acteō le gétil écuyer qui tant fut ententif de chiens tenir & de chasser, que finablement en perdit la vie. Il fut mué en cerf, & parce, ses chiens mesmes en furent deceuz: car ilz cuyderét que ce fust cerf sauvage,

& ne le conneurent : si le deuorerent. Mais qui de luy enquerroit, ie croy qu'on ne trouueroit que onques en sa vie il eust mal fait, pour desferuir mort. Il alloit vne fois par ses foretz chasser, comme acoutumé étoit, & auoit moult pris de sauuagine. Il étoit ia heure de nonne, & faisoit chaud. Si étoit lassé de courir, & pource dit à ses gés: Nous auôs sauuagine assez, & sômes trauaillez: reposons nous meshuy: car bien en est tems: & demain si vous semble bõ nous retournerôs. Lors sans plus d'arrest s'aptréterent les compagnôs, de décédre au commandemēt de leur seigneur, & commencerēt à cueilir des roseaux. Or vous vueil raconter comment il mesauint au iouuenceau Acteõ. Tãdis que ses compagnons couppoient & assembloient roseaux, il s'en alla tout seul ébatant pariny la forest. Il trouua vne vallée, non gueres loin d'illec, moult delectable & plaisante, pleine de sappins & de cypres. Ceste vallée étoit sanctifiée à Diane, & auoit nom Gargaphie. Au chef d'une vallée auoit vne fosse enclose de arbres, sans œuure d'homme mortel, que nature y auoit par maitrise taillée, vn arbre y eut par nature fait de liege, & de ponce tresbien & subtilement. A dextre auoit vne clere fontaine, sur l'arene resonnoit le ruisseau, qui la verde herbe enuirõnoit. La souloit acoutumément se baigner diane toute nue. Et lors y étoit

venue si auoit baillé à vne sienne damoiselle, son arc & son carquois, & son iauelot. Vn autre luy ostoit son manteau, & deux autres la déchaussioient. Crocale luy troussioit les cheueux. Et quatre autres damoysselles, Nymphes, Hyale, Rhanis, Psecas, & Phiale, puisoient l'eau en la fontaine, pour la lauer. Tandis qu'elle se lauoit vint la comme fortune l'amenoit Acteon filz de la fille de Cadmus: qui de Diane rien ne scauoit, Diane qui nue en la fontaine étoit, vit le iouuenceau. Moultfurent les pucelles ébahyes: pource que cestuy les auoit veues nues: & pl⁹ pour leur dame, que pour elles mesmes, & s'elles eussent peu, volontiers l'eussent couuerte. Si l'environnerent, mais tant ne la sceurent elles mucer, qu'elle qui plus grande d'elles estoit, n'aparust par dessus elles, le chef franc. Si la voit Acteon au visage.

Quand Diane sceut que Acteon l'eut aperceue: elle se rougist de honte: & se elle eust eu son arc prest, l'en eust occis, mais à cause que point ne l'auoit, d'autre chose se voulut venger. Elle luy arrosa la face d'eau, & luy dist: Te plaist il, moy toute nue veoir baigner? Se tu peux si t'en vante aux dames, là ou tu seras, ie t'en otroye le congé, se faire le peux. Et lors fut muée en cerf. Quand Acteon vit sa figure estre ainsi muée, d'homme en cerf, il se mist à fouyr par le bois. Et ses chiens mesmes



le chasserent lesquelz il connut bien à l'aboy & au glatiffement, mais parler n'appeller ne les pouuoir. Helas fil eust eu sa premiere figure : il ne luy fust pas mesauenu. Tant ne peut Acteon fuyr, qu'il ne fust atteint en vne champaigne. Melampus le faist, & puis Ychnobathes, Pamphagus, Lelaps, Theron, Agre, Nape, Ladon, Aromas, Tigre, Alce, Leucon, Thous, Harpalos, Labros, ceux & tous les autres l'environnerent, le deuorerent, & en print chacun sa piece.

Le depucelage de Semele fait par Iupiter. Et de la vengeance qu'en print Iuno.

DÉssus vous auez ouy la fable, qui recite cōme Acteō, fut par Diane mué, en cerf,

& deuoré par ses propres chiens. Moulx fut ploré & regretté de to^x ceux du pays, car moulx étoit sage & vertueux. Cadmus en mena grād dueil, car fortune qui mis l'auoit en tresgrand hauteſſe d'honneur, d'auoir, & d'amis, maintenant le deffouloir & tempeſtoit. Depuis que Cadmus eut faite ſa ciré, auoit maintenu le regne en grande proſperité, iuſques à celle auenture, dequoy fortune l'eſtrena. Dōt il éprouua & ſentit que l'homme ne ſe doit en fortune fier: n'en ſes biens & promeſſes. Apres ce dueil, en eut Cadmus vn autre de ſa fille Semele, cōme vous orrez. Semelle fille de Cadmus vne plaiſante damoyſelle. Celle depucella Iupiter, & fut la choſe tant celée, qu'elle cōceut. Quād Iuno le ſceut, moulx fut de ialouſie eſprinſe, & moulx ſ'en courrouça. Si décendit du ciel couuerte d'vne obſcure nuée, & vint vers Semele, mais encores ſeſtoit déguifée, & auoit prius la forme Beroë, la vielle nourrice de Semele. Et auoit laiſſé ſa forme diuine. Quand Iuno fut aupres de Semele, qui cuydoit que ce fuſt ſa nourrice: Elles parlerēt de pluſieurs choſes enſemble, mais Iuno qui ne tendoit à autre choſe, qu'à deceuoir la damoiſelle par parolles obſcures, luy parla tant d'vnes & d'autres, que de Iupiter cōmencerent à parler. Semele qui d'amours fut eſprinſe & affolée, ſe commença à vanter de ſes amours, & à ſoy louer de ſon a-

my Iupiter: Iuno qui ses parolles entendoit de son mary, en auoit grád dueil. Mais bien sceut lors celer son courage, pour mieux deceuoir la belle. Si ieta son soupir pat fainrise, en disât: Ma belle fille bien & hautement as assis ton amour, se ton amy t'ayme comme tu dis, mais on ne doit pas chacun croire. Point n'est verité tout ce que fol pense. Maintz ieunes hommes mettent leur étude à deceuoir les ieunes filles & innocentes pucelles, & leur font souvent à croire plusieurs mensonges, pour elles mieux deceuoir & trahir. Et de ce, font grands sermens iusques à tant que leur volunteez les ont attraites. Si me doute pour toy: Et sil est dieu comme tu dis: & il ne t'ayme, que re vaut son accointance? Fille en ceste chose as mestier & besoin de conseil. Croÿ moy, & la premiere foys qu'il reuiendra vers toy, demande luy asseurance de son amour, & puis luy requiers en nom de guerdon, vn tel don que tu voudras. Et quand il l'aura asseuré: requiers luy qu'il t'embrasse, ainsi comme il fait Iuno sa femme, quand avec elle se déduit. Semele qui de la tricherie de Iuno ne s'aperceuoit, luy eut en conuenât dict que ainsi le feroit, dont trop tard viendra à repentir.

*La mort de Semele pour demander l'accon-
plissement diuin, & de la naissan-
ce de Bacchus.*



A Tant fina le parlement de Iuno & de Semele, & sen departit Iuno qui reprint sa forme diuine, & s'en remonta au ciel. Et Semele demeura en sa chambre, attendant la venue de Iupiter son amy, qui gueres ne demeura. Bié souuint à Semele de la requeste que Iuno luy auoit conseillé de faire. Si requist à Iupiter vn don sans le nommer. Iupiter luy promist voluntiers, & luy otroya ioyeusement, cuidant que requerir d'eust aucune chose ioyeuse. La damoysele moult contente de l'otroy de son amy, luy dist en ceste maniere : Trescher & doux amy, le don que ie vous requiers, est que sans delay m'embrasses & accolles ainsi, & pareillement comme vous faites Iuno, quand a-

auec.

uec vo⁹ sollacies & desduises par amours. Quād Iupiter ouyt ceste requeste, moult se repentit de ce qu'otroyé luy auoit. Il commença à soupirer de la douleur qu'il sentoit au cœur, car il sçauoit bien qu'elle en mourroit. Iupiter monta au ciel, & print avec luy pluye: vent, tonnerre, & foudre. Et ainsi adiourné retourna moult pensif & melécolique à l'hostel de Semele sa mye, qui ne pouuoit souffrir le tourment ne la chaleur, & l'en conuint tanroist mourir. L'enfant dōt grosse étoit, fut tiré hors de son vêtre, qui encores n'estoit parfait, fut conceu à la cuyssie de son pere, & la se nourrist comme au ventre de sa mere, iusques au iour de sa naissance: l fut surnommé Bacchus. Yno le nourrist en sa ieunesse: Mais depuis fut porté celémēt en la cité de Nyse nourrir, pour la peur de Iuno qui le hayssoit. Bacchus creut en peu de temps, & deuint bel & fort iouuēceau, & pour ce qu'il se sçauoit estre filz de Iupiter, il triumphoit à tout grand exercite es desers de Libie, ou il eut à mer uelle soif, & toute sa gent, pour lequel mesaise, il requist & pria son pere Iupiter, qu'à luy & aux siens, il voulsist donner eau pour boire ou autrement il leur conuiendroit mourir à mesaise. Tantost que Iupiter ouyt la priere de son filz, il saparut à luy en espee de mouton, lequel de son pié frappa la terre, dont tantost sortit eau en abondance, de laquelle il

& son ost se refreschirét. Pour laq̃lle cause, Bacch⁹ edifia illec en l'hōneur de son pere, vn tēple & y mist vne image de moutō, cōme sō pere se ſtoit à luy apparu. Et ainſi depuis fut de to⁹ appellé le tēple hamō-le ſec: & pource q̃l ſeſtoit apparu en armes, il dōnoit vray reſpōds à tous.

La queſtion de Iupiter & Iuno touchant le ieu d'amours, & du iugement qu'en fut fait.

Bacchus ſeſtoit long tems celé, pour Iuno, qui le vouloit detruire, mais la étoit deuenu ſi grand & ſi puiffant, que petit dōutoit ſa malueillāce. Iupiter & Iuno, auoient vne heure tāt beu de doux breuuage que tous deux en furent enyurez, il furent moult ioyeux, ſi commencerent à parler, à bourder de pluſieurs truſſes: entre lesquelles, ilz ſe prindrent à parler de leurs natures d'amours. Si voulut Iupiter maintenir, que quād l'hōme & la femme ſont charnellement enſemble, la fēme par nature y préd plus grand plaifir, que l'hōme, & Iuno ſi diſoit au contraire. Talent leur print d'en ſçauoir la verité: ſi dirēt: De ceſte choſe n'en pouuōs ſçauoir le vray de par nous, mais allōs par accorderre iugement en vn ſage homme qui eſt nōmé Thireſias, ceſtuy no⁹ en ſcaura iuſtemēt la verité rendre, car il a eſté fēme. Et la cauſe pourquoy il le fut, luy auint par telle maniere: Thireſias ſ'e alloit vn iour ébatāt par les prez, aupres d'un bois, ſi vit d'auenture deux ſerpens enſemble luxuriās, il print vne pierre & les ſe-

para. Et tantost qu'il eut ce fait, sa forme & sa nature luy chagea, & deuint femme, ayāt tout ce qu'à nature de femme appartient. Et fut en cestuy estat bien sept ans, si éprouua en ce terme, les meurs & natures des femmes. Au huitieme an, luy auint qu'il repassa par le lieu mesmes, d'ou les serpens auoient esté iettez, & dont sa nature luy auoit esté muée. Si les y retrouua luxurians comme devant, si pensa qu'il les en ietteroit encores: pour sçauoir se pour auéture il pourroit sa forme rauoir, & reuenir en verta d'homme, comme il souloit estre, si leur en ietta cōme au refois auoit fait, & tātost retourna en sa premiere semblance d'homme: A cestuy vindrent Iupiter & Iuno quēre iugemē. Thiresias leur respondit & dit pour iugement que la femme se delectoit deux fois pl⁹ au ieu plaisant, que ne faisoit l'homme. De ce iugement fut Iuno tant dolente & tant courroucée, que elle pour celle cause tollit à Thiresias la veüe, & le fist auēgle. Iupiter fut trop dolent de Thiresias son iuge, qui auoit la veüe perdue & moult volontiers luy eust rendue sil eust peu, par aucune maniere: mais à l'un dieu n'apartiet point de deffaire, ce que l'autre fait. Pource le fist Iupiter en restitution de sa veüe, deua tel, qu'il sçauoit toutes choses auenir. Si vinda et à luy plusieurs hōmes & femmes de tous etatz, pour sçauoir la verité de plusieurs choses, & il

en rendoit response.

De la response de Thiresias à la mere de Narcissus, & de la beauté de Narcissus.

OR vous ay conté de Thiresias qui femme devint, & par Iuno perdit la veuë, & puis par Iupiter fut fait devin, tellement qu'il faisoit sçauoir au peuple la verité de leur doute. Auint vn iour qu'une damoyelle de grand parage, nommée Lyriope, femme d'un puissant homme nommé Cephesus, vint à Thiresias pour sçauoir de luy la verité de sa doute, & l'eprouua premierement ainsi: Ceste dame auoit nouvellement enfanté le plus beau enfant masle qu'onques eust esté veu. L'enfant eut nom Narcissus. Pour la grand' beauté de luy, chacun l'aymoit & desiroit, voulist ou non. La mere qui fort l'eut cher, vint sçauoir à Thiresias sa destinée, & pour sçauoir se longuement pourroit viure. Le devin luy dist qu'il viuroit longuement: mais qu'il se gardast de soy mesme voir. Ceux qui ouyrēt ceste response la tindrent pour vaine & pour folle, & ne s'en firent que rite & gaiber, mais en fin fust trouuée veritable. Il auint xxj. an apres, que cestuy Narcissus eut le renom par toutes terres, loin & pres, qu'il estoit le plus beau iouuenceau du monde, par tout en courroit la voix. Plusieurs dames & damoyelles l'aymerent par amour, mais si fier & orgueilleux étoit, que nulles n'en daigna aimer. Mais il

mist toute sa cure en deduit de chasse.

Les amours de la nymphe Echo à Narcissus, & du refus qu'elle en eut.

VN iour d'auenture le vit Echo, q^{ue} belle pucelle étoit & sage alors: mais maintenant, n'est autre chose que son. Elle auoit en ce tēps aucun vsage de parler, qu'elle n'a maintenant: Elle fut iangleresse & grande langagiere, mais commēcer aucune raisō ne pouuoit d'elle mesme, & s'aucū mot disoit, elle resumoit la fin de la parolle prononcee. Ceste chose luy auint p^{ar} Iuno, q^{ue} l'auoit reprinsē d'yne faute q^{ue} Echo luy auoit faite. Quand Iuno vouloit prédre sur le fait les nymphes qui couchoient avec son mary. Echo la detenoit en long propos, tellement que les nymphes auoient loysir de s'en fuyr. Et quand Iuno s'aperceut de la cautelle, elle luy dist ainsi: Echo, souuent m'as abusée par ta langue affilee & iangleresse, mais iamais tu ne me r'amuseras. Lors Iuno abregea sa parolle, tellement qu'onques puis ne cōmença aucune raison: mais qui la commēce, elle la fine, & recorde les derniers motz, si comme celle qui encore ne se sçait taire. Echo vit d'auenture le beau Narcissus, vn iour errant tout seul par lieux desuoyez, tant luy sembla bel & honneste, que de son amour fut toute esprinse, si se print à le suyuir celément, tellement que Narcissus ne s'en prenoit garde, & comme elle le suyuoit &

regardoit, de tant plus luy enflaçoit le courage d'amours. Elle l'eust volôtiers mis à raisonner felle eust peu, mais comme dit-est, elle ne pouoit commencer aucune raison, mais bien recitoit la fin de la raison dite. Echo mist toute son entente à suyuir le iouruenceau, & à écouter felle luy ouyroit mot dire, parquoy elle peust respondre. Narcissus qui d'auenture se trouua seul, & égaré par le bocage, escria ses compagnons, & dist tout haut: Hée qui vient là, & Echo respondit qui vient là: quand Narcissus ouyt la voix, il se retourna, mais il ne vit ame, dont il fut moult ébahy. Il recommença à crier ça vien, & elle respondit, vien. Narcissus se courrouça, & regarda s'il verroit celuy ou celle, qu'il auoit ouy, mais il ne vit rien, dōt moult fut ébahy, & dist tout haut: Pourquoi me fuys. Narcissus qui eut grād' inéruelle, s'arresta & regarda enuiron luy: mais rien ne vit, dont il eut plus grād' frayeur que deuant, & de rechef s'ecria: Assemblons, & Echo respondit, assemblons, Narcissus n'ouyt iamais voix qui tant luy depleust. Et lors s'en yssit du boys, & vint à la plaine. Echo s'apparut lors deuant luy, & se rita deuers luy, le cuydant embrasser, mais celuy qui fier & dédaigneux estoit pour sa grand' beauté luy refusa, & dist ainsi: Pas ne suis si abandonné, que ia de moy ayes copie. Echo de ceste parolle fut si honteuse & si do-

lente, qu'elle ne peut respondre mor de courroux fors copie, & de honte se tapit au bois en vne fosse: & onques depuis de là ne voulut yssir: mais pour ce ne changea son cueur, ains arma tousiours depuis Narciss⁹, & moult creut douleur, & angoisse, pource que cestuy l'ait refusée. Tant agressa & poignit amours Echo, qu'elle toute déconfortee s'en alla toute en exil, & à neant, & perdit toute humidité. Ses oz gros & menuz, sont deuenu z pierres & sa voix seulement luy est demeuree, celle est ouye en bois ou en vallee accoutumément, son son va pardurablement: mais elle ne sera iamais veüe ne trouuée.

Des infructueuses amours du beau Narcissus, qui fut amoureux de sa beauté, leq̃l pour en iouyr mourut.

VNe fontaine nette & claire sans limō, enuironnée d'arbres, tellement q̃ le soleil n'y pouuoit nuyre ne greuer estoit en vn delectable lieu, ou riē ne reparoit qui troubler la peut. Narcissus qui s'etremettoit de chasser, vne heure étoit traueillé de chaut, & lassé de courir apres la sauuagine, car maïtes cour ses auoit fait celle iournée. Vint à celle fontaine, si cōme fortune & meschanceté le menoit: il s'abaisa pour boyre. Là luy destrépa amours vn tel breuuage qu'elle luy fist sa soif doubler. Là se sceut amours de luy véger, q̃ tāt l'auoit dépité par son orgueil & par son outrecuidāce. Ainsi que Nar



cissus beuuoit a celle fontaine, il vit son ymage
dedās resplendir par la reflectiō de l'eau claire
& tātost qu'il vit sa belle face: auis luy fut, que
c'étoit aucune belle dame ou damoysele, si
fut tant fort de son amour esprins, comme ce-
luy qui oncques n'auoit senty que c'estoit d'ay-
mer: qu'il ne scauoit qu'il peust faire, il n'en
pouuoit retraire son regard. Et comme plus a-
moureuſemēt le regardoit, aussi faisoit luy sō
vmbre, tellement qu'il luy étoit auis au regard
de son vmbre, que de luy fust aymée. Si s'apro-
cha de la fontaine, & comme plus l'aprochoit,
plus la representatiō s'aprochoit: & mainte-
fois baisa l'eau, & luy étoit auis qu'il baisoit
celuy. Puis mettoit ses bras dedās la fontaine,

il ne s'en pouuoit saouler, & ne luy souuenoit de boire de méger, ny de dormir. Moult mist Narcissus parfaitement son entente, à remirer son ymage dedans la fontaine, & de fait il ne s'en pouuoit ôter n'éloungner. Lors se dressa sur les piez, & commença à faire piteux regretz & complaints, disant en telle ou semblable maniere. Helas tressouuerains & puissans dieux, que m'est il aujourd'huy auenu, quand ie m'abaisse pour baiser celuy, qui dedans celle fontaine voy, à qui i'ay mis toute l'amour de mon cueur. La fontaine prêt le baiser: & me semble à peu que l'aye. O enfant que la dedás voy, vie à moy ie t'é prie, pourquoy me deçois tu ainsi? Onques ne trouuay qui me voust deceuoir, fors que toy, que ne viens tu quand ie t'apelle? Gratieux suis à merueilles, de trespelle forme & d'aage conuenable. Ainsi comme ie t'ayme, m'ot aymé maintes dames & damoyelles, belles & cointes, & a merueilles plaisantes, mais d'elle ne tenoye lors comte. Tu me montres signe d'amour & d'acointance, à la contenance que tu me montres de ta face. Car quand vers toy i'étens mes bras, tu étens aussi les tiens vers moy, & semble que tu me vueilles accoller & point ne le fais: tu ris quand tu me vois rire, & si pleures quand tu me vois pleurer. Briuelement tel semblant prens & telle maniere comme ie fais. Et quand ie parle tu ouures ta bou-

che pour respondre, mais ouyr ne te puis. Amours & folie me deçoient. Bien appercevoir me puis que ce fais ie mesmes qu'ainsi m'ayme ma forme ne me mēt point: ie porte-le brādon & la flāme, dōt moymesme suis ars & esprins. Trop suis mallemēt deceu ie suis le requerāt & le requis. Oncques humain ne fut si fol amoureux, cōme ie suis à present. J'ay avecques moy & en moy ce que ie demāde & requiers de no⁹ deux, & n'en puis faire departie, & tāt ay d'angoyssē, que ie pers ma force & ma valeur, & tellemēt q̄ longuement en ce point ne puis viure, mais bien mourir pour estre quitte: & deliuré pour la grande peine que ie souffre. Helas la mort ne me déplaiſt, & me seroit agreable & plaisante, mais que celuy que tant i'ayme & desire, eust plus longue vie que moy. Pour luy seulement m'ayme, & de moy ne me chaut. Mais deux d'un accord, cōuient mourir en vne seule ame, tout en vn coup. Ainsi se lamēta & cōplaignit Narciss⁹ moult lōguemēt: puis retourna à la fontaine, & s'enclina pour l'ymbre regarder, si troubla l'eau de ses pleurs, tellemēt que l'ymbre perdit. Et lors se prent à crier, comme beste enragee. O cruel enfāt sās pitié, pourquoy n'es tu demeuré encore vn petit? Je te prie souffre q̄ ie te voye, puis qu'autremēt ne te puis auoir.

N A R C I S S U S s'en va ainsi complaignant & lamentant par grand douleur, & par grand

ire dérompit sa belle robe, tellement que la blanche poitrine apparoit, laquelle en frappant de sa main devint rouge & vermeille. Trop estoit belle à voir. Et quand il vit r'asseoir l'eau, & sa semblace apparoir cōme deuât, si grād'angoisse luy cōmença à croitre, que tout le faisoit fēdre & frire, comme feu la glace, ou cōme le soleil la neige, sa face palist & perdit sa beaulté, qui tant souloit estre belle & coulourée. Tout perdit, force & vertu, & fut son corps si conquis & si foible, quē plus ne pouuoit. Quād Echo le vit en tāt d'angoisses iāçoit ce qu'elle fust dolēte & courroucée, de ce que refusee l'auoit autrefois, pitié l'ē print, & moult fut triste de Narcissus qu'amour si fort le detenoit, & toutefois qu'il se complaignoit, elle se complaignoit pareillemēt, & quād il se cōplaignoit & frappoit & il remuoit, elle se dōnoit semblables coups. Tāt trauailla amour Narcissus, que la voix luy alla defaillāt. Mais auant qu'il eust la bouche close cōme la mort l'agressoit, il dist: Hee enfant aymé pour neant. Et Echo respondit pour neāt: Puis dist Narcissus à dieu, & celle respondit à dieu. Adōc Narcissus s'enclina sur l'herbe, & ainsi mourut par sa veuē, si est liuré à martyre en enfer, ou il se mire tousiours sa face en vne tenebreuse & obscure eau, nommee Styx.

Q V A N D les nymphes sœurs de Narcissus sceurent sa mort, moult en furent dolentes.

Vn feu firent, & appareillerēt le tumbeau pour y mettre le corps, mais ce fut pour neant, car tant querir ne le sceurent, que trouuer le peussent: pource que desia étoit mué en iaune fleur fors que tant de blanches taches à l'enniron. De telles fleurs est toute pourprinse la fōtaine, ou Narcissus par luy mirer perdit la vie, qui du nom Narcissus est nommé. La fontaine est de grand renom, & est appelée la fontaine de Narcissus.

L'histoire du dieu Bacchus. Et de la venue qu'il fit à Thebes, de son sacrifice, & du despit qu'en tint Pentheus.



A Verée est la prophetie du deuin Thiresias pourquoy il fut moult exalté & renommé

par toute la cité de Thebes, & par tous les Ro-
yaumes voisins : Mais Pentheus qui étoit de
Thebes, neveu de Cadm^e & filz d'Acteon, dépi-
toit les dieux, & ceux de toute la regiõ, & aguil-
lõnoit le devin Thyresias, & gaboit de sa veue,
disant qu'à bon & iuste droit, luy auoit esté
ôtee. Thyresias crôla la teste, & luy dist : Bien
heureux serois, s'auois perdu la tienne, car se tât
vis, que tu voyes les sacrifices du dieu Bacchus,
tu t'en repétiras. Sire viel rassoté, dist Pétheus,
qu'ay-ie afaire des sacrifices de Bacch^e, ne quel
le perte ou dõmage m'en peut il auenir? Le pro-
phetise & afferme, dit Thyresias, que Bacch^e le
dieu du vin, viendra prochainement en ceste
cité, & se fera sacrifier. Et ceux qui ne le vou-
dront congnoistre, mourrõt en tourmẽt. Et toy
mesmes en seras detiré piece à piece, p tes amis
propres charnelz, par ta mere & par tes tantés.
Pentheus fist dépit au devin Thyresias, qui
ceste chose luy racõtoit, mais à la fin luy en a-
uint ainsi que pphetisé l'auoit Bacchus le dieu
du vin, vint vaillât & puisât en la cité de The-
bes, grãd' ioye eurent de sa venue, grãs & petits
ieunes & vieux, dames & damoyelles. Par The-
bes ouissiez sonner cors & buccines, trompes &
rabours, & vissiez cierges, torches, falotz & au-
tres luminaires tous ardãs, & encens fumer par
les temples. Au nouueau dieu alloient faire sa-
crifice tous les citoyens de Thebes: leurs testes

couuertes de beaux chappeaux de vignes, en leurs mains portans brandons ardantz. Là visiez de ioye faire estriuees de boire. Ilz n'auoient point aprins de boire tel breuuage, pourquoy la force du vin tantost les enyura & affola la teste: tellement qu'ilz chanceloient & cheoiēt, crians & huyans comme forcenez. Mais Pen-theus par sa niaisie & follie déprisoit Bacchus & ses sacrifices, & tenoit à nices & forcenez les sacrifiens, & moult les blamoit & chatioit, disant: Ha à gens ingenieuse, preuse, cheualleuse, qui du fier serpent estes nez & venuz; commēt estes vous forcenez, quand pour les tabours & sons de trompettes & buccines, & pour les cris & vrlemens fœnfins, sans lāce ne sans escuz, estes si vaincuiz d'yuresse, qu'en vous n'a mesure ne sens? Le m'émervueille des vieillards qui de Thyrvindrent fuyans, & passerent la mer à nager, qui sont maintenant par le breuuage si plein d'yuresse. O vous preux iouuenceaux qui deussiez armes porter, poindre cheuaux, assaillir forteresses, & prédre citez. Je vous prie mettez ius les chappeaux de vigne, & vous souuienne de vostre fiere extraction, qui est du serpent, qui pour sa fontaine & sa droiture garder, trait tant de peine, maints fors hommes & bien armez mist a déconfiture, & vous vous laissez liurer à honte, confondre & decevoir, par le breuuage d'un enfant desarmé, qui ons

n'aparut à batailler, n'onques ne fist fors que foy cointir. Ha à, dist il, dieu, quelle hôte nous est aujourd'huy auenue, se Thebes doit ainsi finir, ie voussisse & aymasse mieux que par bataille fut détruite & confondue par feu, ou par autre question prinse: que en si vile & abominable maniere finir. Et que nous nous defendissions, dont sans honte peussions recevoir mort. Et que celuy en peust échapper qui d'aventure n'auroit. Grand honneur auroit on de racomter sa fortune. Tous aurions patience de notre perte: Mais honteux & sans écuz, sommes vaincuz par vn nice enfant yuiongne: Je ne feray recette de luy, ne feray de ses sacrifices. Ce n'est qu'un fol & deceueur de simples gens, prochainement luy feray repentir sa tricherie, & barat, & pourquoy il fait telz sacrifices, ne pourquoy il se vante qu'il est filz des dieux, & que luy mesmes est dieu, bien doit comparer tel mesfait: mal nous est venu cy gaber: l'reux fut Acrisius, qui onques ne le daigna recevoir, car quand il cuida venir en Arges, il fist clore ses portes au deuant de luy, à celle fin qu'il ne fortrait ses citoyens. Quand Pentheus eut son oraison finée, il commande à ses sergens, qu'ilz luy amenassent prins cestuy menestrié, qui telz sacrifices souffroit luy estre faitz & celebrez.

Les neuveux du Roy Cadmus & Athanas,

reprindrēt & blamerent moult fort Pentheus, en luy disāt: cousin, se tu nous aymas onques, & qu'aucune chose tu vueilles pour nous faire, nous te priōs que tu vueilles laisser ta folle entreprinse. Rien ne peux conquēster, d'entreprendre contends ne riote aux Dieux. Tant plus le chatioiēt ses parens, & tāt plus se courrouçoit, & émouuoit, & forceñoit Pētheus contre eux, & contre le dieu Bacchus, si comme fait la riuere courante, ou lon met aucune chose, à elle détourber & empêcher son cours. Laquelle touchant la chose qui la detourbe ou fait aucun empechement, bruit en courant son fil & aussi sa voye. Pentheus demanda à ses sergens, quād ilz retournerent du sacrifice, ou Bacchus auoient mis, & que fait en auoiēt. Si responderent les sergens: nous auons esté le chercher, par tout, ou nous pēsons qu'il peut estre, & ou on nous auoit enseigné qu'il souloit habiter & tenir son repaire & demeure, & point ne l'auons trouué: mais nous vous amenons vn qui est de sa mesnie des plus grans, & qui plus va semonnant les gens, & émouuoit à son sacrifice, veez le cy prins & lyé.

Q Vand Pantheus le vit, avec courroux le regarda. Or ça, dist il, que mal soyés tu venu, mourir te feray si cruellement, que tous les autres y pourront exemple ptēdre. Dy moy quel tu es, & de quel lignage, comment tu as
 nom,

nō, & pourquoy tu fais, & amonestes au peu-
ple ces sacrifices faire. Ia de mot ne vous men-
tiray, respōdit celuy qui monstroit que gueres
n'étoit ébāhy. Pource qu'il auoit tāt de vin beu
que surprins étoit d'yuresse. I'ay, dist il, nom,
Acetes, & suis né de Meonie. Pās ne suis de tres-
grād lignage, ains suis de petites gēs venu, qui
onques n'eurent rien vaillāt. Ne de mō pere ne
de ma mere n'euz onques rien, fors ce que i'en
ay retenu. Mon pere toute sa vie se mesla de
pescherie: & moy mesmes selon luy, suis pes-
cheur, plus n'ay en patrimoine. I'ay appris à
pescher & à cōnoitre les étoiles, & les portz d'e-
mer, si biē que nul ne le sçait mieux que moy.
Si auint vn iour par auanture, que i'alloye en
Delon menant ma nef, si arriuay & prins port
à la terre de Chye, & seiournay yne nuit, & le
lendemain au point de la iournée, me leuay, &
feiz mes compagnons leuer, si les enuoye cour-
rir, pour auoir de l'eau douce, a vne fontaine
pres d'illec, & ie monte sur vn petit tertre pres
de là, pour sçauoir quel vent nous pourrions
auoir, pour retourner.

Puis reuins en ma nef, & dis à mes compa-
guōs, que bō l'auions pour nous en retourner.
Et si comme nous deuions partir, ie veis ve-
nir deuers ma nef premierement Offeletes, qui
amenoit avec luy vn petit enfant de tresbelle
figure, ayant forme fœminine. Et leuoit en vne
Olympe.

place deserte trouué; cuidât que ce fust proye, luy & les autres grand ioye en firent. L'enfant plein d'yuresse, alloit par le riuage châcellât, si tost que ie le vy, i'aperceu bien à sa cōtenance qu'il étoit dieu du vin, & si luy dis ainsi dieu quel que tu soye, ie te prie pardonne à ces gens leur méprison & leur folie. Lors me dist Dictys: Ia pour nous ne prie, c'étoit celuy qui premier montoit sur le mast, chacun des compagnons me reprint, & blasma trop durement de ce, que pour eux prioye. Ilz voulurent l'enfant en ma nef mener, & luy contredire le vouloit & ie dis que ia n'y entreroit: puis qu'au dieu vouloiēt faire force & iniure. Je montay sur le bord de ma nef, pour eux cōtredire le passage, mais Lycabas qui étoit vn varlet de Thebes né, & de sa terre exillé, pour vn meurtre qu'il auoit fait, fut si durement courroucé, qu'à peine qu'il n'enrageoit. Il vint à moy, qui étoye d'ire plein & de rage, & me frappa si durement de son poing en la poitrine, qu'à peu pres me fist tomber dedans la mer. Mais ie cheuz en trauers, & me retins au moins mal que peuz en ma nef. Chacun des compagnons dirent que ledit Lycabas auoit tresbien fait. Bacchus qui fut desyuré & quitté de son yuresse, ouyt le cry d'eux. Quand il se vit à tous côtez entre prins, il leur dist: Seigneurs que voulez vous de moy faire? pourquoy m'avez vous retenu,

& me voulez fouruoyer & emmener? Protheus luy dist: Ne t'ébahys de rien: car là où tu voudras estre, nous te menerons. Je veux dist l'enfant que vous me menez à Naxon, c'est mon pays: si là vous me pouuez mener, bien ie vous logeray tous. Lors luy écrierēt tous à vnevoix Nous te iurons par tous les dieux, qu'à sauvement t'y remenerons. Puis me dirent que ie tédissē mon voile & ma nef gouuernasse. Naxon étoit à dextre, & celle par ma nef détournay pour aller: mais Olphetes vint a moy, & me demanda que i'auois en pensē, & qu'elle part ie vouloye mener. Lors vy bien que chacun étoit en doute, car biē la moytiē de la gēt me guignoit, & faisoit signe, que laissasse le chemī à d'extre, & tournasse ma nef à fenestre, & l'autte partie, me venoit bas conseillant en l'oreille, q̄ ie laissasse aller d'une autre part. De ce fuz ébahy, & laissay le gouuernemēt de ma nef, & dis que plus ne m'en entremettroye, & que ia ne cōfentiroye leur male felonie, & que qui voudroit cōduire la nef si la conduit. Lors ilz me cōmēcerent tous à maudire, & Ethaliō me dist:

T V. nous cuydois biē auoir mis au bas & entre piez: si tu nous faux il nous en couiēdra souffrir. Lors emprint celuy mō office, & tourna la nef autre part, qu'onques vers Naxon n'alla. Lors fit Bacchus fort l'ebahy



de semblance qu'il s'aperceut de trahison, combien qu'il sceust la volonté de chacun, il regarda deuant soy en la mer, & dist aïnsi, cōme en plorant: Je ne vueil pas aller à ce riuage que là deuant ie voy. Hee mariniers, dist il, que vous puis ie auoir mesfait, qui sans cause & sans raison me voulez deceuoir? Qu'elle gloire vous fera il de trahir vn enfant seul' chacun vous en deueroit hayr & blāmer. Ié pour la grād pitie que de l'enfant auoye commençay à plorer: & tous les autres me cōmēcerent à éguillonner. Si cōme ie cuidoye que nous deussions nager le plus fort aux voilles & aux auirons, la nef s'arresta emmy la mer. Lors furēt tous les mariniers ébahiz: car comme plus grande peine faisoient

pour tirer auant, plus se tenoit coye la nef. Lors auint ie ne sçay par quelle auéture que les aui-
rôs furét pourprins de feuille d'yerre. Et fut a-
uis à tous ceux qui regardoient Bacchus, qu'il
étoit couuert de verdes feuilles de vignes, & de
raisins, & qu'il lançast & ébrâlast par fierté ve-
lâce & qu'il fust ceint de Pantheres, de Linx, &
de Tigres cruelz. Lors n'y eut celuy qui de peur
ne tremblast, & de celle grâd peur qu'ilz eurent
saillirent tous en la mer, & deuindrent pois-
sons. Les vns saumons, les autres dauphins &
esturgeons. Et adonc cuiday bien estre venu à
ma fin, & peu prisay ma vie, quâd seul me trou-
uay en la nef. Le dieu qui me vit aïsi seul, sceut
bien que i'étoye ebahy, & me dist que doute
n'eusse, & que ma nef tournasse en Chye, dont
tous étoient venuz: Je fiz tantost son comman-
demēt. Et quâd fumes au port, ie me mis à le
seruir, & à celebrer ses sacrifices. Tousiours l'ay
depuis seruy, & serviray toute ma vie, sans en
estre lassé, n'autre dieu ne vueil seruir.

*La mort de Pentheus pour le mesprisement qu'il
fist de Bacchus.*

Lors dit Pentheus à Acetes. Lōgues truffles
nous as ores racontees: & longuement te
ay écouté pour plus ma grâd' ire doubler. Tes
truffles me font trembler de courroux & d'ire:
mais tantost serastresuilement mené. Puis dist
à ses sergens: Prenez ce glouton, & le iettes au



parfond de ma chartre, & illec le faites mourir de vilaine mort. Lors fut Acetes prins & saisy de toutes pars: mais tandis que les sergens appareilloier engis pour le martyrer: Bacchus qui souffrir ne peut, qu'o fist tyrannie à son seruiteur, fit vn beau miracle: car les fers dont Acetes étoit enfermé des piez, & les portes de la chartre s'ouuerirent, tellemét que hors du tout deliuré il s'e retourna en voye. Quand Parheus sceut ceste chose, il le poursuuyit: & quatre de ses sergens enuoya apres luy. Quand il ouit la feste, que les sacrifiens faisoient & dementoient du dieu Bacchus, à peu qu'il n'éragea, & forcena d'ire & de maltralét. Premier le vit sa mere qui étoit pleine de rage, & cuida voir vn san-

glier. Si luy embrasa la teste d'un grand batō de feu ardent, par l'yuresse qui la surmontoit: vers luy vint toute premiere, si print à crier & à hurler. Ores oyez Ino ma sœur, Anthonoe venez en mon ayde, car voicy vn grand sanglier qui me veut étrangler. La grande tourbe enyuree s'adresse vers le damoyfel, tenant chacun vn grand tison de feu. Et quand Pentheus vit ceste compagnie, il se cominença à repentir de son entreprise, & leur cria mercy, mais rien ne luy valut: car celles le dépecerent piece à piece. Ino luy rompit le fenestre bras: & Anthonoë le dextre: Et puis sa propre mere luy ôta la teste. Moult en r'enforça le dueil à Cadmus, & a ceux de la cité, & par tel exemple furent tous émeuz à faire au dieu Bachus sacrifice, plus que parauant fait n'auoient.

*Cy fine le tiers liure du grand Olympe des
histoires Poëtiques*

I iijj



LE QUATRIEME LI-

VRE DV GRAND OLYMPE DES

histoires Poëtiques.

Toutes les Hismediniènes & les Thebayé
 nes sacrifioiét au dieu Bacchus & l'hono-
 roiét, cōme l'ũ des souueraĩs dieux celestes. Ilz
 faisoĩet par ses tēples & tabernacles encens fu-
 mer, criant & chantans: Oe, oe, oe: mais Alci-
 roë ne ses sœurs filles de Minea, onc pour la
 submersiō des mariniers, ne leur mutation en
 poissons, ne pour l'occision de Pentheus, ne se
 voulurent abstenir de dépriser Bacchus, & au
 dieu riē n'acōtoiét n'a ses sacrifices, & disoiét
 quoy que le peuple en dit, qu'õques n'auoit été

filz deIupiter. Les prestres celebroident deuotement la feste, & faisoient commandement à tout le peuple, degarder solennellemēt la feste du roy, & puissant dieu Bacchus, & que tous vissent solēniser, leurs testes écheuelées & chapeaux de vigne, & couuertes leurs poitrines de peaux, & en leurs mains vn verd tison fueillu & qui n'y fera, il courroucera le nouveau dieu, parquoy il luy pourra bien mesauenir. Tous sacrifioient au dieu nouveau, & par nouveaux noms le nommoient. Les vns l'apelloient Liber, Bromius, Lyeus, Niçtileus: les autres l'apelloient Nyseus, Thyoneus, Eleus, Iacchus, Euā, Leneus, & pere de Bacchus. Et par maintz autres diuers nōs, & si l'appelloiēt dieu de permanable ieunesse, le plus qu'on peust trouuer secourant les déuoyez, plein de force. Tout le mōde par toy se resiouist, toute la region d'Orient as surmōté, les Ganiois aux harpes Dānoises, sont par toy mors. Pétheus & les mariniers de Meonis, qui te desprisoiet, sont mis à fin. Apres toy court grand compagnie de prestresses Bacchātes, Satyres, & le bō vieillard Silenus sur vn âne, qui ne pèse que de boire. Tu fais tenir ses belles tables, & donnes metz qui sont delicieux. Tu fais cōmencer festes, caroler, danser, chāter, sōner cors & bucines. Brieuemēt toute assemblée & toute compagnie est sans ioye & sans lyesse, si tu n'y es. Ainsi luy faisoient tous

ceux de Thebes grand feste, & de ses merites & miracles recordoient: excepté les trois seurs filles de Mineyus: car tandis que les autres adoroient se dieu, celles labouroient, filloient, & tnysoiét. en leur maisons secrettemēt, & en paix & si contraignoiét leurs mesgnies, à plus fort labourer qu'un autre iour. L'une d'elles disoit aux deux autres: Belles sœurs, nous deurions pour passer tems & allegier nostre labour, racōter aucunes belles & hōnestes fables. Les autres dirent que voirement bō & hōneste seroit, & qu'elles toutes s'y accordoiét, mais qu'elle vou fist cōmencer, & elle l'accorda, & cōmença à penser, quelle chose elle pourroit dire. La damoysselle ne sçauoit que faire de leur raconter en nom de fable ou de conte, un merueilleux conte qu'elle sçauoit: c'est à sçauoir comment iadis en Babylone, vne chambriere nommée Dirce, que ceux de Palestine virēt depuis muée en poisson, ou s'elle diroit commēt sa fille deuint columbe, ou s'elle raconteroit, comment Nays la deceuable, par ses herbes & poisōs, & p ses charmes, muoit les hōmes en poisōs. Autre fable sçauoit la damoiselle pl^e belle & plus hōneste, c'étoit cōmēt la Meure q étoit blāche étoit deuenue noire, celle fable luy pléut à raconter, si le dit & raconta en telle maniere.

Les infortunées amours de Pyramus & de la belle Babylonie ne Thysbée.

EN la cité de Babylone eut iadis deux hōmes riches & puissāns de hauteſſe & de lignage, ayans leurs maisons contigues & ioignātes l'une à l'autre, tellemēt qu'un viel mur estoit le departement d'entre elles. Cex deux hōmes eurēt deux enfans d'une beauté, & d'un aage, & auoient surmonté tous les autres enfāns en bōté, en beauté, & en toutes autres vert°. Le filz eut nom Pyramus, & la fille fut nōmée Thyſbée. Ces deux enfans s'entr'aymerent dès qu'ilz n'auoient que sept ans, pource qu'il étoient égaux de semblance: & qu'ilz s'entreueoient souuent. Tousiours étoient ensemble, ou ilz ne pouuoient durer, & si ne se pouuoient ſaouler de l'un l'autre regarder, & ne retournoient à leurs hotels, fors le plus tard qu'ilz pouuoit. En telle maniere se maintindrent toute leur ieuneſſe & enfance. Et pource qu'enfans estoient, on ne ſ'en prenoit point de garde, mais quand ilz vindrent à leur aage, ilz ne se peurent maintenir comme ilz auoient fait deuant. Ains cōuint qu'ilz se gardaſſent & celaſſent, ſi comme leur amout leur apprenoit, mais ilz ne se ſceurēt ſi bien celer, que d'un ſeruiteur du pere de Thyſbée, ne fuſt leur amour apperceüe, ſi le cōta à la mere d'elle, cōmēt les enfāns ſ'entr'aymoiēt. Lors appella la mere une ſiēne chābriere: & luy cōmēda tāt qu'elle peuſt, que biē gardaſt que Thyſbée n'iſſiſt hors de l'huīs:

ne qu'elle n'entraist en lieu, ou voir peust Pyramus, & adonc parauenture sourdist rancune & maltalent entre les parés des enfans, qui depuis dura toute leur vie, ce les détourba d'assembler enséble par mariage: car si ne ce feust, ilz estoient assez pareilz pour auoir l'un l'autre. Moulx furent les enfans à grand meschef, pour l'amour l'un de l'autre. Les amys de Thisbée, luy deffendirét expressement, sur peine de correction, qu'elle ne se montrast à l'huy: n'a la fenestre ou elle peust Pyramus voir: Pareillement le pere de Pyramus, luy defendit qu'il n'allast en lieu ou Thisbée fust.

Pyramus donc & Thisbée ieunes enfans, furent en moulx grand meschef, pour le droit commandement de leurs parens: car comme plus venoient auant, tant plus croissoit leur amour, & leur dueil plus aprement pour la defense. Ilz vindrent en l'aage de quinze ans ou plus. Pyramus ne scauoit que faire, pour l'amour de Thisbée qui l'agressoit. Il muoit souuent couleur, & menoit grand dueil, & piteuses complaints. Et dessus tout il ne se pouoit tenir de plorer. Il ne scauoit comment il se peust maintenir, car nuit ne iour n'auoit repos. Palle & decoulouré s'en alla vn iour au temple de Venus, & là tout triste, & de melancolie plein, se coucha dessus vne pierre de marbre, & commença son oraison, en priant à la déesse, qu'elle luy

vous fist consentir, que briefuement peust parler à Thyfbée f'amy, qui d'autre part enclofe estoit & n'osoit yssir : & par ainsi auoit encores plus à endurer que Pyram⁹. Elle menoit si grand dueil : & tant piteusement se complaignoit, que la moitié n'en pourroit estre racontée. Et iceluy dueil qu'elle menoit s'adressa vers la maison de Pyramus. Car entre leurs deux maisons n'auoir qu'un mur, qui faisoit la diuision si prochaine, voisins estoient leurs parens. Thyfbée vint vers le mur, & auisa vne petite creuace qui apparoissoit, elle print le pendant de sa ceinture, & le bouta en la fente ou creuace, tellement qu'elle apparoissoit de l'autre part du mur en la chambre de Pyramus. Quand Pyramus reuint à l'hotel il entra en sa chambre qu'il ferma, car il se vouloit celer. Il regarda vers le mur, si vit le pendart de la ceinture de f'amy apparoir. Si alla hastiuement celle part & la print, puis dist: O Thyfbée ma treschere amy, par vostre enseigne suis icy venu. S'il est ainsi qu'aucune chose vous soit de moy, rien ne vous tiendra que ne veniez à moy. Si rends aux dieux louanges, quand il leur prent pitié de noz amours, & de ma dure langueur, à laquelle si de brief remede n'y est trouué; mourir me couiendra à grand douleur. Thyfbée la pucelle estoit de l'autre part: qui écouuoit les parolles que Pyramus disoit. Elle mist les yeux à l'endroit de

la creuace, & regarda son amy, cuydant parler. Mais elle fut si surprinse qu'elle ne sceut que dire, & de craïte amoureuse mua couleur: mais quand elle fut reuenue à soy, elle mist la bouche à la creuace, & dist: Trescher amy Pyramus, ainsi vous osé-ie nommer. I'ay esté celle qui premieremēt ay auisé cōment nous pourrions par cy parler ensemble, vers vous ne me puis ne vueil celer. Conseil nous cōvient trouuer, comment icy peussios venir, sans estre apperceuz de personne. Car comme plus ayme lon fort, tant plus doit estre desirant de bien celer. Amy ie vous ay ouy lamenter, dont bien vo^r deussiez deporter: car vostre douleur, n'est que ieu au regard de la mienne. Mieux & plus me dois plaindre que vous, qui n'ay repos ne nuit ne iour. Mon doux amy plus ne puis mot dire, souspirs m'ôtēt le parler, & les larmes me troublent tellement la veue, que plus ne vous puis voir, n'aussi plus rien dire. D'icy me partiray, pour doute que ne soyons apperceuz. Mais pensez d'icy retourner le matin: si pourrons deuïser bien à plus grand loisir.

Alors se partirent les deux aymans, iusques au lendemain au matin, que tous deux y reuindrent. Si parla Pyramus premier, & dit: Helas ma tresdouce amye, q̃ i'ay pour vostre amour de tourment & dure détresse, & de grieues douleurs long tems souffert & enduré: dont grāds

merueilles ay comment ay tant peu viure, n'en durer. Et encores n'en puis eschapper, si par vostre debonnaireté n'avez pitié de moy. Je suis vostre, & celuy qui onc autre que vous n'ayma, ne iamaïs n'aymera iour de sa vie. Thyrbée luy respondit: Beau doux amy Pyramus, ie voy & sçay bien certainemēt q̄ vous m'aymes, & que maintes douleurs aues pour moy euës, mais ie vueil que vous vous reconforties: car scaches que ie suis toute vostre, & plus m'est cent fois de vous, qu'il n'est à vous de moy. Respondit Pyramus, ma douce amye, si par vostre blâche main vous peuse tenir, & voir plus à plain vostre gracieuse & douce face, ie seroye tout guarry. Faisons vne chose que ie vous diray: Emblōs nous de nuit au mieux que nous pourrōs & allons à la fontaine, dessouz le meurier emmy les prez, ou Ninus fut enseuely. Illec pourrons parler ensemble à nostre habandon. Mieux vaut qu'ainsi le faisons, que de mourir en telle langueur, & ie m'emblayer au soir qu'on ne s'en prendra garde. Thyrbée dist: amy tout ainsi comme vous le dites, ie l'otroye. Ie me partiray de ceās au premier somine, en telle maniere qu'on n'en sçaura rien, Venes à la fontaine, & vous m'y trouueres.

La deplorable mort des vrais aymanz

Pyramus, & de la belle

Thyrbée.



A Tant les deux amoureux se partirent d'illec, il leur fut auis que longuement dura ceste journée. Et quand la nuit fut venue, & leurs gēs finēt endormis. Thyfbée n'oublia pas ce que promis auoit à son amy Pyramus, ains se leua de son lit gentement, comme celle qui estoit d'amours fort esprinse. Si yslit de l'hôtel de son pere qu'onques ne le detint fermée, & sen alla toute seule par la rue: tant qu'elle vint iusques au mur moult hardiment. Vue guette qui dessus les murs estoit, l'apperceut venir toute seule, mais en nonchalloit la tint, pource qu'il cuyda que ce fust aucune déesse: & la laissa aller. Thyfbée alla tant qu'elle vint à la fontaine, ou ilz auoient l'un à l'autre promis.

mis heure, & s'assist sur le marbre de la fontaine, si cōmença à penser, en qu'elle maniere elle pourroit gaber son amy Pyram⁹, quād il viendroit illec. Lors vit descēdre d'une mōtagne, & courir vn Lyon parmy les prez vers la fontaine, ce Lyon auoit étranglé bestes sauuages, & encores en auoit le museau sanglāt, & luy pendoiēt les entrailles autour de la teste: Il venoit boire à la fontaine. Et quand Thyrbée l'apperceut venir moult durement fut effrayée, si qu'elle ne sçauoit de soy quel conseil prēdre. Si s'enfuyt le plus hatiuement qu'elle peut, par vne voye dedans le boys: Mais en fuyant luy cheut son cœuurechef derriere, tellement qu'elle ne eut loissir de le recueillir. Elle s'en alla mussier dessouz & en l'ūbre d'un amādiar. Et le Lyon alla tandis à la fontaine, ou il beut, puis reuint es prez, si trouua en sa voye le cœuurechef que Thyrbée auoit laissé cheoir. Si se print à s'en torcher le museau ensanglanté, puis d'illec se partit. Et Pyramus tātost vint apres celle voye, qui vit aux retz de la Lune, le cœuurechef blanchoyer. Il s'approcha, & apperceut comment il estoit ensanglanté. Puis vit par dessus la poudre, les traces de la patte du Lyon. Et si trouua la fontaine troublée du sang. Il regarda à tous cotez, mais il ne peut voir s'amy: car elle ne se pouuoit mouuoir du lieu, ou elle s'estoit mûcēe, pour la doute du Lyon.

*Des piteux regretz que fit Pyramus à la fontaine,
pour l'amour de Thysbée s'amy.*



Q Vand Pyramus ne trouua s'amie Thy-
bée, cuyda que le Lyon l'eust deuorée.
Si fut espris d'ire & de rage, qu'oncques n'eut
douleur qu'à icelle s'accomparaist. Il cōmença
merueilleux dueil & fit moult de piteux re-
gretz, en telle ou semblable maniere. Hée tres-
souuerain dieu que ce cœuurechef me represē-
te outrageuse douleur à mon cœur. Hée beste
enragée & sauage, comment fuz tu si ou-
rageuse & hardie que tu as m'amy occis? Helas
quel dommage de vous ma tresdouce amy
Thysbée, & tout cecy a esté par moy que tou-
te seule & par nuit vous ay icy fait venir. O
toy Lyon qui deuorée l'as, vien auât & si m'oc-
cis. Tu as beu son sang ou estoit sa douce & de-

bõnaire ame. Or vien boire le mien si couche-
 rōs tous deux en vn sercueil. O tresdouce amye
 que ne fus ie à vostre mort, si feussie mort a-
 uecq' vous. Amye puis que vous estes morte
 pour mon amour, bien est raison, que pour l'a-
 mour de vous ie reçoieue mort, car sans vous ne
 veux & ne puis viure. Hée meurier meurier,
 droit dessouz toy fut l'heure assignée, & tu as
 cōsenty la destruction, & la mort de celle qui
 viuoit au monde sans pareille, bien dois estre
 nōmé arbre de tristesse, & de morrelle douleur.
 Je prie au souuerain dieu, que pour la douleur
 qui souz toy sera auenue (car puis que celle qui
 me faisoit viure y est morte, i'y fineray,) qu'il y
 vueille demōtrer vn tel miracle, dōt memoire
 en peut estre perpetuellemēt. Apresces regretz,
 tyra Pyramus son epée, & leua le cœuurechef
 en sus du meurier, puis s'en frappa parmy le
 corps. Et tādīs qu'il mouroit il baisoit le cœu-
 urechef. Et les meures noircirent qui auoient
 tousiours esté blanches iusques à celle heure
 en signe de douleur. Thyrbée reuenoit afin
 qu'elle ne deceust son amy Pyramus, mout de-
 siroit de luy dire, de quel peril elle étoit échap-
 pée, bien cuidoit accōplir son vouloir que tāt
 auoit desiré. Ia luy étoit auis qu'elle estoit pres
 de luy: & qu'ilz s'entrebaisoiēt: mais quād vint
 au meurier elle fut toute ébahie, pour le fruit
 qui étoit de blanc en noir. Tandis que Thyf-

bee regardoit c'est arbre en allant deuant soy, elle ouyt Pyramus soupirer, plaindre & s'en-gloutir puis le vit couché en baisât sō cœuure chef. Adōc s'approcha pres. Et quād elle vit l'épée & la playé au corps de son amy, de la grād'angoisse qu'elle eut elle se pâma, & quand elle fut reuenue à elle, le plus grand dueil du mōde cōmença à faire: & les plus piteux regretz. Puis s'enclina sur le corps, & le commença à baisser. Puis print son épée & la tint cōtremōt & dist: Hée épée tu m'as tollu mō amy, tout mon cōfort, & tout mon deduit. Tu es ensanglantée de son sang, & ie veux que tu le soyes aussi du mien. Nous ne nous peūmes ensemble assembler vifz: Mais la mort nous y assemblera, mais tout auant, ie prie aux dieux immortelz, que puissiōs tous deux estre mis souz vn tombeau. Lors se reclina sur le corps & le baïsa, & puis dit: Or mon doux amy Pyramus voicy vostre amye. Regardez & luy dōnez aucun soulas de-uāt sa mort. Le iouuenceau ainsi qu'il mouroit entreouurit ses yeux: & vit que c'étoit s'amy Tyfbée, parler cuyda, mais il ne peut pour la mort qui si pres l'agressoit, toutesfois (dist il) Thyfbée mamie, q vous a en vie remis? A tātse reust que pl^e ne parla, puis la regarda, & en soufpirant luy partit l'ame du corps. Lors se pâma Thibée de rechef: & quād de pamoisō reuint. elle print l'épée, & s'en frapa parmy la poitrine

deſſouz la māmelle, ſi cheut ſur le corps, qu'elle baiſa & accolla étroitement tāt qu'elle eut vie, & ainſi mourut. Ainſi ſ'étraimerēt les deux aymans, deſquelz l'vn ſe miſt à mort pour l'autre. Les parės qui les trouuerēt, les mirēt en yn ſeul ſepulcre. Et la meure qui parauāt étoit blāche, receut couleur noire en ſigne de douleur.

La hôte que fiſt Vulcan à Mars & à ſa femme Venus trouuez, ſur le fait d'amours par Phœbus qui découvrit le ſecret.



A Pres Leucothoë ſ'auança & cōmença la ſienne en telle maniere : Puis que nous ſommes entrées à parler de matières amoureuſes. Je veux faire mō conte de Phœbus qui enlumine tout le mōde, lequel pour l'amour d'y-

ne damoyfelle il estoit surprins merueilleusement. Or vous diray comment cestuy dieu qui plus cler voit qu'autres, s'apperceut que Mars le dieu des batailles, auoir accointé Venus la deesse d'amours, & qu'ilz faisoient ensemble le passerems. Moul't en fut Phœbus dolêt. Si l'alla dire à Vulcam le mary de Ven^e, qui est dieu du feu. Si luy dist toute la maniere & luy montra le lit ou gisoient ensemble. Quand Vulcam le sceut, il en fut tât courroucé & esprint de rage & d'ire, qu'à peu qu'il ne sortit hors du sens: l'œuure qu'il forgeoit luy cheut des mains. Lors luy souuint de sa grand' malice, car pour prendre les deux amoureux au fait il forgea hatiuement vne chaine de dyamant & d'arain: de si tresmenue maille, qu'on n'en pourroit faire vne si menue de soie ne si deliée. Et y fist planté dez lacs courans, faitz si subtilement & par telle maniere, qu'on ne les pouuoit appercevoir ne rompre, puis les tédit sur le lit en plusieurs lieux moul't subtilement. Quand Mars & Venus vindrēt coucher ensemble en ce mesme lit, tâtost furent prins au mesmes lacs, & comme plus se cuydoient deffaïre, tant plus s'enlaçoient. Lors fist Vulcam ouurir les huys & fenestres, pour faire apparoir la feste de sa femme tout clerement, & y mena plusieurs dieux ausquelz il montra ceste chose. Les dieux commencerent fort à rire, quand ilz les yirent ainsi

rous nudz, ainsi prins & enlacez enséble, moult s'en moquerent. Et tel y eut dés dieux, qui bien vous fistestre en ce point, & de semblable cas re prins, car tantost fut la chose sceue, que Vulcan le forgeron, auoit trouué sa femme nue gisant avec dieu Mars. Moult en fut Venus courroucée, mais puis qu'ainsi estoit, il ne luy challoit quelle chose on dist. Onques pour celle honte, ne pour la doute de son mary, ne s'en abstint. Adonques fut Vulcan moult dolent, de ce qu'il auoit sa honte manifestee, car Venus l'en hayt depuis, & laissa sa compagne, & alla deme ner publiquemét sa paillardise avecque Mars.

La vengeance que print Venus de Phœbus, pource qu'il auoit decele son secret en amours.

VENUS n'eut pas oublié que Phœbus l'auoit accusée. Si se pensa qu'elle luy rendroit & guerdonneroit, quand point & tems en seroit. Elle vn iour l'esprit de son amiable amour, luy fist sentir, & éprouuer comment se deullent les aymans, desquelz les amours sont reuelees, & aussi que vallent celles qui sont celees ou secretes. Phœbus fut donc esprins de l'amour d'une belle plaisante pucelle, qui eut nom Leucothoë, fille d'Orchamus le Roy de Sabe, tellement que de nulle autre ne luy chaloit fors d'icelle: Mais elle n'accomtoit à luy rien, & tant plus l'aymoit celuy, moins l'aymoit celle. Mais en



la fin par sa subtilité il la deceut, car il vint vne nuyt tandis que ses cheuaux reposoient, en la chambre de Leucothoë, en semblance de la royne Euryonne sa mere. Ceste pucelle auoit avec elle treize femmes. Phœbus dit, qu'il vouloit à celle parler de conseil . Leucothoë qui bien cuydoit que ce fust sa mere, fist partir toutes les autres. Et lors luy dist Phœbus: Ma douce amye, ie suis Phœbus le souuerain illuminateur de tout le monde , Phœbus le dieu du soleil que toute mon amour ay mise en vous. Si vous prie tresamoureusement que vous deueniez m'amy. Lors fut la damoyelle moult ebahye. Elle filloit: mais sa quelongne luy cheut des mains : car Phœbus étoit reuenu en pre-

miere forme. Si prit Leucothoë entre ses bras, & fist tant qu'il l'efforça & coucha avec elle : La damoyelle souffrit la force en gré, celle chose ne peut estre longuement celee: car Clytie que Phœbus eut longuement aymee s'en aperceut : & comme ialouse nonça à Orchamus, comment sa fille le deceuoit, & couchoit chacune nuit entre les bras de Phœbus.

Quand Orchamus le sceut, il fut tant courroucé, qu'il fist sa fille enfouyr toute viue en terre, n'ouques pitié ne l'en print.

Q V A N D Phœbus sceut & conneut la mort de son amye, pour sa coulpe en fut dolent : Si fist la sepulture ou elle gisoit fendre à ses raiz. tellement qu'elle s'en peust bien leuer s'elle eust vie. Mais le corps mort gisoit. Lors fut Phœb⁹ dolent. Et voluntiers luy eust rendu la vie s'il eust peu, mais il ne pouuoit. Si arrosa le corps de pigmēt, tellement que la terre abreuua d'une fine odeur odorifere, dont se peupla & enracina vne deliee vignette d'encens, haute de la longueur du corps. Et ainsi fut Leucothoe en encens muë. Phœbus n'ayma onques puis Clytie pour sa ialousie, ains la mist toute en refus: & quand ainsi se vit refusee & reboutee de son seigneur, tel dueil en eut qu'onques puis ne coucha en lit : ains perdit sens & toute memoire, & deuint vne fleur qui est nommee Souffie. Laquelle est entremeslee de iaune &

de rouge, & de sa nature, elle suyt encores le Soleil son amy.

Du tendre & delicat Hermaphrodite, qui pour le refus d'amour qu'il fist à vne nymphe, eust les deux natures.



A Pres ce, commença à dire son comte La damoysele Alcitoë, qui oyseuse ne fut de sa tyssure auancer. Et quand la compagnie fut appaisée, elle dist : Bien vous racomteroye dist la damoiselle, le comte de Daphnis pasteur de Trôye, qui étoit petit homme & pauvre. Commēt vne haute dame l'ayma par amours. Et cōmēt il n'en eut cure, & pour ce la dame le fist en pierre muer : mais trop est la fable commune. Si vous diroye bien commēt Soythou contre

nature se diuersifioit, tellement qu'une heure estoit homme, & l'autre heure estoit femme. Ou bien vous diroye comment Celmus en son enfance eut l'amour de Iupiter qui enfant estoit, & puis fut mué en aymant. Ou comment les peuples des Curettes nâquirent iadis des grans playes qui cheurét. Et commēt Crocus & Smilax sa femme, furent muez en deux fleurettes. D'autres contes recreatifz & nouueaux scay assez, lesquelz lairray, & en diray vn moult plaisât à ouyr, c'est la fontaine nommee Salmacis, laquelle est de telle nature, que quelque homme qui se baigne, tantost il deuient demy femme, & la femme qui si baigne, deuient demy homme: & si vous diray comment.

LE dieu d'eloquēce Mercure, & dame ven⁹, eurent iadis vn enfant de telle semblāce, qu'en son visage pouuoit on bien congnoistre, les semblances de ses peres & meres: & selon eux deux il fut nommé Hermaphrodite. Moult fut grande la renommee de luy & de sa beauté. Si auint enuiron son aage de quinze ans, qu'il mist moult son entente, à cheminer & errer par étrāgee terres, pour enquerir & pour scauoir des diuersitez du monde, & speciallemēt des Fleuves: car moult estoit simple & peu malicieux. Il estoit party des Caroyz, & vint par auenture en Lycie. Et ainsi qu'il s'en alloit prenant déduit & sēbatant, il s'arresta sur vne fontai-

n: qui moult estoit belle, claire & cheric. Si sembarit sur luy vne pucelle bien mignonne, qui tousiours ioyeuse étoit, car onques n'auoit appris d'aucune chose faire. Celle damoyelle auoit nō Salmacis. Si tost qu'elle vit le iouuēceau, grâdement fut de son amour esprinse. Si vint tātost à Hermaphrodite & le mist à raison, mais pour estre plus plaisante, elle se orna moult cointement. Enfant, dist la damoyelle. Salmacis: Tu es tāt beau & tant plaisant, qu'on te deuroit bien nōmer dieu. Se tu es Cupido le dieu d'amours, bien sont nez tous ceux qui t'appartiennent, & encores plus heureuse sera celle, que tu atoucheras en charnel delit, & qui sera ton épouse. Si te prie & requiers que tu m'ayme, & demenons icy en secret noz amourettes, & si me prens à femme par mariage, car ie suis gētille & de haut lignage, tu seras moult prisé & exalté pour l'amour de moy. Lors se teut la damoyelle pour ouyr la responce de l'enfant. Mais Hermaphrodite ne sonna onques mot, cōme celuy qui moult étoit hōteux, & qui onques n'auoit senty que c'étoit d'amours, & par vergōgne rougit. Quand Salmacis vit sa face rougir, pl⁹ y vit de beauté, qu'elle n'auoit fait par auant. Si s'en amoura plus fort que deuant. Lors le cōmença à accoller & baiser. Et Hermaphrodite luy dist & iura certainement, que si elle ne le laissoit en paix, il s'en-

fuyroit. Salmacis eut peur qu'il s'en fuyst. Si le laissa en paix & luy dist : Je sçay bien que ie t'ennuye, pourquoy ie m'en iray. Lors fist semblant qu'elle s'en alloit, mais elle se muça derriere vn buisson, pour voir la contenance de luy, quand seul le trouueroit.

QUAND Hermaphrodite vit qu'elle s'en estoit allee, & q̄ seul estoit, il se dépouilla tout nu, & s'en alla baigner en l'eau de celle fontaine. Et quand Salmacis le vit nu, & regarda sa belle & tendre chair, qui par l'eau se iouoit & nageoit, elle fut plus échauffee que deuant. Elle se dépouilla semblablement toute nue en l'ymbre d'un buisson. Puis s'en vint tout secretemēt bouter en la fontaine, & embrassa étroitement son amy Hermaphrodite, en disant : Or ay-ie maintenāt ce que ie desire. Puis le cōmēça a baiser & a soy ioindre a luy, & entrelacer entour de luy, mais onques pour ceste chose ne sēmeut le iouuenceau, quād celle vit que pour baiser ne pour étraindre, ne le pouuoit émouuoir a son amour, elle dist par grand desdain : Malheureux il t'aparoitra tantost, quelle chose vaudra ta defenſe, car certes iamais ne m'échapperas. Beau sire dieu, dist elle, ie vous requiers que m'otroyez, que iamais ne puisse estre déioincte de cestuy cy, ains soie tousiours secreta à luy, tellement que iamais ne puissions estre departis. Les dieux ouirent sa priere, & y

montrèrent tâtost tel miracle: qu'eux deux furent ioints ensemble par telle maniere, que de leurs deux corps ne sembla que vn, & que leur nature fut moytié homme & moytié femme. Quand Hermaphrodite se vit moytié homme & moytié femme, il tendit ses bras vers le ciel, & s'écria à voix féminine: Pere & mere qui m'engendrates, & qui vrayement homme me créeates, otroyez moy tel don pour la demonstration qu'en ceste eau ay perdu la moitié de ma nature masculine, que tous hommes qui ceste eau attoucheront, puissent deuenir demy femme, & les femmes qui se laueront, deuiennent demy hommes. Tantost fut son oraison ouye, & ce fut la cause pourquoy, qui conques se lauoit en celle fontaine, muoit la moitié de sa nature, & fut tousiours depuis appelée la fontaine Salmacis.

Du mesprisement des Mynediennes enuers les sacrifices de Bacchus, & de leur punition.

CEs propos finiz entre les trois sœurs Mynediennes, point ne cesserēt de labourer, en desprisant la feste que chacun faisoit de Bacchus: Le dieu se courrouça, & enuoya à la maison ou elles ouuroiēt, tabourins, tympaniōs, & grāds lumieres, fleurās souef & myrrhe & fueilles d'yerre. Leurs toilles furent muees, & deuiendret vne partie fueilles de vignes. Ilz sēbla aux sœurs, qu'elles ouysent bestes sauuages vrler,

qui deuorer les vouſſient. Si ſ'en fuyrent de la chambre, & ſ'en allerent mucer au plus obſcur lieu de l'hotel, c'étoit en la vallee, & furent muces en chauues fouris.

La malice de marâtre enuers ſes fillâtres.

GRand'ioye faiſoit Ino, & moult ſ'en orguilloit pour Bacchus ſon neveu, qui tât auoit de puiffance. Et moult entra en grand orgueil, pour ſes enfans & pour ſa ri cheſſe, & encores plus pour ſa proueſſe. Arhamas ſon ſeigneur, fut vn riche roy né de Thebes. Deux enfans auoit d'Ino ſa femme, & deux autres d'vne autre dame, qui auoit à nom Néphele. De ces deux enfans, l'vn auoit nom Phrixus, & l'autre Helle. Ilz eſtoient tât beaux & de ſi bõne doctrine, que chacun les priſoit & honnoroit, ſur tous autres. Ino qui leur marâtre étoit, quand elle vit que ſes deux enfans eſtoient ſi honorez, & priſez par deſſus les ſiens, elle ſe douta qu'ilz ne fuſſent encores ſeigneurs de la terre. Si commença à querir tours & manieres, commét ilz peuſſent eſtre deſheritez & challez du royaume. Lors elle ſe penſa d'vne grãd' malice, & commanda à tous les puiffans du pays, qui labouroient & gaignoient la terre, & leur donna grãds dons, afin qu'ilz ne ſemaſſent que blé, cuyt. Et ainſi en firent ilz, car ilz n'oſoient paſſer ne deſobeir ſon commandement. Sça chans que ſilz deſobeiſſoient, ilz ſeroient détruitz. Ceſte choſe fiſt elle ſi ſecrettement,

qu'on ne s'en apperceut onques . Et quand la saison vint que les blez devoient croître & fructifier, il n'en auoit en tout le païs rien d'apparent. Lors commença tout le commun peuple fort se deconforter & ebahyr . Et Ino fist tant par dons & par promesses aux prestres & prescheurs qu'ilz allerent prescher, manifester par toute la contree au peuple , que tant que Phrixus & Helle sa sœur seroient au païs, autre chose ny viédroit ne ny croitroit sur la terre, & qu'ainsi l'auoient les dieux ordonné, qui vouloient qu'on les deboutast du royaume, car par leur mauuaitié perissoient les semences.

PAR tout le pays encoururent les nouuelles, tellemēt que le peuple ayma mieux, que ces deux enfans feussent desheritez , & mis dehors du pays & priuez du regne, que tout le peuple allast en perdition & en exil, par telles manieres, furēt les deux enfans exilez, & boutez hors du royaume de Thebes leur pattrimoine. Et tāt s'en allerent par leurs iournees de nuit & de iour, qu'ilz vindrent par auenture à la mer , & quand ilz y furent, ilz n'y trouuerent ne nef, ne pont par ou ilz peussent passer, si furent moult ebahys , s'ilz retournoient, ilz sçauoient bien qu'ilz étoient mors , & perduz . Lors Iupiter prent pitié d'eux, & leur transmist vn mouton, qui auoit toute la laine doree, & si auoit deux cornes au front toutes de fin or.

L'origine

L'origine de la toison d'or, & de la mort de Helle.


QVand les deux enfans Prixus & Helle sa sœur virent le mouton doré. Prixus dit: Madouce sœur, puis que les dieux nous ont par leur misericorde transmis & enuoyé ce noble & ce riche mouton, qui bien semble estre chose diuine. Nous par mon conseil, monterons dessus, & prendrons nostre auenture, telle que les dieux nous enuoyront. Car i'espere qu'ilz nous conduiront à sauueté. La pucelle Helle, qui du tout se vouloit conduire, & gouuerner par le conseil de son frere Phrixus, luy otroya. Si monterent eux deux sur ce mouton doré, & tantost il se mist à nager. Helle qui ieune & tendre étoit, endurer & souffrir ne peust les vndes de la tourmente de la mer. Par quoy elle cheut dedans & se noya, pour celle cause, la mer ou Helle se noya eut nom Hellespont, & encores luy demeure celuy nom, iusques auourd'huy. Moult fut dolent Phrixus, de la submersion d'Helle sa sœur, mais amender ne le pouuoit: car le mouton l'emporta nageant incessamment, parmy les vndes de la mer, tant qu'il arriua en l'Ile de Colchos. La presenta le iouuenceau Phrixus au dieu Iupiter le mouton en oblation, du tresgrand benefice que fait luy auoit.

*La hardiesse d'un amoureux & de la mort de
Leander en allant voir s'amye.*

Olympe.

I.

EN Abidos auoit iadis vn iouuēceau, qui auoit nom Leander, qui fort aymoit par amours, vne damoysselle nommée Hero, laquelle demeuroid de l'autre côté decelle mer, en vn.



fort chateau, tellement que la mer departoit les aymās. Quand Leander vouloit aller voir s'ame, il nageoit de nuit oultre celle mer. Et ainsi le faisoit, afin qu'il ne fust apperceu. Et quand il faisoit obscur. Hero se tenoit aux fenestres d'une tour, avec vn brandon de feu. Et Leander s'adressoit illec à la clarté. Longement demenerent leurs déduitz secrettement, qu'onques personne ne s'en apperceut: Auint vn iour qu'une tēpeste mōta sur mer si grande & qui dura tāt longuement, que bien par huit

iours, nul ne s'osoit mettre sur mer. Et par ce cōuenoit, que Leander s'abstint d'aller voir sō amy, car s'il si fust mis, il eust été tantost perry. Si s'en abstint par l'espace de sept iours a moult grāde peine. Il n'est douleur si grande qu'il ne sentist quand il pensoit à s'amy, & aux grands soulas qu'il en auoit eu. Moult faisoit Leander de piteux regretz, & iour & nuit ne pouuoit reposer. Tant fut oppressé d'amours qu'il ne pouuoit durer, si se pensa qu'il s'auenturerait, ne ia pour la tempeste ne laisseroit, qu'il n'allast veoir celle, que de si long tems n'auoit veüe. Lors saillit en mer, & se mit à nager, mais il ne fut gueres loin, quand la tempeste par trois fois le fist enfondrer dedans la mer. Quand Leander vit, qu'il ne pouuoit plus auant aller, il retourna & hyssit hors, puis s'assit sus vne roche, & regarda vers la tour, ou étoit s'amy. Lors se recommença à doulourer & à complaindre, disant: Helas, & ne sera iamais ceste mer trāquille & paisible, afin que ie puisse aller voir celle, qui est maitresse & garde de mon cuer. Pourquoy ne ordonna Dieu, que nous deux ne fussions d'un royaume, ié ne me tint que ne l'allasse voir tous les iours plusieurs fois. Mieux me valut estre à l'un des boutz du monde que d'estre icy, ou ie vois tout à plaince que tāt desire, & si ne le puis tenir. Trop ay long tēs a attēdre, s'attēdre vueil que la mer

soit paisible. Mieux me vaut mettre à l'aventure du tout, & que meure se mourir doys, qu'ainsi longuement l'aguir en tel martyre. Aumoins si ie meurs par aventure pourray arriuer au côté de deça, & me pourra encore tenir m'amie entre ses bras. Et si ie meurs icy, elle ne me verroit iamais à nul iour. En telle maniere plaignant, dolosant, & regrettant. Hero attendit Leander iusques au huitieme iour. Et quand la nuit fut venue, il ne pouuoit plus attendre: car il veoit le brandon alumé, que s'amy tenoit. Pour tempeste qu'il fist, il ne s'en peut abstenir qu'il ne se mist au nager vers la tour, & quand il vint bien auant en la mer, le brandon que Hero tenoit estaignit, pour le grand vent qu'il faisoit. Lors ne sceut Leander sa voye tenir, & la tempeste le trauailla tant, qu'il fut en peu de heure perillé & noyé.

HERO estoit d'autre part dessus la tour en guet, pour Leander son amy qu'elle attendoit & moult étoit en grād meschef & en grād mesayse. La belle se print à penser, & vn peu s'endormit, & luy fut auis en son dormant, que son amy l'embrassoit, & qu'en vn lit étoient deduyfans & solatians, comme autresfois auoient étéz. Lors se delecta vn peu, mais au reueiller, se plaignit & soupira de douleur. Et pria aux dieux, qu'ainsi qu'elle l'auoit veu en songe, elle le peust voir de fait. Puis le com

mença à complaindre en telle maniere. O mō
tresdoux amy Leander, pēsez de venir, car par
le plaisir des dieux bien passerez. Et s'en vostre
courage ne vous vient à plaisir, aumoins venés
emmy la voye, & ie d'autre partiray à l'encon-
tre. Si nous entrebaïserons, & iamais ne pour-
rōs noyer ensemble maismieux vaut que nous
venions au riuage, si parlerons à loysir, ferons
nostre plaisir. Las se tant ne fusse vergōgneuse
pas ne fusse en telle détresse pour amour, ie al-
lasse appertement avec toy, & ne fusse iamais
ailleurs. Et par ainsi, iamais n'auroye déplai-
sir ne tristesse: mais trop crains renō mauuais.
Amour & honte sont fort contraires. Amours
veut de tous ses desirs l'accomplissement: &
honte n'ose. Hee amy, dist Hero: ie ne puis
croire, qu'il vous soit tant de moy pour ceste
heure, comme il vous est des autres fois: car
rien ne vous tiendrait, que ne vinssiez vers
moy. Et comment dist elle, me pourroit il met-
tre en oubly? Ia sçait il bien que ie suis, si ne
puis ie croire qu'il m'abandonnast, attendu
les grandes promesses & les plaisirs qu'auons
ensemble, mais pour certain ie le laisse & excu-
se, pour le mauuais & dur tems & pour la mer.
Heé Neptunus, n'aymas tu iamais par amours?
Pourquoy nous es tu si aduerfaire? pas n'eusses
été ioyeux, qui ainsi t'eust guerroyé, comme tu
fais nous.

EN ce dueil que Hero demenoit, elle s'en dormit & songea vn songe, dont fort ébahy-étoit. Le songe fut, qu'elle veoit vn grãd dauphi mort, & arriué dessouz la tour, dõt moult dolente étoit. Et quand elle fut éueillée, moult tendrement se trouua plorant, & si auoit son visage tout plein de larmes. Elle se leua bien hâtivement, & décédit de la tour, pour sçauoir quelle signification ce pourroit estre. Si s'en alla au port, sur la riue de la mer, & regarda dedans, & y vit son amy Leãder noyé, qui venoit flottant dessus l'eau, vers la riue, ainsi que les vndes l'amenoient, le reconneut. Lors ne faut pas demander. s'elle eut grand dueil au cœur, car elle en eut tãt, qu'il ne pourroit estre racõté n'écrit. Elle comme toute desesperee saillit en la mer, sans consideration de nul peril, si se ioignit à luy, & l'embrassa étroitement, & en ce faisant elle mourut de dueil, & aussi de l'eau qui la noya. Et ainsi arriuerent tantost les corps des deux aymans, au port de seurté.

Le voyage de Iuno aux enfers pour querir Tisiphon à se venger de Ino la déprisante.

QVand le bruit de l'exil de Phrixus & sa sœur Helle, fut venu aux oreilles des dieux, ilz ne peurent souffrir celle inhumanité, laquelle auoit été faite, souz la couuerture de eux, qu'elle ne fust amédée. Iuno la deesse, qui moult hayoit Ino, eut de ce fait grand dédain, & de l'orgueil qu'elle demenoit. Si se pésa &

puis dist : Peu me prise dist Iuno, se ie n'abaiss-
se l'orgueil de la déloyalle Ino. Ia peust tant



Bacchus, que ie ne puis enmer noyer les ma-
niers, & faire la mere au filz trancher la teste.
Celuy me montre quelle chose ie doys faire,
de ceux qui me courroucent, & qui me mesfe-
ront par mon ennemy, puis apprendre que ie
doys faire. Trop à Ino la déloyalle mespiins
vers moy: dont briuelement ie m'en vueil ven-
ge. Lors decendit Iuno du ciel, & vint droit au
manoir Plutonique, pour procurer mal à Ino
sō ennemye. La voye est tortue, bouense, tene-
breuse, chardōneuse & épineuse, pleine de mor-
telz arbres. Styx le palus, y dōne vne eau plei-
ne de rācune, qui empuātissoit tout le chemin.

par celle voye venoient les ames en enfer. Mil leñtre'es y a pour receuoir tous venans , & ia ne fera plein .

I V N O vint en Enfer par celle voye. Et quand Cerberus le portier qui a trois testes, la vit venir, toutes trois les leua , & trois aboyemens ensemble donna . La porte d'Enfer trembla, & tous les infernaux, quand la deesse sentirent. Iuno appella les trois deesses de forcenage, qui s'assëoyent deuant la porte, pignans & parans leurs cheueux serpentins. Elles se leuerent du lieu ou elles seoyent, pour la reuerence de la deesse. Et vindrent contre Iuno, qui regardoit les peines & les tormens des ames par les sortz des cruches par qui les trois iuges baillent leurs sentences. Titius y est, qui tousiours baille ses entrailles aux vultours pour manger. Et Tantalus y est qui meurt de faim & de soif, & si a à manger dessus son nez, & à boire iusques au menton. Et Ixion étoit couché le ventre dessus vne roue de fer trenchant & ardent qui ne cesse de tourner. Et Sisyphus qui a moult de peine, pour apuyer vne grãd roche.

Les nieces de Belus y sont, qui se peinent & trauaillent incessamment, de puyser eau courante en vaisseaux sans fons. Tous ceux vit Iuno & Sisyphus principalement, si dist: O vous dieux de l'obsure contrée , pourquoy porte Sisyphus, qui est chef de son lignage tel tour-

ment sans Athamas qui est plein d'orgueil & d'outrecuydance ? luy & sa femme sont trop orgueilleux : ilz me déprisent & ne me daignent obeïr. A vous me plains de leur outrage. Je vous prie & commande que leur donnez la rage. Ainsi se plaignit Iuno la deesse aux dieux d'Enfer. Et leur commanda que Athamas & sa femme, fussēt sans plus d'arrest puniz Thyrsiphone qui mainte noise auoit émeue, leua la teste, & luy dist, que la requeste seroit hâtivement faite, & pria à la deesse qu'elle sen retournaist, car en si douloureux lieu ne deuoit gueres demourer. A tant se partit Iuno : & les trois sœurs de forcenerie penserent d'accomplir sa requeste. Thyrsiphone s'apréta, & print vne torche ensanglantée, & fut toute entortillée de serpens, & sa robe souillée & tainte de soin abominable & vil. D'enfer yssit la hydeuse, portant en son regard pleurs & peurs, ébahye tréblât, noircye de courroux. Sur le sueil de l'huys Athamas s'assist & occupa toute l'entrée. Elle fist toute la salle trembler, & apalir la porte, De toute la contrée s'en fuit le soleil. & couurit son visage. Ino fut ébahye pour le monstre qui illec estoit assis, & Athamas s'effraya par la grand forcenerie de la rage qu'il sentit. Il s'en voulut fuyr, mais il ne peut pour la rage qui le contraignit de demourer, & qui tout l'huys auoit pris, & alla crolât & hochant

sa cruelle teste qui toute étoit entourée de serpens, qui donnoient entour elle grans sifflemens. Ilz étoient pleins d'ordures & puans, & issoit d'eux tresgrande puanteur.

*La cruauté d'Athamas, et la fin d'Ino
& de ses enfans.*



T Isiphone arracha de sa teste deuz grans & horribles serpens : & les ietta au sein d'Athamas & de sa femme, qui les remplirent de puanteur & de venin parmi leurs cœurs. Mais au corps ne les atoucherēt, n'es mēbres né les blaiserēt, mais leurs pensees & vouloirs troublerēt de vain erreur, obscur oubly, de felonnie, de noyse & de tristesse : eut Tyssiphone composé un bruuage & détrepé de sang & d'amertume



si leurs rudes courages, & aux vilages tant que elle emplit toutes leurs entrailles. Puis pour eux plus mettre à meschef elle brandoya entour eux, en tournoyant vn brandon de feu ar-
 dant bien acheua la rage que Iuno luy auoit enioint. Puis reprint ses deux serpens, & s'en retourna en sa tenebreuse contrée.

ATHAMAS fut plein de forcenerie, & eut sens & aussi memoire perdu. Si se print à courir comme beste poincte & piquée. Il rencontra emmy la salle Ino sa femme qui ses deux filz portoit, Learchus & Melicerta, & cuyda q̃ ce fust vne lyonnesse qui deux lions menast. Si les chassa pour occire. Learchus vint vers luy riant & tendant ces braz par amour, cōme

acoustumé auoir: mais Athamas ne sceut lors que c'étoit d'amour, ne de pitié: si print Learchus qu'il arracha hors des bras de sa mere, & le ietta contre vn pillier en telle maniere qu'il l'occist. Et Ino se deconforta & s'enfuyt portât Melicerta, hurlant comme beste mute, & criant euehebacche. Iuno qui ceste vengeance veoit, étoit moult ioyeuse de leur honte & dōmage. Ino pleine de forcenerie & de rage s'en alla monter sur vne haute roche & roide sur la riue de la mer: qui souz le chateau au pié fut caüée, & d'illec avec son filz se ietta en mer profonde. Et ainsi forcencz finirent Athamas & Ino leurs iours.



La trāsformatiō de Cadmus et de sa fēme en serps.

CAdmus se pèdant ne sçauoit rien du desfinemēt de sa fille Ino & de son petit neueu, qui desia estoient dieux de mer, parquoy agraué de multiplicité de maux ploura moult, & plaignit pour la perte d'Ino sa fille & de son filz, qui noyez estoient. Il laissa sa terre, & exillé par déplaisir s'en fuyt & avec luy sa femme, & tant errerent qu'ilz vindrent en Esclauonie, ou en grande pauureté véquirent, gagnans leurs vie aux labeurs de leurs mains. Moult se plaignoit Cadmus & regrettoit sa grande perte, vsant sa vie en grande angoisse. Et en fin se repentit du serpent qu'il auoit occis à la fontaine, disant qu'oncques puis bien ne luy estoit auenu. Puis dist: Et s'auenir doit que ie soye serpent, bien le veux estre au lieu de celuy que i'ay occis. Cadmus s'étendit sur son ventre, & tantost il deuint serpent, & en ce faisant il cōmença fort à plorer. Il étendit ses bras vers sa femme, & la cuida appeller & à elle parler, mais il ne peut, ains siffla cōme serpent. Quand sa femme le vit ainsi mué plorāt s'enclina sur luy, & pria aux dieux qu'elle deuint tel serpent cōme luy. Laquelle chose tantost luy auint. Puis s'en allerēt eux deux en vn obscur boys mucer ou ilz furēt paisibles & debonnaires, & ne faisoient nul mal à aucune creature. Bacchus les confortoit, qui fut de leur lignage, & par le monde estoit lors pour dieux

honoré.

Iupiter pour raurir d'amours le tresor, se mua en gouttes d'or, & cheut dedans le sein de la belle Danaës, de qui fut conceu le hardy Perseus.

DEpuis que Cadmus fut party à grãd hôte de sa cité de Thebes, Acrisius son oncle tint le regne, & aussi d'argès tout l'honneur. Cestuy Acrisius fut seul en toute la terre qui osa contester contre Bacchus, qui tant estoit renommé. Bacchus s'en alla guerroyer en Inde, & mena les Bacchâtes avec luy, & fist tât par son effort qu'il suppedita les Indiens: Et là fist la cité de Nyse, laquelle ainsi appella pour son nō. Et quand il voulut retourner d'ou party estoit. Acrisius fist contre luy clorre les portes, & ne le voulut recevoir en luy deniant, comme son ennemy sa terre & son heritage.

Acrisius eut vne moult belle fille courtoise & sage, plus belle n'auoit en Grece. Celle damoysselle auoit nom Danaës. Son pere la fist enfermer en vne tour d'arain pour garder que elle ne fust d'aucun deceue par priere, par dōs, ou par force. Iupiter aymoît la belle à merueilles. Si dist que peu prisoit sa deité, son sens, & son sçauoir, s'auoir ne la pouuoit à sa volonté. Lors Iupiter se mua en pluyes d'or, & entra en la tour ou la pucelle estoit enfermée, ou oques n'auoit en porte deffermée, ne fenestre ouuerte, & la se decouurit le dieu à la pucelle, & en

iouyt amoureusement. Et ainsi conceut en elle Perseus qui fut moult noble, & fut par toutes terres renommé. Acrisius ne sçauoit, & ne croyoit, que sa fille fust amye à Iupiter. Et pource se tint pour deceu quand il la vit enceinte: car il n'eust iamais pensé que de Iupiter ne de sa semence elle fust enceinte. Apres la naissance de l'enfant Perse⁹, le fier Acrisius au dur courage chassa la mere & l'enfant hors de son royaume, car aymer ne les pouuoit. Lesquelz vaguerēt long tems en mer en vn vaisseau de voirre. Tāt nagerent, que là ou le dieu pleut arriuerēt. Ne tarda gueres apres que Perse⁹ ne deuint sage, preux & puissant, & plein de grād vasselage. Il alla volāt par l'air en maintes regions, ou il acquist grād renommé. Lors peut estre Acrisius dolēt, quād d'entour luy l'auoit debouté. Il eut prochaine repentance du tort & dépit que fait auoit au dieu Bacchus, quand pour le debouter de sa terre auoit fait les portes contre luy clorre.

*La vaillance de Perseus, & le decollement
de Meduse la Gorgonne.*

LE roy Phorcus auoit iadis trois filles q̄ toutes trois n'auoient qu'vn seul œil. L'vne auoit nō Euriale, l'autre Stenio, La tierce qui pl⁹ estoit renommée auoit nom Meduse la Gorgonne. Celle pour son clair visage amusa maintes personnes, ses cheueux qui pl⁹ luy sans estoient que fin or, furent muez en horribles couleurs;



pource qu'en son temple l'auoit Neptune deflorée. Onques puis ne la vit nul, nulle tant horrible estoit à regarder, que seulement de la voir ne deuint en pierre. Quand Perse' vint en la terre ou ces trois sœurs demouroiēt qui n'auoiēt qu'un seul œil, dōt chacune en vsoit à son tour, & les deux autres demeuroient sans lumière, ainsi vsoient de l'œil diuersément. Si auint que tandis que les deux qui s'entrebailloyēt l'œil l'une à l'autre, Perseus le print, que garde ne s'en donna Stennio n'Euriale. D'illec à tous l'œil s'en alla Perseus à Meduse, & vit tout pleins les chemins de ceux qui muez estoient en pierre, qui celle Meduse auoient veue. On ne l'osoit voir qu'on ne deuint tel
que

que ceux qui muez estoient. Mais Perseus la vit en la resplendeur de son escu. Si luy trencha le chef en dormant. Du sang de celle Meduse naquist prestement & sans arrest Pegasus vn cheual volant, sur lequel Perseus monta en l'air qui le porta, & vola tant qu'il arriua en la montagne d'Elicone, & la descendit par grand roideur. Souz son pié sourtit la fontaine de diuine sapiëce, & de clergie, & de philosophie.

Bellorophon noble cheualier occist plusieurs monstres, & acheua plusieurs merueilles au monde.

EN Grece eut anciennement vn puissant prince sage en guerre, & qui grande seigneurie auoit. Cestuy estoit appellé Pretus. Il desherita à tort & contre raison le Roy Acrisius. Ce roy Pretus eut vn filz tel, & si adressé, que dessouz le soleil n'auoit son pareil, lequel eut nom Bellorophon, sa mere mourut, parquoy Pretus se remaria, & print à femme vne damoyelle nommée Stenobe, folle étoit, mal aprise, pleine de mondanité, elle ayma Bellorophon son fillâtre, & le requist de folle amour. Bellorophon qui sage & prudent estoit la refusa: dōt elle eut tel dueil, qu'à peu que du sens n'yfist. Et commença à penser cōment & par quelle maniere elle s'en pourroit venger, si se decheuela & égratina son visage, & si rompit sa robe, & en ce point s'en vint plaindre à Pretus son mary de Bellorophon son filz, & luy fist

Olympe

M

accroire que violée l'auoit à force. Quand Pretus vit son épouse sanglante & entēdit sa plainte, bien cuida que ce fust verité, si en eut tel dueil, que peu s'en faillit qu'il ne forcena: & plus en eut dépit, que si vn étrange l'eust fait. Moulteut en son cœur de diuerses pēśées qu'il feroit de son filz: s'il l'occiroit, ou s'il l'enuoiroit en exil. En la fin se pensa qu'en la terre de Cicile auoit vne beste qui estoit moulte fere & horrible, c'estoit vn monstre à triple forme, conuersant en vn desert, lequel auoit détruit ledit royaume, & mis à perdition. Il auoit teste & poitrine de lyon, vn ventre de viel bouc puant, & queue de serpent, & se nommoit Chimere. Là enuoya Pretus son filz pour le faire occire: mais Bellorophon fut preux & vaillāt, si occist celle beste, parquoy il gaigna le cheual Pegasus, qui puis le porta par l'air vollant.

*Le Roy geant Atlas, pour denier
logis à Perseus.*

Toutesfois Perseus qui avec les tailliers de Mercure voloit à aise & franchemēt, tant volla de toutes pars, qu'il n'eut contrée en tout le monde ou il ne fust. Vn iour auint que il volla en occident, & passa par la terre du roy Atlas. Il s'arresta pource qu'il y vit le soleil absconfer, & le iour definer: car il doutoit la nuit qui approchoit, & ne s'osoit par nuit mettre à la voye. Pourtant chez Atlas s'adres-



ça qui regnoit es dernieres parties d'Occident. Cestuy Atlas étoit moult riche & puissant. Entour luy n'auoit prince qui de luy ne tint. Il auoit vn arbre de fin or, qui tout estoit chargé de fleurs, de fucilles, & de fruit d'or. Moult ay ma Atlas l'arbre : mais Themis là déesse deuineresse luy auoit iadis dit que la viendrait le filz Iupiter, qui luy embleroit les pommes d'or. Et pource fist Atlas enclore son iardin & fermer, que par mer ne par terre on n'y pouuoit fors que par son gré mettre le pié. Il n'y laissoit homme mortel approcher : vn serpent y auoit mis qui le gardoit, & qui n'y laissoit entrer homme étrange. Perseus requist logis par amour à Atlas, & il luy respondit que tost

fen allast : ou que mal estoit là venu. Perseus ne print point à plaisir icelle responce d'Atlas qui le voulust chasser, & si estoit nuit & commeçoit à obscurcir. Il ne sçauoit ou logis querre, pourquoy il conclud que pour rié il ne laisseroit la place, ains plustost la conquerroit par force. Et quand il vit que force ne priere n'y valioient, il leua le chef de Meduse, & se tourna afin qu'il ne le vist. Atlas qui sans amours villainement deboutoit Perseus, vit le chef de Meduse, pourquoy sans arrest il fut mué en vn grand mont qui touche au ciel, & tout ce qui luy appartient: Lors vint Perseus au iardin des Hesperides, ou il déconfit le serpēt: & ainsi conquist l'arbre d'or par force, & emporta les riches & precieuses pommes.

Le deliurement de la gente brunette Andromeda de la gueulle du dragon, fait par Perseus.

PERSEUS le lendemain au point du iour lya ses deux legers ælles à ses piez, & ceignit son trenchant faucon, & laissa la terre Occidentale, & vint en l'Orientale au pays d'Inde, ou estoit vn simple roy & paisible nōmé Cepheus. Sa femme Cassiope par orgueil s'estoit vantée en beauté contre Iuno, dont Iupiter Hamon eut desdain de ce mesdit. Le Roy & la Royne auoient vne fille qu'ilz aymoient moult: plus belle, plus sage, plus simple, & plus courtoise ne peut on trouuer. Hamon pour



soy venger de la Roynie qui sa femme auoit déprisée, fist sa fille lycr toute nue sur vne pierre, & pendre au roches sur mer, pour deliurer à la beste. Ceste beste estoit vn monstre de mer, moult grand & horrible, de la longueur de quatre vingtz & dix coudées. Quand Perseus vint ou la pucelle estoit nue attachée aux roches & il vit sa belle & tendre chair, & son visaige enluminé plus que rose vermeille n'est au mois de May: moult s'en émerueilla & cuida que ce fust aucune image qu'on eust entaillée illec en forme de femme & coulourée. Mais à ce que ses cheueux vit voleter au vent, & la vit larmoyer, il sceut bien que c'estoit vne pucelle. Si la regarda moult ententiuelement, sans

couverture la pouuoit voir à destroit liée : car courir ne se pouuoit, dont elle fut moult honteuse. Et lors fut de son amour espris. Il la salua courtoisement, & luy enquist son nom, sa terre, son estre, qui elle estoit, & la cause pourquoy elle ainsi estoit illec liée: La pucelle fut moult honteuse de ce que le iouuenceau la vit nue, & volôtiers s'elle eust peu elle se fust couuerte. Elle eut telle vergongne, que parler n'osa de prime face: si se teut vn peu, & plora tendrement. Apres se pensa qu'elle luy diroit, afin qu'il ne pësast que la fust par sa deserte, si luy dist ainsi: sire, dist la pucelle, on m'appelle Andromeda: & quoy que chetive & malheureuse me voyez si suis-je fille du Roy Cepheus. Icy suis lyée & iugée à mort, par l'outrage & outre-cuidace de la lāgue de ma mere qui s'est preferée en beauté aux déesses. Celle n'eut pas sa raison finée quād de grād randō vint par mer la beste pour la deuorer. Andromeda qui sa mort vit approcher, print à prier le cheualier de son aide, & plorer piteusement. Ses parés & amys qui la deuoiēt aymer estoiet entour elle assembléz sur la riuē de la mer, demenās grād dueil. Moult angoisseux estoiet ses pere & mere, & maudissoient la langue qui auoit esté cause de si grande angoisse. Ilz l'accolloiet & baisoiet, car autre aide ne luy pouuoient faire.

Lors dist Perseus aux parens de la pucel-

le : Seigneurs & dames laissez vostre complainte & vostre dueil , car rien n'y pouuez conquerir , & procurez que celle pucelle soit deliuree de mort . Si du monstre marin dist Perseus , ie la deliure sans danger ou empeschement, la me donnerez vous à femme ? Et afin que sçachez, bien & hautemēt seroit à moy mariee: car filz suis de Danaes & de Iupiter qui en pluye d'or me conçeut . Je suis qui ay conquis le chef de Meduse, & qui ay acheué mainte prouesse : qui vole par l'air. S'on me veut de la belle ou i'ay mis ma cure guerdonner, en auenture me mettray pour celle merite . Je la cuide deliurer de mort, si les dieux y consentent : Tous luy eurent en conuention , & luy fiancerent & promirent par serment que quād deliuree l'auroit , ilz la luy donneroient en mariage , & qu'il tiendrait toute la terre & le royaume à deliure & en douaire . Le monstre approchoit fort & âprement, fendant la mer à force de sa poitrine , & briefuement la vie de la pucelle eust esté finée, si prochaine ay de n'eust eu: car le monstre estoit ia pres, comme d'vng iet d'vne pierre . Lors sauança Perseus en l'air legierement. Et ce monstre qui par mer venoit nageant , apperceut l'vmbre de Perseus, & cuida que ce fust sa proye , si commença à se lancer apres pour le deuorer . Et Perseus descendit plustost qu'vn aigle ne vole-

roit, si frappa le monstre de son trenchant faucon d'acier, tellement qu'au corps luy bouta iusques au manche, & mains coupz luy donna sur les cuisses, sur la teste, & sur leschine. Et le monstre l'une heure se détournoit, l'autre se surleuoit contremont en l'air pour le iouuenceau greuer, & puis se replongeoit au profond de la mer, & se retournoit parmy l'onde & faisoit l'eau contremont faillir. Il se demenoit fierement: & Perseus l'assailloit âprement. Mais le monstre fist tant d'eau faillir contremont qu'il en mouilla tellement les aïles de Perseus, que plus ne s'y osa fier. Lors s'afficha Perseus à une roche qu'il vit prochaine, & la se tint d'une main, & de l'autre frapa tant le monstre qu'il l'occist.

Tous furent lors moult ioyeux ceux qui sur le riuage estoient pour la deliurance d'Andromeda. Le pere & la mere emmenerent leur fille quand deliuree fut en grand ioye en leur cité, & moult festoyerēt & conioyrent Perseus, qui grand louenge acquist pour l'occision du monstre, Perseus lava ses mains: & puis d'herbes vertes & de fueilles ioncha le riuage, pour le chef de la Gorgonne reposer, afin que mal ne luy vint. Par tout ou le chef toucha, les vergettes roïdirent comme roches. Moult s'en émerueillèrent les nymphes de mer qui ce virent, & de rechef essayèrent la force du chef, moult s'e

éiouirent : car les verges roidissoient par tout ou elles attouchoient le chef . Et ce qui estoit couuert de mer demoura vergette tédre & verte, & ce qui apparut dessus fut pierre. Il appert encores par le courail, car tant qu'il est dessus l'eau, il est vne tendre vergette verte, & quand il est dessus, il est vermeil & dur comme pierre. Plus n'arresta Perseus. Trois autelz fist apprêter, & trois feux dessus pour faire à trois dieux sacrifice . Pour Pallas sacrifia vne genisse qui estoit à dextre . A la fenestre sacrifia vn veau à Mercure: & Iupiter au moyen autel eut sacrifice d'un toreau. Puis mena Perseus sa nouuelle épouse au palais du roy son pere, & l'épousa en grand' ioye . Tous les princes & barons du royaume furét aux noces, & y fist on moult d'ébatement. Quand chacun eut beu à loisir, & mangé à son plaisir, Perseus commença à enquerre l'usage de la terre, & la maniere des gés. Et l'anciē baron luy dist tout par ordre . Puis luy enquist du chef de Meduse comment il l'eut acquis, & Perseus luy raconta. Mais ainsi qu'il eut parfait son conte, fut muee la feste en courroux, & luy voulut on tollir sa femme & sa terre.

*Fin du quart liure du grand Olympe des
histoires poëtiques.*

LE CINQUIEME

Liure du grand Olympe des histoires Poëtiques.

La dure bataille de Phineus oncle d'Andromeda qui la voulut tollir à Persens qui à bonne querelle l'auoit conquise, & de la defense que fist Persens vaillamment.



TAndis que le vaillant Persens racontoit plusieurs memorables choses & hardies auentures entre les gents du pays. La salle fût troublée, & y faillit toute ioye. Si cria l'on aux armes hautement. A tant vint au Palais Phine⁹ qui estoit frere du roy Cepheus, prest d'émouuoir la meslee. Si tost qu'il vit Persens il le rail-

la, & par grand ire luy dist : Vassal, dist il, vous sçaurez par tems le guerdon que vous aurez de ce que vous me tollez m'amy, il n'est rien qui de ce vous puisse garantir ne defendre. Et ce disant il balança ses bras pour luy vn dard lacer. Quand Cepheus le Roy vit cecy, s'écria. Frere, dist il, pour quelle forcenerie veux tu commencer tel outrage? ne contends en mon hôtel. Serrace dont le guerdon que luy rendras pour sa peine de ce qu'il a gardé ton amy de mort, que Iupiter auoit deliuree au monstre pour la deuoter? Point ne te la Perseus tollue, mais Iupiter qui à la Beste la iugea qui tantost l'eust occise. Des ce qu'elle fut iugee à mort la perdis tu? Il est verité qu'à femme la deuois auoir, & que voyans mes gens, la te promis. Mais puis fut cestuy conuent rompu, quand Iupiter par son courroux la iugea à martyre. Perseus la promist deliurer par telle conuenance qu'il l'auroit à femme si deliurer la pouuoit : nous l'en asseurames par serment, tu y fuz, & si n'y mis oncques contredit. Or la garatie par sa prouesse, & tu en veux auoir la seigneurie & aussi du royaume, point n'est raison qu'on luy faille de sa promesse: car si nous luy en faillôs, nous luy ferions force & grand tort, si en aurions blâme & deshonneur à tousiours. Quand ma fille estoit lyée en la roche, tu la deussies auoir deliuree, si l'eusses eue sans contredit avec le royau-

me: Mais oncques d'elle deliurer ne t'auanças, & souffris les conuenances estre faites à Perseus. Et pourtant te dis que d'emouuoir contre luy contention, tu te mesfaitz & t'abuses grandement. Cuydois tu qu'il t'aymast tant qu'en peril de la mort se fust mis pour toy querre femme, & si ne t'auoit oncques veu ne cogneu? Certes nenny. Oncques n'en eut volunté, il le fit pour son profit. Or à déconfit la beste & deliuré ma fille, regardes si c'est raison que tu en aye la faisine. Phineus ne respondit oncques mot à ses vrayes raisons: Mais en courroux regarda l'un & l'autre, & vers eux se tira: & s'il eust peu, volontiers les eust occis. Mais ne sçauoit auquel commencer. Toutes-fois il lança vn dard à Perseus: mais il le faillit, & ferit au mur bien vn pié dedans. Perseus print le dard, & luy renuoya par maltalent en la force de sons bras. Phineus se détourna derriere vn autel, tellement que point n'en fut atteint. L'autel qui le deust confondre le garantit: non pourtant receut il dommage du coup, car vn homme de grand parage qui étoit de son conseil en fut atteint au chef durement. Cestuy tira hors le dard qui trop languissoit, & tantost cheut à terre mort. Lors peut on voir parmy les salles fleches & dardz. Tous cōmencerent à menacer le roy Cepheus, & Perseus son gendre: mais lors le roy sans delay se partit.

d'illec, & entre en sa chambre: car point ne se voulut mettre en la menasse de son frere, ne de sa gēt, & moult luy dépleut du debat & contē-
tion qui commēcée estoit à tort en sa maison.

LA batailleresse Pallas accourut son frere secourir de son écu, afin que au découuert ne fut trouué de ses ennemis, qui fierement de toutes pars le guettoient. Bien se defendoit Perseus, à ses ennemys détrenchoit piez & poins, & pourfendoit entrailles & testes, tant que c'estoit grand merueilles. Entre les autres il vit Atis l'Indien, ieune de quinze ans, & bel à merueille: richement aorné d'un vermeil manteau de pourpre émaillé d'or. Celuy tendoit un arc, dont bien sçauoit greuer ses ennemys, & vouloit traire à Perseus mais Perseus legierement l'approcha, & d'un gros tison ardāt luy donna tel coup au hatereau, que mort l'abatit, voyant Lyabas Assyrien qui moult l'aymoit. Celuy en fut moult dolent, si print sans arrest l'arc que le mort tenoit rendu, & en tira vne fleche disant: Plus doit auoir reproche qui c'est enfant à occis que louenge: pour rien ne lairroye que n'en prinse vengeance. Adonc décocha la fleche pour ferir Perseus: & Perseus gauchit pour sauuer sa vie: ficha la fleche en sa robe sans luy dommager, mort rendu le eust, si droit l'eust assené. Perseus tint traite l'éspee: si en alla fraper l'Assyrien au cueur tellemēt que

mort l'abatit deuant les gens. Phorbas d'Ale-
xandrie filz de Methion & Amphimedon qui
couroyent par la salle pour faire estrif, si cheu-
rent par le sang des mors. Et Perseus les hâta à
son glaive trenchant, tellement qu'ains qu'ilz
se peussent redresser il frappa Amphimedon en
l'eschine & l'occist. Et puis refrappa Phorbas,
auquel il trencha la gorge. Adonc vint contre
Perseus Eritheus pour l'occire d'une trenchâte
hache bisaguë qu'il tenoit. Sur luy saillit Per-
seus, & vit sur un dressoir une coupe d'or moult
belle, qui bië pesoit quinze mars, à deux mains
l'en frappa au visage par telle vertu, que mort
l'abatit. Puis rua Polimedon de Babylone.
Moult féuertua & pena de greuer ses ennemys
En peu d'heure en mist cinq à mort, Abaris;
Licetus, Elices, Phlegias & Clytus.

Q V A N D Phineus vit ses gens ainsi defi-
ner, à peu que d'ire & de dueil il n'enragea, vo-
luntiers s'il pouuoit en prendroit vengeance.
A Perseus ieta un fort & agu dard de cypres:
mais point n'alla droit, ains assena Idas qui de
celle noise rien ne se mesloit. Cestuy sans ar-
rest trait le dard, & dit à Phineus: Mis m'as au
nombre de tes ennemys, si est bien raison que
ie le soye: lancer luy voulut, mais de sang tant
luy cheoit à terre qu'il ne peut, ains cheut mort.
O dites le maître commandeur de toute l'Em-
pire apres le roy, frappa Clineus d'une tren-

chante épée , tellement que mort l'abatit. Moult se pena en la bataille pour Phineus son seigneur , si frappa Ipseus , Prothenor & Licides , & fut Prothenor frappé , tellement que mort empres celuy l'abatit . Vn viel preu d'homme y auoit & sage, qui de bon cuer seruoit les dieux. Il auoit nom Emathlon , & ay-
moit paix , il auoit tant vécu , que de riotes n'auoit cure. Moult blamoit ceux qui se debat auoient émeu & commencé. A vn autel estoit allé à sauueté , moult fist de mal Cromis & grande crudelité quand sur l'autel l'alla decoller , & fist voller le chef ou il auoit sacrifié. Les deux freres Hammon & Brotheas à plombées d'acier cheurent mors par la main de Phineus. Quand Phineus vit de sa gent la grande occision, moult dolent en fut . Peu se prise si ne les venge. D'vng bras d'acier decolla Alphytus le prestre de la deesse Ceres . Iapetides en la salle estoit qui moult peu sçauoit de cheuallerie. Vne harpe tenoit & en iouoit vn doux lay en chantant, d'autre chose ne sçauoit entremettre. Lors luy dist Petallus: Va chanter le demeurâr aux enfers , & le frappa au temple de son épée tellement que mort l'abatit , & celuy en mourant encores touchoit les cordes de sa harpe, laquelle resonnoit vn son lamentable. Moult fut sa mort cher vendue à celuy qui l'auoit occis . Lycormas arracha la barre d'vn huys , &

par maltalent l'en frapa au chef, tellement que
à terre l'estendit mort. Pelates vouloit arra-
cher l'estache d'un huys, & tandis qu'il tiroit,
d'une aguë lance luy coufit Corinthus la main
au bois, & Abbas luy trencha le côté d'une tré-
chante hache: & ainsi le laissa mort à l'estache
pendant. Tant y eut de cheualiers affolez, &
mortz, qu'on si pouuoit au sang baigner. Per-
seus moult bien s'éprouua, mais moult y receut
grand dommage. A c'est assaült perdit Mene-
leus son vassal: & le riche Dorilas. Halcy-
neus le frapa parmy l'ayne si l'abatit mort. Et
puis luy dist comme par moquerie: Dorilias
de tant de terroir que tu as, tu n'en auras que
celuy de la lōgueur de tō corps. Moult depleut
à Perseus quand ainsi vit ses gens occire, pour
prendre la vengeance de ses aduersaires, Il tira sa
lance hors du mort, & vers Althioneus la lāça
entre deux yeux, tellement que la cernelle luy
tresperça & l'occist. Puis de celle lance occist
Clytius & Danus son frere: & Celadon & A-
streus le batard, & puis Ethion. Puis vainquit
Thoactes l'écuyer du roy, & Agyrtes qui sō pe-
re auoit cōme fol par desfroy occis. Des mors &
des affollez fist Perseus la salle ioncher, & tāt
en y auoit que sans nombre estoiet. Mais trop
luy greua que dix fois y auoit plus de cōbataus
que de mors, qui auoient cueur & vouloir de
le tuer. Qui lors l'eust veu éuertuer pour se de-
fendre

fendre, d'éstrécher testes, piez & poings, bien luy d'eust remembrer, d'homme plein de grád vasselage. Voluntiers luy eust aydé le Roy Se-
 pheus s'il eust peu. Mais tant fut grand le des-
 roy des ennemys, que par commandement: par
 priere, par amour, par promesse, ne par menas-
 se ne peut ses aduersaires appaiser ne amode-
 rer. Car trop étoient contrarieux. Moult fai-
 soit grand dueil la nouuelle épousée, & moult
 doutoit de perdre son amy qui entre cent en-
 nemys le veoit seul & sans ayde. Pour luy de-
 uotement prioit & reclamoit les dieux. Aussi
 faisoient le roy & la royne. Grand fut le crys
 & piteux les regretz que ces trois faisoiet pour
 l'amour de Perseus. Toute la salle en retétist.
 Mais plus resonnoit pour le bruyt des armeu-
 res que des regretz, car trop étoit gråde la cō-
 plainte des mourans & des naurez. Phineus
 r'alia sés gens, dont grand somme en auoit, &
 renouella la bataille. On ne vit onques pour
 vn seul hōme telle bataille assembler, dessioux
 eux trembloit la terre, de toutes pars l'affaille-
 rent tellemét qu'on ne vit onques au moys de
 Mars plus espellement tomber greslé, comme
 on veoit alors sagettes & dars voler. Toutes
 iettoient d'vne venue pour affoler & occire le
 franc vassal, mais pour estre à seur par derriere
 il s'adossa contre le mur. Ha dieu comme il é-
 toit sage:preux, hardy & plein de grand vassie-

lage, quand en tel point n'estoit épouuenté ne nullemēt ébahy nō plus comme s'il fust en vne forteresse. Et s'il eust eu aucuns de telz cōpagnōs cōme luy de tel courage, tātost eust été le debat finé: mais il étoit seul, & sans ayde. Pourtant ne les épargnoit il pas, mais les destréchoit & abatoit de sa trenchante épée d'acier. Deuant les autres l'assaillirent de pres & desierent Ethemon qui étoit d'Orient par deuers dextre. Et Molpheus de Caonie deuers senestre. Perseus ne sceut, lequel premier fraper pour soy defendre. Bien vousist courir à tous deux ensemble, mais enuers senestre se tourna & trencha à Molpheus vne cuysse. Quand Ethemon vit ce moult en fut dolēt: si hauça à deux mains l'épée pour fraper Perseus, mais le coup descendit en vne barre, & la se brisa l'épée dont la pointe luy frappa en la gorge dequoy il cheut à terre, & Perseus le paracheua. Moult féuertuoit Perseus, mais peu luy valoit sa force: car la turbe de ses ennemis multiplioit tousiours. Ia l'eussēt tué ou pris quand du chef de Gorgonne luy souuint. Adonques dist il par grād fierté. Puis que cōtre mes ennemis ne puis resister par force, de mō ennemy me cōuiēt prendre ayde. Lors leua il le chef de Gorgonne, & dist aux gēs de sa cōpagnie. Mes amis ne regardez pas vers le chef. Thessalus luy dist, quiers q pour tes dirtz & pour ta merueille s'épouēte: car

ia pour chose que die n'échapperas de mort, mais si tost que celuyregarda le chef il futmué en pierre en telle semblance comme il étoit,& pareillement son compagnon Amphix tâtost qu'il eut le chef veu. A tant Nilus armé richement portant l'écu pourtrait à ruisseaux, pour ce que de Nilus se faisoit filz: mais en rien ne luy appartenoit:dist par son orgueil àPerseus. Regarde en ma force, car en mon bras gist ta mort. Et ce te sera grand allegement quand si noble homme comme moy te aura mis a fin, mais en ce disant fut par le chef de Gorgonne mué en pierre. Erix le vit & moult s'en depita, si dist. Nous n'enroidissôs fors par nostre couraige: courons à luy tous ensemble si l'abatôs, il y voulut courir, mais il ne peut, car il fut tâtost mué. Aconteus qui étoit moult aymé de Perseus & qui pour luy se cōbaroit, vit le chef si fut mué en pierre, & Astiages qui vis le cuida, luy courut sus, & le frappa. Mais le coup ressortit comme sus roche, dont moult sen émerueilla. Et en s'ebahissât ne se garda, si vit le chef. Pourquoi il fut mué en pierre cōme luy.

T R O P y conuiendroit long seiour & grâde écriture, qui vouldroit racomter tous ceux que Perseus fist en ce iour finer. Biē en y eut deux cens occis, & deux cens muez par le chef Gorgōne, & bien y en auoit encore deux cēs pretz de combattre. Et quand Phibeus apperceut,

& vit ses gens tous déconfitz, il ne sceut que faire. Moult en fût dolēt & moult se repentit de sa follie. Ses hommes vit muez en pierres. Et bien les cōnoissoit, & sçauoit nōmer. Si leur prioit que chacū luy aydast, maisne luy respōdoient rien. A donques les tātā, si cōneut que deuenuz étoiet pierres. Dont il eut grād deuil & grande peur de la merueille. Bien vit & cōneut qu'il en auoit le pire. Si s'en retourna moult dolent, afin qu'il ne vist le chef de Meduse. Lors Phineus vīt vers Perseus & luy crya mercy, & luy dist en telle maniere: Sire dist Phineus i'ay vers vous mesprins, dont i'en ay receu grand dōmage. Le vous prie par amour que vueillez ôter ce hideux chef. La guerre de nous deux n'est pas hayne par enuie, ne pour conuoitise du royaume, mais seulement pour l'amour d'une pucelle digne pour sa formosité & excellence de nature que lon preigne plus grand debat: parquoy chacun de nous auoit bōne & honnestē grace cause, mais mieux auez la dame desleruē que moy, car cōbiē que promi se m'auoit été: neatmoins vous l'auēz cōquise & gardée par vōtre proesse & veru, ou perdue l'auoye. Vous m'auēz cheremēt vedu le cōtredit que i'y mettoye: Vaincu m'auēz, & point ne m'e déplait, car plein estes de grāde proesse. A vous otroye mō corps & mō auoir en pur dō & la fēme sās cōtredit, & que me laissez la vie.

La vengeance que print Perseus de Phineus qui luy voulut tollir ses amours qui si vaillamment les auoit gaignees.



Q Vand Perseus vit Phineus cryer mercy, il en fut moult ioyeux . Et par moult grande fierté l'arraisonna , & luy dist en ceste maniere: mauuais couart & cœur failly , si tu eusses peu tu m'eusses occiz. Soye certain que ia de ce coup de glaiue ne mourras: mais tu de mourras en perpetuelle remembrâce en ce palais: si verra mon épouse souuent la semblâce d'un mary, & cōfortera à toy voir vaincu. Lors leua le chef Gorgōne, celle part ou Phineus regardoit, & quād il l'eut veu il enroidit cōme marbre, & demoura illec de telle sēblâce qu'il

estoit montrât sa chere cremitiue & supliât a iointes mains. Quand Phineus vit abaissé & vaincu ceux qui pour luy se combattoient, contenir ne se peut, ains onques puis n'y eut lance ne trait. Perseus prist à sa deuise vengeance de ceux qui l'auoient fait dolent, & si en fist àpre iustice, & a ceux qui l'auoient defendu & aydé, rendit graces & bon loyer.

Pour mal Perseus rend le bien à son grand pere Acrisius, prenant vengeance de ses ennemis, & le restituant au Sceptre.

Q Vand Perseus eut eu la victoire contre Phineus & les siens qui déherité le vouloient de sa terre & de son aïe, & il eut chacun guerdonné selon le seruice qu'on luy auoit fait, il s'en alla en sa terre en la cité d'Arges à grand compagnie & emmena son épouse avec luy, ou ilz furent receuz en grand honneur. Mais il trouua son grand pere Acrisius ieté hors de son royaume par le roy Pretus, qui len auoit dechassé à force. Perseus en eut grand dueil: Il ne print pas garde au meffait que iadis luy auoit fait Acrisius qui sa mere & luy auoit exillé, & chassé par mer en vne nef de voirre, pour mal luy rédit bié. Onques tour, ne chateau, ne forteresse ne peurét garétir ne defédre Pretus & les siés, car quād Perseus le peut attraper, le chef Gorgone luy môtra qui léroïdit en dure pierre, & puis rédit frâchemét à son grād.

pere Acrisius son heritage. Polyctedes Roy de l'Ile de Seriphe déprisoit moult Perseus, & disoit qu'onques n'auoit Gorgonne occise, dont Perseus eut grand dédain si l'en fit certain par épreuue, car muer le fit en pierre dure.

Le voyage de Pallas à la fontaine scientifique des Muses en Helicone & des propos qu'il y eust.



Pallas la deesse belligerete iurques icy une vovalle compagnie à son frere Perseus qui eult l'aymoit. Si print cōgé, & d'illec en volant passa la mer: & vint à Thebes couuerte de vne creuse nuee. Et en ce point s'en alla à la fontaine de science, pour philosophie enté- & e qui lors y abōdoit. Les neuf Muses y trouua, si les regarda & dist que la renōmée qui s'espant

par tout de la fontaine qui la couroit qui des-
souz Pegasus fut faite, m'a été dite de nouveau
Et pour la voir suis icy venue pour la merveil-
le enquerre, dont tout le monde s'emerveille.
Vranie qui compagne étoit de l'écolle respō-
dit debonnairement. Dame vous soyez la tref-
bien venue, ioyeuses sommes de vostre auene-
ment qu'elle cause que vous ayez de venir. A-
dōques l'emmena voir les boys & la fontaine,
dont Pallas regarda la situatiō ententiuement
& moult s'emerveilla commēt Pegasus le peut
faire, & grandement le remira le plaisant re-
paire du lieu & de la fontaine. Et tīt à biē nées
les compagnes qui en ce lieu étoient ordon-
nées d'estre, dont sapience sourt, L'une des cō-
pagnes luy dist. Dame treshonnorée plus grād
honneur receuoir ne fussiez ordonnée: avec
nous vous puissiez retenir en l'estude de la fō-
taine, mais en plus haut pris vous à Iupitervō-
tre pere éluee: car vous en estes bien digne.
O treschere dame moult fussions bien heurée
se paix eussions, mais chacun met sa cure māt-
tenant à nous faire iniure avec perturbation.
Ce nous épouuente tellement que grand dou-
te auons aucunesfois de yssir de droite voye.
Encores il m'est auis que ie voye le tyran Py-
reneus qui nous épie pour nous trahir & dece-
voir. Et de la peur qu'il nous à faite encore sou-
spire mon cœur & tremble de frayeur.



PYRENEVS dist l'une des damoiselles tenoit n'aguères vn royaume par force, qu'il auoit cōtre droit tollu & rauy. Il étoit trop nostre auersaire. Car nous alliōs pelerines n'a pas long tems au temple de Themis la deesse pour faire oraisons, si passâmes par son hotel! auquel saintement nous honora tant quē la pluye fut passée, car lors faisoit à merueilles lait tems. Si demeurâmes pour la tempeste par sa prière en son palays, tant que le tems fut bien éclar-cy. Puis nous voulumes partir, mais il ferma sa maison & nous voulut dedās enclorre & es-forcer, & lors en vollant par l'air échappâmes, ainsi nous sauâmes en ceste maniere, mais en-cores luy nō cōtēt de ce nous voulut il fouler

en l'air par son orgueil. Et s'accrocha dessus une tour le deuoyé & forcené de laquelle du sōmet trébucha à terre, & ainsi se rua par sō outrage. Auāt que celle pucelle eust mis fin à son parler, elle ouyt iargōgnerie d'oyseaux volletās par l'air, & apportās voix de salut, & pies étroiet, lesquelles auoiet été pucelles & filles du roy Pyrenus, pourquoy elles auoient nō Pyreneides, qui de nouueauestoient muees en pies.

Des disputes des neuf Muses, & des neuf filles de Pyreneus, & de la punition de cuyder trop sçauoir.

QVand Pallas eut ouye leur voix dōt chacune d'elles disoit dieux vous sauue. Elle regarda contremont leur chere qu'elle ouyt éiourr cuydant ouyr voix des hommes. Mais la Muse luy dist que c'étoient pies qui ainsi se demenoiet, & que iadis auoiet été pucelles, qui de elles auoiet été vaincues par estrif & vray argumens ainsi muees en oyseaux. De lointaine terre, dist la Muse, vindrēt elles pour disputer & arguer contre nous & nous prindrent à villenner & reprendre disant en nous opprobriāt Pourquoy deceuez vous les gens par faintes & fauses melodies, prestes sōmes d'étriuier à vous se tant estes hardies, car autant sommes come vous estes, afin que si de nous estes mattees & cōfuses le demaine de l'étude & de la fōtaine nous lairrez, & si lairrez voz deceptions & fallaces. Et se vaincues sōmes en autre regiō fuy-

rons & lairrons votre habitation, & de ce voulons attendre iugement. Trop laid nous sembla de contédré & d'étriuier à elles, & encores plus de nous rendre vaincues. Si furent éleues Nymphes, qui iurerent que le droit iugeroiér selon ce qu'elles orroient. Et adonc s'assirent sus vne viue roche. La plus hatieue des neuf d'elles sans ordre & sans election print à parler & comméça à dire, comment les geans auoiér fait bataille contre les dieux les deprisans, leur louenge appetissant, & moult fort exauçoyée les geans. Et dist ainsi que Typhoë yslit de terre pour les dieux chasser. Et lors les dieux qui la guerre douterent s'enfuyrent en Ægypte, & là se rappirent & mucerent pour peur de la mort. Elle disoit en outre que Typhoë alla apres eux, mais pour son auenement les dieux se muerent diuersement, car dist elle Iupiter deuint mouton, qui puis deuint cornu en Lybie, ou long tems fut tenu pour dieu. Apollo en corbeau, Bacchus en bouc, Diane en chat, Iuno en vache, Merceure en cigongne, & Venus print forme de poisson.

Ainsi fina celle son propos & questiō qui les grāds dieux dépiroit, puis sans arrest éleumes Caliope la sage, q pour nous parlast & print le fait & l'étrif: Celle étoit bié emparlée, & étoit de rameaux de lyerre toute courōnee & couverte. Elle se dressa é tenāt sa harpe bié acordée, &

vn peu le chef enclin , & commença chanson
melodieuse en haut, & dist ainsi: Ceres laboura
& cultiua premierement la terre & fist les blez
semer. Ceres fait les semées croistre, & d'elle
vient la grande abondance dont le monde
est soustenu, bien la deuons aymer, car d'elle
tous biens sont venus. Elle dōna premieremēt
les loix & les establissemens que tous deuons
croire & garder. Si veux à sa louenge cōmen-
cer ma chanson. Et certes bien voudroye faire
chose qui fust à sa plaissance, & qu'en gré elle
daignast receuoir, car digne est de louenge a-
uoir. Du geāt Typhoë qui des dieux se voulut
faire roy vo^r diray, & qui voulut mettre au ciel
les geās & les dieux en dechasser. Pource forfait
fut il des dieux en terre prosterne, & puis fut
l'ile Trinacris, qui cōtiēt en sa pourprinse trois
montagnes qui sont en Cicile sur luy assise, car
autrement ne le pouuoiet occire. Il eut le mōt
Pelore sur la dextre, & vn autre nōmé Pachin
sur sa fenestre, & sur les cuysles eut le mōt Lili-
be^r. Et sur son chef le mōt Ethna. Duquel pour
le soufflemēt d'iceluy geāt sort fumées pleines
de souffre. Tous ces montz furent sur luy assis
qui durement le compressoient. Il se print à ie-
ter feu ardent par la bouche & moult s'efforça
de soy dresser, & tant qu'il eslocha les monta-
gnes, & fist le monde & la terre croler & trem-
bler, dont ceux d'enfer qui sentirent le crole-

ment doutèrent que leur habitation ne cheust, ou que telle clarté ny frappast par la terre qui trop bailloit, si que les infernaux en furent effrayez, & spécialement le roy d'enfer.

*Le rauissement de Proserpine fait
par Pluton.*



Pour celle doutance le Roy Pluto yffit d'éfer son tenebreux cêtre & siege & chercha enuiron son gouuernemêt qu'aucune faute n'y eust. Ainsi comme il tournoit enuiron son regne, s'ebatant sur troischeuaux noirs qui le portoiêt, Venus le vit, laquelle s'esjouissoit & ebatoit à son filz Cupido sur son mont. Venus en baisant son filz luy pria doucement en disant: Beau doux filz en vous seulemêt gist tout

mon honneur , ma seigneurie , ma victoire , & ma gloire. Tu es ma lance & mon écu vers lesquels ne dure armeure : parquoy i'ay maintz aymantz vaincu. Je te prie que sans arrest prenes vne fleche & vireton pointu , & fiers le Roy d'enfer qui va hors de sa iurisdiction , éprouue ton pouuoir en luy , & le fais par amour aymmer. Tu as par tō effort domté Iupiter le tout puissant , par tout as iurisdiction fors sur les abymes , mais bien apperceoy qu'aucun des dieux ont notre pouuoir en vilité , malgré nous vient virginallement comme Pallas & Diane , aussi voulut faire Proserpine. Fais la ioindre à ton oncle , & ne les souffrons plus vierges , si soit sa femme dame & royne d'enfer.

LE petit Dieu Cupido au commandement de sa mere Venus , print erramment son arc , & mist en coche la meilleure fiesche & la plus acérée qu'entre mille peust eslire , si tira & en atteint Pluto le Roy d'enfer parmy le cœur , pres d'enfer en vne vallée dessouz le mont Ethna auoit vn lac , entour lequel , auoit planté de beaux arbres verdoyans en toutes saisons , dont le lac étoit si bien environné que les raiz du Soleil ne le pouuoient echauffer , sinon attremplement. La terre d'environ estoit pleine de verdure , assez y auoit de fleurs diuersement coulourées. Le lieu estoit tresbeau & delectable , Printems y estoit pardurablement



Ce lieu s'appelloit Pergusa: La se iouoyt Proserpine avec Venus & Diane, & cueilloit des roses & violettes & autres diuerses fleurs, c'estoit sa cure & son deduit. Tandis que la pucelle entédoit à cueillir fleurs pour emplir son sein & giron, Pluto vint la paraenture, & vit la belle de laquelle tâtost fut esprint d'amour, & par force la ravit & l'emporta en son noir chariot que tiroient quatre noirs cheuaux par l'air, dont la pucelle fut fort effrayée, si se print fort à crier sa mere & ses compagnes, & à déchirer sa robe, tellement que les fleurs que cueillies auoit luy cheurent, dont par la simpleste & innocence de elle, elle en fut plus triste que pour le rauissement. Pluto le Roy

d'enfer emporta Proserpine semonnant ses cheuaux par pointure, & habandonnant à eux leurs renes. Si passa les estangz de souffre qui sont sur le mont Ethna, & maint autre mauuais lieu, & ainsi cōduisoit tout droit son charriot à l'estang de Cyane : & par là voulut descendre en enfer. Mais quand Cyane qui dame du lieu estoit vit qu'il emmenoit Proserpine, elle se dressa au milieu de la fontaine & dist au roy. Veux tu par rapine auoir Proserpine à femme & estre le gendre de Ceres. Point ne sera ioyeuse quand elle sçaura ceste violence que point ne deusses faire : telle proye deuoit estre requise par prieres non par rauissement & violence, puis tendit Cyane ses bras pour luy contester & contredire le chemin. Quand Pluto vit que celle l'arrestoit, moult courroussablement & sans mot dire, brocha ses cheuaux en l'eau, & la terre s'ouurit deuant luy, si decendit par là en sa contrée. Mais Proserpine d'auéture laissa cheoir sa cinture en la fontaine, qui plus chèrement fut comparée. Cyane eut grand dueil du cassement de sa fontaine, & de la pucelle rauie, oncques puis ne peust ce dueil oublier. Ce dueil la fist fondre en l'armes, & tant en plora qu'elle se noya & decoula en pures larmes, si fut muée en sa fontaine.

Les aduentures de Ceres querant sa fille perdue, & de l'enfant qui se moqua d'elle.

Ceres



Ceres la mere de Proserpine fut moult éperdue, & en grande peine entra pour sa fille qu'elle auoit perdue. Et tāt alla Ceres sans cesser, querant sa fille par terre & par mer çà & là quelle fut moult trauaillée & de chaut lassée. La déesse n'auoit avec elle, dont elle r'apaisast sa soif. Mais elle vit d'auēture vne basse maisonnette ou elle alla heurter. Et vne vieille vint à l'huy. Ceres luy requist à boire, & la vieille luy dōna de la boulie. Tādīs que Ceres beuuoit, vn enfant nommé Iambus luy dist par maltalent qu'elle estoit gloutte, quād toute la boulie auoit beu. Quād Ceres se vit moquer de cestuy enfant du breuueage qu'elle beuuoit, elle luy arrofa le visage. Dōt cestuy par la force du breu

Olympe

O

uage deuint tout vert, & plein de iaunes goures & moult gresse, ses bras deuindrēt cuyssēs, & fut mué en semblāce de Lésarde. Si eut nō Stel hō, pource qu'il est estelé de gouttes variolées. Tantost que cestuy fut mué il fuyoit la clarté & s'e alla tapir & mucer es bois moult obscurs, moult fut sa mere ébahye de la merueille, & moult plora de son filz qu'elle vit ainsi mué.

Les enseignes de Proserpine à Ceres & du pacte de son rappeau.

CEres ne peut tout le monde suffire pour sa fille querre. Quand par toute terre eut cherché & vit que point ne la trouuoit. Elle s'e reuint par Sicile & s'arresta sur Cyane la fōtaine. Si celle ne fut muette; dit luy eust le rauissement de sa fille Proserpine, car bien le sçauoit: mais parler ne pouuoit. Non pourtant pour luy donner signe, afin qu'elle s'en aperceust, luy montra la ceinture de sa fille qui d'auenture luy estoit cheute quand Pluto l'emmenoit. Quand Ceres vit celle ceinture bien sceut que sa fille estoit rauie, mais ne sçauoit de qui, n'ou elle estoit, dont elle fut moult dolente & angoissee, & si comme elle estoit écheuelée, print à rompre ses cheveux & ses garnimens, & à batte sa poitrine en regrettant sa fille Proserpine, & deuāt toute la terre de Sicile ou l'entrefaigne de sa fille auoit veue, pourquoy les charrues dépeça, & corrompit les boeufz & bouuiers, & fist les semences perir aux champs.

tellement qu'ilz deuindrent brehaignes de labourage & de fruitz. Tout perissoit par trop grãde secheresse, par trop de pluye, ou par trop de chardons, ou zizanie absorboient les blez, ou les oyseaux & bestes les degastoiẽt. Arcthusa vit la famine & la pauureté que Ceres faisoit pour sa fille: dont le mōde estoit à meschef, si tira son chef de sa fontaine & appella Ceres & luy dist: Dame Déesse des blez, qui tãt te trauailles pour ta fille requerre, repose toy & ie te diray ou ta fille est, si la r'auras. Or ne mōtre plus ton ire à la terre, car pas n'a desserui le grand meschef que tu luy fais, car malgré elle souffrit le rauissēmẽt de ta fille. Point ne le dis pour Sicile dõt ie suis nourrie, car i'ẽ suis hors peregrine, le lieu de ma nation est Pise, en Eli-de est ma natiuité. Mais par tresgrande subtilité suis icy venue souz terre sans point aparoir à nully: si me relieue & me montre trespoinct & à plain à la veue de chacun si suis illec demourant, & vois courãt par Ortyge: c'est mon siege & là me plaist à demourer, si te prie dame que tu me gardes ce mien lieu de contraire & de meschef. Et si tu veux sçauoir pourquoy ie demeure en ceste terre. Et pourquoy ie l'ayme plus que celle ou iẽ fus née. Autrefois le re pourray dire quãd tu seras hors d'ennuys, & que tu r'auras ta fille Proserpine.

si comme doncques par voyes souter-

ranées vins icy, par enfer trespaslay : si y vy ta fille qui dame & royne en estoit : & femme au roy Pluto. Et encores alloit plorant & soupirant, & estoit paoureuxse & douloureuse, de meslotz l'ay arroufée. Quand Ceres eut ouye la nouvelle, elle deuint comme vne roche : Et quand sa pensée luy reuint es cielz sans arrest monta moult dolente & écheuelée deuant Iupiter s'arresta, & luy dist : Redouté sire & pere pour Proserpine ta fille & la mienne, suis icy sans ioye venue, si te requiers humblement ayde. Bien doys estre emeu par ta lignée. Point ne soit pource depitée s'efantée l'ay de ta chair. Long temps a que ma fille auoye perdue, & si ne sçauoye ou elle estoit, or la sçay-ie maintenant. Et se sçauoir le veux, ie te dis que Pluto le roy d'enfer la rauie, & la tient en son palais infernal. Si te prie que la me fasses rendre. Tu ne deusses point auoir tel gendre qui par iniure & par rauissement eust prinse nostre fille. Lors luy respondit Iupiter : Douce amye point ne dis que ta fille ne soit la mienne, car ie l'engendray, si la te rendray, si tu veux par condition qu'elle ait gardé sa ieusne sans enfreindre : & que du fruit de la region infernale n'ayt mégé depuis qu'elle y a esté, mais sçaches qu'ainsi portét les destinées que s'elle a goûté du fruit d'enfer, ou d'autre viade iamais elle n'en pourra partir, car qui sa ieusne y enfraint illec le

conuient demourer . Bien cuyde Ceres r'auoir sa fille sans dérourbier , mais autrement va la chose: car la belle si a goûté par ignorance du fruit d'enfer. Si comme fortune la menoit qui maint homme & mainte femme à greué. Sept grains d'vne pomme de grenade que dedans le verger infernal prédre luy vit Ascalaphus, mégea: qui l'accusa & empescha sa retournée.

Ascalaphus fut mué par la royne d'enfer en chouette.

LA royne d'enfer se print à gemir quād elle vit sō retour empesché par l'accusatiō d'Ascalaphus elle luy arrosa le chef d'eau , & le fist deuenir oyseau ord & vil, lequel de nuit volle cōme Fresaye ou Huā. Cestuy oyseau n'est pas aymé des gens , pource qu'il signifie malheur. Or à Ceres moult affaire à retraire sa fille d'enfer se secourue n'est d'Aréthusa q parmy enfer decourt. Celle auoit Proserpine arrosée. Tant cria Ceres & se douloufa deuant Iupiter, & tāt luy pria deuotement que sa fille luy fist r'auoir, que s'il eust peu sans mesprendre il luy eust rédu quitement. Mais Pluto d'autre part arguoit & proposoit les droitz & priuileges infernaux, disant que Proserpine luy deuoit demourer sō luy faisoit droit par le point de la destinee, puis que du fruit d'enfer goûté auoit , mais Iupiter qui eust pitié de sa fille , & pour faire le gre de Ceres la vousist bié soubztraire d'enfer en au-

cucune maniere. Il partit le tems esgallement par commun assentement en nuit & en iour, & la nuit seroit de Proserpine & iugea que la belle Proserpine seroit la moytié du temps avec Pluto son mary, & l'autre moytié avec Ceres sa mere es cieux. Ainsi eut Proserpine la faisine des deux royaumes.

L'origine des Seraines.

Quád Pluto raut Proserpine qui cucilloit fleurettes, elle auoit avec elle plusieurs pucelles qui la seruoient & luy tenoient cōpagnie. Elles allerēt par tout le mōde querir & chercher leur maitresse. Mais quād elles requirrent aux dieux qu'elles eussent ælles afin de la chercher en l'air, & par dessus la mer. Les dieux acōplirent leur requeste, si eurent incontinent aissles pour paracheuer leur entreprinse. Depuis ont fait maint hōme douloir. Encores quierēt elles par la mer Proserpine leur maitresse que tant aymoient, & encores ont elles formes humaines & sont nommées Seraines: folles sont & pleines de deceptions. Elles sont trois de diuerses semblances, c'est à sçauoir de forme humaine, d'oyseau & de poisson. Si chantent toutes trois moult acordablement & melodieusement. L'un en harpe, l'autre en buccine, & l'autre en voix foëminine. Par leurs douces voix en chantent & endorment les mariniers quād ilz viennent en leur contrée, puis les noyēt: & en

fondrent au profond de la mer leur nauires: & ainsi perdent tout.

Aréthusa raconte à Ceres la manière de sa mutation en fontaine.



Quand Ceres eut trouué sa fille moult en fur ioyeuse & eut desir d'ouyr comment Aréthusa deuint fontaine, & pourquoy elle habitoit en Sicile plus qu'en Elide ou elle auoit esté née. La dame leua son chef d'emmy la profonde fontaine, & abatit l'onde de ses cheueux. Puis dit & raconta à Ceres l'ancienne amour d'Alpheus vers elle. Et lors les eues s'arrestèrent & ecouterent leur dame parler. Un temps fut iadis que chasseresse estoie, & m'entremettoye de chasser es forestz & de rendre retz pour prédre

sauuagine, Le loz auoye d'estre belle, dont peu me delectoye, car comme preude fême tenoye à deshonneur ce dont aucunes maintenāt s'es-
iouyssent & tiennent à honneur. Vn iour venoye du boys ou i'auois chassé, il faisoit fort chaut, & si estoye lassée, la lassitude doubla en ma chaleur. Vne clere eau & pure sans tache, qui souz buyssons couroit auoit si simplement couuerte, qu'il n'y apparoissoit comme rien par l'ombre de plusieurs arbres. A celle eau vins, si mouillay premierement l'orteil de mes piez & les plâtes, & puis mes genoux. Et quand ie la fets de bonne attrépance pas ne me rins à tant, ains me depouillay toute nue & mis mes drapz en vne sausoye qui sur l'vne des riuës estoit, & puis me lançay dedans l'eau pour amoderer ma chaleur. Tandis que là ainsi me ionoye & nageoye parmy la fontaine, i'ouys ie ne sçay quel murmure, dont i'euz grand peur, & m'en fuy à la riue dont i'estoie la plus pres. Alpheus d'emmy la riuere se print à crier ou ie couroye : ainsi toute nue, & auoye laissè mes vestemens d'autre part de la riue. Quand Alpheus me vit ainsi nue, ie luy semblay plus preste pour de moy faire à son plaisir, qui sans arrest couroye pleine de peur & d'émoy deuant luy qui se hatoit apres moy. Tant couruz qu'à Orchomenon, Sophide, Erimanton, & Elin, & les portz de Menalie

paruins . Il n'estoit pas plus leger que moy : mais tant ne me pouuoye traualier que luy qui homme estoit , son aleine pouuoit plus longuement durer que la mienne . Non pourtant fuyoye par mons, par vaux, & par plains, & par lieux ou point n'auoit de voye . Tant qu'en fuyant me fut auis que par le soleil qui derriere moy luysoit veioie sur moy son ombre, & vray estoit : Car le son de ses piez ioyoye, & sentoie son alaine souffler parmy les cheueux de mon chef. Lors fuz moult douteuse : Si fis ma priere à la deesse Diane en ceste maniere. O Diane deesse trespure & ma treschere maistresse, donne prestement ayde à ta chambriere, ie suis prinse si ne me secoures hatiuement : car tant suis lassee que plus ne puis courir. Tu me soulois bailler à porter ton arc turquois, tes fleches, ta pharetre. Je te prie qu'à ces enseignes il te plaise de moy subuenir. Lors Diane de pitié émeue me couurit d'une nuee épesse, tellement qu'Alpheus ne me peut voir . Il pensa bien qu'en la nuee estoie enclose, si mequist entour & enuiron . Et quand si pres de moy le vis, ie fuz en grand peur & en moult grande destresse. Et mouuoit ne m'osay non plus que la brebis qui sent le loup entour le parc. Et comme le lieure se cele au buisson quand il oit le glatissement des chiens . Je qui estoie en celle nuee enclose toute

nue, & qui craignoye tousiours d'estre prinse, fuz si pourprinse de froide sueur que quelque part que ie me mouuoye de mes piez estoit la terre mouillee, & si cheoit de mes cheveux la rosee. Et brieffuement à dire, tantost fuz muee & fondue en eau, ou ie cours encores. Le dieu qui m'ayme de present m'aymoit adonc, & a pour mon amour mis ius la forme d'homme qu'il auoit prinse. Et pour se ioindre à moy s'est tourné en ses propres eaus, & les assemble à la mienne. Diane pour faire voye fendit la terre ou ma riuiera s'effondra. Si m'en vois muçant dessouz terre sans apparoir à nulles gés iusques à Ortyge ou ie saulx hors à plain, que i'ayme pour l'amour de ma dame Diane.

La restauration des blez par Triptoleme.

LE propos par Arethuse finy, la deesse Ceres print la droite voye par l'air en Athenes, couuerte d'une obscure nuee. Pitié luy print du mode que de faim veoit perir. Lors print Triptoleme son seruiteur, & l'enuoya porter la semence au monde dont le blé croist. Elle l'euoya en terre semer, & cestuy y alla en vn chariot qui tiroient deux serpens par l'air vollans. Il porta au monde de la semence, parquoy le peuple eut abondance & multipliement de blez, & remplit mainte contree qui long réps auoit esté affligee & sterile. Il passa parmy Europe la riche, & vint en Asie, & la voulut decédre & semer la



semée. Il arriua chez Lyncus qui roy estoit de la terre pour luy demander. Le roy Lyncus luy demâda dont il venoit, ou il alloit, & qu'il querroit. Et il respōdit: Je suis d'Athenes né, & si ay passé maint pays, & suis venu sans pié par terre, & par mer sans nauire. Je volle par l'air, & porte le profitable don de Ceres la riche deesse des blez, par qui la terre est rassasiee, & tout le mōde soutenu & gouverné, & pour ceste cause icy suis venu portât la noble semée pour embellir votre terre & toutes les autres. Le roy Lyncus en eut grand enuie, si se pensa qu'il l'hebergeroit, & en dormant l'occiroit pour luy soustraire tel noble office. Meurtry l'eust, si Ceres ne l'eust sauué, qui fist Lyncus muer en vne

beste dite Lynx . Celle beste a la veue si tres-
güe, que de sa veue perce vn mur.

LA plus grande des notres auoit desia fini
ses propos , & ses doctes chantz , quand d'vn
commun accord les deesses arbitraires iugerēt
pour les Muses & les Pyerides, nonobstāt quel
que condemnation se moquerent des Muses
plus fort que parauāt. Et combien quelles fuf-
sent vaincues les contredirent, & ne voulurent
rien tenir de celle sentēce: ains de rechef moult
commencerent à les irriter & poindre de parol
les agues . Les vilennies de leurs bouches ne
peumes plus souffrir , les muāmes toutes neuf
par leur ianglerie en pies , qui sont oiseaux va-
riolez de blanc & de noir, qui encores vont iar-
gonnans, & de peu de chose font grand plaid.
Et si leur est demouré vne garrulité depuis en-
rouee, & vn trop grād estude de vouloir parler.

*Cy fine le cinquiesme liure du grand
Olympe des histoires poëtiques.*

POësie mere de subtile & ioyeuse inuention , sous
vne couerture de fable elegante , à si vrayment
exprimé la doctrine morale humaine, que si l'entende-
ment du liseur n'est du tout effacé par ignorance, il en
tirera honnestes enseignemens & maniere de bien viure:
car ce n'est que pure philosophie latente , à laquelle
saint Augustin au ij. de sa doctrine chretienne pro-
hibe de faire allegories comme assez d'elle mesme alle-

gorisent. Parquoy en ce grand Olympe sont obmises, en gardant le naturel de l'auteur, tant que faire s'est peu, ainsi que chacun est tenu.

LA SECONDE PAR-

TIE DE LA METAMORPHOSE

d'Ouide, & sixieme liure des
histoires poëtiques.

Le debat entre Pallas & Arachnes.



PALLAS écoutoit la merueille que la Mu
se luy racontoit des neuf pies nouuellemēt
mues, & bien loua leur disputation, puis dist
ainsi en basse voix: Et que mē vaut ce que pour
vous me lasse? Trop suis courroucée de ce

qu'Arachnes par son orgueil ne me daigneroit obeir, pource qu'elle est ouuriere & bien tissant, aller la veux assaillir, & luy feray comparer son orgueil, si reuerence ne me porte. Celle Arachnes dont Pallas pensoit, estoit extraicte de bas parage, & en vn petit village demeurant: mais de laine estoit moult subtile ouuriere & moult bien scauoit coudre & escarder, pigner, carpir, & filer de laine, de tindre & de tistre n'auoit si subtile en toute la contree, moult en auoit grand renom par toute la terre de Lyde. Les nymphes de toute la region d'environ venoyent pour voir ce qu'elle faisoit: car son oeuvre estoit moult bel & moult plaisant. Nulle autre n'en scauoit tant fors Pallas qui grand enuie auoit de ce que celle l'auoit en dedain, & qu'elle se ventoit par sa folle que plus en scauoit que Pallas. Pallas qui celle veterie sceut, se mist en forme de vieille, & vint chez Arachnes soy appuyant d'un baton toute tremblant, si la mist à raisonner & luy dist: Fille, venue suis icy pour toy chatier: pas ne me dois depiter ne depriser si ie suis vieille: car vieilles gens peuuent bien telle chose dire dont ieunes peuuent auoir profit, or me croy si feras grand scauoir. On te tient à moult bonne ouuriere en tous estats de laine: mais tu fais folle de toy comparer à la sage deesse Pallas qui controuua premierement tout l'art de la nauette & de tistre. Repens toy

& requiers à la dame pardon, & si laisse ta folle presumption, autrement elle te donnera sa mat-
veillance. Bien te doit suffire d'auoir gloire
& louenge par dessus les mortelz de plus sca-
uoir qu'ilz ne font, mais iamais ne t'accom-
pares aux dieux ou deesses, ce seroit trop grand
outrage à toy. Celle qui de chatiment n'eut cu-
re regarda la vieille moult outrageusement, &
par dédain laissa l'œuvre qu'elle tenoit, & à
peine s'abstint de la battre. Elle noircist de
courroux & d'ire, & par grand orgueil luy dist:
dame faulse vieille, malheur vous a icy amenec,
c'est dommage que vous viuez: si filles auez ou
nieces si les chatiez: assez suis-ie sage, ia pour
votre amonestement ne changeray mon cou-
rage, & si celle estoit cy presente pour qui vous
me chatiez, ia pourtant ne laisseroye de vous
dire, & à elle ce que i'en dis maintenant.
Vienne auant si tant est osée pour estruier a
moy de tistre: pas n'ay soin que par elle soye
vaincue. Lors luy dist Pallas: Palas est ve-
nue, ia la verras sans couuerture. Adonc se
montra en sa droite forme, & mis ius la vieille
figure. Il ny eut Nymphes qui ne luy fist hon-
neur & grande reuerence, & qui ne la doutast,
fors Arachnes tant seulement. Nonobstant
luy rougist le visage, & tantost blanchit: mais
de neant ne se humilia vers la deesse. Et puis tã-
tost perseuera en sa folle. Et pour auoir vainc

louenge, elle fist la deesse entour elle amuser. Pallas ne la daigna fraper ne plus amonnester, ains commencerent d'un accord à faire tistre deux toilles de diuerses manieres. Pallas s'assist vers dextre, & Arachnes vers la fenestre, à qui la discorde plaisoit, l'une & l'autre fut preste & habille de tordre, de nouer, de tistre & d'auancer sa besongne. Et moult furēt les deux ouurieres subtiles, & moult y auoit de nobles peintures coulörées de maintes couleurs, de pourpre, de soye blanche, de soye verde, de soye vermeille, de soye d'azur, de soye iaune, de soye noire, de soye grise, de soye perse, de soye violette, de soye tannée, & de plusieurs autres couleurs, dont leurs armes furent belles à merueilles.

PALLAS pourtrait en sa tisture comment la cité d'Athenes fut premierement fondée : & quand elle fut fermée, Neptunus luy voulut imposer nom : mais Pallas luy dist que point ne s'en deuroit entremettre, ains luy appartenoit l'imposition du nom. Pour ce fait eut grande altercation entr'eux, & pource en enquierent iugement. Apres pourtrait elle comment noblemēt se seent les douze dieux cœlestes, chacun en sa propre semblance. Et Iupiter au milieu d'eux assis, tenant un sceptre en sa main dextre, & les autres qu'environ luy seoyent s'enclinoyent. Ceux deurent iuger le debat. Neptunus fut
droit

droit soy contenant cōme aduocat tenant vne verge en sa dextre main, de laquelle il frappa vne roche, & en fit saillir vn cheual dont chacun des iuges eut grand merueille, pour ceste merueille voulut Neptunus à la cité mettre nō Et Pallas si comme elle l'eut pourtrait, fut armee moult noblement: l'écu deuant sa poitrine la lāce en sa dextre main, & le heaume lacé en son chef: du fer de sa lāce frappa fort en terre, & adonc saillit incontinent vn oliuier qui fleur & fruit porta. Dōt les dieux trop fort s'ēmerueillerēt: & pour celle admiratiō ilz iugerēt qu'à elle apartenoit l'impositiō du nom dōner à la cité, & non pas à Neptunus. Pallas l'appella Athenes. Aux quatre boutz de la toille Pallas auoit pourtrait quatre contentions. Au premier anglet furent paintz Hemus & Rodope sō épouse, qui dame & royne étoit de Thrace, lequel par orgueil dieu se voulut faire appeller, & maintenant sont montagnes deuenues. Au second anglet étoit pourtrait comment Pygmea royne des Pypineiens fut deshōnoree, pource que cōtre Iuno print cōtésiō & debat, & se vantoit de beauté contre elle, mais elle fut vaincue, & en grue la fit Iuno muer. Or est Pygmea guerroyee des grues. Au tiers anglet painte fut Antigone qui par sa iangle rie fut faite Cigongne. Et au quart anglet fut pourtrait Cynatas qui larmoyoit pour ses filles

Olympe. P

qui mueesvit en degrez de temples, pource que tant furent osees que les dieux déprisoient & leurs temples. Et ceux qui au temple vouloient venir elles ne les laissoient entrer. Ces quatre exemples y furent pourtraitz, afin qu'Arachnes peust apparcevoir si c'étoit profit & honneur de contendre & s'étriuier à plus puissant & plus fort que luy, & mesmes aux dieux & deesses. La toile tout enuiron & tout entour fut pourtraite à oliuiers moult noblement: Ainsi fit Pallas sa toile, comme dit est.

MAINTENANT est raison que ie vous die quelle païture & quelles images Arachnes pourtrait en sa toile, qui moult est cointe & iolye ouuriere. Premièrement elle pourtrait comment Iupiter en forme de bœuf ravit la belle Europe, & l'emporta par mer sans barque en Crete, & comment elle se déconfortoit quād elle se vit en haute mer. Apres y eut pourtrait comment il ravit Asterie en semblance d'aigle venant de l'air. Apres comment il print la belle Leda muee en Cygne, & comment elle enfanta Pollux Castor & Helene. Et comment il se mist en forme de pasteur pour Mne-mosyne auoir. Et cōmēt il deūt feu pour auoir Echine, Et cōmēt mist sa semblāce en forme de satyre ou pasteur, quand embla Anthyope, de laquelle il cōceut deux filz. Et comment il fut serpent quand Elice enccinta. Et puis cōment

en pluye d'or fut par luy Danaes deflorée, en laquelle il engendra Perseus: Comment aussi il print Alcmena en vision de son époux Amphitrion, dont fut né le preux Hercules. En tât de manieres se transmua, & mist Iupiter pour deceuoir les Nymphes & deesses, & chacune de luy conceut. Et si y fut aussi pourtrait com-mét pour auoir Bisaltis print Neptune la forme de moutõ, assez d'autres pourtraitures pour trait Arachnes en sõ œuure, mais i'auroye trop affaire se tout ie vouloye reciter, comment les dieux,, & celles dont ilz firent leurs voluntez. Or est Neptune, veau, maintenant homme, ores mouton, apres Dauphin. Et Phœbus estoit ores au tour, maïtenât pasteur: Et en plusieurs autres guises. Bacchus print forme de raisin pour deceuoir Erigonne: Saturne print forme de cheual. A l'acheué elle l'ourla tout entour de fueilles de lyerre, & fleurs de diuerses couleurs, dont la peinture étoit moult belle.

Cōmēt Arachnes se pēdit & Pallas la mua en araigne.

PALLAS qui de l'ouurage se douloit & estoit fort enuieuse, rōpit la toille, & frappa de la nauette qu'elle auoit plusieurs coups dessus la teste d'Arachnes, laquelle eut grand ire, car elle étoit orgueilleuse, fiere & depiteuse & cōtraire à démesure, si ne peut endurer ceste vilanie, ains par impatience se pēdit la folle des-raisōnec. mais Pallas par pirié la leua & luy dit:

la ny mourras mauuaise garce, mais en l'air de mourras pendète, ou toy mesmes t'es pendue, & toute la sequelle & generation, qui de toy ystra sera pendue comme toy en signe & memoire de ton orgueil. Adonc l'arrosa la deesse du ius d'une herbe enuenimée & la laissa en l'air, si la mua en araigne ou elle tist & fille tous iours en continuant son premier œuvre.

Comment la deesse Lathona à l'aide de ses enfans occist sept filz Et autant de filles de Nyobe & d'Amphion par l'outrecuidance de leur mere.



LA nouuelle s'espandit par tout le Royaume de Lyde, d'Arachnes qui étoit muee en araigne, & la sceut on en Phrigie ou auoit été nourrie. Niobe qui dame étoit de grãd empire

L'auoit souuētesfois veue du tems qu'elle étoit pucelle, & bien auoit entendu que par son orgueil & outrecuidance elle auoit esté par Pallas muee en araigne. Et pource que Pallas elle déprisoit, luy étoit ainsi mesauenu, mais onc pource Nyobe ne s'en corrigea, elle étoit fille au riche roy Tantalus l'auaricieux: & si auoit à mary le sage Amphion, dōt moult fiere se portoit, & encores plus pour le beau lignage de ses enfāns qu'elle auoit, & cuidoit mieux valoir que personne de tout le mōde, & à brief dire elle étoit de bon & puissant lignage. Mais son orgueil & outrecuidance l'amenerent à honte, elle auoit sept filz & sept filles, dont moult fourrecuidoit & déprisoit les dieux, dont luy en auint perte & deshonneur, & aussi à tout son lignage. Manto qui sage diuine étoit & moult honorée fille de Tiresie par diuin amonestement crioit par Thebes. O vous fēmes de Thebes: Lathona par ma bouche vous commande qu'a elle & à ses deux enfans avec hōneur luy sacrifiez: & porte chacune à la feste sur sō chef chappeau de laurier. Toutes les dames cōmunément y allerent, seruirēt & honorerēt d'encens les dieux & deessēs, & de plusieurs autres beaux dōs. Nyobe pleine de rage & d'orgueil toute forcenée d'ire, vīt au sacrifice en grād' cōpagnie. Elle fut belle & richemēt aornée, mais ses cheueux furēt de toutes pars sur les épaules

étâduz cōme iree. Entour elle regarda & parla
hautement, & comme folle cōmença à dire pa-
rolles orgueilleuses: qui depuis moult fieremēt
luy furent vëdues. O folles gens, dist elle, quel
le rage vous maine à faire feste des estranges
dieux mesconneuz? Lathone est vne étrange
fille d'un geant, qui iadis pour enfanter sa por-
ture ala par tout le monde errant, & si ne sceut
onc tant tracer ne querir, qu'elle se sceust he-
berger fors en Delon la déuoyable, ou petit
lieu trouua, & la se logea & muça tant qu'elle
fut deliuree d'une fille. Hee dist elle, folle gent
moy qui tous tēs m'avez veue & cōneue votre
dame & royne, qui tous vous ay à iusticier,
vous me deuriez honorer, seruir & priser, &
par sacrifice adorer, & delaisser vne qui ne con-
noissiez tāt seulemēt d'oreilles, pour celle que
avez deuant les yeux. Je suis sage & de gentil
lignage riche & puisâte dame & royne de The-
bes & de Friges: belle de corps, & de visage, & si
sēble biē estre deesse. Tous biēs m'abondēt &
tous hōneurs me sont deuz, tāt qu'on n'e sçait
le nōbre. J'ay sept filz & autāt de filles q tous
serōt roys & roynes, dōt gēdres me viendront,
& neveux & nieces, biē me dois priser, car poīt
n'est Lathone à moy égalle: ne aussi sa porture
égale à la miēne. Filz & filles a, mais nō pas tāt
cōme moy. Et qui m'en auroit oté la plus gran-
de part si m'en demeureroit il plus qu'a elle:

honoree suis & seray tousiours sans doutāce. Si puissante suis & asseuree que ie ne prise fortune de tousles faitz. Ie suis assise fermemēt au plus haut de sa roue, tant de biens ne me scauroitne pourroit fortune ôter, que plus riche & abūdante ne fustle que Lathone. On doit faire diuin honneur à moy nō pas a elle, laissez ceste feste & ce sacrifice. Ou si non, mal à tous ceux qui me contrediront. Lors laissērent tous la feste pour la menasse de leur dame, mais nō pourrāt prierēt tous à repos à la deessegraces & mercy. Grād dépit eut la deesse Lathona de ce que Nyobe par son orgueil & outrecuidāce la dépitait & empêchoit son sacrifice. A ses enfans s'en plaignit, & leur en requist vengeance, cōme celle qui par eux seure & courageuse sostenoit, & par eux souloit estre hōnoree. O mes enfās dist Lathona: iamais ioye ie n'auray iusques à tāt que végee en seray. Souffrez dit Phœbus à sa mere vn peu a tāt, & ne dérōpez vōtre teste à longue plainte. Cest affaire & ceste besongne laissez sur nous, car sans contredit biē le ferōs. Ce que pareillemēt luy dit Diane: Et sās parlemēt tenir s'en allerent en Thebes par l'air. Hors de Thebes assez prez des murs auoit vne pleine ou souloient accoutumēmēt venir iouer & ébatre ceux de la cité. La furēt les sept filz Amphion montez moult richement sur sept detriers. Ismen⁹ l'aisné yfut seru parmy le

cueur & occis d'un dard qui par l'air vint volant, dont ses freres furent moult dolens spécialement Siphylus: lequel s'en voulut fuir, mais en fuyant le dard l'abatit mort du destrier. Phœdimus & Tatalus qui au cháp par ébattement luytoient, furent eux deux tandis qu'ilz se iouoyent à un coup feruz & occiz d'un dard qui vint decédant par l'air. Alphenor les vit d'un coup mourir, qui d'ennuy & de courroux se tira ses cheveux, & ébrassoit les mors, mais Phœbus luy ieta un dard qui le foye luy transperça. Damafichthon, eut grâde deplaisance quand il vit ses cinq freres occis, & Phœbus luy tira une fleche au genoil, & avant qu'il la peust retraire luy en lança encores une autre en la gorge & l'occist. Et puis mist en coche pour traire au septieme Ilioneus qui à iointes mains prioit aux dieux qui luy aydassent & deliurassent de peril. Phœbus en eust volôtiers eu misericorde s'il eust peu, mais la fleche voloit desia qui rappee ne pouuoit estre, laquelle le plaia iusques au cuer dont il mourut. Ainsi furent mors les sept filz d'Amphiō, dont le peuple mena grâd dueil & aussi fit le pere quand il ouit la nouvelle de ceste malle auéture. Quand Nyobe sceut que ses sept filz furent ainsi occis, moult en fut dolente & marrie, point n'eust cuide qu'aucun dieu eust peu pouuoir ne hardiesse de méprendre vers elle, moult plora & demena grâd dueil

en baissant les mors l'un apres l'autre, & départant les baiserz à vn chacū. Mais encores n'eut elle sens, d'elle abstenir de maldire de Latona. La dolente pour plus émouuoir la deesse, crioit. Ha ha fille déloyalle, paistre puisses & fouler ton courage par la mort de ma porture? tu m'en as par iniure sept occis, mais sept en ay encores du remanant plus que tu n'as, & de tous biés grande habondance, mauuaise & fiere ennemye m'as été. Mais petit prise ta hayne? La deesse Diane fut fachée des parolles: de son arc tira par grand vertuvne fléche qui plus s'en alla bruyant, que foudre dont hommes & femmes qui louirent en furent doutāt, & s'en fuirēt l'un çà & l'autre là. Mais onc Nyobe n'eut peur de chose qu'elle ouyst. Seure & hardie étoit en sa méchance. La furēt veues toutes les filles de noir drap richement aornees, qui pour leurs freres ploroiet. Et tādīs qu'elles couroiēt l'une à son pere & l'autre à sa mere, Diane qui bien les sceut asseurer de dards tranchās par diuers coups en occist six diuersemēt, & ainsi demeura seule la plus ieune. Quand Nyobe vit ce grād méchef elle se retourna à Diane & luy dist: dame Lathone dist elle, ceste maintenant me peust bié demeurer viue. Ie te prie que ne la m'ôtez que de tous biens ne me dépouilles, iamais en mō courage n'auroie ioye si ceste ne me laissez, par mon outrage ie t'ay mesfait,

dont grand dommage ay receu . Pardonne moy la faute & me laissé mon seul enfant. Puis luy fit écu de son corps mesmes. Mais point ne véquit celle longuement apres les autres : car Phœbus l'occist entre les bras de sa mere. Lors alla Nyobe seule se seoir entre les mors . Elle voit son seigneur mort, ses filz & ses filles, dôt tel dueil eut qu'onques fêmes n'eut greigneur. Et en celle douleur s'endurcit la douloureuse & enroidit tellemēt qu'elle changea son estat humain & deuit marbre. Encore pleure & larmoye pource qu'e sōviuāt méprist. Lors la prit



vn vêt tourbillōneux qui porta la roche en sō pays. La ploie & va encore plorant le marbre.

Punition de villenie & de rusticité.

LE bruit de la vengeance de Lathona alla par tous ceux qui l'auoient conneue & entendrent grand conte parmy la terre plus que iamais, & s'auisa chacun pour ce fait & douta de la déesse courroucer & dépriser, tous la craindirent & honorerent. Et faisoient mention d'elle en ses miracles recordant, & spécialement vn gentil homme de Libie, lequel commença à conter aux assistens son cōte en telle maniere : Iadis en Lybie auint vne merueilleuse auenture sur aucuns villains qui la déesse Lathona dépiroient, car ilz deuindrent & furent muez en grenoilles. Mon pere qui vieil preud'homme estoit & impotent perdit iadis, & luy furēt emblez de nuit hors de sa maisonnette, les bœufz de sa charrue, si les enuoya querre & chercher en Libie, dit luy fut que là les auoit menez le larron. Vn anciē hōme y auoit qui connoissoit les pays, cestuy me mena par terre. Ainsi cōme par le pays alliōs, parauēture vismes sur vn estāg plain de roseaux ou de costé auoit assis vn autel sans richesses, que ceux qui dessus sacrifioiēt auoiēt tout enfumé. Celuy hōme qui compagnee me tenoit si arresta & inclina & y fist sa priere, & ie feis sēblablement à bas son hūblemēt, puis demāda à mō cōducteur quel dieu on reueroit sur celuy autel qui ainsi estoit en plein chāp, & loin de cité. Il respondit: Certes beau filz on n'y adore nul Dieu,

mais les hōmes de ce pasturage temoignent & est verité que la déesse Lathona est icy adorée & seruie. Et dit on que Iupiter l'ayma & enceinta en ce lieu de deux preux enfans. L'un fut Phœbus & l'autre Phœbe la déesse de chasteté, & de la Lune, laquelle fut chasseresse. Ces deux enfans furent d'une portée. Quand Lathona fut deux enceinte, Iuno qui le sceut la chassa par toute terre, & tant la detraignit que auoir ne luy laissa tant de repos, d'espace ne de place en tout le monde ou enfanter peust, ne soy deliurer à terme ny à point. Trop languissoit & trauailloit Iuno qui l'enfant qu'elle portoit vouloit faire auorter. De long vne Isle non estable receut Lathone fugitiue en son hotel; qu'il en depleust, ou peu print d'aïse & de repos Lathona, fors tant que sa ventrée fut deliurée. En ses deux mains tenoit deux arbres, & y fist sa gesine malgré Iuno qui la hayoit.

Dame Lathone pour la doute de Iuno qui ainsi la chassoit s'en vient par deça portant ses deux enfans entre ses bras, il faisoit moult grāde chaleur si eut la dame soif, car lasse estoit de porter les enfans: sur vn lac s'enclina pour boire: mais villains mal gracieux y auoit qui cueilloïent les herbes, esquelz cōtredirent à la déesse, & defendirēt l'eau qu'elle n'e beust point disās qu'au lac n'auoit droit, & que ia n'y beuroit. La dame leur respondit moult humblement. Sei-

gneurs, dist elle, cōmēt me defēdez vo⁹ ce breu-
uage, qui doit à tous estre cōmū? L'air, le soleil,
la Lune & l'eau sont cōmuns, aussi bien au pau-
vre cōme au riche. Pasne deuez être aúaricieux
du commun boire, & pas ne suis cy venue pour
moy lauer, ne pour troubler l'eau, comme vous
faites, mais seulement pour en passant apaiser
la grand soif qui m'occist, dōt si matte & si re-
creue suis, que auant ne puis aller, si ie ne boy.
Pour Dieu laissez moy ma grand soif allegier,
car plus ne peut la parolle trouuer par la bou-
che, du chemin si fort mon gousier est sec. Vne
goulée d'eau me sera hypocras, & ie confesse-
ray tenir la vie de vous. Et si de moy n'auēz pi-
tié, au moins l'ayez de ces deux enfans allaitās,
qui vers vous tendent les bras, & attendent vo-
tre bonne grace. Qui est le cœur qui a si douce
debonnaire requeste ne se fut émeu & incliné
à otroyer si iuste demāde? toutesfois onc pour
priere que la déesse Lathone sceut faire, ne
peut trouuer amitié aux malotrus villaīs. Ains
la repousserēt & outragerēt, & moult la menas-
ferēt, se tost ne s'enfuyoit: Et pour luy faire pl⁹
grande vilannie ilz saillirent au lac, & trouble-
rēt l'eau à leur piez, & la messlerēt avec la boue.
Quād Lathone vit la laidure, que les mauuais
outrageux villains luy faisoiet de la grand ire
qu'elle en eut oublia sa soif. Trop s'estoit hu-
miliée vers eux, si ne se voulut plus humilier

ne plusrequerir ne les daigne, si tédit ses mains vers le ciel & dist : O villains pleins de lacheté tousiours puissiez vous ainsi faire , & viure en eau par troublement. La chose auint tantost comine la déesse l'auoit requis : car ilz deuindrent grenouilles, & demourerent au lac, sautans & tripotans l'vne heure au fond de l'eau & l'autre par dessus. Et encores le font ilz aujourdhuy retenans leur maledicence & moqueuse raillerie.

Trop cuyder sçauoir trompa le bon trompette, & tabourineux Marsias.



Ainsi racontoit le Lybien des villains, qui par leur outrecuidance étoient deuenuz grenouilles. Tous les assistés ont de la déesse,

& de ses miracles tenu grand conte. Puis commença vn autre, qui par sa grande folie fut écorché, ce fut Marsie, qui cōme fol se vātoit cōtre Phœbus de biē chāter, & mettoit le son de la buccine deuant le son de la harpe. Pallas trouua premieremēt l'art de buccine & de bucciner. Si auint vne fois que Pallas souffla sa buccine tellement que toute sa ioue en enfla, qui mal luy auenoit, mais elle n'en sçauoit riē ne ne veoit l'enflure en soy mesmes: Elle en ce poīt mettoit sa cure à bucciner. Mais les dieux qui le veoient & regardoient la cōmencerent, pour l'enflure de ses ioues à moquer. Pallas qui se veoit moquée s'emerveilla qu'elle pouuoit auoir, & se remira en vne riuiera, & lors aperceut que sa ioue étoit enflée, quand elle souffloit en l'instrumēt. Si là laissa le bucciner & ietta ius la buccine. Puis la trouua cetuy Marsie: si la print par sa meschance, & en buccina par tout disant, par sa follie que meilleur, & pl⁹ plaisant estoit le son de la buccine que de la harpe, dōt Phœbus eut dépit, si s'arma & aprēta pour etriuer contre Marsie & le vainquist: car trop pl⁹ est le son de la harpe melodieux q̄ celui de la buccine. Phœb⁹ fist Marsie écorcher tout vif, qui la harpe auoit voulu deshōner & blamer, & auoit voulu preferer la buccine & exalter deuant elle. Les pastoureaux de la contrée s'assemblerent tous à la mort de Marsie,

& plorerent tant pour l'amour de luy, que de leurs pleurs & des gouttes du sang qui decouroit de celuy, qui ecorché étoit sourtit vne merueilleuse riuere toute ensanglantée, qui à nō Marsie, & encores court ceste riuere parmy la terre de Frigie.

*Le festin de Tantalus aux dieux, & du restaure-
ment de Pelops auquel Ceres mengea vne epaule.*

POUR les vilains muez en grenouilles, & pour l'outrecuidance de Marsie qui par sō outrage fut écorché, & pour la victoire que Lathone auoit eue de Niobe, tous en tindrēt grand conte & grand feste. Mais à tous leur pesoit de la male auenture d'Amphion & de ses enfans, mais de Niobe sa femme l'orgueilleuse ne tenoient pas grand conte, fors Pelops son frere germain. Cestuy pour l'amour qu'il auoit à elle, ploroit, souspiroit, detiroit ses cheueux, detordoit ses mains, dérompoit sa robe, & dechiroit sa poitrine. Adonc perdit son épaule Eborine, qui auoit esté entée à fenestre semblāt à la dextre: mais pas n'estoit charnue. Et pour sçauoir la verité comme cette chose auint ie le vous diray. Tantalus le riche fut son pere qui tant fut auaricieux & plus que tous les hommes du monde: vn iour semonnoit les dieux au diner, pour lesquelz festoyer il fit son filz Pelops detrencher, & par pieces bouillir & rotir pour eux repaitre par sobriété.

sobriété afin que trop ne coutassent les autres viâdes. Quand ilz furent tous assis à table. Ceres mangea de la fenestre épaule, sans en faire aucun refus, tant que bon luy sembla. Mais les autres dieux qui la malice sçauoient du fol auaricieux ne voulurent du metz gouter, mais pour l'enfant reioindre firent les pieces remettre ensemble. Si faillit l'épaule que Ceres auoit mangée. Mais en lieu d'icelle y mist vne épaule d'yuoire, & ainsi Pelops fut reioint & refait, qui par son pere Tantalus auoit esté occis. Pour cestuy inhumain peché, est il en enfer en tourment. Au grand dueil que Pelops demenoit pour Niobe sa sœur vindrent pour le reconforter, les Roys de maintes Regions d'Arges, de Micènes, de Calidone, d'Archade, de Lacedemone, Corinthe, de Pylos, & plusieurs autres ses voisins, mais pas ny vint le Roy Pádion d'Athenes. Car en ce tems luy faisoient guerre les Barbarins qui l'auoient ia assiegé & l'eussent fait pauvre & de toute sa terre exillé, ce n'eust esté la cheuallerie que Tereus le Roy de Thrace luy enuoya, qui tellement vainquist & apointra les Barbarins que grand nombre en occist & print plusieurs prisonniers. Tant fit le roy de Thrace que les Barbarins en chassa hors du país d'Athenes. Quand la guerre fut finée Tereus demanda à Pandion (des deux filles qu'il auoit) l'aînée qui auoit non Progne



en mariage, & Pandion la luy donna liement, mais pour ce mariage sortit depuis grans inconueniens, & de grâdes tribulations & mors d'hommes. Ces noces furent mauuaises, point ny fut Hymeneus le Dieu qui aux noces doit estre, n'aucune ioye n'y eut, mais toute la nuit sus la chambre monterent le Chahuam, le Cocu, la Fresay, & le Corbeau. Ce fut signifiante de dueil & de tristesse. Atropos & Thesiphone & toutes mauuaises destinées volloiet toute nuit parmy les chambres & les salles du palais.

Le mariage de Tereus avec Progne & du voyage d'Athenes, & du viollement de la belle Philomela.



Q Vand les noces du Roy Tereus & de Progne furent finées, & que les Roys & Barons, dames & damoiselles furent partis de la cité d'Athenes, Tereus emmena sa femme en son royaume de Thrace. La eurent à malle heure entre eux deux vn filz, lequel eut nō Itys qui gueres ne véquit. Par le commandement de Tereus celebra on par tout le royaume grand feste. Et chacun an le faisoit comme de filz de roy étoit acoustumé de faire. Progne auoit desia esté avec son mary pl^r de cinq ans, quād vn iour en parolle le mist, & luy pria q' illa laissast aller voir Philomela sa sœur, sil luy plaisoit & q' tost en retourneroit s'il ne luy plaisoit que elle y allast, qu'il luy pleust y aller & l'amener.

Qij

Tereus denya le voyage à sa femme, & luy dist qu'il iroit luy mesmes, & ameneroit Philomela en son royaume de Thrace. Tereus fist ses nefz garnir: si entra dedans avec gaand'compagnie & singla son chemin vers Athenes. La mer leur fut paisible dōr grand domage fut qu'elle ne noya le Roy, car grans maux en fussent demourez à auenir. Ilz arriuerent au port d'Athenes. Et le Roy Pádion qui ouyt les nouvelles, alla à l'encontre de luy en grand appareil, & moult festoya son gendre Tereus: & ses gens, si l'emmena en sa cité. Puis enquist nouvelles de sa fille & de son neveu. Tereus luy respondit qu'ilz estoient sains & alegres, & que moult humblement le saluoient, & puis luy dist l'ocasion de sa venue. Comme progne auoit grand desir de parler à sa sœur Philomela, & luy pria qu'il la luy enuoyast. promettant que si tost qu'il auroit bon vét & auroit la esté vn iour ou deux il la rameneroit. puis dist, d'elle me plains quand encore ne l'ay point veue. A tant yffit Philomela d'une chambre en estat royal acoustrée, en déesse riche de paremés, mais plus riche de beauté. Nature festoit mise en elle de luy dōner beauté pl⁹ qu'à nulle autre. Et si ne fut pas moins sage que belle. Elle scauoit de tous instrumens iouer & ébatre de tables, d'echetz, de chiens, & d'oiseaux quelz qu'ilz fussent. Eperuiers, Faucons,

Gentilz ou Laniers, & voluntiers alloit en gibier ou en riuere. Et si sçauoit moult bien ourer pourpres & baldequins, & pour traire en vn drap quelque chose qu'elle vouloit. Et si estoit bien lettrée, & de tous instrumens se sçauoit entremettre, & tant sagement parler, que bié eut sceu tenir écolle de rhethorique. La pucelle vint à son pere, & Tereus l'embrassa & baïsa, qui soudainement fut surprins de l'amour d'elle pour sa grand beauté, & pour sa belle contenance si tresauant qu'il ne sçauoit tenir contenance ne façon. Si tost qu'il la vïst amour le fist follier, quand son cœur mist à la sœur de sa femme aymer.

Tereus print la pucelle entre ses bras, & luy dist ainsi. philomela vostre sœur vous salue, & prie que vous la veniez voir, & ie aussi vous en prie, pièce eussiez esté en Thrace si par souhait y peussiez estre, car il n'est priere ne souhait que Progne ne face, fors seulemēt qu'elle vous y puisse tenir vne foys, & sa force ne l'eussē tenue elle fust ia venue à vous, & tant me dist au départir sans me rien celer que son seigneur ne son amy iamais ie ne seroye s'en Thrace ne vous menoye. Et certes mieux voudroye estre viel, foible & impotent que telle chere me fist. Si vous prie que vous vueillez prier vostre pere que venir vous y laisse auecque moy, & ie croy que nuyre ne luy peut se venir vous laisser.

voir votre sœur par dela . Sire dist Philomela ma priere vers la votre que vaudroit elle ? ainçois deuriez prier s'obtenir voulez , & vous mesmes prier ne voulez si faites prier par vn autre . Damoyfelle dist Tereus , vous dites verité . Mais ainçois me deussiez demander si prié l'en ay . Lors luy dist Philomela. L'avez vous mis en raison touchant ceste besongne ? Ouy dist il , mais rien ne me respondit , dont dist elle puis que response ne vous veut rendre, ceste chose ne luy plaist point. Assez me peut ma sœur attendre, car encores d'un moys ne me verra. A quoy le sçavez vous, dist Tereus , assez otroye qui se tait . Celle sentence dist la pucelle, n'est pas veritable, car encore sommes nous contens de l'otroy ou de l'éconduit.

A D O N C dist Tereus à Pandion: sire roy bié vous ay conté mon message de par votre fille propre, pour moy & pour elle deuriez vo⁹ plus faire, que pour tous les hommes du monde. De vous prier de ceste besongne me trauaille à sō commandement. Pádion à qui ceste besongne ennuyoit, respondit: Amy & beau filz, en ce mō de n'ay rien qu'auoir ne puissiez s'affaire en auiez, mais ie croy, se vous sçauiez les biens, que ma fille Philomela , me fait ia tant que ie vesquissè ne me requerriez de ce, dont point ne viuray longuement: viel suis & foible, & n'ay

en ce monde, qui me plaife fors elle . Par ma fille Philomela seulement vis , autre soutene-
ment n'ay . Elle me garde & sert iour & nuit,
& son service tant me plaist que s'elle ne fust,
piça fust mort . Ma vie me voulez abreger,
si la m'otez . Et pource ie vous prie que de ce
don me clamez quitte. Pour ceste responce fut
Tereus si dolent que toute la parolle en per-
dit grand espace, si se print à soupirer & plain-
dre . Folle vainquit son sçauoir quand il re-
gardoit la pucelle, bien cuyda vis entrager ce à
son vouloir n'en esexploitoit : car décourager ne
s'en pouoit, souuent embrassa la pucelle & plo-
roit & soupiroit & ne cuydoit iamais voir le
iour que à sa volonté la tinst. Et pensoit en luy
seul que auoir ne la pourroit par amour , ains
de nuit la conuiendrait à embler , mener ou
par force ou par amour : mais pour telle cho-
se faire auoit peu de gens avec luy . Trop eust
esté l'œure folle si la cité fust emeue , & pour
ceste cause ainsi qu'il pouuoit se couuroit . Et
raison de non pouuoir le mist hors de ce pēser.
Et dist que encore vouloit essayer si par priere
il pourroit vaincre.

L O R S recommença Tereus à prier Pandiō,
si luy dist en telle maniere: Sire dist il, bien voy
& sçay que petit feriez pour moy quand ce
don m'auiez refusé, bien ay ma peine perdue à
venir ceste part , dont a tant m'en repens : on-

ques pour chose que ie fisse ne me tins pour si fol que ie fais à ceste heure, vous auez pauvre ocasiõ trouuee de votre fille qui vous sert, n'auuez vous doncques assez mignons & pucelles pour vous seruir? Biẽ vous pourriez passer d'elle trois iours ou quatre se vous vouliez & la laisser venir ebatre avec sa sœur qui cy m'a trãmis, & qui me dist quand me departis que iamais à elle ne retournaſſe, ſans amener sa sœur Philomela. Car failly auroye à son amour si point ne la menoye, & pource ne ſçay-ie que faire. Grand dueil auray de mon filz, & encore plus d'elle si ie la laiſſe pource ie pleure, & ſuis à merueilles effrayé, quand pour si peu me faillez, beau ſire baillez la moy. Et ie vous iure par tous les dieux en qui ie croy & ma foy ie metz en ôtage, que ſaine & ſauue dedans quinze iours la vous rameneray. Tant fiſt le faux & déloyal traistre par plorer, par promettre & par iurer, qu'il exploita sa beſongne, si comme il voulut. Car Pandion cuyda qu'il ploraſt de grand pitié, dont luy meſmes ne ſe peut abſtenir, qu'aucc luy ne plora, & luy diſt: Amy ma fille emmenerez demain par tel conuenant que promis & fiancé m'auetz: C'eſt de la me ramener ſaine & ſauue dedans quinze iours. Ie vous prie gardez la bien, & ſi la ramenez roſt. Et ſi ſachez bien que moult me greuez, & que iamais ioye au cueur n'auray,

iufques à tant qu'avec moy la r'auray , Tereus luy eut en conuenant . On s'en alla feoir au foupper , ou on fut royallement feruy : mais Tereus ne fe deduiſoit en ſervice nul qu'il viſt, fors au gent corps de la pucelle regarder, à rié autre choſe ne penſoit. Apres ſoupper ſ'en alla chacun coucher, mais mieux aymaſt Tereus à veiller & à parler à la belle Philomela, ou ſon cœur auoit du tout mis, iacoit ce que rien n'en ſceuſt. Tereus ne peut celle nuit dormir ne re-poſer, pour follie qui le trauailloit.

Q V A N D Tereus ouyt là guette du iour ſonner, il fut mout ioyeux, il ſe leua legerement & ſes gens auſſi qu'il éueilla. Pandion pour luy tenir ſes conuenances, luy donna ſa fille Philomela, qui ioyeuſe en fut: car bien cuydoit brieuement voir ſa ſœur, & ſauuement retourner, ce qu'elle ne fera. Puis la conuoya le Roy iufques au port, & pria moult à Tereus qu'il luy ramenafſt ſa fille au terme, ainſi que promis luy auoit. Et auſſi diſt il à ſa fille, que toſt penſaſt de reuenir, & que de luy luy ſouuint: car ſans elle nul bié ne pouuoit auoir. Plus de cent fois luy diſt ces parolles, en la baiſant & accollant. Puis au departir la commanda aux dieux, & auſſi fiſt il le traifſtre deloyal . Toſt fut la nef par le bon vent éloignée du port ou Pandion pleuroit pour ſa fille. Quand ilz furēt decenduz de mer, Tereus parloit par trahyſon pres d'un,



& maintenant d'autre, tant qu'il emmena Philomela dedás vn bois en vne seule maisonnette, qui illec estoit loin de ville & arriere de chemin. Et quand leans furent seulz, & que nul ne les pouuoit voir, n'ouyr, il requist la pucelle de son amour & compagnie. Celle qui moult fut ebahye se defendit par parolles, & luy esconduit. Mais quand il vit que par prieres il n'en pouuoit finer, il luy fist force & la viola, dont elle fut tant dolente, que plus n'en pouuoit, & de dueil ne cessoit de pleurer. Puis dist en tendant les mains vers le ciel: O faux & cruel barbare tyrant, comment n'as tu eu regard aux cōmandemens de mō pere, & à mes pitieuses larmes: n'a la cure & honnesteté de ma sœur? à ma

virginité, n'aux liens de mariage ? Toutes ces saintes choses as troubles & depitees, en me faisant ribaude, tu t'es fait double mary. Certes à moy est peine duee, mais sçaches que cestuy triste fait ne demeurera pas impuny. Pleust aux dieux que ceste chose eussies sceu, avant tes incestueux touchemens. Car i'eusse euité les vmbres de peché, toutesfois si les dieux souuerains regardent ou si les dieux diuins font aucune chose, & si en moy ne sont perdues toutes forces, i'espere vengeance de tant grand & incestueux peché, ou par le tumultuant peuple : ou par les forestz qui me tiennent enclose, ou par le son des pierres, ie croy que l'air reuelera auz dieux ton peché, dont i'en auray vengeance de toy. Quand Tereus souyt ainsi menacer & fulminer il eut grand peur, & afin que Philomela iamais ceste chose ne peust reueler à homme n'a femme, il tira sa langue hors de la bouche, & la luy couppa. Mal exploita le faulx tyrant de ce fait, & aussi de l'autre. Puis la laissa en celle maisonnette enclose plorant & dechirant ses beaux cheveux : mais de ce se decent Tereus & fist grande folie, qui pour la garder mist avec elle vne vieille rustique, qui de sa peine & labeur viuoit. Elle sçauoit filer & tistre. Et auoit vne fille à qui elle apprenoit son mestier. Tereus luy commanda qu'elle n'eloignast la damoyelle

pour chose qu'il auint, & si luy fist tout ce qu'à elle appartenoit. Elle luy eut en conuenance & le iura, si la creut. Et puis se partit à tant & s'en reuint à sa gent, qui bien sçauoiēt ce fait, mais tant le doutoient que mort n'en osoient dire. Si le celerent plus par crainte que par amour.

Le piteux état en quoy fut delaissee la belle Philomela apres son deflorement.

TEreus & ses gens vindrent en Thrace, Progne qui cuidoit que sa sœur Philomela vint ioyeusement alla à l'encontre, mais quand elle ne la vit, rien ne luy pleust à ouyr, n'a son mary bien venez ne luy dist, ains demanda comme effrayee ou sa sœur estoit, qu'elle faisoit, & qui detenoit qu'elle n'estoit venue pour la voir. Le traître fist semblant de dueil de ne pouuoir respondre, & puis luy dist qu'elle n'auoit que faire de le sçauoir, & celle plus fort l'en pria ou elle vouloit passer outre, pour l'aller voir. Adonc Tereus luy dist en faisant signe de plorer, qu'elle estoit morte. Quand Progne ouyt ceste nouuelle, si grieuement s'en déconforta que merueilles seroit à raconter. Elle maudissoit les dieux & la mort, & si tost la vouloient prendre, elle leur pardonneroit. Puis dist qu'à tousiours en remembrance de ceste douleur porteroit vestemens de noire couleur, & commanda qu'on les luy aportast, & aussi fist on, si les vestit. Puis luy furent amenez à

son commandement deux taureaux pour sacrifier aux dieux : si en fist sacrifice à Pluto le Roy d'enfer, requerant qu'il gardast l'ame de sa sœur à honneur, & quand sacrifié eut vn feu commanda à faire au temple. Telles coutumes maintenoient alors les roys, & faisoient telles folies pour leurs parens mortz.

A INSI pria Progne pour l'ame de Philomela sa sœur qui n'estoit pas morte, ains viuoit & chacun iour luy renouuelloit sa douleur: par le traistre qui de son corps toutes ses voluntez faisoit par force. Moult desiroit Philomela que sa sœur sceust son etat, mais engin ne sçauoit pour penser, par lequel elle luy peust faire sçauoir. Car meslâger n'auoit qui y allast, & si luy deffailloit sa parolle, dont son courage ne peust dire ne decouurir à aucun, combié que meslâger eust eu. Et d'autre part elle n'auoit l'oytir ne congé d'yssir hors de la maison. Car la vilaine trop de pres la regardoit. Elle se pensa d'écrire vne lettre à l'éguille, par laquelle sa malle auenture peust estre manifestee à Progne sa sœur finement voulut son œuvre faire. En vn coffre alla ou la vilaine auoit ses filz mis, si les deuuida, & commença par grand'etude son œuvre, telle comme il luy pleut. La vieille luy laissa faire, & luy donna tout ce qu'elle pensa qu'à telle œuvre conuenoit, fil vermeil, bleu, iaune & verd, & d'autre

couleurs, mais rien ne conneut de ce qu'elle tissoit. Et l'ouurage luy embellissoit, & moult luy plaisoit, car il estoit subtilement fait. A l'un des boutz estoit tissu que Philomela l'auoit faite. Apres y estoit pourtraite la nef, ou Tereus passa la mer, qui l'alla querre en Athenes. Et comment il se contint, quand il fut venu. Et cōment il la mena & efforça, & comment il auoit laissée en la maison au boys ou elle estoit emprisonnée, apres ce que la langue luy eut trenchée. Quand Philomela eust l'ouurage acheué, moult se conforta de son ennemy, felle peust recouurer qu'il le portast à sa sœur, mais elle ne sçauoit par qui, si son hotesse n'y alloit, ou si elle n'y enuoyoit sa fille, car leans n'y auoit qu'elles troys. Philomela y fut sept moys qu'onques ne s'en pouuoit mouuoir, tant que tout son fait par signes son hotesse sçauoit & entendoit, & que rien ne luy contredisoit, fors seulement l'issue de la maison, mais ce luy auoit Tereus defendu. Un iour estoit Philomela avec sa maitresse à la fenestre de la maison. Onques depuis que Tereus l'eut leans mise, n'auoit esté à huys n'a fenestre. De la ou elle s'estoit apuyée, elle vit entré les boys & la riuere, la cité ou sa sœur demouroit, si commença fort à plorer, comme celle qui de son dueil ne pouuoit auoir confort. Moult en eut grand pitié sa maitresse, &

voluntiers l'eust reconfortee s'elle eust peu, en luy otroyant ce qu'elle voufist, excepté l'ysfue de la maison.

L'inuention de Philomela à faire à sçauoir à sa sœur, ses lamentables nouuelles, & de son deliurement.



Q Vand Philomela eut aperceu qu'on luy faisoit tout son plaisir, & elle vit son lieu & tems, elle alla querir la toille quelle auoit tissue & ouuree. Et puis reuint à la maitresse, q tous ses signes entendoit, comme si de la bouche l'eut dit. Philomela fist signe qu'elle enuoyast celle toille par sa fille presenter à la royne de ceste cité. Celle l'entédit tantost, & pésa que ce fust pour aucun guerdō en auoir: si ne se

douta de rien, pourquoy à sa fille chargea la besongne. Fille, dist elle, porte celle toille à la royne, & si la luy presente, & si r'en retourne tantost. Moult se reconforta Philomela, quād elle vit celle toille emporter, car par tems elle cuyde auoir secours. La fille presente la toille à la royne Progne. La royne la regarda moult ententiuiement, & bien conneut l'œuure de sa sœur. Mais point ne decouurit son penser, ny ne voulut crier ne faire noise. Et va lire le carme miserable de sa fortune, & de douleur ne sçauoit trouuer en sa langue parolles assez indignes, & n'auoit loisir de plorer si fort estoit apres à excogiter vengeance, assez suffisante à son indignation satisfaire. Si va la nuit ensuyuant que les femmes de Thrace celebroyent la feste de Bacchus, dite les Bacchanales, se vestir des vestemens à ce proportionnez, sur sa teste vn chapeau de vigne, à son coté gauche vne peau de cerf, à la dextre vne lance dite de Thyrese, & ainsi atournee va sortir de la ville avec l'autre multitude des Bacchantes, criant par les chams & boys, & vrlant Euoe. Et si fort estoit eguillōnee de la fureur de douleur, qu'elle surmōtoit toutes autres à crier, & se derompre. Et oncq' ne cessa que ne fut au lieu de son aduerse fortune, si tēpesta, brisa les portes, & emmena sa sœur, laquelle vitemēt reuestit des enseignes de Bacch⁹, & son visage va couurir de flouz vn
grand

grand chapeau de lyerre afin que ne fuisse aperceue, & en tel état va traîner Philomela étonnée dans la cité: Mais Philomela qui par auant estoit de si liberalle beauté, & maintenant octaminee connoissant la maison detestable du tyran de pudicité, la infortunee s'effraya toute, & deuint palle, & deffaite, sentant approcher l'heure de ses destinees.

La démesurée vengeance que print Progne de son mary, qui sa sœur auoit defloree, laquelle oubliä l'office de maternité par indignation.



Progne étant venue avec sa sœur au palais royal choisir chambre secretté, & là premierement deposa les vestemens sacrificiaux, & puis vint à decouvrir le hôteux visage de sa
Olympe. R.

miserable sœur, laquelle voulut embrasser & accoller, tant par pitié qu'amour: mais la pauvre Philomela n'osoit dresser ses yeux en haut, se voyant estre la cōcubine de sa sœur ne le peut souffrir: ains iettant son visage à terre, comme si vouloit iurer & protester l'outrage luy estre fait par violence, au lieu de parolle n'eut que la main, laquelle leua en haut en plorant tendrement. Progne voyāt cecy brule d'impatience, & son estomach n'est capable recevoir la moytié de l'ire qui luy redouble, si va inculper les larmes de sa sœur, disāt: point n'est besoin de pleurs en cest affaire, c'est chose trop molle le fer y est plus duysāt: ou si tu as quelque chose plus dure & āpre que fer, & que le puisse vaincre, ie te prometz ma chere sœur que ie suis pl^r que preste à vĕger l'outrage en toute façon du monde: car ou bien ie mettray le feu a tous les quarres du palais, & la dedās bruler feray tout vif l'ipudique corps du villain, ou luy arracheray la lāgue, ou luy creueray les deux yeux, ou les maudites parties & deshōtées qui t'ont ôtē & proſternē la fleur & richessē de tō corps, detrencheray au couteau, ou par mille playes cōtraīdray l'abhominable ame du traître, prēdre chemī aux lieux tenebreux. Grande chose est ce que i'ay entrepris de faire, mais ne sçay encores que c'est. Ce pēdant que Progne faisoit ces menaces, & pēsoit aux aprestes de vĕgence, son

petit enfant Iris tant beau & plaisant que possible étoit, vint deuers elle. Desincontinēt que elle le vit, va penser sur le meurtre de son enfāt pour soy véger du pere, & en le regardant d'un visage indigné & cruel, va dire: O commēt tu ressembles ton pere, & sans dire autre parolle, desia vouloit mettre à execution le triste fait.

Mais quād le petit Iris se fut approché: & qu'a moureusement eut salué sa mere, & qu'eut ietté ses petitz braz à l'entour du col de sa mere, & qu'eust baisée tendrement en luy disant paroles gracieuses & d'enfance, le cœur de mere fut émeu à compassion, & l'ire effrenée fut vn peu surprinse, & ses yeux furēt cōtraintz en ietter larmes. En sentant que la pitié maternelle luy faisoit vaciller son courage, va regarder sa desolée sœur bien étōnée, laquelle l'enflāboit à ire, & l'autre l'étanchoit: mais quand eu assez regardé puis l'un, puis l'autre, va dire: Pour quoy me vient cestuy faire feste, & celle émeute? celle que cestuy appelle mere, pourquoy celle ne l'appelle sœur? Ha Progne regarde dont tu es venue, & à qui tu es iointe, trop seras lache si tu ne véges l'iniure. Et en disant ceste parolle toute ébrōdee en fureur, cōme la tigre affamee qui emporte dedans la cauerne la petite bische, print Progne son bel enfāt, & le traïna en lieu secret & oculte. Et l'enfant voyant la mort luy estre desia preparee, ioignit

les mains vers sa mere l'appellant piteusement
mere mere: mais non pourtant ne cessa Progne
que ne luy mist le couteau en la gorge, sans va-
rier ny tourner le visage, & Philomela l'ache-
ua, & mist sa tendre chair par pieces. Et entre
elles deux appareillerent & mirent la chair de
l'enfant partie en pot, & partie en rost. Et quād
fut heure de manger, & que la chair fut cuictē
& rostie. Progne pour parfaire sa volunté vint
au roy, & luy pria que de la chose qu'elle cuy-
da qu'en tout le monde plus il aymast vīt mā-
ger sans cōpagnie, tellemēt qu'il n'y eusse que
eux deux, & elle le seruiroit du tout à son vou-
loir. Le roy luy ottroya, mais que son filz Itis
y fust. Par ma foy, dist Progne, vrayement y se-
ra il, seulemēt y serōs tous trois ne par mōvou-
loir nul ne sçaura quelle part no' serōs. Venez
quād il vous plaira: car tout est ia appretē & biē
apareillé, si māgerōs à grād deduit. Tereus ne
sçauoit de quel manger celle luy prioit à faire.
Elle l'ēmena & assit moult plaisāmēt, afin que
le māger mieux luy pleust. La table fut noble-
mēt parée. Quād le roy fut assis, elle luy apor-
ta vne hāche de son filz Itis. Et il cōmēca tres
bien à māger d'icelle, puis demāda: Dame dist
il, ou est nostre filz Itis? Vous m'avez promis
qu'il seroit icy avec nous. Sire, dist Progne ne
ayez doute car vous serez tantost saoulē de le
voir. Il n'est pas loin d'icy: s'il n'y est desia si y

fera il briueuement. Lors alla apporter vne haste. Et Tereus quoy qu'il taillast ne mangeast. De rechef dist à Progne: Dame, dist il, mal conuenant me tenez quand mon filz Itis ne m'amenez. Il m'ennuye trop qu'il ne vient, & si ne le sçay par qui le mander, si ie n'y vois moymesme. Je vous prie que le m'allez querir,

La metamorphose de Tereus, Progne, & Philomela apres auoir donné a manger le fils au pere.

CEler ne pouuoit plus Progne à Tereus son mary de quelle viande il auoit mangé, dōt elle l'auoit seruy. Adōc luy dit pargrād courroux. Faux & déloyal traistre dedans ton corps as partie de ce que tu demandes, & partie dehors. A ces parolles yffit Philomela d'une chambre pres de la ou elle étoit mucee emporta la teste de l'enfant, si la ieta parmy le visage de Tereus, tellement que tout l'ésanglâta. Tereus vit lors qu'il étoit trahy, si fut d'angoisse, & de hôte vne espace de tems si ébahy qu'il ne se meut ne dist mot, nō plus que sil fust de pierre. Quād il cōneut le chef de son filz, & il sceut de verité que Progne luy auoit donné à māger sa propre chair, & qu'il vit philomela il bouta la table ius, si respādit tout, & print vne epee pour véger la mort de son filz, laquelle il trouua pēdāt à vne paroy, mais les deux sœurs qui la n'osérēt plus attendre s'ē fuyrēt: & il les chasse pour les occire mais ainsicōme il pleur aux

destinées, auint que Tereus deuint huppe, qui est vn oyseau ord & villain, pour la trahison & deshōneur qu'il auoit fait à la pucelle. Progne deuint arondelle, & Philomela rossignol, encores qui son chant croiroit tous les déloyaux amoureux seroient detruitz & occis : car pource qu'elle les hait, chante elle plus doucement qu'elle peut quād printems est venu, par ces bocages & foretz, Occy, occy, occy.

La mort de Pandion pour le cas auenu à ses filles, & du raiſſement d'Orithie, par Boreas.



Q Vand le vieil Pandiō sceut la malle auēture de ses filles, il eut si grād dueil qu'il en mourut. Heristeus tūt le royaume apres luy

cestuy fut preudhōme & fort duit de guerre.
 hardy & fier vers les ennemis. Doux & modeste
 vers ses amis. Il auoit quatre filz. trois garçons
 de filles, belles. gētes, & fort gracieux. Particulie-
 cialement deux furent à mēucilles plus que
 que les autres. Dont l'vne des deux tres-belle
 eut nom Proctis, celle fut donnee en mariage
 au riche roy Cephalus: & Bise vent del'Nort a-
 uoit long tens aymée, l'autre nommee Ori-
 thie. Mais le pere d'elle ne la luy vouloit don-
 ner à fēme, pour auoir ne pour priere qu'il luy
 sceust faire, pource qu'il étoit de la lignee des
 déloyaux de Thrace. Quand il vit qu'auoir ne
 la pourroit pour requeste ne pour priere qu'il
 sceust faire, il dist en soy mesmes, par grād or-
 gueil.. C'est à bō droit qu'on la m'a refusee, car
 trop en ay prié, quād p ma puisſāce & uiolence
 puisacheuer ce q mō cœur desire. Les impotés
 & les impuissās doiuent prier: & nō pas moy. Je
 puis émouuoir & la mer troubler, chasser deuāt
 les nuees tenebreuses, & obscur tēs éclaircir. Je
 puis la neige faire endurcir & gresler, avec les
 autres vēs mes freres. Tāt suis vertueux: & mou-
 uāt, que par mō fort mouuemēt puis faire tout
 l'air bruyre, & si fais tōner & foudroyer, arbres,
 maisōs & edifices. Et quād j'ētre soiz les cauer-
 nes de la terre par ma grād vertu, je fais tout le
 mōde trēble & effrayer tous les infernaux. Je
 fais les grās hyuers, mourir venīs, & enoyer leur

ordures. Ie fais les plantes mourir, & arbres arracher. Bien deusse par ayde à mye aquerre: car par priere ne dois auoir ceste Athenienne: ains y dois mettre peine & force. Ains se ventoit le vent de Bise, dont s'emeut ventant & trainant sa chappe poudreuse, & alla harper & raur la belle Athenienne, puis s'en vola en Cygognie, & là lengrossa de deux enfans, lesquelz quand ilz furent en leur droit âge, furent aux armes les plus preux du pays. L'un eut nom Calais & l'autre Zetus, aux épaules, desquelz creurent plumes comme à oyseaux. Eux deux furēt semblables de face à leur mere, & volerēt par l'air comme leur pere. Ces deux freres pour acquerrir loz & priz, allerent en étranges terres auec Iason & luy ayderent à conquerir la toyson d'or, outre la grand mer. Ilz enchasserent les Harpies qui sont vilz oyseaux. Pource que ilz deceuoient l'auenglé roy Phineus & mangeoient sur sa table. Dont Phineus leur fist deux beaux columbeaux en guerdonde ce que deliuré l'auoient de ces oyseaux qui ainsi le deceuoient.

*Fin du sixieme liure des histoires
Poëtiques.*

LE SEPTIEME LI- VRE DV GRAND OLYM- pe des Metamorphoses d'Ouide.

La toyson d'or, & l'apprest pour icelle conquerre.



L'Ocasion que Iason alla la toyson d'or cō-
querre, & à quel danger il la conquist, &
tout par ordre le vous diray. En Arges eut iadis
vn riche roy & faux tyrāt qui eut nō Peleus. Il
eut vn neueū filz de son frere Iason, qui lors é-
toit viel, nōmé Iason cestuy Iason étoit le plus
beau iouuenceau que nature auoit peu former
de son tēs. Si preux si sage, si cōtrotis, si debō-
naire, si humble, si amyable, si seruiable, & si

plein de toutes bones meurs, q̄ l'euers amours eut été loyal, il n'y eust pareil au monde. Mais vers amours eut peu de loyauté, dont luy en auint depuis dueil & dōmage. Moult se fist le iouuēceau priser, plus fut aymé par sa proësse que son oncle Peleus pour sa richesse. Par ce se douta moult Peleus, & pēsa que se Iason viuoit lōguemēt, qu'il le desheriteroit, & que veritable seroit le sort & le diuinemēt, que iadis luy auoit été fait par les fees. La prophetie étoit q̄ le premier qu'il rencōtreroit vn pié nu, & l'autre chaufsé, cestuy seroit roy de sō regne & de son heritage apres qu'il en auroit debouté le roy Peleus. Moult eut le roy le cœur dolēt & émeu quād il eut veu venir Iason par vn matin à son leuer, l'un pié nu l'autre chaufsé: riē ne fut en tout le monde que tant doutast, ne que tāt hayst. A rien tant ne pensoit fors à trouuer engin & maniere honneste pour mettre à mort Iason son neveu, mais semblant n'en faisoit, aīs luy faisoit & mōtroit qu'il l'aymoit moult. Par tout le faisoit cheuaucher, il n'oyoit parler de peril aucun qu'il n'y enuoyast Iason, & Iason par sa proësse n'entreprenoit rien qu'il n'en vinst au bout, dont Peleus étoit moult dolent, mais il faisoit semblant que grād ioye en auoit. Et Iason cuydoit que pour son auancemēt d'honneur luy fist tant de grans perilz entreprēdre: car armes & tout ce que mestier luy

estoit luy offroit & administroit, dont le iou-
uëceau demenoit grand ioye & grād noblesse.

Recordé fut en maintes cours de haut prin-
ces par renommée qui par tout se pandit, qu'en
Colchos auoit vne toisō d'or tellemēt gardée,
qu'homme tant eust force ne science ne la pou-
uoit auoir. Plusieurs vaillās & puissans hommes
s'en mirent en peine, dōt ilz moururent: car on
ne pouuoit contester à ceux qui la toison gar-
doiēt. Toreaux fiers y auoit, ietans feu par les
narines, ayans les cornes de fin acier, acérées à
outrance & tresbien foubies. Quand le Roy
Peleus le sceut, il en fut moult ioyeux, pensant
qu'il y enuoyeroit Iason, & que de ce peril ia-
mais n'echaperoit. Vn iour tint Peleus grand
court & plantureuse, ou furent moult de no-
bles & vaillās hōmes Hercules le preux y fut,
Iason, Zetus, & Calais, & plusieurs autres no-
bles cheualiers qui estoient moult redoutez, &
renommez pour francz vassaux. Au festin par-
lemēt fust entre eux de cheualerie, & des fors
cheualiers. Le Roy qui les entendit, leur ra-
conta qu'il n'y auoit gueres qu'arriué estoit en
Colchos vne toison d'or, & que ceux ou celuy
qui la pourroit cōquerre, en acquerroit grand
hōneur, & grād louége. Puis appella son neveu
Iasō, & luy dist par saintise. Beau neveu ie t'ay-
me, & prise moult. Car moult as essayé ta for-
ce en maint peril, bien me tiendroye honoré

se la toyson d'or conqueroyes. Certes iamais n'iras en lieu ou tant puisses acquerre d'honneur, ne de proesse, car droit heritier seroye de ceste terre, & tiendroye tout mon royaume au reuenir, si te iure, & prometz qu'ainsi te feray, car ancié suis. & si n'ay aucun hoir de ma femme. Tāt fut la chose pourpailee, que Iason entreprīt ce voyage pour cōquester la toisō d'or. Le Roy luy fist aprestier & faire vne nef la plus belle, & la plus riche que parauant n'auoit. été veue en nul pays apellee Argos. Iason print cōgé de son oncle: & avec tresgrād' cōpagnie de vaillans gēs entra en la nef, qui fut biē garnie. Il eurent bō vent, qui par la haute mer les conduysist à la riche cité de Troye. A grand ioye y arriuerēt, mais tantost fut leur ioye conuertie en tristesse. Car le roy Laomedō à qui tost fut nōcé qu'en sa terre, étoient arriuez gēs d'armes vne nauire pleine. Moulte se courrouça, & ébahist, car onques n'auoit ouy parler qu'on peut aller par mer. Il cuida que ce fussent éspies: si leur fist sçauoir que sur leur vie incontinent de sa terre partissent, les Grecs, qui sa menace doubterent, se retirerent, & equipperent en mer, moulte courrouce, de ce que si villainement les en chassoit le roy Laomedō, disās entr'eux que si vifz pouuoient échapper, & retourner de la toison d'or, qu'ilz alloient querre, qu'ilz luy mouueroient telle guerre dont desherité

feroit. Ilz dirēt verité, car la riche cité de Troye en fut abarue, & destruite, & si en perdit Laomedon la vie. Exione sa fille en fut ravie, & deliurée à honte à Thelamon. Quand Priamus qui lors absent estoit, sceut ceste nouuel il en fut moult dolent. Son pere Laomedon & son dommage complaignit, & aussi fist il la honte de sa sœur Exione. Et deslors commença la racine, & la cause pourquoy Paris ravit Helene, dont depuis fut Troye arse & gâtée, & les habitans mortz & dissipéz.

*L'expedition du voyage en Colchos
pour la toyson d'or.*

Quand Iason ensemble Hercules, & les autres compagnons, furent partis du port d'Athenes pour nager en l'ile de colchos, afin de conquerre la toyson d'or, tant les menerent les vens & les vndes de la mer, qu'ilz depuis le port de Tenedon, dont ilz furēt hon-teusement par le Roy Laomedon dechassez, parvindrent en vne Ile dont Phineus estoit Roy. Lequel pour l'occision par luy faite en ses propres enfans par la faction & subiection de leur maratre fut par les Dieux malheureusement aveuglé, en vengeance de tant grâde iniquité, & avec ce luy furent trāsmisēs trois horribles, & rauissants oyseaux nōmez Harpies. Lesquelz pour leur inhumain rauissement estoiet de plusieurs dites les chiens de Iupiter,

estre à sa table, afin de luy rauer & souiller ses viandes, & icelles deuorer. Calais & Zetus filz de Boreas, & d'Orithie, les enchassèrent iusques aux iles Phasidiennes, & en deliurerent le pauvre viellart. Mais vne voix celeste leur dist, qu'il se gardassent de plus persecuter les chiens de Iupiter. Pour laquelle vision incontinent retournerent: & cessèrent de les plus poursuivre. Phineus pour leur loyer, & en remuneration de tât grád seruice, leur dōna deux ieunes couloms, lesquelz premiers conduirent la nef d'Argos en l'ile de Colchos à sauuement.

L'entrée des Argonautes en Colchos, & de la soudaine amour que fut surprinsē la belle Medee pour Iason.



Iason à tout sa compagnée apres le congé
 print du Roy Phineus, se mist en mer au cō-
 mandemēt des vëtz. Et tant nagerēt vne heure
 ça, & l'autre là, qu'ilz arriuerēt en l'ile de Lāne,
 ou ilz seiournerent bien deux ans & demy. Iſi-
 phile la franche dame, qui de celle terre estoit
 royne, fist Iason son amoureux, & luy conceut
 deux enfans, il luy promist qu'à femme la pré-
 droit à son retour, & la meneroit en Grece avec
 luy: mais tost la mist en oubly. Ilz seiournerēt
 tant illec qu'il leur pleut. Puis se remeirent en
 mer apres le congé pris de la royne Iſiphile,
 qui les conuoya des yeux, en plorant tant que
 voir les pouuoit. Et ceux singlerent par la mer,
 tant qu'en Colchos vindrēt ou le Roy Oëthes
 les receut à grād honneur. La demanda Iason
 au Roy la toyson d'or, disant, que pour icelle
 cause estoit illec venu. Le Roy Oëthes luy res-
 pōdit, en riāt. Sire Iasō, dist il, laissez ceste cho-
 ſe, pour riē n'ē parlez, car ia ne sera la toysō par
 vōtre effort cōquise, car quād vous aurez dom-
 té les orgueilleux toreaux, eraint leurs souffle-
 mēs, & mains pl⁹ grief meschef souffert, & cō-
 batu seul cōtre vn millier de cheualiers. Et par
 vōtre effort & science pourrez surmōter le ser-
 pent, qui onc ne dort. Lors pourrez vous a-
 uoir la toyson d'or. Medée qui fut fille du roy,
 alla voir Iason, & le riche conuoy des Grege-
 ois. Elle estoit belle, simple, & sage damoiselle

Tantost qu'elle vit Iason, qui si bel estoit, elle fut moult esprinse de son amour, mais par son sens cuida son cœur donter, & retraire de celle amour, & moult y mist de peine à estriuer contre elle mesmes. L'une heure s'accordoit à l'aimer, & l'autre heure nō, mais en la fin n'y sceut mettre remede. Certes, disoit Medée i'ayme Iason outre mesure, & par destustoutes choses, ce à ceste cōqueste ne luy fais ayde, il y mourra. Plus dur cœur auroye que dyamant, se ie luy laissoye perdre la vie. Ia ne plaise aux dieux, que ce doive souffrir. Puis recommença Medée à dire. Hé que sera ce si mon pere, ma mere, & mon pays, trahys pour vn estrange homme, quand tu l'auroyes sauué, si s'en iroit il, sans toy prendre en mariage, puis, dit elle mesmes, non feroit, car il est trop gentil homme, & si i'en suis en doute, auant prendray ie la foy de luy que bien me tiendra sa promesse. Mais certes (sans serment donner) il fera toute ma requeste: point ne m'en doute, dont le dois ie ayder & secourir briuelement. Se de mort le vueille deliurer tousiours m'en sçaura bō gré, à épouse me prédra, & me menera en Grece avec luy, ou il me mettra en haut degré. Pour luy lairray pere, & mere, sœur & frere. Trop est cruel mon pere, ma sœur s'en iroit volōtiers avec luy, & si me lairroit, pourquoy ne la lairrais- ie donc? Quel deduit peut on auoir d'un
enfant

enfant muet, qui onques ne parla? Pour vray mon frere lairray, & m'en iray avec Iason, que plus ayme que chose qui soit au mode, mon époux fera, & ie seray sa femme, & son épouse. A moy pareille d'heur n'aura dessous le ciel, puis se desdisoit, & disoit, que pas ne passeroit la mer, car en peril de mort se mettroit, & qu'E Grece ne pourroit venir. Helas (dit elle) s'entre mes bras le tenoye, & il me tint pareillemēt, il n'est angoisse, peril, ne tourmēt qu'inal me fist. Et quand tout ce eut dit, si se repentit. Et ainsi tenoit disputation en elle, raisons diuerses contre amours. En vne grande forest au temple de la déesse Hecates alloit Medée, pour sacrifier qui de l'amour de Iason estoit presque etainte. Mais quand elle le reuit plus fut esprise de son amour que deuāt. A celle heure estoit Iason pl^e bel qu'onques n'auoit esté. Si ne deuoit Medée estre blamée, si lors fut de son amour esprise: car Iason la salua debonnairement, & la print par la main nue, & luy pria humblemēt à basse & douce voix, qu'elle luy fist ayde. Et il luy promist qu'a femme la prendroit: & qu'avec luy l'emmeneroit en son pays de Grece. Et Medée luy respondit par grand ardeur d'amour. Mon doux amy pour vous lairray mon pere & mon pays, non pas par ignorance: Mais par l'effort d'amours qui me fait laisser mon vouloir pour le sien, par moy conquerrez la

Olympe

S

toison, pour qui vous estes icy venu : mais que me tenez conuenant de moy prèdre à épouse, & de moy en votre terre mener. Tout ce eut Iason en conuenant : si en iura tous les dieux, & en fîça sa foy. Adonc & sans arrest luy donna Medée herbes pleines d'enchantemens, & luy aprent le charme, & luy montra comment il en deuoit faire & vser. Iason l'en remercia grandement, & puis bien ioyeux s'en alla.

La conqueste de la toison d'or, par l'art magique de Medée.



LE lendemain à l'aube du iour s'apresta Iason d'entreprendre vn merueilleux & dangereux fait , pour la toison d'or conquer, point n'oublia ses charmes, ne ses herbes d'en-

chantemens, qui beaucoup luy valurent. Au
châp entra vallémét. La estoit le roy Cétics,
& tous les princes & barons de la contrée, pour
regarder la grand hardiesse de Iason. Et quand
il entra au lieu ou estoit la toison d'or, par la
gueulle des horribles toreaux fortoit feu & flâ
be, qui toutes les herbes bruloit. Les Gregeois
fuirét en arriere restous, fors seulemēt Iason.
La compagnée le laissa au lieu ou estoit ladi
te toison enclose, & eurent grād doute de iamais
ne le reuoir. Les toreaux vindrent vers Iason
pour l'assaillir, mais ses charmes, & enchâtemēs
eurent tāt de puissance, que la puante ardeur de
leurs soufflemēs ne luy pouuoit nuire, & de
ceux fist tout ce qu'il voulūt. Il leur fist labou
rer la terre, dont le roy & tous les siens furent
moult dolēs. Et les Gregeois par cōtraire ioy
eux, & fort siecrioient. Et Iason pour leurs cris
se confortoit moult. En vn heaume qu'on luy
aporta, print les dets du serpent, & les sema sur
la terre qu'il auoit labourée. La semēce fut tan
tost reprise, car les dets deuindrent hommes ar
mez, prestz de cōbâtre. Les Gregeois en futēt
moult effrayez pour doute que mal ne feissent
à leur seigneur. Et lors Iason recommença vn
nouuel charme pour son premier charme en
forcer, & tāt s'efforça qu'il rua vne grande ro
che au milieu deux, dōt entre eux cōmēça la
guerre. Tant furēt fors les enchantemens, que

chacū croyoit certainement, que son prochain cōpagnon luy eut ruée, dōt chacun tira son épée, & s'entretuerent tous les hōmes d'armes. Lors les amys de Iason le coururent embrasser, aussi eut fait Medée, se pour honte n'eust esté. Moul't ioyeuse fut, quand de tel peril vit son amy sauf, & guaranty de mort retourner.

Le retour des Argonautes de la toyson d'or par trahison, & de la cruauté de Medée.

Q Vand Iason eut conquis la toyson d'or en Colchos, le Roy Oëthes fut fort dolent: mais encores le sera par temps sans comparaison plus: car Medée sa fille qu'il aymoit moul't print tout son tresor, & d'une nuit à l'éblée se mist en la nef de Iason, & avec les Gregeois s'equipa en mer. Le Roy sceut tantost celle nouvelle, de laquelle il fut moul't dolent. Tantost assembla grans gens, si se mist à pourfuyre ceux qui celle honte luy auoient faite, moul't menassant Medée & les Gregeois de diuers tourmens, si prendre les pouuoit. Tant suyuit le Roy Oëthes Iason, que de loin le vit. Quand les Gregeois virēt le Roy si pres d'eux, ilz en eurent grand doute. Mais Medée les confortoit, qui avec elle auoit son frere Absirtus. D'une moul't grand' & inhumaine crudelité s'auiſa, quand piece à piece le démembra. Si le ieta en la voye par ou le pere deuoit

passer, & afin qu'il le peust voir, comme il fist. Quand le Roy vit les pieces de son filz flotans dessus l'eau, il cheut pamé: dont à grand peine le peurent les plus prochains de luy releuer, & quād il fut releué de pamoison, ains que outre vousist passer il cōmanda arreter illec tant que les mēbres de son filz fussent assemblez. Et tandis échaperēt les Gregeois, & en mer équipée-
rēt & singlerēt en voye. Ainsi emmena Iason s'amye Medée, & la toyson d'or, qui cōquise auoit. Et ne fina de singler iusques à ce qu'il arriva au port d'Athenes, sain & sauf, avec toute sa compagnée. Ceux de Grece rendirent deuotement vœux, & oblations qu'ilz auoiēt promis aux dieux, pour leurs amis, qui auoient esté avec Iason en estrange terre, & qui venuz étoiet à tout noble victoire & riche proye.

*Le raieunissement du pere de Iason
fait par Medée.*

PAr toute Grece s'esioièrent tous, fors Peleus, qui dolent estoit du retour de son neveu, qu'il vit sain & sauf à grād hōneur retourné du grand peril ou auoit esté, mais il cela sa pensée au mieux qu'il peut, & fist semblāt que ioyeux en estoit. Lors vit on & demenoit on grād feste par la cité d'Athenes & enuiron, mais à celle feste ne pouuoit estre Eson, qui par vicillesse gisoit en son liēt. Iason en eut pitié, qui en telle destresse le voit. A Medée s'en alla



& l'accolla, par tresgrand semblant d'amour: puis luy dist: Dame qui en tât de perilz m'avez guaraty: & par tant de fois qu'en toute ma vie, ne le vous pourroye guerdōner ne desservir. Je vo⁹ prie qu'a mō pere ne vueillez allōger sa vie & prēdre de ses ans & le mettre sur les miēs se faire le pouuez, par charmes ou autrement. Bien scay que s'entremettre vous en voulez, vous le ferez moult bien, pour dieu mettez y peine, & en ce faisant vous m'obligerez tout le tems de ma vie à votre service. Medée eut lors pl⁹ de pitié de Iason, qu'elle n'auoit eu de son pere Oēthes, ne de son frere qu'elle démēbra. Mais en grand piece n'en fist semblant. Puis respondit cōme par ire, Iason dit elle, qu'elle follic avez

vous dois-ie donc alonger à autruy vie, pour la
votre abreger ? Otroyez moy par votre grace
que ie ne face celle entreprinse . Lors dist Ia-
son : Douce amye vous m'auiez par plusieurs
fois aydé à traire, & mener à chef mainte gran-
de besongne , & encores vous prie pour ceste
fois. Certes Iason mon trescher amy, dist elle,
pour vous ay-ie fait maint effort & accomply
maintes entreprinse, il n'est au monde tant
fortes choses , que ie ne puissè bien acheuer.
Faire puis par tout le monde, les eaus courir
contremont, & retourner au lieu , dont elles
viennent, ia n'est tant la mer esmeue, que paissi-
ble & tranquille ne face estre , & si la puis fai-
re troubler & tempester, quand elle est calme.
Obscures nuees ferois-ie bien par mes artz es-
clarcir , & les claires obscurcir. Mettre scay les
vens en leurs caues , & quand il me plaist , ie
leurs fais faire tempestes & orages . Bien scay
appriuoiser lyons & serpens comme aigneaux,
roches traire de son lieu, arbres & boys, puis-ie
bien oter des racines , & faire terre braire, &
montagnes trembler . Et si fais les vifs sem-
bler mors. Et par contraire les mors ressembler
vifz, & yssir hors de leurs sepultures. Ie fay bien
le Soleil esclypser , & maintes plus pesantes
choses mener à fin par mon sens , quand il me
plaist : mais ia dieu ne plaise , que ie face telle
desloyauté , que requis m'auiez , d'abreger vo-

tre vie, mais plus fort feray, car par moy sera
votre pere raieuny, sans que votre age, & votre
vie en rien le compare, car consentir ne pour-
roye, que plus brieue vie en eussiez.

*Les enchantemens de Medee & de ses ars nigro-
mantiqes.*



OR dist Medee, me soit en aide dame He-
cates, la dame des enchantemens à triple
forme, que tellement m'introduise qu'à bon
chef, puisse venir de raieunir Eson par l'art de
mon enchantement. Adonc falloît trois nuitz
attendre, que la lune fust pleine. Et quand elle
le fut. Medee s'appréra pour rendre à Iason sa
promesse. Elle yffit du palais nudz piez, eche-
uelee toute seule de nuit. La Lune luy soit cle-

re à celle heure : & toute chose estoit paisible. Chien n'abayoit, serpent ne sifflait. L'air estoit cler, & la nuit seraine. Et si luy soient cler les etoilles. Medee leua lors la face vers le ciel, & trois fois l'enclina, & trois fois pleura, & fist son charme en vne clere eau, & trois fois s'écria en abaissant, puis s'agenouilla en terre, & puis commença à dire. Dame qui les secretz voyez & scauez : Lune & etoilles qui luysez, Hecates noble deesse qui auez trois formes, & qui les charmes voyez & confermez, qui bien scauez & voyez ceste entreprinse que commencee ay, ie par ta debonnaireté prie, que tous les charmes aux enchanteurs, & que toutes les fleurs & herbes, qui peuuent en charmes valoir. Les dieux des vaux & ceux de l'air, & des eaus: Les dieux des vens & des montagnes, & ceux des boys & des forestz y appelle; que tous venez à mon ayde. Et tous les dieux, qui par obscure nuit allez pourchassant auenture, par vous domptay les toreaux, & oppressay leur ardent soufflement: Par vous fiz les cheualiers armez combattre, & de mortelle guerre eux occire. Par votre ayde endormiz le serpent vigilant, qui onques n'auoit dormy iour de sa vie. Par vous fut rauie la toyson, qui apportee est en ceste terre, maintenant ay besoin & mestier de votre ayde a trouuer herbes & racines, pour faire charmes & enchantemens a faire E-

son raieunir. Cestuy chariot dist Medee, que voy par l'air venir, que ces serpens volans conduysent: Et ces etoilles qui sont si cleres me certifient, que ma requeste sera veritable, & que m'otroyez ce que requis vous ay.

A T A N T descendit le chariot de l'air, auquel Medee monta. Trop auroye à raconter les regions qu'elle passa, sans cesser iour & nuit, pour querre herbes de midy iusques à Septentrion, & d'Orient iusques en Occident, ne demeura terre, ne region, ou elle ne fust pour herbes trouuer, & tāt en eut, comment luy vint à plaisir, & que besoin en estoit. Au douzieme iour retourna. Les serpens qui sentoient les odeurs des herbes en raieunissoient. Quand Medee vint à l'entree du palais, pas n'entra dedans: ains s'arresta au dehors vers la partie d'Orient, ou elle fist à la deesse de iouuence vn autel à senestre, & à la deesse Heccates vn à dextre. Quand elle eut enuironne ces autelz de ces rameaux fueilléz: de vertes herbes, d'un pal de fer fist deux fossez: Puis sans arrest sacrifia aux dieux d'enfer vn noir mouton. Le sang fist es fossez epandre, & puis y mist laiët & miel. Pas à tant y laissa, ains supplia & requist au Roy d'enfer & à sa femme Proserpine, qu'ilz retiennent à Eson l'ame au corps. Et quand sa priere fut acomplie elle fist venir Eson, & Iason son filz, & tous les autres en chassa qui y

etoient venus. Car raison estoit que plus ne les
veissent. Et quand la place fut toute deliuree
des gens. Medee toute echeuelee enuironna,
& circuit toutes les autres, disant plusieurs pa-
rolles d'enchanterie. En vne chaudiere mist
bouillir maintes herbes & diuerses racines,
maintes fleurs des prez de Threſſalle, & d'ail-
leurs, diuerses pierres de Perse, d'Inde, & de
ſablon de la rouge mer, du foye de Lanier, du
cœur, & des plumes de la fresseoye. La teste
d'une corneille, & toutes les entrailles d'un
loup garou, & des bruines de la Lune. Tou-
tes ces choses assembla Medee ensemble, si
les mist cuyre & bouillir: & maintes autres
choses. Medee auoit vn sec tison d'oliuier,
dont elle remuoit le brouet tout ensemble. Le-
quel tison par la force de la poison qu'elle en
remouuoit, deuint vert, couuert de fueilles &
de Fleurs & en brief terme, porta fruit, tant a-
uoit de force la medecine, & ou la goutte en
failloit au bouillir, tantost en naissoient her-
bes & fleurs à grand deuise, & de diuerses cou-
leurs. Lors print Medee le vieillard Eſon qu'elle
auoit par son art & enchanterie endormy, si
le seigna d'un couteau bien trenchant pour en
faire vider le vieil sang. Puis le coucha & le
baigna en l'eau ou les herbes auoient bouilly,
ou il deuint tâtost ieune, sain & en sa force. Ses
cheveux cheus deuiendrent noirs & crespes.

Le visage luy eclarcist & coulourast, tellement qu'il n'y demoura fronceure aucune, & si eut le corps long & droit, gay & ioly, plein de liesse & d'allegreté. Quand il fut cueillé il en eut si grand merueille, & moult ioyeux en fut, & aussi fut Iason.

La mort du roy Pelias fait par ses propres filles à la cautelle de Medee.



D'Vne grande follie se pensa, Medee, pour occire le roy Pelias, duquel la mort elle desiroit. Elle s'en alla vers luy, les filles Pelias la receurent à grand feste. Et quand elle eut esté vn petit avec elles, par simulacion commença à soy complaindre de Iason. Disant que mieulx la deuoit aymer que son œil dextre. Car par

elle auoit il conquis la royson d'or, & si luy auoit son pere raieuny. Puis leur dist que cher luy vendroit son mal talent. Certes respondirent les pucelles, aymer & cherir vous deuroit, & rien faire contre votre plaissance ne deuroit, Car trop grand amour luy fistes d'ainsi raieunir son pere. Que pleust ores a vous de raieunir le nostre, & nous serions voz tenues a tousiours. Lors se teust Medee & pēsa vn pen pour plus les plucelles deceuoir: Puis leur dist: Pucelles & amyes, par ma foy onques mais ne me requistes d'aucune chose. Si ne vous fera ià votre premiers requeste par moy refusee. Et afin que mieux puissiez croyre, que i'ay ceste puissance, apportez moy, le plus vieil mouton de votre bergerie, & ie le feray raieunir. Adonc les pucelles luy amenerent vn vieil mouton, qui grandes cornes auoit, & elle le mist au chauderon. Et tantost par la vertu d'icelle le mouton raieunist & saillist hors de la chaudiere breiant apres sa mere, demandant la tette, comme vn ieune aigneau.

P O U R celle epreue s'emercuillerēt les pucelles, & eurent espoir que Medee raieuniroit leur pere, se sa promesse leur vouloit tenir. Chacune l'en pria. Medee pour elles deceuoir, requist terme de quatre iours. Et au quatrieme iour elle s'appareilla de sa trahison parfaire. Elle fist emplir vne chaudiere pleine d'eau &

d'herbes , qui peu valloient . Adonques dormoient tous ceux de l'hotel fors Medee & les pucelles , ausquelles dist maintenant verray si onques aymates votre pere , car celle qui plus l'ayme peut aller tirer son viel sang , & puis ie luy rempliray le corps & les veines , de la poison qui la boult. Lors sans arrest entrerent toutes les pucelles en la chambre du roy leur pere , portant chacune vn glaiue en la main. Et quand elles vindrent au lict ou il dormoit : elles luy couurirent le visage , car elles ne l'osoient regarder , puis le commencerent à frapper de routes pars . Le roy commença à crier mercy , de sa vie à ses filles , disant : pour qu'elle rage me detrenchez vous ainsi ? Pour laquelle parole du pere , furēt les pucelles si effrayees que les epees leur cheurent des mains. Lors s'auança Medee & luy trencha la teste , & si mist en eau chaude , puis s'en retourna en fuite , & les deux dragons la conduyrent par l'air au chariot , qu'il auoient apprētez.

Q V A N D Medee eut occis le roy Pelias Iason fut roy de la terre , & se maria à vne belle , & sage damoysselle nommee Creusa , tandis que Medee s'en etoit fuyee , pour la peur des filles Pelias. Moult fist Iason comme fol , qui ainsi l'oublia & laissa , pour autre prendre. Quand Medee en sceut la nouuelle , à peu que d'ire ne forcena , moult print à reprocher les

biens, qu'à Iason auoit faitz : disant que mieux
vauſiſt que rien n'en euſt onques fait. Pour luy
à eſté telle choſe batie, qu'encores fuſt à com-
mencé ſe ſa grande deloyauté euſt conneue.
Pas n'eſt ce qu'il me promiſt au temple Heca-
tes en la foreſt. Il me fiança par mariage, & me
requiſt ayde en pleurant. Par ſes fauſes & de-
loyalles larmes fuz- ie deceue: Par ſon amour ie
ttahis mon pere. Et par meurtre que ie ſeis de
mon frere, ie le guarantis de mort. Haa Iason,
Iason, toutes ces inhumanitez conſentis Dieu
en rendre à chacun ſon droit. Se les dieux ſeuſ-
ſent telz comme ilz deuoient eſtre, noyé deus-
ſiez auoir eſté en la mer. Or ay- ie le guerdon
& merite de ce que j'ay touſiours pourchaffé,
ſeulement pour auoir du deloyal la grace. Ay- ie
fait vers toutes gens deſroy & greuance. Et en-
cores de nouveau pour le faire roy, de ce roy-
aume, ay occis Pelias. Et il n'eſt rien en ce mō-
de que plus il haye que moy. Pour autruy m'a
pris en hayne mais mal me puiſſe auenir ſe ie
ne termine leurs amours.

*La ialouſie de Medee, contre la ſeconde femme de
Iason, & de ſa cruauté.*

A Pres que Medee ſe fut longuement com-
plainte, elle enuoya à Creuſa vne ſi trefbel-
le chemiſe, qu'onques ſi belle ne vetit femme
viuant. Pallas, n'Arachnes ne feirent oncques
ſi ſubtil ouurage. Belle eſtoit, mais ſouz ce-



ste beauré auoit grâde deloyauté. La dame vetit la chemise, q tantost fut arse par la vertu de la poisō. Lors doubla la hayne que Iason auoit cōtre Medee. Et quād Medee vit qu'à Iason ne pouuoit estre accordee, d'ire, de rage, de maltaient, fut si esprinse, que deux enfās qu'elle auoit occist en depit de leur pere Iason, pource qu'ilz le ressembloiet de beauté & de maniere: & puis mist en feu & en flambe le palais ou il demeu- roit, & cela fait, elle s'en fuyt par l'air volant. Trop eut Iason le cuer triste & dolent de la mort de sa femme Creusa, & de ses enfans. Et s'il eust aucunement peu tenir Medee, il eu eust prins mortelle vengeance, telle que iamais homme elle n'eust deceu : mais les deux dra-
gons

gens la sauuerent, qui tantoist l'emporterēt en l'air volant. Celle vint en la cité d'Athenes, ou le roy Egeus la receut à grand ioye, & la print à femme, dont puis apres s'en repentit, si cōme il sera cy apres en l'histoire declaré.

E G E V S le Roy d'Athenes auoit de sa premiere femme vn filz moult gētil, & fier de courage nommé Theseus. Cestuy alloit par le monde pour acquerir honneur avec Hercules le fort, & étoit le meilleur cheualier que en sō tems on peust trouuer au monde. Cestuy Theseus fist maint œuure de grand prouesse, dont grand nom en acquist. Il conquist le toreau Cretēce en la cité de Marathone, & le sanglier d'Herimāthe, qui auoit affamee & gastée toute la terre. Et si vainquist le Lyon du boys Nemee, qui auoit desert le pays, & fit merueilleuse occisiō, de Diomedes qui ses cheuaux faūloit des hommes qu'il meurtrissoit. Il occist aussi Gerion qui se muoit en trois figures, & quant étoit fort, qu'il faisoit ployer tous les grās deuant luy, & les detruisoit, & tous les passāns fist il de honteuse mort mourir. Sciton aussi le larron occist, & en fist épandre la cēdre & vāteler aux chās. Il occist aussi plusieurs gens, par tout étoit cōneu son nō, son los, son priz. Par tout le mōde alloit sa renommée, tous le doutoient, seulement de son nom ouyr nommer.

Le voyage de Theseus aux enfers avec son compagnō.

Olympe.

T



Theseus eut vn compaignon nommé Pirithous, lequel étoit preux, vaillant & renommé, eux deux étoient d'un cueur & d'un vouloir, & s'entreaymerent tellement que rien que l'un voulsist, l'autre ne luy contredisoit. Ensemble étoient vne fois à sejour cōme ceux qui tous les mauuais pas qu'ilz scauoient auoient deliurez, nettoyez, & acheuez tous les perilz. Si se tenoient greuez du sejour & du repos que point n'auoient apprins, & de ce se cōplaignoient ensemble. Lors dit Pirithous à son cōpagnō Theseus: Vray amy, que j'ay plus aymé que mon corps mesmes, & vous moy encores plus. Tāt auez de prouesse, que rien tant fort en ce monde ne vous ose cōtrister. Grand

amuy est que tant se repose vn tel cheualier
comme vous estes pour sexalter. Puis que sur
terre ne trouuõs auéture à nous éprouuer, trou
uer la pourrons en enfer. Allons faire guerre
aux infernaux, & deliurer Proserpine que Plu
to roy d'enfer rauist à grand tort de sa mere
Ceres. Nous aurons victoire sur ceux d'enfer,
& en acquerrõs gloire perdurable, & si deliure
rons la belle Proserpine que Pluto tient ainsi
à force. C'est la chose que plus ie desire d'a
uoir la belle en mariage, & à mon plaisir. Beau
doux amy allõs la deliurer, ie vous prie: car biẽ
sçay que sa mere Ceres nous en sçaura bõ grẽ.
Et vous ferez la chose que plus me plaist en ce
mõde. Theseus l'écouta volontiers, & pensa
vn petit dessus sa requeste, puis luy dist: Amy
Pirithous, bien cõnois & voy qu'amours t'õt
surpris, quand elles te font pẽser telle follie,
moult suis dolent de ta douleur & angoisse, &
poĩt ne lairray pour perdre la vie que nete tiẽ
ne cõpagnec en ceste entreprinse, car la mort
auec toy ne me déplaira iamais. Lors sans au
tre deliberatiõ les deux cõpagnõs Theseus &
Pirithous prindrẽt leur chemĩ pour aller vers
enfer, mais il trouuerẽt la voye moult deserte &
horrible. Tāt allerẽt & exploiterẽt leur chemĩ
qu'ilz vindrẽt droit à la porte d'enfer. Si trou
uerẽt le portier lié à vne grosse chayne de fer,
en enfer n'auoit plus horrible chose de cestuy

mōstre, il auoit trois testes toutes fusc vn corps. Theseus le cuyda frapper du brac d'acier qu'il portoit, il faillit, mais il couppa la chaine de cestuy coup. Et celuy faillist sus piez, & s'en fuyt parmy enfer horriblement, criant & hurlant à maniere de chien rabieux. Theseus l'en chassa & Pirythous courut apres. Tous les infernaux merueilleusement se demenerēt, quand leur portier Cerberus virent en danger des deux compagnōs. La mort y étoit qui portoit la banniere qui étoit de douleur. Ceux d'enfer étoient bien armez d'autre chose que de fer ne d'acier: car ilz étoient armez de peur & de peine, de puantise, d'ardeur, de fraieur, & de forcenerie. En eux eut moult craintue & hayneuse compaignee. Ilz allerent assaillir de toutes pars les deux chevaliers, & eux moult fort se defendirent. Chacun d'eux se fioit en sa force, mais se departirent en combatant l'un de l'autre, dōt ilz firent grand follie: car ilz en furent plustost cōquis & vaincus, comme ceux qui ne pouuoient secourir l'un l'autre. Toute la pluspart de la compaignee assaillirent Pirythous de toutes pars, & il se defendoit vigoureusement cōme franc cheualier. Mais sa defense peu luy proufita: car vousist ou nō, fut prins & ietté en prison tenebreuse & obscure, moult d'agereuse & doutable. La l'enchainirent d'Idres qui le mangeoient, & qui luy ardoiet cōeur & corps.

Le secours d'Hercules aux deux compagnons, Theseus & Pirithous aux enfers.

Pirithous qui ne pouuoit la peine infernale plus longuement endurer, commença à haute alaine à crier & appeller son amy Theseus, en disant: Amy, or paroitra commet vôtre vertu (qui tant m'a été secourable) à ceste fois me garantira, certes aujourd'huy faudra nôtre compagnee si hatiuement ne me secourez, car tant m'angoissent ces ennemis, que liuré suis à mort perdurable, se brief n'ay vostre secours. Ha Theseus fleur de cheualerie, à Dieu commande vostre corps qui est en perilleux danger, tant que bonne nouuelle en oye. Theseus qui se combattoit d'autre part, ne sçauoit encore rien du danger, auquel estoit son compagnon iusques à se qu'il ouyt sa complainte. Il tourna tantost celle part en confondant & abattant ses ennemis. Mais quand il le vit ainsi enfermé, il fut tant dolét, qu'à peine peut il mot dire & quand il peut parler il dit: Beau amy, dit il, ceste douleur r'ay mis, car sur ma fiance viés icy. Certes ie te deliureray de ceste peine. ou ie demeureray avec toy prisonnier. Lors Theseus comme tout forcené d'ire & d'angoisse, commença à assaillir les infernaux, & à chasser deuant luy les ennemis. Et Charon qui les lassées ames passe parmy le fleuve d'enfer en vne nasselle röpue s'enfuyoit, & toute sa compagnee,

L'un çà l'autre là, & le vaillant Theseus qui en sa force se fioit chassoit battans les infernaux deuant luy, ainsi cōme fait le loup les brebis. A tāt luy peut bien suffire, mais il ne s'en pouuoit saouler: il cuydoit affoller & occire ceux qui ne craignoient ne fer ne fust. Au plus terrible lieu d'ēfer auoit vn puy grād & profōd plus que du ciel n'a iusques à la terre, ou les grāds pecheurs étoiēt enferrez en perdurables peines obscures & tenebreuses. These' pour la grād obscurité qui la étoit ne les pouuoit voir & si pēsoit à détruire les infernaux. Tant alla cerchāt les enfers qu'il vīt à ce puy, & se meschant & poureux eust été, il fust cheu dedans, mais quād le pié luy faillit, aux mains se retir. Hercules qui toute sa vie leur auoit tenu compagnie, & qui tous trois auoient été cōme vn en leurs cōquestes tellemēt que l'un ne faisoit rien, qu'à l'autre n'attribuast, ne les voulut habādōner ne laisser en enfer, ains les y alla querre, si print le portier & enfer brisa, & en ieta ses amis frācz & quitres par sa puillāce & par sa force, & aīsi eut des īfernaux la pleine victoire.

Le retour de Theseus en Athenes & Medee sa marâtre, qui le voulut empoisonner, & de la guerre que aprēta Minos.

A Pres toutes ces auentures retourna Theseus en Athenes deuers son pere, qui par long tems ne l'auoit veu, il ne reconneut pas



son filz de prime face, ne aussi Theseus ne se fit pas connoistre si tost, dont à peu luy auint grand ennuy & dommage: car Medee le recogneut qui plusieurs fois l'auoit veu. Dolenre fut de sa venue, mais semblât n'en faisoit pas lors. Elle se pensa qu'elle le feroit mourir s'elle pouuoit, & vint à son mary & luy dit, qu'il se gardast du cheualier nouvellement venu: car elle sçauoit certainemēt qu'il étoit épie, venāt pour le dōmage de luy & de sa terre. Le roy la creut legeremēt, & quād elle vit ce, elle fit tāt, qu'il luy dōna cōgé de le faire mourir par poison. Elle de ce moult ioyeuse, apresta tātost vn bruyage qu'elle apporta à sō mary, Le roy redie & presēta à sō filz la poisō. Et Theseusq de ceste

mortelle trahison rien ne se doutoit, print la coupe de la main de son pere, & la porta a sa bouche, qui sans arrest l'eust beu, mais le roy son pere le cōneut par la poignée de l'épee qui ceinte auoit. Et lors luy reprint haitiement la coupe, & respndit le déloyal breuuaige à terre, & puis éiouyt son filz. Medee qui fut atteinte de la trahison, s'en refuyt depuis couuerte d'une obscure nuee, & ne fut oncques depuis veue. Moult fit Egeus le roy d'Athenes grand ioye de son filz Theseus, qui reuenu étoit de long exil. Depuis le tems Cecropus le noble Roy qui premierement fonda la cité il n'y eut si grand ioye demenee. Moult racontoient des prouesses de Theseus, & des peines qu'il auoit eues pour nettoyer le monde des monstres, geans, & serpens, qui lors détruisoient les creatures par les terres & par les royaumes. Pas ne pésoient à là grand guerre que le roy Minos leur appareilloit à venger la mort de son filz, que ceux d'Athenes à tort & par enuie auoient occis. Moult fut le roy Minos à priser, car vaillât homme étoit, prudent & sage, qui toute la terre de Crete auoit à gouverner. Vn filz auoit sage à merueille & de grand esprit nommé Androgeus. Son pere l'auoit enuoyé en Athenes, pour apprédre Philosophie, & à etudier. Si bié employa son tems que plus des autres en sceut & tant qu'il redargua souuent, & apprenoit les

plus sages. Lors les Atheniens esprins de grãd enuie par trahison l'occirent. Pour cestuy mes fait, fut Minos moult courroucé . Si assembla grand nombre & multitude de gens, pour venger l'occision de son filz, & pour mettre la terre en exil, mais ainçois voulut par dons, par p. messes, & par prieres requerir ses voisins, qu'à ceste besongne le voussissent aider. Par amour aucuns y vindrēt aussi par crainte, & si en y eut plusieurs qui ne le voulurent aider, dont il fut moult courroucé, & iura qu'au retour fierement leur feroit comparer.

MINOS vint au roy Eacus requerir son aide & secours. Europe eut anciennement nom sa cité, mais le Roy l'appelloit EGINE apres le nom de sa mere. Quand Minos vint en ceste terre d'EGINE, toutes manieres de gens grandz & petitz, ieunes & vieux, allerent à l'encontre de luy pource que par tout le monde étoit renommé estre sage & fort iusticier: Mesmemēt le Roy Eacus & ses trois filz luy allerent à l'encontre, luy demanderent la cause de sa venue, & qu'il queroit en leur terre. Minos se print à pleurer & leur dist & pria qu'ayder le voussissent contre les Atheniens à véger la mort de Androgeus son filz, qu'ilz luy auoiēt occis. Le Roy Eacus respondit que ce ne pouuoit estre car d'aciēneté étoit ioint & alié à ceux d'Athenes, par sermēt. Lors dist Minos pleĩ d'ire: Ce-

ste conuenance te fera, si ie puis, vne fois dē-
mage. Puis se partit Minos d'Egine, moult mal
content de ce que le Roy Eacus luy auoit re-
fusé son ayde & secours, il s'equippa en mer
plustost qu'il peut, mais guercs n'eut port eslō-
gné, quand Cephale vint illec à nauire de par
ceux d'Athenes requerir ayde, au contraire de
la requeste de Minos. Auec Cephale étoient ve-
nus deux gentilz compagnons, l'un nōmé Cli-
ton, & l'autre nōmé Boutes, lesquelz tous
étoient loyaux aux Atheniens, les filz du Roy
connoissent bien Cephale, lequel estoit le plus
ancien des compagnons, & pource l'a dextroi-
ent: car autrésfois l'auoient veu en la cité d'E-
gine apporter vn autre message. Ceux allerent
contre luy iusques au port, si l'embrasserent,
& seiouyrent moult honorablement. Et des
nouuelles de son royaume luy demanderent.
Ilz l'amenerēt au palais du Roy leur pere, tout
deduyfant. Cephale tenoit en sa main vn ra-
meau d'Oliuier, & moult bien se contenoit,
comme homme de grand âge & prudent. Le
Roy & tous ses barons salua, & pria courtoy-
sement au Roy que secours luy voufist faire,
luy montrant que par serment le deuoit faire.
Disant en outre que s'il auoit d'eux affaire en
pareil cas ou séblable: qu'aïssi le secouroiēt tous
les Roys & Ducz de Grece. Lors luy respondit
Eacus en cœur loyal, que voyrement estoit

faite l'alliance entre eux, & qu'il n'éroit pas droit qu'il faillist aux Atheniens, & qu'il leur enuoyeroit secours selon la puissance: Car la mercy Dieu, dist il, j'ay assez de gens pour eux ayder & servir en celle guerre. De ceste responce le remercia moult Cephale, & puis luy enquist, & demanda qu'éroiet deuenuz ses anciens hommes, qui servir le souloient. Puis ne fus en ceste terre, dist il, que i'en vy plusieurs que point ne voy maintenāt, car ie ne voy que ieunes cheualiers.



EACYS se print à sousspirer quand Cephale luy enquist nouuelles de ses anciennes gens, & luy dist. Tu m'as ramentu mon dommage & la perte qui m'est auenue, & ébahi en suis

toutes les fois qu'il m'en souuient. Mais fortune m'a esté au dernier bonne & plantureuse. Les aucuns barons dont tu demâdes sont tous mortz, & ie te diray la cause. Iuno qui toute ma terre & mes gens hayoit, pour ma mere que Iupiter auoit enceinte, espandit par tout mon royaume vne pestilence, en semblance de feu, par laquelle soudainement mouroient toutes gens & toutes bestes. Et si ne fut oncques Physicien qui y sceut iamais trouuer, ne mettre aucun remede, ceste pestilence vint premieremēt par l'air qui fut plein de bruyne chaude & puante, puis décendit es eaus, dont furent pleines de serpens, & de vermine venimeuse, dont toutes bestes moururent, sauuages & priuées aux chams & à la ville. Tous les chemins en étoient pleins, dont si grand' puantise en yssit, que tout l'air en corrompit. Apres s'espandit ceste pestilence, sur les gens de toute ma region. Premierement se apperceurent par le visage qui leur rougissoit, & es entrailles qui leur ardoient, & d'eux yssoit puante alaine, & si auoient les langues enflées, & gisoient à la terre nue, par la grande chaleur qu'ilz auoiet: car refroidir ne se pouuoient. L'ardeur leur faisoit desirer à boire eaus de fontaines: & tāt en beuuoiet pour leur soif etaindre & r'assasier, qu'ilz en mouroient: & pourtant point ne creuoient, & se deietoient contre terre. Peu prisay ma

vie, quand en ce point vy mes gens si douloureux, & si ne les pouuoie ayder. Je ne sçanoye ou regarder, que ne visse mors ou mourans. Tous couroient à grande deuotion au temple, faire vœuz, promesses, sacrifices & oblations pour appaiser les dieux: mais rien ne leur profitoit, qu'illec mesmes ne mourussent en faisant leurs oraisons, & les bestes ainsi qu'on deuoit sacrifier. Plusieurs se pendirent deuant le temple, & se tuerent de leur bonne volonté, pour la mort qu'ilz doutoiēt. A peine pouuoit on entrer au temple pour les mortz. Les sepultures estoient pleines, tellement que les corps demeuroient tous estenduz au plain sur la terre, & n'y auoit qui bruler les voulist, si ne pouuoit on trouuer tant de bois; dont on peust faire le feu à les ardre.

Le commencement des Pigmiens, & mutations des formis en petitiz hommes que l'on dit Nains.

QVand ie vy (dit Eacus) ma grande & irreuererable perte, moult fuz ébahi & dolent. Si fis priere à mon pere Iupiter, & luy dis humblemēt en ceste maniere: Pere trespuissant, aussi véritablement qu'au ventre ma mere me engendras, ainsi ie te reclame pere, se filz me daignes tenir. Garde moy mon peuple que tant dois aymer, de plus auant ainsi laisser périr & mourir. Lors me vint ync enseigne du ciel,



car sur mon chef se partit en grande resplendeur, & resonna enuiron moy vn tonnerre, dont moult m'esiouy. Beau sire pere, ceste enseigne me donne bonne auenture & salut. Aupres de moy auoit vn chaisne cler ramé plein de formis, qui parmy l'écorce couroient tout entour, l'un aual & l'autre amont, & travailloient pour assembler & amasser grains es creux de l'arbre. Lors dist ainsi: Trespuissant Dieu & debonnaire pere, donne moy pour peupler ma vuide cité de telle multitude de gés, comme il y a icy de formis, si queourny puisse estre tout mon royaume de bonnes gés. Lors sans soufflement de vent trembla le chaisne & ses branches à par eux, donant grand son, dôt de grād

peur me prins à herisser & à fremir, mais tou-
refois le chaisne & les branches baisoye, & n'o-
froye ma pensée, dire, ains la celoye en mon
cœur, & auoye espoir de m'en esliouyr. Celle
nuit me sembla en dormant que ie veoye l'ar-
bre trembler, si cōme par iour l'auois veu: & si
vis les formis assembler, portās grains en leurs
bouches, & vis croitre la compagnée pour eux
espandre, puis se dresserent & semblèrent sou-
dainement tous hommes. De ce songe me rins
pour fol quand ie fuz éveillé: car point ne cui-
day auoir refuge n'ayde si prest, si prins à bla-
mer mon songe. Ce pendant que i'etois en ce-
ste pensée, auis me fut que i'oyois en mon pa-
lais grand' murmure & voix d'hommes, que
point n'auois acoutumé d'ouyr, si cuyday son-
ger en veillant, mais à tant vint Thelamon
mon filz, qu'il me dist: Mon pere venez voir
la plus grand' merueille que croire se peut. La
vins prestement, ou ie trouuay pleinement
ma vision veritable que veue auois, telz hom-
mes & tel nombre, & venoient en ma maison
à grand tourbe & en multitude. Et cōme leur
Roy & seigneur me saluerent, lors en rendy
grace à mon pere. Et adōc espandis mon nou-
veau peuple par mō royaume en diuerses par-
ties, ou il n'y auoit sinon gens mortz. A mon
nouveau peuple ay mis nom Mirmidonnois,
qui s'accorde à leur nature: car il n'ont point

grande stature, & si sont fortz & moult vigoureux: fors batailleurs, desirans d'acquerrre terres & seigneuries, & aussi peuuēt moult de peines endurer. Ceux dit le Roy Cephale vous suyuront en la bataille, si tost comme le vêt pluuant ventera, & le soleil abaissera.

Des deuises que Phocus le filz, du Roy Eacus & Cephalus eurent ensemble.

TElles ou semblables paroles dit le Roy Eacus d'Egine à Cephale. Puis mist on lors les tables, si soupperent à grand deliz, & puis s'en allerēt reposer, iusques au lendemain. Que Cephale par matin se leua, & sescōpagnōs, qui moult se tenoient agrauez du vêt qui contraire leur estoit, pour eux mettre au retour. Ilz vindent au palais, mais le Roy dormioit encores, & Phocus son ainé filz les mena en la chambre, Là s'assirent tous quatre, pour eux solacier, tant que le Roy fust eueillé. Cephale auoit vn iauelor mescōgnoissable & d'esträge fust. Quand Phocus le vit, il dist: De bois & de riuere sçay assez, & de vennerie aussi, mais ie ne sçay de quel fust est cestuy dart que tu tiens de ta main dextre. La hante est droite & bien ouurée, & la pointe dorée & bien trenchant. Lors dist l'un d'eux: Si vous doutez de quoy il est, ce n'est pas merueilles. Il est bel, mais il est encores meilleur: car oncques homme ne vist dart si vertueux. Celuy qui le iettera ne faudra.

dra ia qu'il n'ataigne ce qu'il veut, & puis retourne à celuy qui l'à ietté. Phocus s'ebahyt moult de la merueille, & dit qu'õques tel d'art n'auoit veu, & enquist dont il estoit venu, cõmẽt il l'eut, & qui luy dõna dõ de telle valeur. Lors se print Cephale à plorer & soupirat luy dist: Plorer & douloir me conuient toutes les fois qu'il me souuiẽt de la perte qui m'est auenu, il m'a m'amyc tollue & tuée mon espouse. Pleust à dieu qu'onques ne l'eusse eu.

La ialousie de Procris enuers son mary Cephalus, lequel la tua en la chasse incautement.



PROCRIS ma femme, dist Cephalus, ma sœur à la belle Orithie, que le dieu Boreas ravit oncques (comme ie croy) personne ne vit,
Olympe V

si belle ne si bonne qu'elle estoit. Si la print à mariage au gré de ses amys & des miens, & mis tout mon cœur à elle aymer comme faire le deuoye. Bien heureux fumes, & fussions s'en vie fust demourée. Mais par ce dard me fut rauie & otée, comme ie le vous conteray. Il auint vn mois apres noz epousailles, que secretement & à repos m'en allay au bois chasser, & commençay mes retz & engins à rendre, pour prendre venaison. Au chef d'un haut mont delectable, qui tousiours estoit beau & florissant. La belle Aurore me vit par vn matin à force me rait contre mon gré. La verité en veux dire, sauue sa grace, tant soit la déesse belle & coulourée, & tant aye de ioye & delit d'elle remire, combien qu'elle face la nuit finir & le iour éclaircir, & tant soit pleine de douceur, & de sauoureuse rosée, tât aymoye Procris ma femme, que pour elle n'excusay & refusay la déesse, dont elle me dist ainsi comme par ire: Fol plein d'ingratitude, laisse tes cōplaintes, & va à celle que tant tu aymes, vn tems sera ce rien sçay faire, que de son amour te pesera. Ainsi comme ie reuenoye, en mon cœur recordoye tout ce qu'Aurore m'auoit dit: laquelle, comme il me sembloit dame croyable. Si doutay que ma femme eut enfrain son mariage: car sa tresgrande beauté m'emettoit en doute, mais ce qu'elle estoit sage & honneste me faisoit croire que



bien auoit gardé son mariage. Et celle dont ie reuenoye m'auoit donné cause & mis en suspicion pour entrer en ialousie. Et comme on dit cōmunemēt, tous amoureux sont en crainte, car ialousie vainq amour. Pourcē mis mon estude à acquerir ma malle auenture, que trouuer ne vousissē. Je vouloye éprouuer s'aucun pourroit ma femme par don, ou par priere émouuoir à violer son mariage. Aurore par mō consentement mua ma forme, tellement que nul ne me pouuoit connoistre, qui parauant conneu m'auoit. En Athenes vins prendre hotel en ma maison, ou ie me maintins comme pelerin estrange. Ma maison trouuay troublée, pour son seigneur qu'on auoit rany. En

plus de mille baratz & deceptions mis ma pée & ma cure pour attirer la dame à ma volonté, mais oncques plus preude femme, ne plus constante ne fut veue en tous estatz, dont moult m'eioüys, & peu s'en failloit que ne me en repentoye du fol essay qu'auoye entrepris. Elle estoit desiruse de son mary, qu'elle cuydoit auoir perdu. Bien eus le sang, & le sens failly, quand pour telz signes ne laissay ma folle entreprinse, de folle entreprinse me mis en peine, car ie la prioye, & oppressoye, & elle s'excusoit sagement, & disoit que cure d'aymant n'auoit, fors d'un seul en toute sa vie, & qu'à celuy estre vouloit sans departement, car c'estoit son seigneur & son amy, & celuy que elle desiroit & vouloit, & qu'à celuy seul se tiendrait, & prioit aux dieux qu'ilz luy ramenassent sauement. Si ieussé eu sens & entendement, bien m'eust deu suffire la defence que en elle trouuay, mais par male auenture la vouluz éprouuer plus auant, & quand par priere ne la peu vaincre, par dons ie la vouluz deceuoir & grand auoir luy promis, si faire vouloit ma volonté. Lors douta elle qu'elle feroit, ou s'elle refuseroit ou prendroit les dons que ie luy promettoye. Bien me fut auis que ie l'auoye vaincue, & qu'elle les eust prins, se plus longuement l'en eusse pressée: mais moy, qui espris étoye de ialousie, ne me pouuoye

plus celer, ne taire ma volonté. Si luy dis par grand maltalent: Folle & deloyalle, bien sçay & voy maintenant que tost vous consentirez à mes dons, si ie les vous bailloye. Je suis votre epoux, qui pour autre chose ne trauaille, fors pour sçauoir vostre courage. Or vous ay tant eprouuee, que trouuee vous ay mauuaise & faulse & qu'à vn estrangier eussiez fait ce que faire ne deussiez. Quand elle m'ouyt ainsi parler, elle me regarda sans mot dire: & puis s'enfuit toute honteuse, delaisiant ma compagnee: si n'eut plus cure d'époux: & ainsi me laissa seul & egaré. Chasserelle deuint par champagnes, par montagnes, & par bois: fuyoit, & s'entre-mettoit de l'arc Diane porter. Je ne peuz mettre son amour en oubly: si fuz moult dolent & angoisseux, quand par ma follie l'eu perdue, Moult ioyeusement l'eusse reprise s'elle eust daigné retourner avec moy. Moult luy en fis prier & requerir, & mesmes la priay du bon du cœur, requérât pardon de mon forfait, offence & meffait, qui n'eust requis semblablement ie me feusse tantost accordé. Long tems en celle douleur comparay ma follie. Et quand elle vit, & apperceut que ie me repentoye, & qu'à elle me rendoye coupable: alors me pardonna elle sa malueillâce, & reuint avec moy par bon accord. Si vesquimes depuis longuement amiablement ensemble en ioye & liesse. Et me don-

na deux dons qu'elle auoit, c'est à sçauoir vn chien, & ce iaucelot qu'elle auoit eu de Diane. Le chien fut si attrayant, si prédable, & si courant que ia de nul autre ne fut passé, ne surmōté en course n'en chemin. Et brief oncques tel chien ne fut veu.

La mort de la loyalle Procris, & de la chasse des deux bestes, l'une imprenable, l'autre tout prenant, & de leur mutation.



Lors enquist Phocus à Cephalus qu'estoit son chien deuenue : disant qu'il le deuoit cherement aymer. Cephalus luy respondit: Du chien vous diray, qui par don de Diane auoit, que nulle proye ne luy peusse échapper, tant fust legere, agile, & forte, & si auoit vn sor i tel.

L'un l'autre courra, & ne pourra l'un l'autre laisser, & si n'aura ia l'un de l'autre victoire. Venable fut ceste deuination, si comme aucuns appertement le virent, les Nymphes Diane en furent moult ebahies. Themis en eut grand ennuy : & moult en print âpre vengeance. Par Thebes transmist vne moult dommageable beste, & epouventable, qui gens & bestes deuorait, & occioit, depouilloit toute la terre. Les laboureurs n'osoient labourer aux champs pour ceste beste. Vn iour moy & les autres iouueneaux assemblames chiens, & engins pour la prendre : mais tant estoit agile, & ligiere que c'estoit merueille. Contre les engins faillloit plus tost qu'un oyseau ne volle. Chacun faillloit aller son chien apres luy, mais tant ligierement couroit deuant eux, que nul ne le creust qui ne l'eust veu. Plusieurs en occist, & affolla. Moult fuz prié que ie laissasse aller mon chien que ie tenoye en lesse, courir apres : & tât que le deliay. Il estoit moult desirant de la chasse, car tâtost qui fut deslié on ne sceut qu'il estoit deuenu, fors tant que on vit en la poudriere la trace de ses piez. Lors mōtay sur vn haut tertre pour voir la chasse, si vy la beste fuyante, & le mien chie apres, lequel si tost, & si ligierement la suyoit, qu'il nous sembloit visiblement qu'il la deust à chacun pas happer, & prendre, & puis apres luy echapper. La beste estoit tât cauteleuse

que point ne couroit la droite voye. Ains gau-
chifloit pour le cours du chien déuoir, & pour
luy garder quelle ne fust prinse. Souuent sem-
bloit au chien qu'il l'attaingnist, & puis en estoit
plus loïn que deuant. Quand ie vy la beste de-
ceuable ainsi mon chien amuser, & que le chië
pourroit tousiours courir en vain, qui ne luy
aideroit, ie prins mon dart, & pour le ieter à
la beste, le feis balancer. Vn peu destournay
mon regard, & apres me retournay & regar-
day la beste, & le chien, qui en vn moment
deuindrent deux arbres, en telle maniere com-
me ilz auoient fait par auant, car auis est que
l'vn fuie, & l'autre chasse. Et ainsi n'eut nul
d'eux la victoire. Et par ceste maniere fut le
fort verifié.

Q V A N D Cephale eut finé le propos du
chien, Phocus luy pria qu'il luy racontast du
dart, & commēt il en estoit mesauenu, & quel-
le perte il en auoit eue. Cephale luy respondit,
de mon dart ay eu ioye & tristesse. Si vous con-
teray de la ioye premierement, car moult me
plaist de ramenteuoir, & recorder le tēps passé,
auquel ie souloie auoir le deduit de ma douce
amie. Car tant comme ie fuz en sa compagnee,
ie la tins chere, & elle moy: l'vn se tint de l'au-
tre moult content: Lors quand le iour venoit à
eclarcir, ie m'en alloie souuent ebatre, sans chië
sans retz, & sans compagnee. Si portoye mon

dart en quoy ie me floye, & tant occiois de fau-
uagine, comme il me plaisoit . Au chaud du
iour me conuenoit querre le repos & le vent.
Si appelloie souuent Aure, qu'est le vent refri-
geratif pour ma chaleur assouler, en disant:
O Aure delectable & plaisante, tu es mon con-
fort & mon delit. Douce amie viés moy secou-
rir de la grand chaleur qui me greue, & qui me
blesse: car pour ta grace auoir ie maintiens icy
mon deduit, & pour autre n'y viens . Aucun
m'ouit Aure appeller, & si me vit plusieurs fois
aller au bois, là ou ie l'appelloye. Il ouit la voix
mais le sens n'entendit pas. Il cuida que ce fust
vne autre amie que i'eusse accointee au boys: si
le dist à Procris mon epouse, q tantost le sceur,
& trop s'en ebahit, & de grand dueil se pama.
En amours à trop de ligerement croire, & de
craindre. Bien cuida forcener pour la doute de
ce que rien n'estoit. Elle se complaignit moult,
& eut grād desir de sçauoir pourquoy tel dueil
deust faire, & si c'estoit verité, ou mensonge
qu'on luy auoit fait accroire.

LE lendemain à l'aube du iour retournay
chasser comme deuant, & quand i'euz chaut
l'appellay le vent Aure: dis- ie, viens ie te prie,
si m'allege & me console, car le chaut & le tra-
uail me blesse . Ainsi comme ie me complai-
gnoie, & attendoie le refreschissement, soudai-
nement me fut auis que i'oyoye gemissement

en vn buisson, & les fueilles vy trembler, si cuiday que ce fust sauuagine, qui fust dessouz la fueille mussée. Helas c'estoit m'amie Procris qui dessouz la fueille illec estoit mussée. Adonc lançay le dart que ie tenoye, sans arrest, qui par fortune à la poitrine lasseria, & de mort luy fist present. Procris qui la mort sentoit, s'écria, & ie conneuz tantost sa voix, si couruz vers elle tout forcené. Souillée la trouuay de sang, comme demy morte, entre mes bras la prins, & detrançay sa robe, pour luy restraindre sa playe, & luy priay comme elle mouroit à humble chere, & à cœur dolent, qu'à moy qui tuez l'auoie, humblement me pardonnast sa mort. Et celle qui trop foible estoit, à grād peine me respondit, & dist: Amy, vous m'avez occise, par la foy que vous me deuez, & par amour, & la foy de mariage, ie vous prie que s'onques vostre cœur m'ayma, que ne mesprenez tant enuers moy qu'à femme, prenez celle que tant reclamez. Bien me semble que petit m'aymez, quand me laissez pour autre amye. Lors luy dis, que ce n'estoit pas chose veritable, car ce que ie reclamoie si souuent n'estoit autre chose que le doux vent que pour moy effroidir appelloye, quand i'estoye trauaillé de chaut. Elle creut bien que verité luy auoie dit, mais quelle chose me profita quand onques pource ne guarit? La belle mourut entre mes bras, & onques

ne laissa de moy regarder tant qu'elle en eut le pouuoir, & plus à aise mourut de ce que ie l'auoie asseuree. A ces morz vint Eacus qui grand gent amenoit, que ses autres filz auoient assemblez, lesquelz il chargea à Cephale pour ceux d'Athenes secourir en leurs necessitez. Ilz eurent bon vent, si se partirent apres le congé prins.

LA s'apparut l'aube du iour, & le doux vent pluyant. Cephale & sa gent tenoient leur voie vers Athenes, ou ilz arriuerent en grand ioye, Ce pendant auoit Minos mis son siege deuant vne cité nommee Alcatoë, en la terre de Megare, deuant laquelle il fist mettre tentes & pavillons. Il la cuida ligierement par ses assaux prendre, mais Nisus qui Roy & seigneur estoit, se combatit moult vaillamment, comme celuy qui moult bié estoit enseigné, & duit à la guetere, sage, & prudēt en armes, & puissant d'auoir, & d'amis. Cestuy roy Nisus auoit en son chef vn cheueu entre les autres de fin or, qui est de telle destinee, qu'aussi longuement qu'il le porteroit sans l'arracher, ou le couper, que luy, sa cité, ne son royaume ne pourroient estre vaincus ne cōquis. Et pource ne pouuoit Minos cōquester terre sur luy, & n'y profita rien de tout le temps que assiegee l'auoit. Le roy Nisus eut vne fille belle & sage, & gente, appelée Scylla. Celle montoit souuēt sur vne haute tour pour

soy esbatre, & de la haulteur d'icelle veoit sou-
uent qui le mieux faisoit, quand aucune faillie
se faisoit contre ses ennemis, elle mettoit sa cu-
re à auiser les barons & cheualiers de l'ost, tel-
lement qu'elle sçauoit ia bien dire qui estoit ce
stuy la &, q' estoit l'autre. Mais en elle mesmes,
& sur tous les autres prisoit le roy Minos, &
le tenoit pour le plus beau, & pour le plus vail-
lant. Maintesfois l'auisa, & tant qui luy sem-
bla si bel, & si vigoureux, qu'elle le print en
telle amour, & par tresgrand ardeur luy
venoit en sa pensee, que s'elle eust eu
pouuoir d'aller voir Minos en l'ost
le requerir de son amour: vo-
luntiers l'eust fait. Mais el-
le n'osoit pour la crain-
te de son pere.

**

*Fin du septiesme liure des histo-
res poetiques.*



LE HVITIESME LI-

ure du grand Olympe, des hi-
stoires poëtiques.

*Pour l'amour d'un estrangier Roy ennemy, Scylla
trahit son pere, soy & son pays.*



AINSI que Scylla mettoit son entente
en l'amour du roy Minos son ennemy,
Vn iour monta en la tour nommee Cyrus, &
regardoit vers la tente de son amy, commença
à faire telles complaints & regretz: las que
feray-ie: Ne comment me conseillera-y-ie du
mal que i'endure, pour mon cher & bien ay-
mé amy Minos, que ie voy la en son pavillon

Je ne sçay se ie me doiz louer, ou plaindre de ceste guerre qui tant dure. Par elle ay veu & conneu le beau Minos, mais qu'elle chose me vaut la veue, quand son amour, ne son accointance n'ay, ains est mon ennemy mortel? Ahay Minos, dist elle, gentille facture, bel sur toutes creatures, se pareil & semblable estoit la mere qui te porta, quand Iupiter la rauist en forme de bœuf bien la deuoit aimer. Trop bien heureux seroye, se par l'air pouuoye voller dedans tes tentes, pour toy dire l'angoisse, que pour toy amour ie souffre, & pour sçauoir se ton amour par quelque maniere ie pourroye auoir. Certes tout i'abandonnaïse, pere & cité, puis redist. Hee quelle follie me tient de vouloir trahir mon pere & mon pays, certes rien n'en feray, ains plus tost me laïrroye déchirer & démembrer, piece apres autre, que telle faute feïsse vers mon pere & mon peuple. Ceste follie & rage vueil oublier, & iamais n'y vueil penser. Et tantost apres commença à soupirer, & dire que grand proufit & grand honneur seroit à son pere, & à son peuple, se de si franc roy estoit vaincu, car se il se vouloit rendre de son bon gré, à mercy le prendroit. Et à bon droit & iuste querelle, se combatoit Minos contre luy, & contre son pays, car il a bonne cause de venger l'occision que les Atheniens feirent de son filz Androgeus. Se par force il nous con-

quiert, il détruira toute ceste cité, & nous desheritera & mettra à martyre, sans epargner. Attendray-ie donc que par bataille conquiere ma terre & mes gens aussi, plus beau me sera que par amour luy en baille la seigneurie. Et si ne luy coutera point tant, parquoy ie desserviray son amour perpetuelle. Helas dist Scylla, ie doute, que en combatant aucun ne le blesse ou occie, mais qui seroit si traistre, qui l'osast blesser? Ce propos me plaist. J'ay vouloir & desir de luy donner moy & ma terre. Et ainsi sera de ceste guerre la fin Hee dist elle, petite chose est de vouloir, bien me dois plaindre, quand ce que ie vueil ne puis faire prestement. Trop y auroit grand danger en l'accomplissement, car trop me detourbe & empesche, ce qu'on guette dessus les murs, toutes les nuitz, & si garde l'on la porte, & en apporte on à mon pere les clefz chacune nuit, lesquelles il garde, car en autre homme il ne se fie. Celuy crains, celuy seulement me detourbe de traire à chef mon vouloir. Certes ie voudroie ores qu'il fust mort, trop vit quand i'endure, pour luy telz maux. Se autruy sentoit telle detresse que pour amours sens, ia ne seroit si souffrant qu'il me detruisist, si pouuoit, ce qui nuit à son amour. A quoy attens-ie donc? Le cheueux d'or de mon pere me conuient couper, & par ce auray-ie ma volonté.



Après ces parolles fut la deloyalle trop hardie à mal faire. Elle entra en la chambre de son pere, qui en son premier somme estoit, & quand ainsi le trouua endormy, elle dist à basse voix: Maintenant puis-je faire, & accomplir mon vouloir, car iamais n'aura tems plus opportun. Lors luy treucha le cheueul, sans aucune vergongne, & yslit ioyeusement du palais à tout le cheueul de Nifus son pere, en son giron. Si vint à la porte qu'elle ouurit, & tant alla seule effrayee, & egaree de compagnee, qu'elle vint à la tente de Minos, qui grand peur en eut, quand ainsi la vit seule venir. Scylla luy commença à dire: Minos pour vostre amour i'ay mon pere détruit, & le cheueul fatal, ay icy apporté, le-
lequel

quel avec moy & ma terre ie vous donne, & ne requiers autre guerdon, que vôtre amour, vôtre grace & vôtre compagnee tant seulement. Quand le noble roy Minos, qui droit iusticier étoit, vit le cheueul du noble & puissant roy inuincible qu'elle luy donnoit, il eut grand horreur de l'inhumanité & trahison d'elle, si luy dist : Fuy d'icy maudite & déloyalle fille, les dieux te confondent, quâd tu as osé mettre tes mains violêtes & enragees au chef de ton vailant pere. Onques telle déloyauté & trahison ne fut faite ne retraite, & qui recordere sera par tout le monde a ton grand vitupere.

Le guerdon que receut Scylla pour auoir trahy son pays, & couppé le cheueul fatal à son pere.



Olympe.

Q Vand le Roy Nyfus, eut son cheueul fatal détreché & perdu par Scylla sa fille, & ceux de la cité le sceurent, ilz ne voulurent plus entretenir le siege à ceux de dehors, si se mirent à leur mercy, & au roy Minos rendirēt eux, leur cité & leur biens. Et ainsi fut de celle guerre la fin. Minos mist par tout le pays ses coutumes & loix, & puis fit aprêter ses nefz, & entra en mer. Quand Scylla le vit mouuoir, sās auoir de luy aucū guerdon de son amour, pour chose que supplier ne prier luy sceust: el le luy dit: O autheur de mes merites, preferē à mon pere & a mō pays, ingrat & cruel, ou fuīs tu? La verité duquel est nostre meritē & nostre crime? Ne te peut pas amollir nostre dō, notre amour, toute nostre esperance en toy, & notre hōte, si ie m'en rerourne tu t'en vas, & si me laisses. Pout toy ay ie détruite & perdue ma terre & aussi mes gēs. Il est biē raison & droit que ie le compare. En la cité que i'ay trahye n'oseray iamais r'aller. Car de droit m'ont & doiuent auoir les citoyens en perpetuelle hayne: ailleurs ie ne sauroye ou aller, car tous ceux qui de moy & de ma trahisō orrōt parler craīdront que pareillemēt ne leur face. Helas mō doux amy Minos, seulement pour auoir tō accointāce, & amour i'ay la grace de tous perdue tues plus dur que diamant, & plus fier que tigē affamee. Hēe fils batard de droit boeuf, ou-

ques plus Iupiter de ta mere connoitre ne s'en
tremist. Se tu doutasses le mal du peché, que ie
ay fait: pour la tienne amour: ia n'en prinſes le
pris ne la gloire. Tu te trauailles en vai de toy
en aller ſans moy, car ie te ſuiuray vucilles ou
nom. Paſiphae ta femme qui du toreau cōcert
& enfāta le cruel minotaureſt biē digne d'a
uoir tel mary comme toy. Ce n'eſt pas meruei
le ſ'elle t'a laiſſé pour le toreau, lequel on au
roit pluſtoſt à pitié & douceur ployé que toy.
O mon pere Niſus le bō & vaillant roy prens
maintenant iuſte punition, de ta déloyalle fil
le. Et vo^r murailles trahis par noſtre fauceté, é
iouiſſez vous de noz maux qu'a droit meritiēs.
Parquoy toy, qui as vaincu par notre crime en
ſuis le crime. La fuite rien ne t'a profité, ingrāt
de mes merites, ie te ſuyuray par tout, & iamais
iour de ma vie, ie ne te laiſſeray. Lors ſaillit en
la mer apres le roy Minos, par force d'amour,
& tāt ſ'éuertua que la nef de Crete rataignit, ou
elle ſe tint aux ongles & aux mains, & ainſi le
ſuiuit lōguement nageāt. Niſus le pere de Scyl
la, nouuellemēt mué en épreuiē, voyant ſa fil
le alla apres à bec & a ongles, tāt qu'en la mer
l'abatit, ou elle fuſt noyée, ſe n'euffent eſté les
dieux. Leſquelz par leur courtoisie nō pas par
ſa deſſerte, la muerēt ē alloete. Celle porte ſur
ſa teſte hupe du cheueul fatal de ſon pere, que
elle couppa & embla. La ſourdit la guerre de
l'épriuier & de l'alloette.

La conception de Minotaurus.

MInos le noble Roy de Crete auoit à femme Pasiphae de haut parage, d'auoir & d'amis. Moul't f'estoit nature pënée d'elle former en beauté. Elle estoit fille du Soleil: onques nature ne sceut pourtraire plus belle qu'elle. Pour sa grand beauté elle pleut moul't au roy Minos. Mais onc la déloyalle ne luy porta foy ne reuerëce, car elle auoit le cueur muable faux & traistre, & plein de mauuais vouloir. Tresmal fut en elle sa beauté employée. Car ôques femme ne fut si pleine de toutes mauuaistiez. Pasiphae donc par sa déhontee & dériglee volupté, ayma vn toreau. Car vn iour étoit Pasiphae aux fenestres de son h'ant palais. Si regarda vers la prarie, & vit entre plusieurs vaches vn toreau fier & courageux, lequel elle auisa & choisit par dessus tous autres, moul't luy pleut sa beauté & son fier contemnement, tant le regarda la dénaturée folle, que son amour fut si éprinse enuers la beste, que maint sospir luy en fit faire, & que moul't la cōtraignit la bestialité qui én elle étoit. La chetive en tréblât fremissoit, tressuoit & souuent en muoit couleur. Tât la demena la rage de sa mōstrueuse cōcupiscëce & detestable sensualité, qu'elle en mist son seigneur en oubly, qui moul't l'aimoit. L'amour du toreau faisoit la folle Pasiphae toute fōdre & ardre elle de ceste rage ne se vouloit

retraire, ains pensoit tousiours commēt & par quel engin elle le peut auoir, & en iouir à son fol plaisir, & en oubly mist nature, lignage, frāchise & fœminine noblesse. Elle s'en alloit es prez, pour de pres regarder ce qu'elle desiroit de loin. Et si cueilloit herbes, qu'elle luy donnoit. Biē l'eut peu le toreau baisser & en faire à son vouloir, mais sa nature n'estoit pas de faire ce qu'elle requeroit. Si laissoit Pasiphae seule, & s'en alloit avec les autres vaches deduire, si auoit Pasiphae telle douleur qu'ō ne le pourroit dire, quand le toreau pour les vaches la laissoit, en qui tout son confort étoit, sans lequel elle ne pouuoit ne sçauoit viure.


La subtilité de Dedalus, pour satisfaire à l'inhumain desir d'une femme.

SOuuet se pignoit Pasiphae & moult se mettoit en grand peine de se cōiunctoier & parer de tous ornemēs, pour cōplaire à celuy toreau, cuidāt qu'aucune pitié d'eust auoir d'elle quād pour luy veoit sa face passe & estaincte. Souuēt le prioit & requeroit, & se mettoit deuant luy. Elle n'auoit memoire, raison ne mesure, n'ētēdemēt en elle. Car s'elle en eust eu, sçauoir deust que d'elle n'auoit la beste cure, & q'elle y perdoit ses prieres. Et fit vn tel blame à elle, à sō seigneur, à sō lignage, & à dame nature. Pasiphae laissa ses chambres pour aller avec les bestes es prez & es mōtagnes. Moult pēsoit

de paracheuer & parfaire sa méchâceté. Et tât qu'elle requist l'engin & cōseil de Dedalus, qui moult sage charpétier étoit, cōmēt elle pourroit paruenir à chef de son outrage: cestuy luy fist à la requeste vne vache toute de fust. Et la fit couvrir du cuir d'une vache, que le toreau aimoit, puis entra dedans. Le toreau qui vit le fust couuert du cuir de la vache, cuida que ce fust celle vache qu'il desiroit, si s'en alla a elle assembler, & cōceut Pasiphae du toreau. Et quād le terme fut venu d'efanter, elle se deliura d'un mōstre, demy hōme & demy toreau, ce mōstre fut appellé Minotaurus du nō Minos & du toreau. Lors étoit Minos, quand on faisoit ces choses en la guerre, cōtre ceux d'Athenes pour la mort d'Androgeus son filz venger. Lequel fit tât par sa prouesse & force, que ceux d'Athenes vainquit & subiuga, & fit venir à sa mercy & obeissâce. Ilz s'accorderēt à luy de tenir leurs terres & seigneuries de luy, & si luy promirēt a enuoyer tous les âs vn de leurs barōs en Crete, duquel il feroit son plaisir. Quand la secreté de toutes ces choses fut prinse, Minos rendit aux dieux les vœux que pnisleur auoit, au rētour se vit lié & loyeux de son gain & de sa victoire, mais brief, apres eut douleur & ire au cœur, quād l'enorme & grād méfait, & l'adultere inhumain de sa femme vit. Il trouua en sa chambre le mōstre, qui la honte & l'adultere

d'elle montra. Minos pour l'enfermer fist faire par Dedalus la plus merueilleuse maison, qu'onques fut faite. Tant y fist voyes & chemins, & tant détournemēt, & tant son entrée mēt y mist que celuy qui étoit dedans autant plus qu'il cuidoit yssir, d'autāt plus éloignéoit il de l'yssue. En celle maison nommée Labyrinthus, fit le roy Minos le monstre enfermer.

Le Labyrinthe, & de la deffaite du Minotaure par Theseus au moyen de la belle Ariadne.



Minos contraignit les Atheniēs, & leurs hoirs nez & à deuoir naistre luy éuoier & deliurer chacū an par sort vn de leur noble, sans nul en excepter ne donner auantage, non plus au grād qu'au petit, ne au seigneur qu'au

subiet. Mais celuy qui premier traitoit le sort
fust enuoyé en Crete, tãtost & sans delay, pour
du monstre estre deuoré sans nul respit. Long
tems demoura le monstre en ferré, ou il deuora
& occist maintz nobles Atheniens: Car iamais
ne s'en fust saoulé. Ia étoient passéz trois ter-
mes, si conuint enuoyer plusieurs pour payer
cestuy mortel tribut. Le roy Minos, eut deux
filles pucelles, belles & gêtes de corps. L'aînée
auoit nō Ariadne, & l'autre Phedra. Theseus
l'Atheniē, qui pour acquiter le tribut, au quart
terme étoit le sort écheu sur luy, filz du roy de
Athenes. Et qui tãt estoit éprouue en prouef-
se & vaillance: alla en Crete. Quand Theseus
fust prest, pour aller payer le mortel tribut, de-
fendre ne l'en peut son pere, ne tous les nobles
d'Athenes. Theseus print congé du Roy son
pere, qui fort se complaignoit pour la beauté
de son filz, qui tant étoit doué des dons de na-
ture & de sa vaillance, & en espoir de ne le ia-
mais reuoir, se pama au congé prendre. Quand
Ariadne ouyt dire, que ceux d'Athenes enuo-
yoiet leur tribut en Crete, elle vīt au port avec
grande compagnee de dames & damoyelles.
Si tost qu'elle vit Theseus, duquel parauāt elle
auoit ouy recorder les merueilleux & nobles
faitz grãdemēt luy pleut sa beauté, & moult re-
greta son labeur, & son desinement. Amour
mist son dard au cūeur, si profond qu'a peu

desia elle ne se pouuoit cōtenir, & commença à faire les complaints seulette, disant ainsi: O Theseus mon cher amy, si renommée ne mēt souz le ciel n'a filz d'homme mortel, qui soit pareil à ta valeur, laquelle par tems & en brief sera finée, puis que tu auras passé la porte de ceste infortunee & maudite maison d'erreur, dont oncques nul ne retourna. Celuy qui dedans à son demeure, t'aura tantost mis a mort. Certes t'ay grand pitié de ta male aduventure. Puis redist, & à quelle cause en ay ie pitié, ne pourquoy me change le cueur pour vn étranger? pour quelle causeas tu de sa mort peur Ariadne? Folle: amour t'ébahit: petit as de remembrance qu'ilz occirent ton frere Androgeus: or le comparét ceux & les autres qui bié ont desferuy la mort. Certes ce seroit dommage, que cestuy ieune & beau chevalier, portast & comparast la coulpe, & le meffait d'autruy. Je le sés & le voy tāt loyal, que onques cōsentāt ne fut de la mort d'Androgeus mon frere, dont si ie ne luy dōne secours il mourra. Plusdure seroie que diamant, si ne le secouroye, quand faire le puis. Il est noble tāt preux & tāt courtois, que bié pour sa bōté luy doy faire secours, & si est aussi tant beau que par amour le doy aymer & aussi fais ie. Aymer? ay ie songé? ou mon cueur est fol, quād aymer vn étrange hōme vueil, & follie villaine faire avec l'ennemy de mon pe-

re. Et non fais car par mariage me prendroit, quand il verroit, que par mon sens & engin il auroit le monstre occis, & par moy sa vie sau- uée, & afrâchy son royaume, & son peuple de mortel tribut. Las dit Ariadne, que dis ie? fil peut si meure, & échappe si peut. Pourquoi roy ailleurs querir seigneur, quand en ceste terre puis choisir à mō vouloir? Mais hélas au- tre ne pourroie élire qui tant me pleut ne qui tant eust de valeur. Cestuy auray, ne autre ne quiers, & si luy aideray à occire le mōstre cruel & inhumain. Echapper peut, si ie luy ayde, & si- non, mourir le conuient, car cōtre le monstre durer ne pourroit, & s'occire le pouuoit, si ne sçauoit il trouuer l'issue. Ie le deliureray si m'é- rēdra le merite si il veut, car avec luy m'émene- ra en sa contrée, ou receuē seray pour royne & dame. Hee comme i'ay pensé grande folie, car autrement iroit. Quand deliuré l'auroye, il s'en iroit sans moy, & me lairroit toute seule & é- garée, & ainsi demeureroye sans amy en païs haineux, pour ma déloyauté. Certes ie croy q̄ non feroit, ie prendray sa foy, & si seray seure de son amour. Haa Ariadne lairras tu donc- ques ta sœur ieune que tāt aymes, quelle natu- re feroit ce? Nenny ia ne la lairray, ains avec moy l'emmeneray. Ainsi pensoit & repensoit Ariadne disant comme celle, qui à soy mesmes pas n'étoit, mais à amour. Nonobstāt elle sef-

forçoit que d'amours ne fust esprinse, mais rié
 n'y valut: car aymer la conuint. Contre le dieu
 d'amours & sa puissance ne pouuoit resister ne
 force auoir. Quand Ariadne vit que rien n'y
 valoit sa desente, lors se pensa comment à luy
 pourroit parler, qu'il ne la tint pour folle, si
 quist ocaſiõ, laq̃lle elle trouua tãtost, puis vint
 vers luy & luy dist: Amy Theseus, cestuy qui
 vous a icy enuoyé, vo⁹ à mis & liuré à grãd dan
 ger: car iamais ne vous reuera vostre pere, tost
 vous aura le monstre deuoré & occis. Et quãd
 parauenture, le mōstre auriez par vostre prou
 esse occis. Si ne sçauries vous issir de la maison,
 se autre que vous ne vous adressoit. Parauant
 vous y ont plusieurs vaillãs hommes esté, des
 quelz oncques nul ne retourna. Certes i'ay de
 vous grand pitié. Non pourtant se ie vouloie
 par mon sens bien vous en deliureroie, se m'en
 vouliez redre bon guerdon, lors respōdit The
 seus: Dame cœur & corps franchement vous
 dōne, & vostre vassal en seray tous les iours de
 ma vie, se à ce besoin vous m'aydez & secourrez.
 La dame adonc dist à Theseus: Cher amy The
 seus à frere & seigneur vous retiés. Et afin que
 seure de vous soye en vostre terre me menez,
 quand de ce mortel & dāgereux pētil vous se
 rez deliuré, vo⁹ me promettez de moy epouser
 & prēdre à femme. Tout luy promist Theseus
 & luy en jura tous les dieux & déesses.

Lors dist Ariadne à Theseus son amy. Theseus mon amy cher, maintenant suis toute vostre. Si est raison qu'apres voz conuenances, & promesses ie vous aide & vous secoure, comme sans faute feray. Alors elle luy bailla de la paste cōposée de gluz, de poix, & de colle, & luy dist: Amy quand le monstre viēdra pour vous engloutir, & que il beera la guelle pour vo^r deuorer, ietez luy sans arrest ceste paste dedās la gueulle, l'estranglerez tātost, puis luy couppez la teste. Et ie vous attendray à la porte, & vous tiendrez ceste pelore de fil, que vous emporterez avec vous. Et par ainsi vous trouuerez l'issue en ensuiuant ce fil. Apres ces parolles & promesses des deux aymās, Theseus entra hardimēt en la prison, ou il assomma & tua le monstre qui parauant auoit occis les Atheniens. Et ainsi aquita le truage des Citoyēs d'Athenes, puis par l'enseignement du peloton de fil, yssit hors de la prison, & trouua Ariadne qui à la porte l'attendoit, dont il fut moult ioyeux.

Quand Theseus eut occis le mostre Minotaurus, & fut yssu de la merueilleuse & mortelle prison, par l'ayde & enseignement de la belle Ariadne, il se mist coēmēt en sa nef, avec Ariadne & Phedra sa sœur. Et tant singlerent & errerent par leurs iournées, qu'ilz arriuerent en l'Ile de Chie, ou ilz prindrent port & yssirent de la nef, pour prédre aucun repos. Les

damoiselles estoient moult lassées & travail-
lées de nager en la mer, comme celle qui onc-
ques n'auoiét tel labeur éprouué, illec s'endor-
mit Ariadne laquelle Theseus laissa dormât &
emmena la ieune Phedra, de laquelle il fist fa-
mie en mettant en oubly Ariadne, & les biens
qu'elle luy auoit fait, avec la grâde amour dôt
elle l'aymoit, dont il semble à tous amoureux
qu'il méprint tresgrandemēt, Ariadne demou-
ra dormât, encores pour celle cause la mer dôt
Theseus se partit, & ou il laissa Ariadne, ha à
nom la mer Ariadne. Quand la belle s'euilla,
fort s'emerueilla, & moult étoit ébahye de ce
que seule se trouua: si se commēça fort à plain-
dre & soupirer: en disant Ha, Theseus, pour
quelle cause m'as tu en trahison delaissée? Biē
tost as oublié le biē & l'amour que ier'ay fait,
tu es par moy guery de la mort, n'echapper ne
pouuois, dont mauuaisement me guerdonnes.
Tu racquittes tresmechamment enuers moy,
& as pariuré tes dieux, qui eust pensé qu'en si
beau corps cōme tu as, eut si tresdeloyal cœur?

Ariadne demena tant son dueil, que Bachus
qui estoit roy de la contrée, par auenture, com-
me il s'en alloit en ébat deuers la mer la trouua.
Si luy demanda, & enquist la cause de sa dou-
leur, qui elle estoit & qui l'auoit là emmenée.
Belle la vit & auenante, si luy en print pitié.
La damoiselle, qui biē apprinse estoit, luy res-

en vn buisson, & les fueilles vy trembler, si cuiday que ce fust sauuagine, qui fust dessouz la fueille mussée. Helas c'estoit m'amie Procris qui dessouz la fueille illec estoit mussée. Adonc lançay le dart que ie tenoye, sans arrest, qui par fortune à la poitrine laissera, & de mort luy fist present. Procris qui la mort sentoit, s'écria, & ie conneuz tantost sa voix, si couruz vers elle tout forcené. Souillée la trouuay de sang, comme demy morte, entre mes bras la prins, & detrançay sa robe, pour luy restraindre sa playe, & luy priay comme elle mouroit à humble chere, & à cœur dolent, qu'à moy qui tuez l'auoie, humblement me pardonnast sa mort. Et celle qui trop foible estoit, à grād peine me respondit, & dist: Amy, vous m'avez occise, par la foy que vous me deuez, & par amour, & la foy de mariage, ie vous prie que s'onques vostre cœur m'ayma, que ne mesprenez tant enuers moy qu'à femme, prenez celle que tant reclamez. Bien me semble que petit m'aymez, quand me laissez pour autre amye. Lors luy dis, que ce n'estoit pas chose veritable, car ce que ie reclamoie si souuent n'estoit autre chose que le doux vent que pour moy effroidir appelloye, quand i'estoye trauaillé de chaut. Elle creut bien que verité luy auoie dit, mais quelle chose me profira quand onques pource ne guarit? La belle mourut entre mes bras, & onques

ne laissa de moy regarder tant qu'elle en eut le pouuoir, & plus à aise mourut de ce que ie l'auoie asseuree. A ces moiz vint Eacus qui grand gent amenoit, que ses autres filz auoient assemblez, lesquelz il chargea à Cephale pour ceux d'Athenes secourir en leurs necessitez. Ilz eurent bon vent, si se partirent apres le congé prins.

LA s'apparut l'aube du iour, & le doux vent pluyant. Cephale & sa gent tenoient leur voie vers Athenes, ou ilz arriuerent en grand ioye, Ce pendant auoit Minos mis son siege deuant vne cité nommee Alcatoë, en la terre de Megare, deuant laquelle il fist mettre tentes & pavillons. Il la cuida ligierement par ses assaux prendre, mais Nisus qui Roy & seigneur estoit, se combatit moult vaillamment, comme celuy qui moult bié estoit enseigné, & dpit à la guerre, sage, & prudēt en armes, & puissant d'auoir, & d'amis. Cestuy roy Nisus auoit en son chef vn cheueu entre les autres de fin or, qui est de telle destinee, qu'aussi longuement qu'il le porteroit sans l'arracher, ou le couper, que luy, sa cité, ne son royaume ne pourroient estre vaincus ne cōquis. Et pource ne pouuoit Minos cōquester terre sur luy, & n'y profita rien de tout le temps que assiegee l'auoit. Le roy Nisus eut vne fille belle & sage, & gente, appelée Scylla. Celle montoit souuēt sur vne haute tour pour

soy esbatre, & de la haulteur d'icelle veoit souvent qui le mieux faisoit, quand aucune saillie se faisoit contre ses ennemis, elle mettoit sa cure à auiser les barons & cheualiers de l'ost, tellement qu'elle sçauoit ia bien dire qui estoit cestuy la &, q̄ estoit l'autre. Mais en elle mesmes, & sur tous les autres prisoit le roy Minos, & le tenoit pour le plus beau, & pour le plus vaillant. Maintesfois l'auisa, & tant qui luy sembla si bel, & si vigoureux, qu'elle le print en telle amour, & par tresgrand ardeur luy venoit en sa pensee, que s'elle eust eu pouuoir d'aller voir Minos en l'ost le requerir de son amour: volontiers l'eust fait. Mais elle n'osoit pour la crainte de son pere.

Fin du septiesme liure des histoires poëtiques.



LE HVITIESME LI-

ure du grand Olympe, des histoires poëtiques.

Pour l'amour d'un estrangier Roy ennemy, Scylla trahit son pere, soy & son pays.



AINSI que Scylla mettoit son entente
 en l'amour du roy Minos son ennemy,
 Vn iour monta en la tour nommee Cyrus, &
 regardoit vers la tente de son amy, commença
 à faire telles complaintes & regretz: las que
 feray-ie: Ne comment me conseillera-y-ie du
 mal que i'endure, pour mon cher & bien ay-
 mé amy Minos, que ie voy la en son pavillon

Je ne sçay se ie me doiz louer, ou plaindre de ceste guerre qui tant dure. Par elle ay veu & conneu le beau Minos, mais qu'elle chose me vaut la veue, quand son amour, ne son accointance n'ay, ains est mon ennemy mortel? Ahay Minos, dist elle, gentille facture, bel sur toutes creatures, se pareil & semblable estoit la mere qui te porta, quand Iupiter la rauist en forme de bœuf bien la deuoit aymer. Trop bien heureux seroye, se par l'air pouuoye voller dedaus tes tentes, pour toy dire l'angoisse, que pour toy amour ie souffre, & pour sçauoir se ton amour par quelque maniere ie pourroye auoir. Certes tout i'abandonnaïse, pere & cité, puis redist. Hee quelle follie me tient de vouloir trahir mon pere & mon pays, certes rien n'en feray, ains plus tost me lairroye déchirer & démembrer, piece apres autre, que telle faute feisse vers mon pere & mon peuple. Ceste follie & rage vueil oublier, & iamais n'y vueil penser. Et tantost apres commença à soupirer, & dire que grand proufit & grand honneur seroit à son pere, & à son peuple, se de si franc roy estoit vaincu, car se il se vouloit rendre de son bon gré, à mercy le prendroit. Et à bon droit & iuste querelle, se combatroit Minos contre luy, & contre son pays, car il a bonne cause de venger l'occision que les Atheniens feirent de son filz Androgeus. Se par force il nous con-

quiert, il détruira toute ceste cité, & nous desheritera & mettra à martyre, sans epargner. Attendray-ie donc que par bataille conquiere ma terre & mes gens aussi, plus beau me sera que par amour luy en baille la seigneurie. Et si ne luy coutera point tant, parquoy ie desserviray son amour perpetuelle. Helas dist Scylla, ie doute, que en combatant aucun ne le blesse ou occie, mais qui seroit si traistre, qui l'osast blesser? Ce propos me plaist. I'ay vouloir & desir de luy donner moy & ma terre. Et ainsi sera de ceste guerre la fin Hee dist elle, petite chose est de vouloir, bien me dois plaindre, quand ce que ie vueil ne puis faire prestement. Trop y auroit grand danger en l'accomplissement, car trop me detourbe & empesche, ce qu'on guette dessus les murs, toutes les nuitz, & si garde l'on la porte, & en apporte on à mon pere les clefz chacune nuit, lesquelles il garde, car en autre homme il ne se fie. Celuy crains, celuy seulement me detourbe de traire à chef mon vouloir. Certes ie voudroie ores qu'il fust mort, trop vit quand i'endure, pour luy telz maux. Se autrui sentoit telle detresse que pour amours sens, ia ne seroit si souffrant qu'il me detruisist, si pouuoit, ce qui nuit à son amour. A quoy attens-ie donc? Le cheueux d'or de mon pere me conuient couper, & par ce auray-ie ma volonté.



Après ces parolles fut la deloyalle trop hardie à mal faire. Elle entra en la chambre de son pere, qui en son premier somme estoit, & quand ainsi le trouua endormy, elle dist à basse voix: Maintenant puis-je faire, & accomplir mon vouloir, car iamais n'aura tems plus opportun. Lors luy treucha le cheueul, sans aucune vergongne, & yslit ioyeusement du palais à tout le cheueul de Nifus son pere, en son giron. Si vint à la porte qu'elle ouurit, & tant alla seule effrayee, & egaree de compagnee, qu'elle vint à la tente de Minos, qui grand peur en eut, quand ainsi la vit seule venir. Scylla luy commença à dire: Minos pour vostre amour i'ay mon pere détruit, & le cheueul fatal, ay icy apporté, le-
lequel

quel avec moy & ma terre ie vous donne, & ne requiers autre guerdon, que vôtre amour, vôtre grace & vôtre compagnee tant seulement. Quand le noble roy Minos, qui droit iusticier étoit, vit le cheueul du noble & puissant roy inuincible qu'elle luy donnoit, il eut grand horreur de l'inhumanité & trahison d'elle, si luy dist : Fuy d'icy maudite & déloyalle fille, les dieux te confondent, quâd tu as osé mettre tes mains violêtes & enragees au chef de ton vaillant pere. Onques telle déloyauté & trahison ne fut faite ne retraite, & qui recordee sera par tout le monde a ton grand vitupere.

Le guerdon que receut Scylla pour auoir trahy son pays, & couppé le cheueul fatal à son pere.



Olympe.

Q Vand le Roy Nyfus, eut son cheueul fatal détreché & perdu par Scylla sa fille, & ceux de la cité le sceurent, ilz ne voulurent plus entretenir le siege à ceux de dehors, si se mirent à leur mercy, & au roy Minos rendirēt eux, leur cité & leur biens. Et ainsi fut de celle guerre la fin. Minos mist par tout le pays ses coutumes & loix, & puis fit aprêter ses nefz, & entra en mer. Quand Scylla le vit mouuoir, sās auoir de luy aucū guerdon de son amour, pour chose que supplier ne prier luy sceust: el le luy dit: O autheur de mes merites, preferē à mon pere & a mō pays, ingrat & cruel, ou fuis tu? La verité duquel est nostre meritē & nostre crime? Ne te peut pas amollir nostre dō, notre amour, toute nostre esperance en toy, & notre hôte, si ie m'en rerourne tu t'en vas, & si me laisses. Pout toy ay ie détruite & perdue ma terre & aussi mes gēs. Il est biē raison & droit que ie le compare. En la cité que i'ay trahye n'oseray iamais r'aller. Car de droit m'ont & doiuent auoir les citoyens en perpetuelle hayne: ailleurs ie ne sauroye ou aller, car tous ceux qui de moy & de ma trahisō errōt parler craindront que pareillemēt ne leur face. Hélas mō doux amy Minos, seulement pour auoir tō accointāce, & amour i'ay la grace de tous perdue tūtes plus dur que diamant, & plus fier que tigte affamee. Hee fils batard de droit bœuf, ou-

ques plus Iupiter de ta mere connoitre ne s'en
tremist. Se tu doutasses le mal du peché, que ie
ay fait pour la tienne amour:ia n'en prinſes le
pris ne la gloire. Tu te trauailles en vai de toy
en aller ſans moy, car ie te ſuiuray vueilles ou
nom. Paſiphae ta femme qui du toreau cōceut
& enfāta le cruel minotaurs eſt biē digne d'a
uoir tel mary comme toy. Ce n'eſt pas meruei
le ſelle t'a laiſſé pour le toreau, lequel on au
roit pluſtoſt à pitié & douceur ployé que toy.
O mon pere Niſus le bō & vaillant roy prens
maintenant iuſte punition, de ta déloyalle fil
le. Et vo^r murailles trahis par noſtre fauceté, é
iouiſſez vous de noz maux qu'a droit meri
tēs. Parquoy toy, qui as vaincu par notre crime en
ſuis le crime. La fuite rien ne t'a profité, ingrāt
de mes merites, ie te ſuyuray par tout, & iamais
iour de ma vie, ie ne te laiſſeray. Lors ſaillit en
la mer apres le roy Minos, par force d'amour,
& tāt ſ'éuertua que la nef de Crete rataignit, ou
elle ſe tint aux ongles & aux mains, & ainſi le
ſuiuit lōguement nageāt. Niſus le pere de Scyl
la, nouuellemēt mué en épreuiē, voyant ſa fil
le alla apres à bec & a ongles, tāt qu'en la mer
l'abatit, ou elle fuſt noyée, ſe n'eulſent eſté les
dieux. Leſquelz par leur courtoisie nō pas par
ſa deſſerte, la muerēt ē alloette. Celle porte ſur
ſa teſte hupe du cheueul fatal de ſon pere, que
elle couppa & embla. La ſourdit la guerre de
l'épreuiē & de l'alloette.

La conception de Minotaurus.

MInos le noble Roy de Crete auoit à femme Pasiphae de haut parage, d'auoir & d'amis. Moul't s'estoit nature penée d'elle former en beauté. Elle estoit fille du Soleil: onques nature ne sceut pourtraire plus belle qu'elle. Pour sa grand beauté elle pleut moul't au roy Minos. Mais onc la déloyall'e ne luy porta foy ne reueréce, car elle auoit le cueur muable faux & traistre, & plein de mauuais vouloir. Tresmal fut en elle sa beauté employée. Car ôques femme ne fut si pleine de toutes mauuaistiez. Pasiphae donc par sa déhontee & dériglee volupté, ayma vn toreau. Car vn iour étoit Pasiphae aux fenestres de son haut palais. Si regarda vers la prairie, & vit entre plusieurs vaches vn toreau fier & courageux, lequel elle auisa & choisit par dessus tous autres, moul't luy pleut sa beauté & son fier contemnement, tant le regarda la dénaturee folle, que son amour fut si éprinse enuers la beste, que maint soupir luy en fit faire, & que moul't la cōtraignit la bestialité qui én elle étoit. La chetive en tréblât fremissoit, tressuoit & souuent en muoit couleur. Tāt la demena la rage de sa mōstrueuse cōcupiscēce & detestable sensualité, qu'elle en mist son seigneur en oubly, qui moul't l'aimoit. L'amour du toreau faisoit la folle Pasiphae toute fōdre & ardre elle de ceste rage ne se vouloit

retraire, ains pensoit tousiours commét & par quel engin elle le peut auoir, & en iouir à son fol plaisir, & en oubly mist nature, lignage, frâchise & fœminine noblesse. Elle sen alloit es prez, pour de pres regarder ce qu'elle desiroit de loin. Et si cueilloit herbes, qu'elle luy donnoit. Bié l'eut peu le toreau baïser & en faire à son vouloir, mais sa nature n'estoit pas de faire ce qu'elle requeroit. Si laissoit Pasiphae seule, & s'en alloit avec les autres vaches deduire, si auoit Pasiphae telle douleur qu'õ ne le pourroit dire, quand le toreau pour les vaches la laissoit, en qui tout son confort étoit, sans lequel elle ne pouuoit ne sçauoit viure.

La subtilité de Dedalus, pour satisfaire à l'inhumain desir d'une femme.

SOuuet se pignoit Pasiphae & moult se mettoit en grand peine de se coïnctoier & parer de tous ornemēs, pour cõplaire à celuy toreau, cuidât qu'aucune pitié d'eust auoir d'elle quād pour luy veoit sa face passe & estaincte. Souuēt le prioit & requeroit, & se mettoit deuant luy. Elle n'auoit memoire, raison ne mesure, n'été demēt en elle. Car s'elle en eust eu, sçauoir deust que d'elle n'auoit la beste cure, & q'elle y perdoit ses prieres. Et fit vn tel blâme à elle, à sō seigneur, à sō lignage, & à dame nature. Pasiphae laissa ses chambres pour aller avec les bestes es prez & es mōtagnes. Moult pēsoit

de paracheuer & parfaire sa méchâceté. Et tât qu'elle requist l'engin & cōseil de Dedalus, qui moult sage charpétier étoit, cōmēt elle pourroit paruenir à chef de son outrage: cestuy luy fist à sa requeste vne vache toute de fust. Et la fit couvrir du cuir d'une vache, que le toreau aimoit, puis entra dedans. Le toreau qui vit le fust couuert du cuir de la vache, cuida que ce fust celle vache qu'il desiroit, si s'en alla a elle assebler, & cōceut Pasiphae du toreau. Et quād le terme fut venu d'efanter, elle se deliura d'un mōstre, demy hōme & demy toreau, ce mōstre fut appellé Minotaurus du nō Minos & du toreau. Lors étoit Minos, quand on faisoit ces choses en la guerre, cōtre ceux d'Athenes pour la mort d'Androgeus son filz venger. Lequel fit tât par sa prouesse & force, que ceux d'Athènes vainquit & subiuga, & fit venir à sa mercy & obeïssâce. Ilz s'acorderēt à luy de tenir leurs terres & seigneuries de luy, & si luy promirēt a enuoyer tous les âs vn de leurs barōs en Crete, duquel il feroit son plaisir. Quand la secreté de toutes ces choses fut prinse, Minos rendit aux dieux les vœux que pmissieur auoit, au retour s'en vint lié & loyeux de son gain & de sa victoire, mais brief, apres eut douleur & ire au cœut, quād l'enorme & grād méfait, & l'adultere inhumain de sa femme vit. Il trouua en sa chambre le mōstre, qui la honte & l'adultere

d'elle montra. Minos pour l'enfermer fist faire par Dedalus la plus merueilleuse maison, qu'onques fut faite. Tant y fist voyes & chemins, & tant détournemēt, & tant son entrée mēt y mist que celuy qui étoit dedans autant plus qu'il cuidoit yssir, d'autāt plus éloigné il de l'yssue. En celle maison nommée Labyrinthus, fit le roy Minos le monstre enfermer.

Le Labyrinthe, & de la deffaite du Minotaure par Theseus au moyen de la belle Ariadne.



Minos contraignit les Atheniēs, & leurs hoirs nez & à deuoir naistre luy éuoier & deliurer chacū an par sort vn de leur noble, sans nul en excepter ne donner auantage, non plus au grād qu'au petit, ne au seigneur qu'au

subiet. Mais celuy qui premier traitoit le sort
fust enuoyé en Crete, tâtost & sans delay, pour
du monstre estre deuoré sans nul respir. Long
temps demoura le monstre en ferré, ou il deuora
& occist maintz nobles Atheniens: Car iamais
ne s'en fust saoulé. Ia étoient passez trois ter-
mes, si conuint enuoyer plusieurs pour payer
cestuy mortel tribut. Le roy Minos, eut deux
filles pucelles, belles & gêtes de corps. L'aînée
auoit nō Ariadne, & l'autre Phedra. Theseus
l'Atheniē, qui pour acquiter le tribut, au quart
terme étoit le sort écheu sur luy, filz du roy de
Athenes. Et qui tāt estoit éprouue en proues-
se & vaillance: alla en Crete. Quand Theseus
fust prest, pour aller payer le mortel tribut, de-
fendre ne l'en peut son pere, ne tous les nobles
d'Athenes. Theseus print congé du Roy son
pere, qui fort se complaignoit pour la beauté
de son filz, qui tant étoit doué des dons de na-
ture & de sa vaillance, & en espoir de ne le ia-
mais reuoir, se pama au congé prendre. Quand
Ariadne ouyt dire, que ceux d'Athenes enuo-
yoiēt leur tribut en Crete, elle vīt au port avec
grande compagnee de dames & damoyelles.
Si tost qu'elle vit Theseus, duquel parauāt elle
auoit ouy recorder les merueilleux & nobles
faitz grādemēt luy pleut sa beauté, & moult re-
greta son labeur, & son desinement. Amour
mist son dard au cūeur, si profond qu'a peu

desia elle ne se pouuoit cōtenir, & commença à faire les complaints seulette, disant ainsi: O Theseus mon cher amy, si renōmée ne mēt souz le ciel n'a filz d'homme mortel, qui soit pareil à ta valeur, laquelle par tems & en brief sera finée, puis que tu auras passé la porte de ceste infortunee & maudite maison d'erreur, dont oncques nul ne retourna. Celuy qui dedans à son demeure, t'aura tantost mis a mort. Certes j'ay grand pitié de ta male aduventure. Puis redist, & à quelle cause en ay je pitié, ne pourquoy me change le cueur pour vn étranger? pour quelle causeas tu de sa mort peur Ariadne? Folle: amour t'ébahit: petit as de remembrance qu'ilz occirent ton frere Androgeus: or le comparēt ceux & les autres qui biē ont desferuy la mort. Certes ce seroit dommage, que cestuy ieune & beau chevalier, portast & comparast la coulpe, & le meffait d'autrui. Je le sēs & le voy tāt loyal, que onques cōsentāt ne fut de la mort d'Androgeus mon frere, dont si ie ne luy dōne secours il mourra. Plusdure seroie que diamant, si ne le secouroye, quand faire le puis. Il est noble tāt preux & tāt courtois, que biē pour sa bōté luy doy faire secours, & si est aussi tant beau que par amour le doy aymer & aussi fais ie. Aymer? ay je songé? ou mon cueur est fol, quād aymer vn étrange hōme vueil, & follie villaine faire avec l'ennemy de mon pe-

re. Et non fais car par mariage me prendroit, quand il verroit, que par mon sens & engin il auroit le monstre occis, & par moy sa vie sau- uée, & afrāchy son royaume, & son peuple de mortel tribut. Las dit Ariadne, que dis ie? fil peut si meure, & échappe s'il peut. Pourquoy roye ailleurs querir seigneur, quand en ceste terre puis choisir à mō vouloir? Mais helas au- tre ne pourroie élire qui tant me pleut ne qui tant eust de valeur. Cestuy auray, ne autre ne quiers, & si luy aideray à occire le mōstre cruel & inhumā. Echapper peut, si ie luy ayde, & si- non, mourir le conuient, car cōtre le monste durer ne pourroit, & s'occire le pouuoit, si ne sçauroit il trouuer l'issue. Je le deliureray si m'é- rēdra le merite s'il veut, car avec luy m'ēmene- ra en sa contrée, ou receuē seray pour royne & dame. Hee comme i'ay pensé grande folie, car autremēt iroit. Quand deliuré l'auroye, il s'en- iroit sans moy, & me lairroit toute seule & é- garée, & ainsi demeureroye sans amy en païs haineux, pour ma déloyauté. Certes ie croy q. non feroit, ie prendray sa foy, & si seray seure de son amour. Haa Ariadne lairras tu donc- ques ta sœur ieune que tāt aymes, quelle natu- re feroit ce? Nenny ia ne la lairray, ains avec moy l'emmeneray. Ainsi pensoit & repensoit Ariadne disant comme celle, qui à soy mesmes pas n'étoit, mais à amour. Nonobstāt elle s'es-

forçoit que d'amours ne fust esprinse, mais rié n'y valut: car aymer la conuint. Contre le dieu d'amours & sa puissance ne pouuoit resister ne force auoir. Quand Ariadne vit que rien n'y valoit sa defente, lors se pensa comment à luy pourroit parler, qu'il ne la tint pour folle, siquist ocaſiõ, laq̃lle elle trouua tãtoſt, puis vint vers luy & luy diſt: Amy Theſeus, ceſtuy qui vous a icy enuoyé, vo⁹ à mis & liuré à grãd danger: car iamais ne vous reuera vòſtre pere, toſt vous aura le monſtre deuoré & occis. Et quãd parauenture, le mōſtre auriez par vòſtre prou-eſſe occis. Si ne ſçauries vous iſſir de la maiſon, ſe autre que vous ne vous adreſſoit. Parauant vous y ont pluſieurs vaillãs hommes eſté, deſquelz oncques nul ne retourna. Certes i'ay de vous grand pitié. Non pourtant ſe ie vouloie par mon ſens bien vous en deliureroie, ſe m'en vouliez rēdre bon guerdon, lors reſpōdit Theſeus: Dame cœur & corps franchement vous dōne, & vòſtre vaſſal en ſeray tous les iours de ma vie, ſe à ce beſoin vous m'aydez & ſecourrez. La dame adonc diſt à Theſeus: Cher amy Theſeus à frere & ſeigneur vous retirés. Et afin que ſeure de vous ſoye en vòſtre terre me menez, quand de ce mortel & dāgereux peril vous ſerez deliuré, vo⁹ me promettez de moy epouſer & prēdre à femme. Tout luy promiſt Theſeus & luy en iura tous les dieux & déeſſes.

Lors dist Ariadne à Theseus son amy. Theseus mon amy cher, maintenant suis toute vostre. Si est raison qu'apres voz conuenances, & promesses ie vous aide & vous secoure, comme sans faute feray. Alors elle luy bailla de la paste cōposée de gluz, de poix, & de colle, & luy dist: Amy quand le monstre viēdra pour vous engloutir, & que il beera la guelle pour vo^r deuorer, ietez luy sans arrest ceste paste dedās la gueulle, l'estranglerez tātost, puis luy couppez la teste. Et ie vous attendray à la porte, & vous tiendrez ceste pelore de fil, que vous emporterez avec vous. Et par ainsi vous trouuerez l'issue en ensuiuant ce fil. Apres ces parolles & promesses des deux aymās, Theseus entra hardimēt en la prison, ou il assomma & tua le monstre qui parauant auoit occis les Atheniens. Et ainsi aquita le triage des Citoyēs d'Athenes, puis par l'enseignement du peloton de fil, yssit hors de la prison, & trouua Ariadne qui à la porte l'attendoit, dont il fut moult ioyeux.

Quand Theseus eut occis le mostre Minotaurus, & fut yssu de la merueilleuse & mortelle prison, par l'ayde & enseignement de la belle Ariadne, il se mist coēment en sa nef, avec Ariadne & Phedra sa sœur. Et tant singlerent & errerent par leurs iournées, qu'ilz arriuerent en l'Isle de Chie, ou ilz prindrent port & yssirent de la nef, pour prēdre aucun repos. Les

damoiselles estoient moult lassées & travail-
lées de nager en la mer, comme celle qui onc-
ques n'auoiét tel labeur éprouué, illec s'édor-
mit Ariadne laquelle Theseus laissa dormât &
emmena la ieune Phedra, de laquelle il fist fa-
mie en mettant en oubly Ariadne, & les biens
qu'elle luy auoit fait, avec la grâde amour dôt
elle l'aymoit, dont il semble à tous amoureux
qu'il méprint tresgrandemēt, Ariadne demou-
ra dormât, encores pour celle cause la mer dôt
Theseus se partit, & ou il laissa Ariadne, ha à
nom la mer Ariadne. Quand la belle s'eueilla,
fort s'emerueilla, & moult étoit ébahye de ce
que seule se trouua: si se commēça fort à plain-
dre & soupirer: en disant Ha, Theseus, pour
quelle cause m'as tu en trahison delaissée? Biē
tost as oublié le biē & l'amour que ie t'ay fait,
tu es par moy guery de la mort, n'echapper ne
pouuois, dont mauuaiselement me guerdonnes.
Tu t'acquittes tresmechamment enuers moy,
& as pariuré tes dieux, qui eust pensé qu'en si
beau corps cōme tu as, eut si tresdeloyal cœur?

Ariadne demena tant son dueil, que Bachus
qui estoit roy de la contrée, par auenture, com-
me il s'en alloit en ébat deuers la mer la trouua.
Si luy demanda, & enquist la cause de sa dou-
leur, qui elle estoit & qui l'auoit là emmenée.
Belle la vit & auenante, si luy en print pitié.
La damoiselle, qui biē apprinse estoit, luy res-

pondit du tout à la verité: puis luy requist en nom de gentillesse, que d'elle dolere & egarée voulist par amour prendre pitié. Bacchus qui fort considera & regarda sa noblesse la recōforta moult, & l'emmena en sa cité prochaine, ou il l'epousa à grand ioye. Theseus l'auoit desauancée, & Bacchus l'exalta.

La fuyte de Dedalus par l'air, & de la mort d'Icarus, qui mourut par outrecuydance.



Dedalus qui auoit esté prins en Crete & qui grand desir auoit de s'en fuir, & aller en sa paternelle terre. Lequel Minos auoit longuement tenu prisonnier, pour la desloyalle & denaturée œuure, qu'il auoit fait faire à sa femme Pasiphae. Cestuy Dedalus se pésa vn iour,

puis que par mer & par terre Minos luy cōtre-
disoit son retour qu'il s'en voleroit par l'air, si
cōmēça cōtre humaine nature, ēployer son sēs
à voler par l'air. Sur luy accumula, assembla &
ioignit grādes plumes, les vnes par fil & les au-
tres p cire ou par cimēt, si ordōniēmēt cōme les
oyseaux naturelz les ont. Dedal⁹ auoit vn filz,
qui peu sçauoit, q̄ telles pēnes pouuoient valoir,
mais grād desir auoit d'en auoir, essayer cōmēt
ayder s'en pourroit: ressēbler vouloit à son pe-
re. Si print plusieurs à assembler. Et quād elles
en furēt faites & accouplées. Dedal⁹ en bailla
deux à Icar⁹ sō filz, & deux aussi en retint pour
luy. Puis il se meirēt à voler par l'air, & le pere
apprenoit son filz, cōmme il se cōtiendrait en
volāt. Mon filz disoit Dedalus, ne vole ne trop
bas ne trop haut: mais tiens apres moy la moy-
enne voye, car si trop bas voles la mer qui t'ap-
pesātira, te mouillera, & deioīdra par sō humi-
dité tes plumes. Et si tu voles trop haut, la cha-
leur les te brulera & te fera ius trespucher. Et aĩ-
si si tu veux tenir le chemin, il te cōuient venir
par le moyen apres moy, sans toy deuoyer ça
ne là, ne trop bas ne trop haut. Car autrement
viendrais à ta fin. Le pere se print à l'armoyer,
par amour & par pitié qu'il auoit de son filz, &
le baĩsa, mais onques puis n'y retourna. Il vo-
loit par l'air deuāt, & souuent il se retournoit,
comme celuy lequel moult grād doute auoit,

peur de perdre Icarus son filz, & moult souuēt en volant luy prioit de rechef, qu'en volant apres luy tinst la droite voye, & si maintinst cōme luy. Ceux qui par l'air les veirēt voler, s'en ébahirent & emerueillerēt moult, pasteurs, pecheurs, & laboureurs, cuydoient to' qu'ilz fussēt dieux, q' ainsi par l'air peussēt voler. Maintes terres eurent trespasées. A fenestre laisserent samye & Delō, & deuers dextre laisserent Cecile, ou le bon miel croist. L'enfant en volant apres son pere, se outrecuida, si laissa son bon pere, cuidant seurement voler à son plaisir. Il s'accueillit & print son vol haut enuers le ciel, tellemēt que l'ardeur du soleil le surprint, qui la cire tantost fondit, dont les plumes tātost se desioignerent & deffirent. Icarus mouuoit ses bras, mais rien si ne luy valoit, quand ses plumes qui desiointes estoient auoit perdues. Il trespucha en mer, & en cheāt cōme tout éperdu, print à appeller son pere: Pour Icarus qui se noya & perdit, eut celle mer nom Icarie. Quād Dedalus ouyt la voix de son filz qui se noyoit, il secria comme plein de dueil: Filz, ou es-tu allé en quelle terre te pourray ie chercher, ie qui tant te soulois aymer? Il regarda enuiron luy, & vit les plumes floter sur l'eau, qu'à son cher filz auoit données. Si print à maudire & excommunier la mer, disant que son filz luy auoit soustrait. La marine attrahit le corps au riuage

uage, & l'à l'enfeuelit le pere, & mist en terre à tout grands pleurs & grands gemissemens.

La conuersion de Talus en vne perdrix.



Ce pendant que Dedalus enterroit son filz
 gand dueil demenât, là pres dessus vn arbre e-
 stoit Perdrix, qui moult estoit du dueil qui luy
 voit demener, qui nagueres estoit ainsi chāgé.
 Car Perdrix fut filz de la sœur de Dedalus, &
 s'appelloit parauant Talus, qui pour apprédre
 latt & l'vsage du mestier, dōr Dedal^s se mesloit,
 le mist avec luy. L'enfant n'auoit enco^res que
 douze ans passez & si estoit moult subtil & in-
 genieux. Le metier luy plaisoit moult, si mit sa
 cure à aprédre ce que son oncle luy cōmādoit.
 Il trouua premieremēt l'art de faire compas, &

Olympe

Y

la sie à sier le bois. Dedal⁹ qui grād enuie auoit de ce que son neveu apprenoit & proffitoit si biē, du sommet d'une haute tour, luy fist prēdre vn si beau sault, q̄ son engin rien pl⁹ ne luy valut. Mais Pallas qui moult auoit en grace le sens & entēdemēt que Perdrix auoit, quād de la tour le vit verser, pitié & compassion luy en print, si retint en l'air le damoisel q̄il ne cheust & ainsi deuint oyseau, qui toute sa legereté & son engin retint aux piēz & aux pēes. Cestuy oyseau est isnel & affairié, ne vole sinon bas: car il craint tousiours de cheoir si comme il fist anciennement. Baslement vole vers terre, & en terre aussi fait son nid & pōd ses œufz, mais tant est fol, qu'il oublie ses œufz, & ne luy souuiēnt de les couuer. Dedalus vint en Cicile, & illec le vint requerir Minos à force d'armes: mais Eolus qui sa fille tenoit, se contint leallement vers luy: car doucemēt le secourut & garantit vers ses ennemys.

La chasse du sanglier de Celidoine, & des amours de Meleager, & de la belle & gaillarde Athalanta.

Quand Theseus le Roy d'Athenes eut acquité le mortel tribut de Crete, cōme icy vous auez ouy, moult s'en eiouyrent les barōs de toute la terre d'Athenes & le cōmū peuple, quand par sa noblesse & vaillantise les auoit deliurez de seruitude. La cité fut route parée & aornée de courtines d'or & d'argent, & de



pierres precieuses. Par les rues furent étendus plusieurs paremens, & les téples furēt parez de couronnes d'Or emallées. Tous honoroient Jupiter & Minerue la batailleresse, & leur offrirent & presenterent deuotemēt sacrifices & dons acceptables, sang d'aigneau & fumée d'ācens éspandoient, & si faisoient à la nouvelle epouse ioyeuse chere & grand feste. Toute la cité estoit pleine de liesse, & demenoiet grās esbatemens. La renommée se épanдит, & porta par tous les pays enuiron, de la prouesse de Theseus le Roy d'Atheres, tellement qu'ō ne parloit sinon de luy. Par toute Grece estoit cōneu son nom, craint & redouté. A leur grand besoin l'alloient requerir ses voisins. Pareille-

ment les étrangers, lesquels ilz secouroit sans contredit. Adonc estoit la gent Celidonienne moult ébahye, & luy requirent aide à leur besoin. En leur terre y auoit vn sauuage porc, qui grād dommage leur faisoit. En Celidoine l'auoit enuoyé Diane, qui trop se doutoit du roy qui l'auoit dépitée. Oëneus le Roy de Celidoine auoit grand terre & grand domaine, & moult estoit riche d'or & d'argent, & des gens puissans. Il auint vn temps que sa cité fut de fertilité toute pleine de vins, de blez, de miel, & de tous autres fruitz. Sacrifices & dons diuins offrirent à plusieurs dieux & déesses, fors seulement à Diane qu'en oubly mirent. Pour celle occasion transmist Diane sur Celidoine qu'elle haioit à prendre griue vengeance, le porc sauuage qui tout detruisoit, prez, vignes, blez & boccages. Et moult fist d'autres cruelz dominages. Il n'y laissa bestes à errāgler. Pour detruire le fier porceau plein de rage, fist Meleager assembler du royaume d'euiron tous les Barons. Là s'assemblerent plusieurs cheualiers de Grece, & des autres regiōs voisines, que Meleager auoit semōs, tous s'assemblerēt en Celidoine, Castor & Polux freres d'Heleine, Iason & Theseus y furent, & le fier Pirithous son amy, Idas & les deux filz Cestie, par lesquels telle chose fut brassée, dont Celidoine fut par apres detruite, dōt ce fut grād dōmage. A celle

assemblée furēt auffi Linceus & Acastus, Thelamon & Peleus, qui puis fut pere d'Achiles & Iolaus, Eurition, Lelex, Panopeus, Drias, Phœnix, Pelas, Anceus, Ipafus, Amphicides, Nestor & Athalâta, la pl^r noble & belle dame, qui fut pour lors en tout le monde. Et plusieurs autres qui semons y furēt, desquelz ie ne sçay les nōs. Meleager vit la damoiselle qui plus fine couleur auoit que rose ne fleur de lis, & si auoit en sa main l'arc turquois, & à sō col la trouffe pleine de fleches affilées & barbelées. Si tost qu'il la vit, de son amour fut tāt espris, qu'il ne pouuoit durer, plusieurs l'aymerēt qui autre chose n'autre biē n'en eurēt que la mort. Cestuy Meleager en mourut auffi par apres dōt se fut grād dōmage: car mal employa sa courtoisie, sa vail lance & hōnesteté. Et ne sceut pas longuemēt son amour celer, si dist à la damoiselle: Pucelle de grād parage, la mieux ouurée de nature qui soit souz le ciel, dieu vous otroye bonne auenture, trop heureux seroit & bien fortuné qui vous auroit à son plaisir. A tāt se teut & ne vouloit de honte plus parler deuāt les gens, & aussi n'eust il pas loysir. En vne grand' forest d'arbre pleine, lez vn pré, pres d'vn grād pēdāt ten dirent les barons leurs harnois & engins pour prédre le sanglier, puis decouplerēt leurschiés, & allerēt par la forest pour epier le porc. Là à celle malle auēture au pl^r bas lieu de la forest,

ou les ordures de ce bocage se purgeoient, auoit vne fosse pleine de roseaux, de ioncz, & de ronces. Là trouuerent le porc qui se souilloit dedans le palus, si huerent. Et quand le porc les apperceut & ouyt soy huer, il se print à herisser, tellement que ses soyes sembloient estre dardz. Et de grand ire, de la gueulle luy sailloit ecume qui les fleurs & autres herbes ardoit, surquoy elle cheoit. Moulit auoit le regard rouge & horrible. Et les dentz grandes & agues. Les barons huerent la beste, & les chiens l'allerent attaignant, mais plustost que foudre ne descend, couroit la fiere beste par la forest, par telle ire, que tout ce qu'elle rencontroit elle faisoit trespucher, à luy defendre point ne se faignoit. Plusieurs limiers mal mist tua & pourfendit, & maint autre chien courant occist. Hechion lança premier le dard, cuidât pourfendre le porc, mais point ne l'assena. Iason tira vne fleche apres: mais trop haut alla, si ne l'attaiguit point. Amphicides tenoit vn dard d'acier priant à Phœbus que grace luy donnast de ferir le porc, & Phœbus l'otroya, si le ferit, mais pas ne le blessa: car le dard cheut à terre. Quand le sanglier sentit le dard d'ire & de rage fut trop emeu, si print à ietter feu & flambe par la gorge & sembatir en la presse de trespaiement courir contre ses ennemis. Lors mist à mort deux damoyseaux, Eupalamon &

Palagon, & Eneſimus ſe miſt à fuyr pour ſau-
uer ſa vie mais peu luy valut: car le ſanglier qui
le ſuyuoit l'attaignt au genoil, & luy rompit
les nerfz, & l'abatit mort. Si euſt il fait à Neſ-
tor, dont Troye euſt eſté aſſuree de luy, mais il,
qui moult eſtoit habille, ſaillit ſur vn arbre. Le
porc par grand ire alla ferir l'arbre & le rompit
bien plein piez. Puis ferit Thetideu ſi luy rom-
pit vne cuiſſe & l'abatit à terre.

C A S T O R & Polux cheuauchoiēt ſur deux
bons cheuaux blancz, & huyoient tous deux
la beſte & lançoient deux trenchans dardz d'a-
cier, dont bien le peuſſent auoir occis ſilz ne
ſe feuſt feru au profons bois de la foreſt, en vn
lieu ou dardz ne le pouuoient attaindre, n'ou
les cheuaux ne pouuoient courir. Apres le porc
couroit Thelamon, mais à vn eſtoc ſ'accrocha
& cheut, dont à peine ſe deueloppa, mais re-
dreſſé en fut par ſon frere. Ce pendant A-
thalanta bleça le porc deſſouz l'aureille, telle-
ment que le ſang luy decouroit par la ioue. Ce
coup & la playe vit premierement Meleager,
qui celle part regardoit, dont il fut moult ioy-
eux, pour l'amour qu'il auoit à la belle, &
diſt aux barons qu'elle auroit de ceſt eſtrif
l'honneur & la victoire. De ce eurent les ba-
rons honte, ſi ſe renforcerent de ietter ſaget-
tes & dardz à ſi grand tourbe, que l'vn detour-
boit & empechoit l'autre. Lors ſ'auança Anceus

contre le porc, & haüça vne hache par grand fierté en parlant comme homme plein d'orgueil. Damoyseaux & seigneurs, dist il, apprenez lequel pourra plus ou homme ou femme. Point n'a Diane à ceste fois tant de vigueur ou vertu, qu'elle puisse le sanglier garantir, que ie ne luy face le coup mortel sentir, ne ia dieu ne l'en pourra guerir. Moult grande follie dist & pensa, quand il médisoit de Diane. Il n'eut pas sa raison finée, quand il demoura pendu deuers le ciel, & le porc qui le vit s'approcha, & luy pourfendit les flans, tellement que les entrailles luy cheurent. Pirythous l'epee au poin suyuit le porc de pres, & Theseus luyecria de loin : O mon cœur, ma ioye, & mon confort, ne t'approche de l'ennemy. Trop mettrois ton amy à deconfort, se par ta folie & outrecuidance mourois, Anceus est mort par sa hardiesse. A tant lança Piritous vers le porc moult rudement, dont blecé l'eust, se n'eust esté vn rainceau de nefflier qui le coup retint. Iason lança vn dard apres le porc, mais pas ne le toucha, ains attaignit vn laurier. Et lors Meleager se hata, & lança au porc deux dardz, du premier ne l'attraignit pas : mais du second l'attraignit au dos, qui lors le vist dire & de rage ecumer & gratter la terre des piez de deuant & sentortiller, & pour tourner çà & là bien le deuoit douter. Meleager luy tint pié.

le glaive au poin , & le porc qui ne le doutoit
ne s'eloignoit ains contre luy couroit . Lor



fut la bataille entre eux grande & perilleuse :
mais le porc en la fin fut abatu tout mort, dont
la compagnee se print fort à crier de ioye a-
pres Meleager . Moult s'emerveillerent de la
grandeur du porc . Et encore ne l'osoient les
aucuns bonnement approcher , ains le regar-
doient de loin . Et les aucuns furent qui en-
sanglanterent leurs dardz pour auoir part à
sa mort. Meleager plus n'attendit , du porc
print la teste & l'echine, & l'offrit à Athalanta,
qui premierement l'auoit blecé, dont plusieurs
en furent dolens , & par enuie s'en prindrent
à murmurer . Les deux chetifz ne peurent ca-

dueil souffrir, si ecrierent à Athalanta. Femme, metz ius la proye, car tu n'y as point de droit ou tu compareras chertà beauté, ou tant te fies. Iane t'en sera garand celuy qui t'en fist le present. Lors luy tollirent, voyant Meleager, qui ainsi les auoit ouy menacer, dont il fut si dolent que souffrir ne le pouuoit si leur dist tout espris de rage : Haa traistres, apprenez quelle difference il y a entre faire & menacer. Adonc tira son épée, si en ferit Plexippus son oncle en la poitrine, & l'abatit à terre mort. Toxéus veoit son frere mourir, dont il auoit grand dueil, & grand peur. Et ne sçauoit que faire de fuyr, ou le venger, mais Meleager l'auança vers luy, & l'occist de la mesme epee qu'il auoit l'autre occis.

Les regretz de la mere de Meleager, pour la mort de ses deux freres, que son filz auoit tuez, parquoy machina sa mort.

AV temple eut grande deuotion, pour faire sacrifices & oblations aux dieux pour la victoire du porc sanglier, Althee y alloit bien ioyeusement pour Meleager son filz, qui le porc auoit occis : mais quand elle vit ses deux freres mortz, sa grand' ioye luy tourna en parfait dueil. Elle deuétit sa robe, & puis se reuétit de noire véture. Assez furent qui la verité de celle occision luy conterent & dirent. Et quand elle le sceut grand' partié du dueil qu'elle a-

uoit prins en son cœur , laissa & commença à penser comment elle pourroit ses freres venger. Tant pensa Althee qu'il luy souuint qu'en vn sien coffre auoit vn tison fatal, qui luy auoit esté donné & enuoyé de trois deesses fatalles, qu'elle auoit gardé deslois que de Meleager estoit en trauail, lequel tison estoit ainsi destiné, que iusques à tant qu'il seroit ars ne pourroit Meleager mourir, & aussi rien ne le pouoit garantir, si tost comme le tison bruleroit. Althee alia querir ce tison, puis fist faire vn grand feu, comme celle qui estoit forcenee. Vne des fois luy venoit en courage de bouter le tison au feu, pour iceluy ardoir. Autrefois le regardoit par pitié maternelle qui la reconfortoit, moult estoit discordable en sa pensee, ire & douleur luy ramenteuoient la mort de ses freres que son filz auoit occis. Et d'autre part pitié l'adoucissoit, remontrant, que trop seroit amere mere de detruire, & occire son propre filz. En son cœur tensoient sœur & mere, moult luy faisoient ces deux choses auoir pensees diuerfes, & contraires. Aucunesfois trembloit, & apalissoit, par pitié, qui de la part de la mere venoit. Et quand de ses freres luy souuenoit d'angoisse esprenoit, & toute rougissoit. Vne heure auoit le visage selon, & horrible, & se prenoit à menasser. Autrefois l'auoit simple & pitoyable. Tous ces signes auoit

Althee, qui decoulourer la faisoient. Ores plo-
roit, & tantost menassoit. Ainsi vacilloit sa pen-
see, comme la nauire en mer, qui est assallie des
deux parties de cruelle tempeste, & de vent.
L'une heure va auant, & l'autre arriere. Tant
dura la bataille au cœur d'Althee, qu'elle sac-
corda à ses freres venger, & à detruire pour eux
Meleager son filz, qui les auoit mis à mort, &
ainsi venger les mors par sa mort.

*La mort de Meleager, la vie duquel ne tenoit qua
vn tison demy brulé, que la fee auoit fatalizé.*



A Vx deesses fatalles dist Althee: O deesses,
ie me plains de rage. Tournez voz
yeux en suz, affin que ne voyez cestuy sacrifi-

ce. La mort de mes freres vueil venger, par la mort de mon filz. L'un mal vueil aiouter à l'autre. Oeneus seroit moult ioyeux de ce, dont mon pere est moult dolent, & iré. Il vaut mieux qu'eux deux se pleignent ensemble. O mes freres qu'icy gifez mortz: pour vous vueil ie occire mon filz. Veuillez recevoir en gré cestuy sacrifice. Puis dist: Haa comment feray-ie telle chose vers mon enfant? Le vous prie, freres, pardonnez le moy, car pour rié ie ne le feroye, combien qu'il aye desseruy la mort. Et comment redist elle, aura il donc mis mes freres à mort? dont dolente suis, & si n'en souffrira ia peine, ains sera roy de Celidoine, & seiouyra de la perte de mes freres? Pas ne vueil qu'à mon domage pourchasse leur mort. Tant m'a le deloyal courroucée qu'il en mourra. Ne ia de la mort ne luy sera son pere garant, ne le royaume auquel il pretend. Helas qu'ay-ie en pensée, ou est la pitié que naturelle mere doit auoir enuers son enfant? c'est mon filz, & neuf mois l'ay porté en mon ventre. Bien le vusissiez auoir occis, ou auorté le iour qu'il nâquit, desormais vit il par ma souffrance, mais briuelement aura la punition de son meffait, deux fois luy ay sauué sa vie, ores la luy oteray, ou il m'occurra de sa main, dont il a mes freres occis. Certes bien voudroye estre morte, mais ce ne peut estre, ie ne sçay que faire. Maintenant me sou-

uient de mes freres, & ores me reuient la pitié de mon filz. Haa freres, il vous occist, si l'occiray: & moy apres, ainsi suiuray ie vostre mort. A ce mot n'attendit plus Althee, ains ieta le tison au feu ardent, & tourna sa face qu'elle ne vist si grande crudelité. Tost se print le tison à ardre au feu, qui point n'ardoit seul, ains par son arsüre en ardoient deux.

M E L E A G E R s'esprenoit tout comme s'il fust à vn feu, & ne sçauoit dont ceste chose luy venoit, ne garde ne s'en prenoit. Il sentoit grād détresse, & grand douleur, mais tant auoit de valeur que la douleur alloit surmontant. Grād ire & dépit auoit de ce qu'en si grand martyre mouroit, car de plus en plus luy croissoit son mal. Mieux aymast d'estre mort en la bataille avec Anceus l'orgueilleux, qui se tua. Son pere, son frere, & ses sœurs reclamoit. Et aussi sa mere par qui celle angoisse luy venoit. Et sur tous autres moult regrettoit. Athalanta s'amy, pour laquelle il auoit moult le cœur triste, & dolēt. Le feu du tison croissoit, & aussi croissoient les douleurs, & l'alloient angoissant. Briefuement l'vn fut ars en cendres & l'autre mort, & mis à sa fin. Mort receut Meleager le courageux par la crudelité de sa mere, dont ce fut grand dommage, détruite fut à dueil la fleur de toute Celidoine. Si en furent les Celidoniens moult dolens. Leur dommage & perte plouroient

tous vieux, & ieunes, dames, & damoyelles, moult longuement. Onques ne fut fait tel dueil pour homme mortel. Oeneus en eut moult grand dueil, si s'en alloit douloufant par les chams, & son visage égratignant, & la mauuaife mere qui le meurtre auoit fait, s'occist mesmes apres son filz. Qui auroit mille langues bien parlantes, & eussent autant de science qu'onques la terre Gregeoise soutint, si ne pourroient elle bien diuiser le dueil que les lasses & dolentes sœurs firent. Leurs chefz battoient & leurs poitrines, & s'enclinoient sur le corps, si le baisoient. La n'auoit ioye ne delit. Le corps fut ars, & mis en cendre, & enterre, sans plus d'arrest, en vn marbre, bien entaillé, que ses sœurs arrousoient bien-souuent de leurs larmes, car leur dueil ne pouuoient celer. Avec luy voussissent bien estre mortes, & enterrees, de dueil s'enfuyrent toutes, & s'en volerent par l'air, tristes, & douloureuses, & deuiendrent oyseaux nommez Meleagres, pour leur frere Meleager, & leur vindrent neuues pennes, fors à Gorge & à Deianire. Et Thideus issit de la contrée exillé, plein de dueil, & d'angoisse, cestuy estoit filz d'Althee, consentant à la mort de Meleager son fiere. Pour laquelle chose il fut déchassé à honte du royaume de Celidoine, & s'en fuyt à emblee en Arges, ou il se tint longuement.

Du retour de Theseus, de la chasse du sanglier, & du logis d'Achelous.



CE pendant Theseus apres la prise du grand sanglier vouloit retourner vers Athenes, mais Achelous luy fist barriere, & luy ferma le chemin, par ses flotz, & luy pria qu'il seiournast avec luy trois ou quatre iours, tant que les flotz fussent retraits, qui étoient hors de leur canal, car tant étoient fiers, que tout ce qu'ilz rencontroient estoit perillé par les ruisseaux venans des montagnes impetueusement. Pour acheter ce peril, Theseus alla en l'hotel d'Achelous, qui estoit paré de lierre, & de vertes herbes. Achelous qui vouloit ses hôtes fétoyer, les fist seoir à table. Pirithous à senestre,

nestre, & les plus auciés à dextre. Les nymphes les seruoient nudz piez, & bien garnisoiet les tables, de vins, & viâdes, etoiét seruis en estat seigneurial. Quand ilz eurent assez mangé, & beu par loysir, on leua les tables, & les barôs allerent lauer leurs maïs, & puis on apporta le vin. Thefeus pour soy solacier, regarda vers la marine & veit en la mer cinq iles, tât pres l'une de l'autre qu'il n'y connoissoit diuisiõ. Lors enquist, & demâda quelles iles il veoit là & quel nõ elles en auoit. Et Achelous qui bien sçauoit leur nõ respondit, & dist: Cinq iles a au lieu que vous voyez, & chacune a esté femme, mais nouuellement les ay fait iles, pource qu'elles me dépitèrent. Il fut vn iour qu'elles sacrifioient de dix veaux, & les dieux Agrestès auoiét cõuiéz. Si firent grand feste, & moult y eut de gens, mais onques ne leur souuint de moy qui leur prochain voisin étois. Auint que ie m'en courrouçay, & enflay trop durement, & si subitement m'eleuay à tout les eaus de ma riuiere, qui trop est orgueilleuse, que i'arraché enuiron moy bois & blez, & furent de mes vndes & flotz, celles qui sacrifioiet toutes enuironnees. Lors celles qui de tât m'auoiét oublié, furét en grande doute, & peril de noyer, si leur souuint de moy: mais ie fiz tant mes grans flotz tournoyer, qu'avec moy fiz en mer estandre, & fiz fendre la terre en cinq diuers lieux. Or sont

Olympe.

Z

deuenues cinq iles, qui sont nommées Eschina des. Et celle autre que tu vois plus loin en cestuy cuignet assise en la mer profonde fut Perimele, la belle fille au felō Ippodamas, laquelle ie souloye iadis aymer, & la depucelay. Quand Ippodamas louyt dire, par grād ire la boura en mer. Et quād ie lavi flotter sās nauire ē peril de mort, amyablemēt la prins, & la portay en mō flottement, comme celle qui trop ne pouuoye aymer, & pria au dieu Neptunus, qu'il eust pitié de la belle, qui pour mon amour perissoit par la crudelité de son pere. Mais vne telle ile en composast, que mes eaux à tousiours l'embrassassēt, & enuirōnassēt. Neptunus en signe d'otroy crōla la teste. La belle estoit en grand ennuy, & doute de perdre la vie. Non pourtāt tousiours flotoit sur la mer, & ie l'enuirōnoye & soutenoye à mes braz. Sa poitrine sentoye mouuoir de la grande peur qu'elle auoit. Et nonobstant ainsi comme la belle tatoye, ie sentoye son piz en sa poitrine endurcir tousiours de plus en plus. Et tāt en la fin s'endurcit, qu'elle ressembloit biē estre pierre. Le cuer, le corps & tous les membres de la belle furent ire tous couuertz de terre. Et tant est la terre creue en peu de tems, qu'elle est grande ile deuenue.

La repcue de Iupiter & Mercure en la maisonnette du bon Philemon, & de la vielle Baucis.



Tous s'ébahirent ceux qui veirent la merueille qu'Achelous leur racôtoit : mais Pirythous ne croyoit point que ce qu'il disoit fust veritable, mais tenoit tout à treuffe & à mensonge, & disoit que les dieux n'auoient puissance de faire telle mutations, & si gaboit & moquoit ceux qui ce croyoient, dont s'ebahissoient tous les autres, & disoiēt que grand tort auoit en deprisāt les dieux: car ilz croyoiēt biē ce que dit auoit. Et pour plus emouuoir à croire que sās doute les dieux ont toute puisāce, parla Lelex, qui d'āge de cœur, & de maniere estoit meur & prudent, Et dist en telle maniere. La diuine vertu est trop grande, elle n'a ne fin ne commencement. Toutes choses


peuvent les souverains . Et pource que moins en doutez . Je vous diray chose trop émerueillable . En vn tertre de Frigie vy vn chesne enclos en vn bas mur : car là fuz enuoyé par mon pere qui grād terre y auoit , pour ses tributz leuer & receuoir , plusieurs fois fuz en celle terre . Vn estāg y a profond , qui iadis fut terre habitable , & maītenāt est plein de boue & de iōcz . Or oyez que la en celle terre de Frigie auint . Iupiter qui sur tous est le roy , & le trespuīsāt y vint iadis en mortelle forme , & y amena sō filz Mercure , muceans leurs æles , cōme estranges pelerins . Plus de mille hotelz cercherent , & requirēt qu'ōques ne peurēt estre hebergez en maison , fors en vne pauvre maisonnette , étroite , & basse , couuerte de roseaux , en laquelle auoit seulement vne vieille femme , sage , & piteuse , & vn viellard d'egal âge , qui des leur enfance y étoient assemblez , & y auoiēt demeuré sans auoir autre hotel toute leur vie . Ceux n'auoient point planté de richesses , mais en volonté paisible y auoient leur paureté soufferte , si leur auoit mois greué . Le preud'hō me auoit nom Philemon , & la femme Baucis . Tout leur tems véquirent tous deux paisiblement ensemble , sans riotter ne courroucer . Leans n'auoit seigneurne dame , ne seruāt , fors eux deux , qui seigneur & dame étoient secourans l'vn l'autre amiablement , sans comman-

der & sans contredire. Ainsi se contindrent, & estoient tenuz tout le tems de leur vie.

Quand les celestes vindrent illec, les chefs inclins entrerent en leur maisonnette: car autrement entrer n'y pouuoient. Sur vn pauvre lit qu'ilz auoient les fist reposer Philemon, & la fême par defaute d'autre couuerture leur courut mettre sur eux vne couuerture de petite valeur. Puis alla au feu pour allumer, & y mist ècorces & fueilles seiches, & du boys sec apporta. Puis mist au feu le pot plein d'eau bouillir, & le bon homme luy apporta des choux qu'il estoit allé cueillir au iardin, & celle les apareilla. Puis dépendit à vne fourchette vn dos de lard qui pendoit à vn tref. Philemon vn petit en tailla, & le mist cuire avec les choux. Baucis se hata le mieux qu'elle peut pour appareiller la viande. Et tãdis parloiet̃ ceux ensemble pour eux deduire & solacier. Philemon print vn grãd vaisseau de bois qui par l'ance pẽdoit à vn clou, & dedans mist eau chaude, & en lava leurs piez, ceux le souffrirẽt assez doucemẽt. Puis s'asirent sur vn faisseau de mousse verte, & sur vn chalit couuert de vielles nates: & nõ pourtãt si viel qu'il estoit, pas n'estoiet̃ acoutumez de le mettre fors aux iours solennelz. Assis furẽt au mãger, & la viande fut prete. Baucis par vieillesse tremblãt s'appreta de mettre la table, laquelle auoit vn piẽ trop court, si cro-

loit. Mais la vieille courut mettre souz le pié
un test, & torcha le banc de mēthe qui est her-
be odoriferēte, puis mist la viāde sur la table.
Ilz eurent de pmiere assise cornes emmiellees
& bayes. Puis eurent ris & choux, mol from-
mage & œufz mols & cuitz en la cendre. Si ny
eue vaillean que de terre ou de fust, ne le plus
riche hanap de leur hostel, & le pot ou le breu-
uage estoit n'étoit pas à refuser. Il étoit de fust
bien ouuré. Puis eurent leur lart, & leur poree
& vin frais. Quand à leur gré furent seruiz &
desseruiz de ces premiers metz, on leur donna
noix, & noisettes, dadelles, prunes & pommes
& au dernier, noirs raisins, & miel, & avec ce,
la bōne chere & le bō feu qui la viāde du tout
amēda. Et combien qu'ilz fussent pauures d'ar-
gent, si auoient ilz le cœur large & volonté ri-
che. Ilz departirent de leurs biens ioyeusement
& largement, selon leur possibilité. Et sçachez
que tant ne sçauoient verser du vin, que les potz
ne fussent pleins par diuin miracle. Et quād ce
miracle apperceurent les viellars, tresēbahiz en
furent. Et lors à iointes mains les adorerēt, &
prierēt que pardoné leur fust de ce que si peu
leur auoient donné. ilz auoient tāt seulement vne
oye, laquelle ilz voulurent prêter pour festoyer
les dieux: mais l'oye s'effraya & s'en volla, &
ceux la chasserent tant, qu'ilz la trauaillerent
durement. En fin l'oye qui doutoit la mort,

fnit pour soy garantir aux dieux qui la defendrent, & qui se reuèlerent aux bonnes gens, en disant: Dieux sommes sans faute. Les mauuais ribaudailles qui receuoir ne nous voulurēt en receurent la peine qu'ilz en ont deffleruie.




Et vous serez quittes & hors du dommage, pour vostre bonne & sainte vie. Or lairrez vous vostre habitacle, si viendres avec nous en la hautesse de ce monde. Lors s'en allerent les dieux, & ceux s'appréterēt de les suyuir de pres, chacun d'eux d'un baston s'appuyant en la mōtagne à leur pouuoir mōterēt. Point n'anoiēt plus à monter d'un trait de fagette iusques au sommet de la haute mōtagne, quand ilz regarderent derriere eux: si virent la terre & les gēs.

confondre & periller en vn profond abyme. Tout étoit condamné, fors seulement la petite maisonnette, ou tant auoient les deux viellars demouré. Et quand ilz veirent ainsi tout perir pitié leur en print, si en plorerent & aussi regretterét la perte de leurs voisins, & les trebuchemens de la terre. Lors virét leur vieille maisonnette deuenir haute & ample, & muer en nouueau tēple, puissant de pilliers, & couuert d'or par appert miracle. Portes entaillées y auoit, & grandes tourelles. Le temple étoit richemēt paué de pauemēt marbrin. Quand Philemon & Baucis virent ce, ilz se mirét en oraison. Iupiter dist amyablement à Philemon & à Baucis: Gent sainte & pitoyable, bōne digne & benigne que vous faut il, requerez ce qu'il vous plaist, & fait vous sera. Lors decouurirét leur desir, & dirent: Sire, plaist vous par votre plaisir, que dorenauant nous soyons en ce temple que la nous voyons, & que souuerains en puissions estre à tousiours. Et pource qu'amyablēmēt & en paix nous auons vsé tout nostre tems ensemble sans villennie & sans riote. vueillez que nous soyons tousiours ensemble, & nous prengne la mort a vne heure, & à vn iour. Si nous sera ioye de ce que l'vn ne voye la mort de l'autre. Et afin qu'en peine n'en tristesse ne soye de enterrer m'amy, ny elle moy. Leur priere fut otroyee. Tāt qu'ilz véquirét fu

rent souverains du temple, & prestres de l'oracle, & véquirent moult saintement. Et quand ce vint à leur fin que pluspar nature ne peurēt viure au monde, les dieux desquelz ilz auoiēt mis leur cure à seruir pour par leur grace des- seruir ne les voulurēt pas mettre en oubly: Car vn iour si comme dit la lettre, deuant leur tē- ple la ou ilz adoroient, racontans leurs auen- tures qu'en leur tems auoient eues & veues, & regrettans le dommage qui sur leurs voisins estoit auenu. Baucis regarda Philemon cou- uert de fueilles belles & vertes, & Philemon vit Baucis en telle maniere couuerte. La furēt eux deux tous couuerts de fueilles, excepté les visages tant seulement. Mais auant que cou- uers les eussent, alla l'un commander à l'autre à Dieu. Et tandis qu'ilz entendoient l'un à l'au- tre saluer, leurs visages se prindrent à couvrir d'écorce d'arbre: car leur bonne vie & œuvre ne fut pas étainte, ains leur fut richement re- muneree: car beaux arbres & vers deuindrent couuers de fleurs & de fueilles. Les gés de la le- me mōtrèrent & m'en conterent l'auenture & le miracle. Et certainement ie vis les arbres de- uant le temple, ou il auoit plusieurs vers cha- peaux pendans que les pelerins y mettoient pour l'hōneur & pour la reuerence d'eux. Et ie qui auoye aucū espoir, & pēsoye aucū biē des- seruir à eux seruir & honorer, y mis chapeaux

dediuer les fleurs pour faire aux deux dieux reuerence. Et dit q̄ celuy q̄ veut l'amour du dieu desferuir, doit honorer ceux q̄ dieu seruēt & honorerēt, & droit est qu'ō les serue, honore, & doute.

La punition d'Erichthonius, pour auoir couppe les bois de Ceres.



L Elex fina sa raison, dont tous ceux de la compaignee s'emerveillerent, & mesmement Theseus, qui le miracle & le pouuoir des dieux auoit en grande reuerence, & qui entêtement l'auoit écouté. Achelous dessus sō coté luy iacōra d'vn autre miracle, & dist: Plusieurs sont qui renouellent leurs semblances vne seule fois, qui plus ne peuuent changer celle forme qu'ilz ont par nulle maniere que ce soit.

Et aucuns qui diuerſement changent leur figure, leur forme, leur cōtenance, & leur nature: ſi cōme Protheus le dieu qui repaire en la mer, qui ſe peut faire par diuerſes mutatiōs iouuen-
 ceau, lion, ſanglier, bœuf, ſerpēt, pierre & arbre. Vne heure eſt eau courant : & autre heure eſt beſte deuorant. Ainſi ſe change & deguiſe en mainte guiſe la fille d'Erichthonius. Ceſtuy Erichthonius fut plein de rage & de cruauté, ſi ne voulut faire aux dieux reuerēce, ains depriſoit eux & leurs puiffances: & fiſt par ſa deloyauté detrencher le grād bois de Ceres que par apres cher luy vendit, comme ie vous diray. Au bois de Ceres la déeſſe eut iadis vn grād cheſne gros & ramu, plein de ſainteté ou les gens de la terre ſe ſouloient à grād preſſe vmbrager, pour querre ayde & ſalut, & meſmemēt y ſouloient les dames moult humblemēt & de cœur deuot offrir l'vne vn chapeau l'autre vne fleur: & ſi faiſoiēt enuiron dances & feſtes ſur la verte herbe. L'arbre auoit cinq toiſes de bois gros & de ſi haute lōgueur, qu'on ne trouuoit ſi lōg bois que moindre ne fuſt. Mais onques le fol enragé ne ſe voulut abſtenir de le violer: ains fiſt venir ſes ſeruiteurs pour l'arbre couper & rōpre. Et quand douter les vit de ſon commā-
 dement faire, il meſmes print en courroux la coignée, & diſt: Si Ceres eſtoit cy en preſence, i'n'auroye ie mercy de l'arbre: car plus volon-

tiers l'occirroye, q̃ necoupperoye l'arbre, lequel tantost feray tresbucher. Lors commença à ferrir le chesne pour couper, & le chesne commença à trembler & à gemir. Les fueilles, les glans & les rainceaux de douleur perdirēt leur verdeur. Du premier coup qu'il frappa au chesne, le sang en degoutta à plus grand ruisseau, que sil fust sacrifice d'un grand toreau.

M O V L T douterent & s'effrayerent ceux qui ce virent, & s'en esbahirent durement. Il y eut aucuns qui l'uy voulurent ôter la coignée, pour sa felonnie detourner. Mais il les regarda tresfeloncusement, & à trauers. Et l'un en prit & luy couppa de sa coignée le chef, en disant: Prens le loyer de ton seruice.

Puis de rechef vint au chesne, pour sa cruauté paracheuer. Lors fut vne voix ouye du chesne, qui dist: Tu qui as entamé ma nymphe agreable de Ceres la deesse des blezaymé trop est ton mauuais cœur troublé, quand pour courroucer ma dame & ma maitresse me veux comme enragé derompre & depecer: mais Ceres la tresbonne te fera cher comparer ton entreprise, & tō outrage. C'est ce qui me réiouira & confortera quād te verray en ce party, & ainsi le pphetize. Onques pour celle voix le felō au cœur enragé ne se daigna abstenir ne retraire de parfaire sa tresgrande déloyauté. Aīs dérompit & detrencha l'arbre, & si le fust à cor-


des tresbuscher & abatre. Lequel arbre en son cheoir abatit & foudroya le petit boys qu'estoit tout environ luy. Les nymphes du boys en eurent merueilleusement grand dueil, & en furent tristes & fort ebahies. Si regreterent à grand douleur le grand dommage du boys, & le leur. Elle s'assemblerent & s'en allerent vé-



rues de noir & fort éplourées & tristes deuant la déesse Ceres, & se plaignerent à elle d'Erichthonius, & si luy prièrent de cœur affectueusement qu'elle luy enuoyast honte & dōmage. Lors crola la déesse Ceres sa teste qui fut belle & pleine de blez, & dist que si grieue vengeance en prendroit, qu'onques d'homme n'en fut si cruelle prinse : car honteusement l'en destrui-

roit & feroit voir à malle fin. Pource qu'il n'appartient point à la déesse Ceres assébler ne communiquer à Famine son ennemie, elle appella vne des nymphes, qui delez elle étoit, qu'elle euoya éScythie, & luy mōtra la voye & le chemin meine à la mōtagne de Caucas⁹ au douloureux repaire, la ou Famine la chetue à sa demeure en vn sauuage lieu plein de froidure, & de détresse, loin de bois & de plains ou blé ne chose qui vaille ne croist : car il n'est bié qu'illec ne deffaille. La demeure Famine iaune & pâle, & tremblant en vne salle pleine de froidure la plus pauvre creature qu'on pourroit trouuer en tout le monde, laquelle s'en alloit herfant contre la terre, si cōme celle qui moult se douloit & cueilloit, & arrachoit aux ongles & aux dens des herbes pour se repaire, dont moult peu en ce pauvre lieu trouuoit. Celle pauvre creature auoit le visage moult pâle & velu, si auoit nom Famine. Elle auoit aussi les yeux profōds au front cteusez & mussez, & la teste fort herissée: car iamaispoit ne lapignoit. Elle auoit aussi les leures seiches, blanches & bleues: & les dēts pleines de rouille, de pourriture & de puanteur. Et si auoit le cuir du ventre transparāt, & tel que parmy luy apparoissoiēt les entralles. Ses os étoient secz & sans aucune mouelle, q̄ souz les courbez & tortuez reins luy étoiēt. Et son vētre luy étoit plat & fondu, ou

mucez étoiet boyaux vuides, & son pis luy pē-
doit. Elle auoit les cheueux herissiez & dressez.



Quand la nymphe vit famine, legerement
la congnut:mais elle la redouta tāt,qu'au plus
loin qu'elle pouuoit,elle se tint d'elle. Si l'ap-
pella de loin,& luy dist de par Ceres la deesse
ce que dire luy deuoit: & si tost que la Nym-
phe la vit,elle eut grand faim de manger.

Quand elle eut fait son message,elle remon-
ta incontinent sur son chariot, & retourna par
l'air en Thessalle, dont elle estoit partie.Et
Famine s'appareilla d'ensuyuir le commande-
ment de sa contraire. Puis monta sur vn vent
qui legierement l'emporta,tant que vint à la
porte de la maison,ou Erichtonius estoit pour

qui elle venoit. La dolente Faim entra legierement en la chambre ou le glouton demouroit & dormoit. Lors estoit nuit obscure, si se repeut la Faim au ventre & au cœur du dormant, & si fort l'expira qu'elle l'emplist de famine. Quand Erichthonius eut dormy en grād méchef se sentit, car du lieu plātueux & abondāt departoit & tournoit, la ou pauvre souffrette l'attendoit & ia y alloit. Erichthonius qui encores gisoit au liēt debatant par la faim ses leures & ses dēts mâchoit en vain, mais riē n'auoit. Et quād il fut eueillé il se leua moult hātivement, & apella ses cuisiniers & ses seruiteurs & leur commanda qu'ilz luy apportassent à manger, car il sentoit merueilleusement grāde angoissē de la faim, qui le detraignoit. Tout ce qu'on pouuoit trouuer de bō en terre, en mer & en l'air fist apporter pour manger, mais ētācher ne pouuoit sa faim: ains tāt pl' māgeoit & engloutissoit, de tāt plus s'affamoit & moins se saūloit. Il deuoroit pl' tout seul, q̄ tous ceux de son pais ne faisoiet, touz ainsi que la mer reçoit & boit toutes eaus & si n'en croist, & tout ainsi comme le feu ard la buche seiche, & tant plus qu'on luy en dōne tant plus en ard. Tout ainsi fut il plus villain, car tout ce qu'ō luy apportoit fut par luy deuoré, & rien qui fust ne le pouuoit suffire, car tant plus il māgeoit & deuoroit, de tant plus cerchoit & demandoit à manger



manger. Encores pour ceste merueilleuse rage gâta il tout son meuble, & tous ses heritages, tellemēt que pl^r n'auoit que māger ne que depēdre. Il auoit vne moult belle fille nōmé Meſtra, laquelle il voulut vēdre & en print les deniers pour vaincre, & assouuir sa faim, car tousiours ne cessoit de māger. Sa fille qui estoit de grand pris ne vouloit en nulle maniere estre suiete ne serue pour tel dāger, si print à fuir son seigneur & echeuer son seruage, & son maitre le print à suyuir, car de telle vouloit auoir la faisine. Mais la belle qui fuyoit deuers la mer tendit ses mains vers le ciel, & cōmēça à reclamer le dieu de la mer, disant en telle maniere.

La belle dist: Sire Neptunus, qui te daignas

Olympe

AA

avec moy gésir,& que mon pucelage m'otas par ton bon plaisir, ie te supplie deliure moy de ce seigneur, qui ainsi me chasse hâtivement à me detruire. Lors le dieu Neptunus qui l'auoit aymee, luy changea sa face & la mua en pescheur. Et pour yssir de la suspicion elle tenoit vne ligne en sa main,& son chef auoit enclin vers la mer, si cōme ont ceux qui acoustumément peschent. Lors suruint hâtivement le seigneur, qui achetee l'auoit,& demanda au pescheur, & luy disoit en ceste maniere. O pescheur que dieu te gard,& te doient grace de prendre tant de poissons que riche & puissant te facent, dy moy qu'est deuenue vne ieune fille mal vestue & decheuëlle, qui tout maintenant par icy passoit. Lors celle, qui par la grace de Dieu,& par sa mercy apperceuoit soy, & son habit chāgé. Certes preud'hōme dist elle ie ne sçay que nul ne nulle y vinst, ne passast depuis le tems que i'y suis venu, & aussi ne puis pas regarder sur tous les passans, car ie ne prens garde fors à seulement pescher. A tant s'en retourna le Seigneur,& la belle se detourna, qui grand ioye auoit d'estre ainsi echappée. Ainsi la belle Mestra fut vëdue, pour diuers deniers à plusieurs seigneurs,& de tous elle se defendit & echappa par diuerses formes, car l'vne heure voloit cōme oyseau, l'autre heure estoit vache, cerf, ou iument, si comme il luy venoit à

plaisir, pour rappaiser la faim de son pere; mais rié n'y pouuoit faire, qu'y vauisist, car tousiours alloit sa faim croissant de plus en plus, qui luy angoissoit.

Q V A N D Erichthonius, n'eut plus que manger, & qu'il ne pouuoit trouuer estrange matiere, pour appaiser sa grand faim, il print pour saouler son insatiable ventre, à menger ses membres & luy conuint son corps affoller, & briuemét à dire, tout se mâgea pour se nourrir tât que mourir luy cōuint, qu'õques ne le pouuoit en nulle maniere par priere n'autrement defendre la belle Mestra, qui en tant de nouvelles formes, se diuersifioit, pour rassasier le glouton. Et moy dist Achelous, qui des autres vo' ay dit, me puis muer en diuerses manieres. Ores suis serpent, maintenant suis riuie-re, & puis deuiens toreau fier & puissant, quâd il me plaist. Mais i'ay la dextre corne perdue dont dolent suis du cœur amerement, toutes les fois qu'il m'en souuient.

Fin du huytieme liure des hystoires Poëtiques.

AA. ij.

LE NEUVIEME LI-

VRE DV GRAND OLYM-
pe, des histoires poëtiques.*Le combat d'Hercules & d'Achelous, pour
la belle Deianira auoir.*

THeseus s'enquist comment Achelous auoit perdue la corne, dont fort commença à soupirer, car pour icelle il auoit le front deffait, toutesfois Achelous qui la teste auoit hericée & trecée enuiron de roseaux, respondit à sa demande. Il m'est grief dit il, de raconter ma honte. Comme diray-ie la bataille ou ie fus vaincu & abbatu sans vergongne, non pourtant ia pour honte ne pour vitupere ne

men tairay : ains le vous diray & raconteray tout par ordre, ainsi que la bataille fut. Poit ne me fut laid ne deshonneſte me rendre mar & vaincu comme il m'eust eſté de courir deuant ſi vaillant & ſi fort hōme, cōme eſtoit celuy à qui me combaty & qui me vainquit. Grand cōfort me fait encores la remembrance du vainqueur. Oeneus eſtoit celuy qui tint la dignité du regne en Celidonie, & de tout le pays d'environ, de ſi grand pays qu'il n'y auoit prince, baron ne cheualier, qui ne fuſt à luy obeiffant. A ſa deuife tint toute la terre paiſiblement moult long tems. Vne moult belle fille & bien apprinſe auoit. A elle former auoit nature miſe toute ſon entente & ſa cure : tellement qu'à peine eust elle peu recouurer à en faire vne pareille. Sa belle façon, ſon naiſ viſage, ſon front clair reſuiſant, ſes cheueux blonds, crespes & longs iuſques au deſſous de ſes genoulx. Et ſi auoit les yeux vers & rians, les ſourcilz traitifz, menton foſſelu bien faiât : & gentement pourtrait. Le nez auoit bien proportionné au milieu du viſage, qui à merueilles eſtoit bien coulouré. La bouche auoit vermeille, ſes dents blanches & menues, ſes leures auoit vermeilles, comme la roſe au moys de may. Et à brief dire tout ie corps auoit ſi parfait que deuife de langue ne le pourroit décrire ne raconter. Ceste belle damoyſelle ainſi formée à deuife

auoit nom Deianira. Ne scay s'onques la veistes, ne s'onques en ouytes parler. Elle fut courtoyse & de grande renommée. Pour laquelle chose, plusieurs grands seigneurs & haultz hommes, furent de son amour esprins, & la requirent à mariage. Hercules le filz d'Alcmena, qui auoir la vouloit, falloit vantant de ses victoires, prouesses, vaillances, & disoit au roy Oeneus p maniere de venterie, telles ou semblables parolles. Bon & trespuissant roy, le proufit & l'honneur de vostre fille seroit, que la me donnissiez à épouse & en mariage, car la renommee de mes prouesses, & vaillances est epādue par tout le mōde, & si suis de nobles parés, filz à Iupiter le souueraī Dieu. Et d'autre part, ie disoye que mieux la deuoie auoir que luy, car de Celidonie etoye, & nō d'etrāge pays. Et si auoye possēssiōs richesses, & auoir pl⁹ que Hercules, qui etrāge estoit & nō cōnu. Et ainsi ne luy cōuenoit, pour querir riche mary plein d'hōneur & de noblesse aller en estrange pays.

T A N D I S qu'ainsi blamoye Hercules par fiereté me regardoit, comme celuy qui tout ardoit d'ire & de maltalant, tellement que bien cuydoit forcener, se vanger ne s'en pouuoit. Il ne peut plus longuement refrener son courroux, si dist fierement. Vassal dist Hercules: de vos reproches & blames ne quiers ou demāde rendre, la pareille par parolles,

mais sçauoir vous feray briuemēt de fait sans rancer ce que i'entens de faire . A tant & sans plus parler me courut Hercules sus, en la presence du Roy Œneus. Et moy qui tant l'auoye vilenné, laid & honte m'eust esté de fuir, & aussi que courageux & hardy i'estoie, m'appareillay pour defendre mon corps, si ôtay mon manteau de mon col pour mieux à deliure me combattre, si assemblâmes l'un à l'autre moult fierement, car moult estions de grand courage pour l'amour de ladicte dame, longuement dura ceste luitte, tant que Hercules d'ire mua couleur & pallit. Lors s'abaisla vers l'araine, & print pleine sa main de sablon qu'il me ietta au visage . Moult me requist & assaillit Hercules de grande maniere. Mais onques ne me peut mouuoir ne tourner, car autāt pesoye comme vne tour. Ainsi comme les flotz de la mer ont accoutumé d'assaillir & battre la roche pesante qui ne suit les assaux d'iceux, par la pesanteur qu'elle à, ainsi ne me pouuoit Hercules çà ne là remouuoir ne traire, pour chose qu'il sceust faire. Pour nostre alaine reprendre, nous élongnâmes l'un de l'autre, & puis subitement nous rassemblâmes par grand rudesse . Onques ne fut plus cruel assaut veu de deux toreaux, pour l'amour de la vache, quand elle est en sa saison, que nous fimes pour la belle Deianira. Par trois fois m'assaillit Hercules, que petit

conquist sur moy , mais la quatriesme fois il m'embrassa , & entrelassa mes deux bras entre les siens, & si me ferra le corps par telle haine, & par telle vertu , qu'il m'estoit auis que plus ferré n'eussè este entre deux roches. Et tellemēt que l'eau pour celle angoisse me decouroit au long du visage, que tout le corps me mouilloit. Mais toutesfois tāt me détordy & m'euertuay, que de luy fuz délié & defait.

L O R S le preux Hercules me print , & tant me hara , qu'il ne me laissa mon alaine reprendre, si me pena moult & trauailla, & si me saisit par la teste & me bouta de luy par telle vertu que vousisse ou non allay la terre à genoux baiser, & lors me saillit sur le dos. Quand ie vy que rien ne me pouuoit valoir, & que force ne pouuoye vers luy auoir, deceuoir le cuiday par science & par art. Si me muay en vn grand serpent , & me prins à remuer dessouz luy tant que luy eschappay à grand peine, si prins à siffler , mais lors que Hercules vit ma tromperie & ma cautelle , tenir ne se peut de rire , & en riant me dist: Moult petit prise ta deception & ta cautelle, i'ay bien appris à surmonter plus fort lyon, que tu ne soyes serpent. I'ay domtay, dist il, par mon effort , les deux serpens felons & hideux que ma marâtre auoit enuoyéz à mon berceau , pour me deuorer & occire en mon ieune aage. Si déconfitz aussi l'Hydre, qui

de diuerses testes estoit pourueu, & qui tant auoit de puissance, que quand ie luy trenchoye l'une des testes deux autres luy en reuenoient incontinent. Mais ce nonobstant, ie le mis à destruction. Et toy par ta mutation serpentine me cuides deceuoir maintenant. A cemot me courut sus Hercules, & me print par la gorge, & à ses deux mains si etroittement m'etraignit, & empoigna, qu'auis m'estoit qu'on m'etraignist de tenailles de fer, si me détordoie moult durement, & vigoureusement cuidant echapper la puissance de mon ennemy, mais il ne me fut possible. Adonc me transmuay en fier toreau sauuage & cruel, & en ceste figure m'appréta à la bataille. Lors me courut Hercules sus sans arrest, & me print par ma corne dextre & me tint par telle vertu, qu'à terre de rechef m'abbatit. A ceste cheute euz ma dextre corne etrainte & rompue, laquelle les nymphes Naiades prindrent & l'emplirent de fruitz, & de fleurs, & de choses aromatiques, & l'ont consacree en grande dignité aux dieux: A grand peine Achelous auoit finy son propos, que va venir vne belle pucelle d'echeuelee, qui estoit ceinte d'une large ceinture, qui la corne pleine de plusieurs & diuers fruitz, leur presenta pour les festoyer apres souper.

LENDemain à soleil leuant, s'appréta Theseus de retourner, sans arrest en Athenes

d'ou il estoit & emmena ses compagnons avec luy, il ne voulut attendre iusques a tant que les grans fleuves fussent écoulez & retraits, de la grande & profonde riuere, qui encore surundoit & flotloit, ains s'en alla avec les siens en Athenes, qui estoit de son demaine. Et Achelous demoura qui cacha dans l'eau son chef écorné qu'il auoit enuironné de rameaux, de saulx & de roseaux pour couvrir sa honte. Et moult estoit dolét & triste de sa dextre corne, qui ainsi estoit rompue. Mais encores ne luy montoit rien cestuy ennuy, enuers celuy qu'il auoit de la honte que Hercules l'auoit vaincu, en la presence & au regard de la dame, de laquelle il estoit debouré. Onques depuis ne véquit vn seul iour que honte ne eust. Et encore luy pesoit plus la perte de s'amy Deianira, qu'il ne faisoit d'auoir esté vaincu.

La deffaitte de Nessus le Centaure, qui voulut tollir Deianira à Hercules. Et de la chemise enuenimée que Nessus donna à Deianira.

QVand Hercules eut à force de corps gagné la belle Deianira, la voulut mener en son pays de Grece, mais au passer d'une grande riuere fiere, horrible & legiere en son cours il ne trouua ne port ne bateau, si eut grand doute & soin, comment s'amy passeroit. Lors étoit enuiron icelle riuere vn Centaure nommé Nessus, lequel moult estoit enuieux de la gran-

de renommée qu'auoit Hercules par tout le monde. Il vit Hercules qui avec sa nouvelle



épouse cherchoit passage outre la riuere, pourquoy il pensa que tems estoit de mettre fin à son intention. Quand le Geant Centaure vit la tresgrande beauté de Deianira, moult la conuoita en son courage, & pensa la maniere comment il la pourroit embler & fortraire à Hercules, si luy dist. O Hercules baille moy ceste dame de laquelle passer tu es si empêché & ie la mettray outre ceste riuere sans aucun danger: car ie suis grād & fort, & si sçay le passage. Et toy qui es plein de force, viendras bien apres nous nageant le chemin que ie t'enseigneray. Quand Hercules ouyt le Geant Cen-

faure ainsi parler, cuydant ceste chose luy estre dite par bonne foy, moult ioyeux de ceste presentation, luy chargea la belle sur le dos, qui moult epouventee & effrayee estoit pour l'eau qui grande, profonde & impetueuse estoit, & aussi pour la laidure & difformité du Cétaure, sur le dos duquel elle estoit. Là fist Hercules duloup le pasteur, quand la belle liura au traître qui de felonnie estoit plein. Hercules ietta outre son arc & sa massue, & puis sans attendre saillit au gay tout vêtu & sans demander : la plus paisible eau passa outre hativement.

HERCVLES quand il fut passé outre la riuere, tandis qu'il s'abaiissa pour prendre son arc & sa massue, il ouyt Deianira s'amyie crier en grand déconfort, qui d'ayde auoit grand besoin, pour le Centaure qui outre son gré l'emportoit. Lors luy écria Hercules : Ha mauuais & deloyal traître, qui t'a fait si hardy de vouloir raur m'amyie, & le soulas de mon cœur, certes ainsi ne l'emmeneras pas : car tost, compareras la force & la violence que tu luy fais, ne ia pour courir que faces ne me eschapperas, car ie t'auray quand il me plaira, & ainsi que bon me semblera. Lors Hercules banda son arc, puis luy tira vne fleche parmy la poitrine, dont le naura, tellement que de l'autre part apparut la pointe de la fleche mortelle. Et quand Nessus se sentit ainsi atteint & nauré, d'ire & d'agoille

sechauffa, si se pensa & dist en soy mesmes :
Maintenant contre Hercules ne puis aucune
defense auoir, ne la mort echapper : car la fle-
che dont ie suis atteint est entoxiquee & plei-
ne de venin. Mais bien sera cy apres vengée ma
mort, car bien luy cuyde par temps redre la pa-
reille. A temps s'arresta Nessus, & tira la fleche
hors de son corps, & le sang des deux pars en
saillist qui tous ses vêtements enuenima, pour
le venin qui avec le sang estoit meslé. Puis ap-
pella Nessus la dame, & luy dist : Belle damoy-
selle, dist il, pour vostre amour me conuient icy
mourir, mais pour cela ne vous en haïray,
moult aimez vostre seigneur, ioye & honneur
vous en doint dieu. Il a le cœur moult volage,
comme celuy qui par le monde va querant les
auentures, tost trouuera nouuelle amye, & vous
laissera, mais bien vous en sçauray conseiller.
Voicy vne chemise laquelle vous luy baillerez
pour vestir, par vertu de laquelle il n'aymera ia-
mais autre que vous, & ainsi le tiendrez en vo-
stre amour, tant & tellement qu'il vous plaira.
Trop est femme muable & folle, trop legieré-
ment croyant & plustost son contraire que son
bien, & aussi tost son dōmage que son profit.
Bien cuida Deianira que Nessus son mortel en-
nemy luy conseillast & dist verité, & son tres-
grand bien. Si receut & print de luy la maudi-
te & mortelle chemise par son enhorrement :

Et bien & secrettement la garda comme celle qui trop tost creut le deceuable conseil de son aduersaire, & qui bien cuidoit par l'enhortement d'iceluy garder l'amour de son mary.

Les secondes amours d'Hercules enuers Iole la belle prisonniere.

SI comme l'histoire afferme, maintinst Hercules long tems son épouse Deianira sans autre acointer, & alloit pour sa prouesse exaucer par le monde cerchant auentures, ou il cōquetroit terres & regions, pays & prouinces. Sangliers, Lyons, ne monstres qui mal fissent aux hōmes, ne laissoit qu'il n'occist & detruisist, & moult en tua par sa grande hardiesse & force, & si parfist & acheua mainte grande & haute entreprise. Il étoit sage, bel, & bien entaillé, & formé de corps, parquoy il fist apparoir par tout le monde ses proesses & vaillāces. Et quād il eut au monde tant fait que plus ne trouuoit que besongner ne que cōquerir, il s'en alla mener guerre en enfer, & tāt fist qu'il le débrisa, & emmena le prince enchainé, de grosses chaines de fer. Moult à amours grande puissāce, quād des grands seigneurs & des plus puissans hommes du mōde elle fait ses seruiteurs. Les orgueilleux fait hūbles & courtois deuenir les couardz fait hardis, & par contraires les hardiz fait couardz. Je dis ceste chose, pource qu'Hercules estoit vn iour en Thessale, dour

nouvellement auoit la seigneurie acquise, ou amour luy fist vn si dur assaut sans lance & sans aucune armeure, que d'vn seul regard le vainquist, & le mist du tout en seruage, luy qui accoutumé auoit de vaincre les autres, fut vaincu. Lors trouua Hercules son maistre qui onques au parauant n'auoit trouué pareil. Bien luy fist amour sa force eprouuer qui l'embrasa & poignit, tellement qu'elle luy fist prendre nouvelle amoureuse, se fut la belle Iole sa prisonniere, qu'il auoit trouuée en Thessale à la conqueste d'icelle.

HERCVLES tant ayma Iole & si tresparfaitement, que pour elle mist en oubly Deianira sa compagne & epouse, qui tant auoit aymee, & non pas elle seulement mist en oubly, mais toutes prouesses, vertuz, vaillances & forces, tellement que de luy mesme ne luy chailloit fors seulement d'Iole sa nouvelle amye. La belle n'auoit autre seruante ne chambriere à deuuyder les fuseaux qu'Hercules. Bien détourne & déuoye amour ses subietz & en fait ses ieux, & ses ébatemens. Bien étoit Hercules prins au giron d'amour, & moult détourné de ses vertuz & vaillantes prouesses, quand il auoit oublyé de sa force sa hardiesse, & son grand gouvernement, pour vne damoyelle sa prisonniere. Et tant la craignoit & doutoit, que pleinement ne l'osoit.

regarder au visage, ains fremissoit & trembloit quand elle par courroux le regardoit. Pas n'est vn fol à blamer, si par amour folie. Quand Hercules, qui tant auoit de sapiëce puïssance & valeur, fut si detourné & si deuoyé, q̃ la belle Iole qu'il aymoît le detenoit si subiet, & tellement le demenoit, qu'il s'abaissoit souuent à leuer le fuseau, à filler, & prendre à son coté la quenoil le de s'amyë, & fut si duyt & si habille en cestuy art, qu'il sçauoit bien déuuyder la soye, & se essayoit au tissus faire, & point ne luy deplaisoit carpir la soye ou la laine de Iole son amyë, & aussi la belle pour le faire encore plus embraser, se paroît souuent en guise d'homme, & se vétoit de la peau d'un grand lyon, qu'Hercules souloit vétir pour assaillir les fors geans, & portoit l'arc & la massue, & le carquois plein de fleches, dont Hercules auoit fait maintes grandes entreprises. Et pareillement faisoit elle à Hercules affubler tous ses habillemens, & l'en paroît, & puis luy faisoit vétir sa robe, & l'attournoit à guise de femme. Et si l'aornoit de manteau de Pelisson, de coiffe de philandre, & guympe, de cœuurechef & de chapeau. Simple & humble le trouuoit à faire du tout son commandement. En ce point alloient Hercules & Iole s'amyë par les forestz, & par les chams demenans leur deduit.

TANT longuement dura ceste maniere
d'amour

d'amour entre Hercules & Iole, que Faunus vn dieu sauuage qui auoit piez & cornes de chieure, auoit la belle Iole veue de drap de soye & d'or vetue, & de telz habilleme's qu'a telle femme appartient. Celuy qui tropla desiroit s'en vint vne nuit, ou ilz estoient l'vn pres l'autre en vn li't couchez, si desguiseement vetuz, que la belle auoit les vete'mens du baron Hercules, & il auoit vetu ceux de elle, & de Faunus qui sentoit l'et'icelle de folle amour qui le contraignoit, entra en la chambre, & print & embrassa celuy qui vetu estoit de la robe feminine, cuidant que ce fust Iole si le voulut opprimer & violer, mais quand Hercules le sentit il le debouta arriere, tellemet qu'a peu qu'il ne creua, & a tresgrande peine se peut releuer de la terre, & quand Faunus fut releue a grand honte s'en fuyt, le plustost qu'il peut.

La mort du preux Hercules par la chemise enuenimee, que sa femme Deianira luy enuoya.

REnommee qui toutes nouuelles rapporte vint a Deianira, & luy raconta de poit en poit l'estat de son mary Hercules, & de tout son ma'itien, & come vne damoy'selle sa prisonniere le detenoit p'isonnier en ses amours. celle la creut legerement come ont de coutume les amoureux, si se reclama & noma maintes fois chetive & malheureuse, comme celle qui tant de dueil & d'agoisse en auoit, q' nul ne le pour-

Olympe.

BB.

roit racôter. Nul ne sçait q̃ vaur telle angoisse,
fors celuy qui de ialousie est entaché: car il ne
est douleur pareille à elle, Deianira pour ces
nouuelles perdit sens & auis, & en cheut à ter-



re comme toute pâmee . Et quād elle fut reue-
nue, a elle mesme se cōplaignit moult longue-
mēt, en détordant ses mains & égratignant sa
belle & tendre face, puis s'écria à haute voix, &
dist en telle maniere: Haa dist elle, lasse dolé-
te folle & pauvre que ie suis. Certes grādemēt
se méprit & abuse celle qui en trop haut hom-
me mēt sō amour, mieux me vauisist auoir pris
mary de mon estat & connoissance, que m'e-
stre alice à si grand homme, comme est mō sei-
gneur: car mieux m'aymast & cherist vn hō-

me de plus bas parage & condition que celuy
ne fait. Hercules ne m'ayme ne prise. A trop
haut me suis prinse. Et pource me desdaigne
mon époux, & point ne m'ayme, ains à accoi-
té nouvelle amye, & croy qu'il la veut faire cy
venir. Mais s'elle y vient, ie pense luy faire sen-
tir mon malalent, si a mes mains la puis tenir
car au monde n'est chose que tant ie haye, que
celle qui l'amour de mon seigneur m'a tollue
& fortraite. Moult fut Deianira dolente pour
Hercules son mary, qui auoit de nouveau ac-
cointé Iole sa prisonniere. Si se pensa le retrai-
re vers elle de la chemise que Nessus le Centau-
re luy auoit baillee à sa mort, quand pour elle
l'occist Hercules. Deianira douques venue en
ceste pensee print tantost la chemise enueni-
mee & maudite, & appella son secretaire Ly-
chas, si luy bailla & luy commanda porter icel-
le prestemēt & sans arrest à son seigneur Her-
cules, & luy dōnast de par elle ce presēt. Moult
cuydoit la dame bien ouurer, & par ceste mau-
dite chemise recouurer l'amour de sō seigneur
Pas ne sçauoit le grand meschef que de ce pre-
sent luy étoit de brief à venir. A tāt s'en alla Ly-
chas le malheureux messāger, & tāt quist Her-
cules, qu'il le trouua pres de s'amye, si luy pre-
sēta de p Deianira sa dame, la maudite chemise
aīsi que cōmādē luy étoit. Hercules qui rien
de la trahison ne sçauoit, la prit & la vėtit. Et

aussi tost qu'il l'eut vetue, le venin s'en alla tã-
tost épandre parmy son corps, qui luy commē-
ça à embraser la peau & les veines, dont moult
fut angoisseux. Mais par séblât refrenoit & sou-
tenoit Hercules le mal, tant cōme il pouuoit.
Neantmoins croissoit de plus en plus son mal,
& tellement, que de la grande angoisse qu'il
sentist il commença à crier & à braire, comme
femme trauaillant d'enfant. Et quand plus en-
durer ne peut la tresgrande angoisse, il se print
à sa chemise rōpre & déchirer cōme forcené.
Mais oncques pource n'en peut piece arracher
qu'il n'éportast de sa peau avec. Le venin de la
chemise l'ardoit, & luy bruloit tout le corps &
les entrailles, tellement que le sang luy bouil-
loit & defrisoit, si comme fait le fer chaud que
on iette dedans l'eau froide. Hercules dōques
en cest estat constitué, ne se sçeut conseiller ne
ayder en cestuy besoin: car le venin luy bruloit
routes les entrailles, & si luy cuysoit les nerfs
& retraioit, dont il ctioit de l'āgoisse qu'il fen-
roit, & rendant ses mains vers le ciel, dist cōtre
Juno. O marastre de malice, éiouys toy main-
tenant en mon martyre & en ma pestilence. Et
si tu de tō ennemy que tant vois maintenāt en-
trepris de maux & d'āgoisse peux auoir pitié
ou mercy, s'estre doy ton ennemy, & si de rien
t'ay courroucé, occis moy prestement, & m'o-
re de ceste vie qui me déplaist: car trop mieux

me plaist la mort que la vie, bon gré te sçauray si par toy m'est la vie ôtée. Tel dō peut bien donner la maratre à son fillatre. Haa dieu, mal fut pour moy ma grand valeur exaltée, quand en si grandes douleurs ie meurs, de honteuse mort. Onques en mon viuant ne trouuay qui me fuyst, ne qui me peust contester. I'ay mis a mort Hydra à sept testes au palu de Lerne, ie deffis le grand Lyon de Nemee aux prieres de mon hote Molorchus le pasteur & vn autre en Thessale, le sanglier de Menale en Archadie. Ie conquis à course la cerue de Parthenie aux cornes d'or & piez de fer, les harpies stymphalides pres du lac d'Archadie abatiz à flèches. Ie coupay la gorge au toreau furieux vomissant le feu qu'estoit en Athene. Ie rompis la corne à Achelous, qui se chāgeoit en diuerses formes. Diomedes le tyran & Baufiris le roy cruel par moy furent occis. Antheus le geant filz de la terre fut à la luyte par moy vaincu. Ie ravis les pōmes d'or des Hesperides en tuant le dragon veillāt qui les gardoit. Gerion le geant à trois corps fut par moy dépouillé de son bestail. Ie otay la ceinture à la royne des Amazones. Cacus le larrō filz de Vulcan iettāt feu par la bouche sentit ma main. Nessus le Cétaure ravisleur de mamye Deianira, tuay d'un traict. Troye a été par moy détruite, Hesionne fille à Laomedon fut par moy deliuree du mōstre. I'ay sou-

revenu le ciel de mes épaules, & aydè à Atlas.
 J'ay surmonté Cerberus chien à trois testes, &
 l'ay enchainé. Onques ne peuz estre conquis
 fors par Iuno ma marastre, qui tousiours à
 cherché & quis occasiõ de moy dômager, mais
 ores suis venu à ma fin, par ce venin qui tout
 me brule & art, & n'en puis auoir guerison.

*La mort de Lychas qui porta la chemise
 enuenimee à Hercules.*

Q Vand Hercules eut assez lamenté sa pro-
 chaine mort, sentât le venin inéuitable,
 se maintenoit cõme beste brute & insésible,
 courant ça & la. L'vne heure fremissoit, soupi-
 roit & gemissoit, maintenât regrettoit sa robe
 comme celuy qui tout vif enrageoit, pour le
 venin qui l'ardoit & tiroit a la mort. Et cõme
 Hercules estoit en telle detresse, Il regarda
 deuât luy, & vit Lychas qui luy auoit le mortel
 present apporté. Lors l'arraisonna en telles
 parolles: Lychas, tu m'as apporté le present
 qui m'a mis à mort, mais tu en auras guerdon,
 tel qu'a tel present appartient. A tant le print
 Hercules par les cheueux, & Lychas qui estoit
 moult ebahy luy cria mercy, en foy excusant
 gracieusemēt du mal qui luy estoit auenu:
 mais riē ne luy valut, car Hercules le lâça en la
 mer Euhoique, & moult lôguemēt le fist auāt
 par l'air balācer, si que le corps en volant se de-
 mēt & éroidit cõme dur marbre. Droit en la

mer Euboique y a este veue depuis vne petite roche en semblance d'homme, que les gens appellent Lychas. Plus ne peut Hercules endurer le grād tourmēt & ardeur du venin quil'opressoit, vn grād feu fist en vn bois. Son arc & ses fleches & sa trouffe laissa à Philoctetes son cōpagnō: car il ne voulut point quilz fussent perillez ne pduz pour ce que les dieux auoient predestiné que par eux seroit vne autre fois la cité de Troye exillee, puis se coucha Hercules au feu, & mist sa massue desouz son chef faisāt semblant que le feu luy plaisoit biē, & la mort avec la flambe ont tantost le corps degatē.

La Deification d'Hercules.

LE S dieux trēbloient de peur, pour le terrible vengeur, qui estoit venu à sa fin. Et Iupiter luy dit: Le reçoÿ ioyeusement ce dueil, & la deplaisance que vous auez de mō filz & de moy: car ie tiens tout ce quil aura fait soit bien ou mal, il l'a fait à mō hōneur, mais mestier n'est qu'on doute de sa mort: car soyez certains que celuy qui a vaicū tout, vaicra biē ce feu. Et vulcan n'a pouuoir enuers luy, fors à la partiē quil a prinse de la mere. Ce quil tiēt de moy est eternal & immortel si le trairay de terre, & le deifieray au ciel d'embas, & si l'exalteray tellement que les celestes s'en éiourrōt de la grande ioye quilz auront. Et s'aucun y a q n'é vueille souffrir, & qui de ce se cōplaigne



ilz apperceuront qu'il auoit bien cest exaltement desseruy. Si ne lairront ia par enuie que malgré eux ne le louët. A ce que Iupiter oyret pour Hercules dire s'accorderet tous les dieux & deesses, & mesme Iuno, fors que tant seulement elle se doulut de la derniere parolle, ce est que malgré elle & les autres il seroit adoré pour dieu. Le mortel feu gata & deuora tout ce qu'en Hercules fut mortel, onques la mort ne le deporta de rié nō plus q̄ d'ū autre hōme eut fait, si que rié n'y demoura, fors la force du peré. Et quād la mort se fut vers la chair aquisitée resuscita & fut tout nouveau. Iupiter sō pere l'éporta en vn chariot aorné de luyssates étoilles. Athlas qui le ciel soustenoit sentit bien

la pesanteur du faix, & si comme le serpent ieunist & renouuella sa peau. Ainsi par la mort trāsitoire se vėtit Hercules de gloire ęternelle. Buristheus son ennemy n'estoit point encore rappaisė, ains s'efforęa de son filz confondre, quād a luy aduenir ne peut. Ainsi fut Hercules deifiė es cieux, mais auant que les gės son glorifiemėt sceussent par tout, fut sceue de la mort qu'il auoit receue. Moul en fit Iole grād dueil & moul ęgratigna sa face & dęrompit ses cheueux & son beauvisage. Mais petit est à priser dueil que femme face: car grand le fait de neant, elle rit du cęur & si pleure de l'œil, & tāt ayt elle grand dueil au cęur, si l'a elle oubliė en peu d'heure. Tandis que femme pleure son mary qu'on porte en terre, si pourpense elle pour en querre vn autre. Pour Hercules fit Iole grād dueil, maistost trouua nouuelle amour d'Hyllus filz à Hercules qui la print en mariage, dont il vint noble lignee.

Le dueil de la mere d'Hercules pour la mort de son filz, laquelle raconte à sa nymphe sa naissance.

QVand Deianira ouyt les nouuelles de la mort de son seigneur, & par sa coulpe, elle s'occist de la mesme ępee que Hercules auoit laissėe en sa chambre. Alcmena la deconfortee mere d'Hercules n'eut illec parent ne amy à qui elle peust dire son conseil & son courage decouurir, ne qui la cōfortast du tresgrand dueil qu'elle auoit de la cruelle mort



de son filz Hercules fors Iole. A celle se deporta Alémena, & luy raconta tout par ordre les auētures & les peines que son filz auoit souffertes en terre, pour aquerir louenge & bōne renōmee. Cōment le grand dieu Iupiter l'engendra en elle sans semence d'hōme morrel, & comment elle lauoit porté neuf mois en sō ventre, & quand naistre deut, comment elle en étoit grosse: car il étoit plus grand qu'vn autre enfant de trois ans ne deuroit estre, dōt la souuenāce luy en étoit encore en horreur, & ainsi à grād peine pouuoit souffrir la vērēe. Et cōmēt quand elle deut enfanter sept iours & sept nuitz en trauailla sans dormir, & sās cesser d'appeller Lucina la deesse d'enfātemēt en sō ayde:

mais elle n'auoit cure de luy ayder en ce grand besoin, ains détourboit qu'elle n'eust enfant par le moyen & cōmandement de Iuno. Deuāt la porte estoit assise Lucina iambe sur autre autour ses mains entrelacées, commençant en bas vn charme d'enchantement, son enfancement detourbant, afin que l'enfant n'y fust hors de sa mere. Alcmena s'efforçoit de mettre le diuin enfant dehors, tellement qu'à peu que le cœur ne luy fendoit, de la peine & du tourment que elle sentoit, moult appelloit l'ayde d'icelle qui luy nuysoit, iour ne nuit ne cessoit de crier & de braire, & de soy complaindre à Iupiter, & apres suplioit & requeroit les dieux & déesses, & leur faisoit vœuz & promesses: afin que propices luy fussent à son deliurement. Il n'estoit à brief dire si dur cœur, qui pitié n'en print fil: l'ouyst. Ses parentes & ses voisines venoient entour elle plorans, & faisoient vœuz & promesses aux dieux, afin qu'ilz luy fissent allegence, mais onques pour promesses ne pour prieres ne luy furent aydables.

La ruse de la seruante d'Alcmena, pour la faire enfanter d'Hercules, & de sa mutation.

LOrs auoit leans vne chambriere gente de corps, plaissante, amiable, apperte & serua-ble, extraite estoit d'hūbles parens. Celle pucelle estoit nommée Galāthis, qui se pésoit, & aussi

le cœur deuinoit que sa dame auoit aucun cō-
traire, qui ne la laissoit enfanter. Tādis entroit
& yssoit souuent de l'hotel en la rue, elle aper-
ceut Lucina la déesse assise deuant l'hotel, en
moult epouuētable guise, vn genoil sur l'autre
entrelacé de ses deux maīs. Et quād en tel estar
l'eut veue biē sceut qu'elle estoit celle qui sa da-
me gardoit & empēchoit d'ēfanter, si luy écria
& dist en telle maniere: O femme qui que tu
soyes qui la siedz, ie te prie appaise toy & cēsse
ton ire, fais ioye, car Alcmēna ma dame & ma
maitresse est deliurée d'vn beau filz, ie l'ay
veu. Quand Lucina ouyt Galanthis ainsi par-
ler toute ébahye, saillit sur ses mains tirās à el-
le, & ainsi changea son charme, & lors se deli-
ura Alcmēna d'vn beau filz, qui depuis fut nō-
mé Hercules, & qui depuis fist tant de nobles
auentures dignes d'ēcrire. Galanthis voyant
qu'auoit si bien deceue la déesse, commença à
rire pour la cautelle qu'elle auoit trouuée. Lu-
cina fut moult dolente, & grand ire eut en son
cœur de ce que Galanthis l'auoit ainsi deceue
par sa menfonge, si luy courut sus sans demou-
rance, & la print par ses blondz cheveux, & la
traina à terre. Galāthis se cuyda redresser: mais
la déesse la fist rabatre, & si luy mua sts mains
en piez, & tout le corps luy accourfa. Sa no-
blesse & son appertisse luy demoura: car elle
deuint belette. Et pource qu'en mentant par sa

Bouche elle ayda l'enfantement de sa maitresse, enfante elle par la bouche, & si demeure aux bons hotelz, si comme elle souloit faire.

Le propos que Iole raconta à Alcmena de sa sœur, pour l'appaiser.



Alcmena racontant ces choses, ploroit tendrement: & Iole la print à reconforter par amour, & luy dist: Dame, ie vous prie que vous vueillez mettre à voz pleurs fin, & ie vous raconteray d'un méchief qui auint à vne mienne sœur. Mais tant ay douleur au cœur quand de sa dolente meschance me souvient, que ie pers toute ma parolle. Mais non pourtant ie le vous conteray pour vous solacier.

Iadis euz vne sœur de par mon pere, nommée Driope qu'il auoit eu d'une autre femme: celle estoit moult belle damoiselle, & prisée entre les autres, si l'epousa pour sa grand beauté, vn noble cheualier nommé Andremon. Or auint vn iour que ma sœur vint sur vn lac, qui auoit la riue tortue, celle qui ne se gardoit de la malheureté qui prochaine luy étoit à auenir, portoit vn sien filz entre ses bras pour le solacier, & l'alloit allaictât. Cestuy filz auoit nom Amphisus. Sur ce lac cueillit vn rinceau fueillu de Lothos, pour en faire chapeaux aux nymphes, duquel le sang commença à saillir, & des fleurs pareillement. Mais quand de l'arbre & des fleurs vis le sang degouter, ie commençay à trembler & aller arriere. On dit qu'anciennement y fut muée vne nymphe, qui mist le Dieu Priapus en refus. Celle nymphe fut appelée Lothos, & l'arbre ou elle fut muée étoit de mesme nom. De celle chose ne sçauoit rien ma sœur Driope, quand elle vit le sang moult se douta, & arriere s'en voulut retourner, mais elle ne peut: Car ses piez furent detenuz & muez en racines, & son ventre d'ecorce fut couuert, dont la pauvre eut grand dueil, elle voulut ses cheveux dérompre, si print les fueilles à arracher: car ia son chef estoit couuert de vertes fueilles au lieu de cheveux, les mammelles que l'enfant sucçoit, tarirent & enroidirent.

A tout ce estoie presente, & si ne luy pouuoie
 dōner aide, ne la retraire hors des rinceaux,
 ne de l'arbre, dōt rāt dolēte fuz, que bien vou-
 fisse estre pareillement muée, cōme elle estoit.
 A ces merueilles icy tātost vint Andremon son
 mary, qui trop s'en ebahit & emerueilla. Et
 quand il vit sa femme muée en peschier, il cō-
 mença à l'accoller & baïser, ia n'auoit elle rien
 qui ne fut couuert d'ecorce, fors seulement son
 visage qui encores apparoiſſoit. Elle iettoit de
 tout son corps larmes, dequoy toutes ses fueil-
 les elle arrosoit, & moult se complaignoit, &
 dolosoit en disant: Ie seuffre ces peines sans
 mes dessertes, onques ie ne fis chose pourquoy
 ie deusse auoir telle malle auenture. Si ie mens,
 seicher puisse, & mes rinceaux soient de-
 tranchez, & au feu ars & en cendre. Puis dit la
 chetive: O mes amys venez à moy, & m'aydez
 vn peu à soustraire ie vous en prie, & otez cest
 enfant & ne souffrez qu'il perisse avec moy,
 querez qui le nourrisse, & le ramenez icy sou-
 uent deduyre & ébatre. Et si luy faites sçauoir
 & apprendre que sa mere est ainsi muée, & fai-
 tes tant que par luy soye saluée souuent, quand
 il sçauta parler. Et aussi dites luy bien & en-
 doctrinez, qu'il se garde bien d'aller sur estang
 incōneu, car mal m'en est prins: & que ia d'ar-
 bre ne cueille rinceau, fleur ne fueille, s'il bien
 ne le connoist. Apres ces parolles comman-

da elle son mary Andromedon à Dieu, & requist & sœur & mary qu'ilz defendissent son peschier de trencher & de rompre : puis pria que nous la baisissions, & luy leuissions son enfant en haut pour le baiser: car plus ne pouuoit attendre. Et adonc luy defaillit la parole & la veue, si fut incontinent toute couverte d'écorce. Ainsi conta Iole la merueille de la mutation de Driope sa sœur, qui en peschier si estoit muée. A ces motz & parolles vint Iolaus, qui vieil souloit estre & ancien, & il deuenue estoit iouuenceau. De sa venue seiouyrēt les dames, & moult s'ebahyrent de ce que de si grand' vieillesse estoit en telle ieunesse reueu. Ce fist Hebe la bouteilliere des dieux, par la priere & pour l'amour de Hercules, lequel de nouveau estoit deisié.

*Le prophetisement de Themis sur la
guerre Thebaine.*

THemis la déesse de religion, iustice & diuination apres auoir le don de ieunesse fait par Hebe à Iolaus neveu de Hercules son nouveau mary, va iurer par les vndes infernales, que tel don ne seroit pl⁹ à viuat cōcedé, que de vieux deuint ieune : mais au contraire lonviendroit obtenir de ieune deuenir vieux, comme voyoit elle que bien tost se feroit. Et preuoyāt merueilleux cas, va dire par diuination: Thebes commençant à emouuoir guerres fraternelles,

ternelles, & Capaneus ne pourra estre vaincu que par Iupiter : mais les deux freres se tuerōt l'un l'autre. Et le deuineur verra luy vivant ses enfers par ouuerture de terre, & le filz vengeāt la mort du pere par la mort de la mere en vn mesme fait iuste & inique estonné du crime, & exillé de son entendement & maison, sera tourmenté par les furies & les vmbres mater-nelles, iusques que sa femme luy demandera le carquois fatal & pernicious, & l'épée de sō grād pere sera mise dedās son ventre par ses beaux freres. Toutesfois la fille d'Achelous Callirhoé, obriendra, que Iupiter commandera à sa fillatre & belle fille donner âge aux petitz enfans, pour venger la mort de leur pere. Tout ce que Themis eut vaticiné auint : car Etheoclez & Polinices freres & filz d'Edipus piepercé & d'Iocaste, qui estoit leur sœur, paruenue à viril aage, quand conneurent que le bon Laius premier mary d'Iocaste en retournant de l'oracle d'Apollo, fut par son filz Edipus tué, & que puis apres Edipus print sa mere pour femme, duquel mariage exhorbitant & funeste ilz estoient isluz, pour la grand honte du fait ne permirent aucunement qu'Edipus leur pere & frere sortist de la maison : mais qu'au demeureāt de sa vie en misere son desnaturé meffait recō-neust : lequel pour ne voir tāt de calamitez, s'arracha les yeux, & partit le royaume de Thebes

par telles conuenances, que chacun des freres gouuernerait le sceptre vn an l'vn apres l'autre; en quoy s'accorderent les freres. Et Ethiocles comme l'aisné commença regir la couronne son an. L'an reuolu, Polynices voyant que son lieu estoit venu à regir Thebes par son tour, demâda à son frere l'administration, lequel la luy denia. Polynices se voyant rebouté, blessé de douleur & grandement emeu à dominer, comme celuy à qui par son tour appartenait regir le sceptre, & regime du royaume hereditaire que leur pere auoit laissé, pour annuelle-
mēt de l'vn à l'autre estre deuolu, & administrer par vn fait nouveau & inusité, que deux fussent portionnaires à vne couronne, ce qu'est impossible à cœur humain eleué en hōneur de souffrir, se retira vers Adrastus Roy d'Arges, lequel luy coupla par mariage la belle Argie, & luy tē compagnee avec cinq autres vaillās seigneurs & capitaines pour aller liurer bataille cōtre son frere, & mettre le siege deuant Thebes. Ce que fut fait en grand atroy & belle cōpagnee. Car apres la solēnité des noces liberalemēt & à festin ouuert celebrée. La ou Hymeneus & Iuno aucunemēt ne furēt par les destinées ioyeusement cōuoquez. Et Genius le dieu ppre à nature mōtra à ce cōiue nuptial le Minos marmiteux pour le brief soulas & ebatemēt q̄ deuoit estre entre les deux accouplez nouuellement, tout l'apprest de la guerre fut soudainement

mis en ordre & bel arroy.

La mort de Capaneus, Amphiaras le diuin, & des deux freres Thebains.

AL'exploit de la guerre Thebane estoit fort necessaire le diuineur Amphiaras, lequel preuoyât qu'il y demeureroit, resista de s^{on} pouoir, iusques que sa femme Eriphile fut corrompue par le carquât fatal, lequel Venus auoit donné à Hermione fille de Menelaus, & de la belle Heleine. Eriphile desirante de la bague, elle trahit son mary, lequel à son departemēt voyant que iamais plus ne retourneroit, & que sa femme estoit cause de sa mort, cōmanda à Alceon son filz tuer apres sa mort, sa mere. Et ne tarda gueres que Amphiaras estât deuant Thebes sur son chariot, fut englouty par la terre. Et Capaneus echelant les murailles foudroyé aux obseques, duquel Euadne sa loyalle epouse, ainsi qu'on bruloit le corps, se ieta dedans le feu. Les deux freres Etheocles & Polinices se tuerent par rencontre l'un l'autre. Alceon apres la mort de son pere Amphiaras, executa le commandement de son pere, & tua sa mere Eriphile, & luy ota le carquant : mais il deuint fol iusques à ce qu'il fut deliuré du carquant lequel donna à Alpheisibée fille à Phegeus, laquelle print en mariage, & apres certain tēps alla vers Achelous, ou s'en amoura de la belle Callirhoe fille d'Achelous, & la print à

femme, luy promettant ledit carquant, lequel allant querir vers Alphefibée, sa premiere femme, fut tué par les freres d'Alphefibée. Et Calirhoé ſçachant la mort de ſon mary, va prier à Iupiter d'ajouter des ans aux deux petitz enfans qu'Alcmeon auoit laiſſez. Ce qu'elle obtint : mais non pas ſans grande murmure des dieux : car par le don de ieuneſſe otroyé à Iolaus par Hebe, & par ceſtuy cy de vieilleſſe grand bruit en menerent les dieux. Aurora commença faire ſes complaints diſant, pourquoy ne raieuniſſoit ſon vieil mary Typhonus Ceres ſe complaignoit de Iaſius qui deuenoit vieux. Vulcanus demanda pour Eriſichthonius prolôguemét de vie. Venus vouloit renouvellement d'ans à Anchifeſ. Brief chacun dieu auoit à qui demâder le dô & toujours croiſſoit la ſedition par faueur, iuſques à ce que Iupiter va cômencer à dire: Mais qu'eſt ce que ſans raiſon vous demâdez? ou eſt la reuerence que vo⁹ me deuez? Qui eſt celuy de vous qui puiſſe encontre les deſtinées? Iolaus eſt retourné à l'age precedent. Les enfans de Calirhoé ſelon les deſtinées, doiuent retourner ieunes. Et afin que portez cécy de meilleur vouloir, moy meſmes ſuis ſuiet aux deſtinées : leſquelles ſi ie pouoye changer, Eaçus ne ſeroit pas ſi vieux, ne mon bon iuge Radamanthus, & Minos. tous trois mes enfans. A ces parolles de Iupiter, il

n'y eust dieu, qui osast plus auant se complaindre, voyant que Iupiter laissoit en vieillesse les trois iuges des enfers, mesmement Minos, que pendât qu'estoit en fleur d'aage, se faisoit craindre, & son nom estoit redouté.

Les desfriglées amours de Biblis, qui ayma son propre frere.



MAis Minos ia estoit si ancien deuenu, que petit estoit crainct ne doubté, mesmement de ceux de son royaume, ne de son hotel. Vn riche homme noble, & parent au Dieu Apollo, nommé Milet ne daigna par son orgueil de rien seruir Minos, & tenoit de luy tout son heritage. Ains en dépit de luy se partit de Crete à grand conuoy,

& delaisant sa terre, passa la mer. Tant exploi-
ta, qu'il vint en Asie. Et la fonda vne cité, la-
quelle il nomma Milette de son nom. En ceste
terre print Milet vne moult vaillante dame,
nommée Cyanée, de laquelle il eut deux enfas,
vn filz & vne fille. Le filz eut nom Caunus, Et
la fille qui moult belle estoit, eut nom Biblis.
Celle Biblis ayma son frere Caunus outre me-
sure. Et si ignorante estoit que pas elle ne cuy-
doit mal faire d'acoller & baïser son frere, &
moult se contenoit & paroît cointement pour
l'amour de luy. Trop le desiroit à voir, & grād
cure mettoit à estre gaye & gente pour luy
complaire, & faucune l'estoit plus d'elle, en-
uie en auoit, pour l'amour de son frere estoit
moult esprise, & si n'osoit ne pensoit vers luy
que telle follie fist que d'estre connue char-
nellement. En dormant le songeoit, & veoit,
& luy estoit aduis qu'elle l'embrassoit, & fai-
soit avec luy tous ses desirs, dont elle en veil-
lant souuent se vergonnoit & ebahissoit du
songe qu'elle auoit veu, pensant en son cœur,
dont celle vision luy pouuoit venir. Et en soy-
mesmes souuentesfois disoit : O lasse chetive
malheureuse, que veut dire ceste vision ? La
tel vitupere ie ne feray, car ains qu'elle fust a-
cheuee, j'aymeroye mieux estre morte. Dont
me viennent telles fantasies, qu'en dormant il
m'estoit auis que toute nue estoie entre les

bras de mon frere, en vn liect ou trop auoye de
plaisance & de delectation. Certes il est moult
bel & gracieux, trop follement le regarde,
il me plaist moult, bien le peusse auoir en
mariage, se sœur ne fuisse. Certes ie croy que
la vision de la precedente nuit n'echeuerons
iamais. Moult me plairoit se tousiours le
veoye, quand ie dormiroye. Grand delictz
i'euz en la vision, & si n'en sceut nul fors
moy. Haa Dieu, quel plaisir & delictz i'euz en
dormant si longuement m'eust duré, trop eust
esté bienheuree, la remembrance m'en fait
encores grand bien: Mais trop brieue fut: Et
la nuit trop tost fut finée, qui de mon bien
estoit enuieuse. Helas se possible me fust de
changer mon nom & moy ioindre à luy, bien
feusse digne d'estre son epouse, & luy mon e-
poux & gendre à mon pere. Grand allegean-
ce me peust il faire, & donner de mon mal.
Pleust ores aux dieux, que toutes choses fus-
sent communes à luy, & a moy fors parenta-
ge seulement. Certes bien vouldroye qu'il fust
gentil de moy. Trop ay petit espoir, que plus
de mon frere aye nul deduit. Il est mon frere,
iamais plus pres ne me peust estre bien voy
que ia n'auray ce que mon cœur desire. Que
me vaut donques ce que i'ay songé? Non pour-
tant ce qu'on songe auient souuent, & pource
ay grande fiance, qu'encores aucune chose en

auiedra: Mais trop me defespere, ce qu'on dit communement, qu'il n'y a en songes fors fantasme. Dieu ne vueille que ceste chose soit en mon cas verité.

LES dieux, disoit Biblis, voulurent epouser leurs sœurs, si comme ie desire mon frere Caudus. Saturne epousa bien Opis la sœur. Neptune fist de sa sœur Thetis, ainsi comme s'elle eust esté sa propre femme, & Iupiter pareillement sa sœur Iuno, eut à femme. Lasse dist Biblis, qu'ay-ie de ce affaire. Il plaist aux dieux soit droit, soit tort, faire à leur volonté & plaisir des choses de cestuy bas monde. Trop fort & deloyal seroit celuy, qui aux dieux comparer se voudroit. Trop à blamer & reprendre fais, quand aux dieux me suis comparee, de leur reprocher & reprendre leurs voluptez & delictz. Il me conuient ietter hors de mon courage la folle amour, qui m'assaut, ou il me conuiendra de honteuse mort mourir. Mor te feussé ie ores, mais que mon frere, qui tant est plaisant m'eust baisée a mon plaisir. Helas ce que ie desire, ne peut estre acheué par nul tour, sans luy & sans moy, car parauanture ne vouldra il pas ce que vueil & desire, ains croy que s'il sçauoit il le tiendrait à ragerie & forcenement. Au temps passé iadis s'assemblerent Machareus & sa sœur, & s'entraymerent fort. Et ia pour fraternité ilz ne le laisserent. Qu'esse

cy ? les vueil- ie ressembler ? nenny certes, mais conneu les ay. Et pourquoy recorde- ie ou allegue c'est exemple, qu'eile que ie vueil faire ? ay- ie la rage, ou suis- ie hors du sens ? Il me conuient mon courage retraire, de ceste laide & vergõgneuse amour, car en rien ne doy aymer mon frere, fors à cause de fraternité, car autrement ie excederois les limites d'honnesteré. O se mon frere fust parauenture, de pareille & semblable amour esprins comme ie suis, & premier me requist mon amour, certes il trouueroit en moy hatriue mercy & brief allegemēt de son mal. Certes mon mal luy feray sçauoir. Luy pourray- ie bien dire ? ouy, force d'amour le me fait faire : Et par ce seray excusée, & si par honte luy laissē à dire & à reueler. Bien manderay le vouloir de mon cœur par écrit. Et ie croy que mercy & compassion l'en prendra, & qu'aucunement de luy confortee seray.

M O V L T agreea ceste derniere volunté à Biblis : Lors se coucha sur son bras senestre, & se print à dire : Or y perra que ie feray. Mes douleurs luy manderay. Ha lasse que feray- ie ? dont me vient le feu, qui ainsi le cœur m'esprent & embrase ? Qu'eile que ie pense à faire ? Ainsi pensoit & repensoit, la desolee damoysele. Mais en fin se pensa, qu'elle luy manderoit sa pensée par écrit : En sa dextre main print la touche, & les tables à sa senestre, & commen-

ça en tremblant son ecriture: Puis raya & effaça tout ce qu'elle auoit escrit. Moult étoit douteuse qu'elle feroit. Vne heure escriuoit, & l'autre heure effaçoit. En si grande peine la tenoit amours, qu'elle ne sçauoit qu'elle deuoit faire. Deuant ses yeux luy étoient écrits honte, peur & hardiesse leur commença à écrire, puis l'effaça, car auis luy estoit qu'elle meffaisoit d'écrire ainsi leur. Moult étudia pour commencer à son appetit. Puis s'en hardit, & commença à écrire.

L'epitre de Biblis a son frere Caunus.

LA pauvre amante t'enuoye ceste epitre,

Que nul salut porte au dessus pour titre:

Si ta bonté plus tost ne m'en fait don,

Celant le nom tant ay du guerdon.

Si d'auenture tu viens faire demande?

Qu'est ce que tant ma lettre te demande,

Plus tost voudroye ma cause terminer:

Que le mien nom ainsi determiner.

Et trop desirer que te fusse inconnue,

Et que iamais celle, n'eusse conneue,

Que par auant ie n'eusse mon desir,

Bien accompli à souhait & loisir.

De mon secret pouuois auoir notice,

Par la couleur tant palle mal faictisse,

Face ternie & les humides yeux

Qui tant de fots, & par tant diuers lieux

As veu ietter larmes en habondance,

*Et les soupirs faisans leur residence,
Dedans le cœur tout embrasé d'amour,
As veu sortir comme flamme d'un four,
Sans que la cause pourquoy fut apperceue.*

*En ensuyuant la grand flamme couceue,
Combien de fois t'ay voulu acoller
Etroitement, comme qu'il veut coller,
Deux fortes pieces & ioindre les ensemble.*

*Et des baisez, mais dy moy qui t'en semble
Pouuois tu point nullement estre seur.
Que le baiser estoit plus que de seur.
Iaçoit encore que trop fusse blessée,
Et tellement du mal d'amours lassée,
Ce non pourtant de mon mal odieux
Ie le faisois (témoins en sont les dieux)
Pour obtenir guerison & medelle.*

*Plus fort ie dis que du dieu mal fidelle,
(C'est Cupido) qui sur moy vient à saultz,
Pour euter ses penetrans assaultz,
Fleches pointues, & violentes armes.
I'en ay souffert merueilleuses alarmes,
Dont trop de Maux i'en souffre & de douleur.
Que tous les iours redouble mon malheur,
Par auenture plus que porter pucelle,
Ne pourrois croire i'en ay porter de celle,
De celle ardeur que tant nuit aux aymans,
Que bien ie croy qu'excede tous tourmens.
Si que ie suis apres maintz maux contrainte,
De confesser & non pas sans grand crainte,*

D'estre vaincue de celuy dieu si fort,
Dont force m'est de requérir confort,
Aide & secours, à toy qui le puis faire,
Ou autrement tu me verras deffaire,
Par quelque mort ou ne prendras plaisir.
Fors que tristesse, regret & déplaisir.

Tu seul sans autre peux preserver l'amante,
Celle que scay qu'en cest endroit lamente,
Et seul sans autre la peux exterminer,
Et à la fin briuevement terminer,
Choisis des deux (puis qu'il te plaisist de lire,
Mes destinees) lequel voudras étire.
Le choisis en as & tout seul le pouuoir.

A tout le moins au choisis feras deuoir,
Car qui te prie n'est pas ton ennemy:
Mais au contraire si traitant ton amy.
Que nonobstant que coniointe te soit
De prochain gré, si amour ne deçoit,
Plus fort encore te voudroit estre iointe,
Et d'un lien trop plus etroit coniointe,
Laiissons aux vieux observer loix & droit:
Car quand à nous ieunes en cest endroit,
Venus la deesse nous est plus conuenable,
Qui ne scauons si tel cas est damnable:
Ains nous pensons que tout soit tresbien fait.
Et en suyuant & par dit & par fait,
De maint grand dieu sur ce propos l'exemple.
Le lieu auons & l'occasion ample:
Sans que le pere y pourpense aucun mal.

Et que baiser luy soit cas normal.
Ja n'en sera souillée notre fame.
Quand l'on verra seul à seul homme & femme,
La parentelle tel blâme courra,
Et rien de mal en nous decouvrira,
En liberté de dire ma pensée.
Nature m'a avec toy dispensée,
Voire nous est sans soupçon permis,
Nous embrasser comme deux vrais amis.

Deuant les gens tu vois que ie t'accolle,
Que ie te baise franchement, & recolle,
Propos ioyeux & gracieux deuis,
Et bien petit on est si m'est auis.
Le demourant pour accomplir l'affaire
Tant desiré, & l'ouvrage parfaire.

Parquoy te prie te supplie & requiers
Par celuy nom que ie demande & quiers,
Ayes pitié & prens à mercy celle
Qui se confesse estre la tienne ancelle
Contrainte à ce par vne extrême ardeur.

Et garde toy d'estre dist par hideur
(Si de reffus me fais dure cloture)
C'est l'engraue dessus sa sepulture,
Merite & cause de la mort de Biblis
Pour toy ô Camus qui son epitre lis.

A Ces mots que Biblis eut escrit, fut la table
toute pleine d'écriture, tellement que
plus rien il n'y pouuoit. Puis voulut la lettre
sceller, mais tant pleine estoit de douleur, que

tout auoit perdue sa saluie, si mouilla le seel de ses pures l'armes. Et quand sellee l'eut la che-
 tiue, elle appella vn sien varlet feal, & luy dist
 amy dist elle, tu porteras ceste lettre, & de par
 moy la presenteras à mon, quand elle voulut
 dire frere, tant fort commença à soupirer que
 parler ne peut. Non pourtant en la fin dist elle
 frere. Elle bailla la lettre au messager, mais en
 oubli ne doy mettre que quand elle luy voulut
 bailler de ses mains luy cheut à terre, dont
 moult fut ebahie du mauuais signe, mais pour-
 ce ne voulut son entreprise laisser. A tât le mes-
 sagier print la lettre & attendit temps & lieu
 conuenable. Puis vint à Caunus, auquel il la
 presenta Caunus l'ouurit, & leut le contenu bié
 au long, mais quand il eut apperceu la deshon-
 neste amour de sa sœur, triste eut le cœur &
 dolent. Par mal talent ietta ius la lettre, & à peu
 que le varlet ne tua en luy disant : Mauuais &
 triste messager fuy roy-d'icy. Se pour honte ne
 fut, ie t'occisse tout incontinent : Mais de ta
 mort auroye honte. Lors s'en retourna le mes-
 sager moult crainctif & honteux vers sa dame,
 & luy raconta la fiere responce & la grande
 honte que son frere luy auoit faite.

*Le refus que feit Caunus à sa sœur qui le prioit d'a-
 moux, & de la douleur de Biblis.*

Quand Biblis refusee se vit, plus froide
 que marbre deuint, & perdit de ducit:

sang & couleur, si qu'elle se pama. Et quand elle revint à elle tant fut doléte & angoisseuse, qu'à grand peine peut mot dire. O lasse dist Biblis: Certes c'est à grand droit qu'il m'a refusée. Comment osay-je comme folle decouvrir le grief mal de mon cœur, & l'annoncer par écrit? Se sage & prudente eusse este avant que luy récrire, ie luy eusse demandé, s'il me voulsist aymer ou non. Et avant qu'en la mer me meisse, ie d'eusse auoir essayé si les vents fussent appeisez premier qu'entree y fusse, mais dedans me suis mise, sans aucunement auoir éprouué ne fons ne riue, si est ma nef effondree & perillee en ma grand honte & villennie. Je croy qu'onques plus ne mécheut à femme qu'il est à moy. Des que la lettre me cheut des mains en la baillât au messager, s'en moy eusse eu prudence, bien peusse auoir conneu qu'il m'en mesauindroit, car avant que tel message eusse baillé à faire, m'amour & ma folle pensee deusse auoir entrelassee, & me deusse estre soufferte iusques à tant que ieusse eu tems & lieu de mieux appointer ma besongne. Helas pourquoy ne prins-je delay? que moy mesmes pour ma besongne pourchasser ny allay? Comment osay ie faire message, n'a homme étrange charger mon secret? ie luy eusse trop mieux dit de bouche que de luy auoir mandé par lettre. Et avec ce, il eust veu mon triste visage, par lequel

il eust bien aperceu que point n'eust esté chose fainte. Et la cause de la douleur qui me destraint, trop eust il bien conneue. Maugré luy l'acollasse, le baisasse bouche & yeux. Et si pitié n'eust prins, si m'eust il veue semblable à la mort. Bien croy, que quand il verroit ma grande douleur, mes pleurs, mes plains, & mes profonds soupirs, qu'il n'a si dur cœur s'il le veist qu'il ne l'amollist. Je croy que par la deffaute du messager ay ce grand dommage receu, par ce qu'il ne fist pas bien son message. Je sçay de vray que s'appoint l'eusse requis, que conquis l'eusse legerement. Ia n'est il de fer ne de fust, de roche ne si dur comme dyamant, qu'il n'eust de moy mercy, car par bien prier le vainqueray bien. Et pource encores le vueil essayer, car tant que ie soye viuante ne laisseray ceste entreprise, iusques à tant que i'auray de luy mon plaisir : & ce que tant ie desire, puis que tant en ay fait : car auant que i'eusse commencé, ne ma voluté decouuert, peusse auoir ma follie delaissee. Ia pour ce sçauroit il ma hardiesse, si me tiendrait pour trop muable, & si n'en seroit ia moins en coulpe, quand à tant m'en repentiroye. Il penseroit qu'essayer le vouloye, ou que de trop grand lâcheté le piroye d'amours. I'ay trop affaire à accomplir, & à acheuer le desir de mon cœur, & en de blame en attens auoir. A tant ne vueil
laisser,

laisser, quand tant comme folle en ay fait.



A I N S I parloit & respondoit Biblis comme douteuse, trop étoit discordant en sa pense moult se repentoit de ce que tant auoit mépris, ne qu'ôquestelle chose auoit encômécée. Mais puis qu'ainsi étoit, ja ne querroit laisser la chose entreprinse, ains luy pleut encores essayer, si par aucune maniere le pourroit amollir. Lors alla Biblis à son frere, lequel de son amour elle pria & requist, lequel luy éconduit, luy remontrant le vitupere & deshonneur, qu'à cause de ceste amour desordonnée, leur auendroit : Mais comme plus luy éconduisoit de tant plus luy en requeroit sans cesser. Caunos, qui plus ne peut endurer les gémissemens, les

Olympe. DD

plaintes, les pleurs, les prieres, & les incitemens que sa sœur assiduelement luy faisoit de son amour, yllit hors de sa terre. Et s'en alla en étrange contree, pour voir paix de ceste guerre, si en doubla à Biblis peine, & détresse, & fut plus triste & plus angoisseuse, & trop plus vexee que par auant n'auoit esté. Pour ce reffus rōpit Biblis sa robe, batit sa blanche poitrine, detordoit ses mains, & égratigna son beau visage. Apertement & deuant tous pleuroit, & reconnoisçoit sans couuerture sa folle amour, & comment Caunus son frere l'auoit mis en refus. Pour la grand rage ou Biblis estoit, laissa elle sa cōtree que plus n'y daigna habiter: ains s'enfuyt dolente & éplorée, & toute écheuelee après son frere, Pour sçauoir nouuelles de luy. Par maintes & diuerses cōtrees le chercha & mesmes au mont de Chimere. Et quand elle eut passé la montaigne, elle se trouua si lassée & trauaillee qu'elle cheut à terre toute pamée, & illec pleura tant sans cesser, qu'en pures larmes fut muee en fontaine, decourant desliouz vn chesne en vne vallee qui a nom Biblis, si cōme la belle auoit nō. De celle nouvelle fontaine, fut la renōmee grāde, p tout le païs d'ëuirō.

La fortune d'Iphis, qui fut de femme muee en hōme.

PAR toute la terre de Crete, fut grande la renommee & la mutation de Biblis en fontaine: Mais pour vne nouvelle mutation qui si

fist, fut icelle mise en oubly. Car entre Crete & la terre de Crete, eut lors vn riche & puisât



baron nommé Lyctus, qui de beaucoup de gēs estoit conneu. Preudhomme estoit & de bōne & honneste vie. Il eut à femme Telerhusa chaste, bonne & honneste, laquelle il engrossit. Et quād pres fut du tēs de sa porture, se deuoit de liurer. Lyctus alla hors du pays, pour visiter aucūs de ses affaires. Mais ains print de sa femme cōgé, & luy dist au departir: Ma treschere cōpaigne & amie, deux choses sōt que ie requiers aux dieux. L'vne si est que legerement & sans grāde peine, soyez deliuree de votre porture, & l'autre, que hoir masle ayez. Car trop a femme d'ennuy & de soin. Fēme est sans force & sans

puissance; & par fême ont esté plusieurs à grand
douleur, & plusieurs royaumes & pays menez
à destruction. Parquoy ie prie & requiers aux
dieux que fille n'ayez, & si fille auez, gardez que
ie ne la voye: ains tâtost qu'elle sera nee faites
la occire: Moulte me poise, que ce mot m'a con-
ueni dire: mais toutesfois ie leueux ainsi auoir
faict. A ce mot plora le prince Lyctus moulte
drement. Mais Telethusa son épouse le recon-
forta au mieux qu'elle peut, & luy pria qu'il
mist à repos son cœur: mais onques riē n'y va-
lut, car de ceste doute ne pouuoit son courage
retraire, que celle auoit fille, qu'elle fust occise
tantost qu'elle seroit nee. Quand Lyctus fut par-
ty Telethusa demoura toute effrayée, & quand
elle l'eut tât porté, que pres fut de soy deliurer
de sa ventree, vne nuict pensoit à la cruelle sé-
tèce, que sōmary Lyctus luy auoit chargé, que
si fille auoit, qu'elle l'occist tantost. Fort dou-
roit la franche dame ceste chose, & grand
horreur en auoit en son courage. En ceste pé-
see s'endormit, si vit en son dormant par visiō
Isis deuāt son liēt, venir avecques grand proces-
siō de Nymphes. La deesse Isis si comme il se-
bloit à Thelethusa auoit deux cornes en sa te-
ste luy sâtes & vne corne d'espine d'or, & tenoit
vn sceptre royal, & se maintenoit comme vne
royne. Isis deuant Telethusa s'arresta avec luy
Bubastis sa sainte prestresse, qui la messe chan-

toit & faisoit les sacrifices d'Apis, qui maintes couleurs auoit. Et le chantre qui par son doit faisoit signe de taire, & l'hymne cōmancoit, & tous les autres respōdirēt Osiris qu'on peut querre en vain. Et les serpens d'etranges terres, portans la damnable intoxication de dormir. Telethusa seueilla & vit Isis, qui telle compagnee auoit enuiron d'elle, & qui moult la mist a rayson & luy dist:

Telethusa sœur belle & bōne, laisse le soucy, lequel tant tō courage travaille, ne fais pas le commandement de ton seigneur: ains laisse seuremēt viure l'enfant, quād deliuree en seras tel que tu l'auras, si deçoy la folle sentence du pere, & comme bōne mere le nourris. Tu m'as requis, moy qui suis deesse misericordieuse & secourable. Siest bien raison que mon aide te vaille, & si fera elle. Car de ma part aide & secours auras. A tant se partit de la chambre, & Telethusa se leua qui deuotement tendit ses mains vers le ciel, priāt les dieux, que la vision qu'elle auoit veue peust à sō effet venir. A son iour enfanta Telethusa d'vne belle fille sās le sceu de sō mary, si faignit qu'elle auoit eu vn filz, & le mist à nourrice. Lyct⁹ qui malice n'y cuidoit l'ē creut & s'ē èiouit & rēdit graces aux dieux, & offrandes que promis auoit, cōme ce lay qui cuidoit auoir hoir masse, que moult auoir desiré. Il n'est creature q sceust q fille fust,

fors la mere & la nourrice, tant seulement. Celle fille eut à nō Iphis apres le nō de son ayeul. Et par ce moyen cuidoit Lyctus plus certainement auoir hoir masse: La mere s'en réioüissoit & moult luy plaisoit, qu'ainsi étoit nommée, car tel nom appartenoit à masse & femelle. Si pouuoit bien de son nom sans s'en apercevoir la verité dire, & ainsi la mésonge se celoit. Iphis auoit habit d'enfant masse qui luy plaisoit, & si auoit tel visage que qui le veoit indifferemment pouuoit dire c'est filz ou fille.

Quand la belle eut douze ans d'aage, son pere Lyctus proposa luy donner femme la plus belle de la contree, c'estoit Ianche, & étoit fille de Teleste de grand renō. Egaux d'âge & de beauté furent Iphis & Ianche, & si sçauoiēt vn mesme mestier, & de ce vint leur accointement. Egalement s'entreaymerent: mais diuersifiāce auoient de leur mariage, Ianche aymoît Iphis, cuidant que homme fust, & que bien en deut iouyr, comme épouse de son époux & Iphis l'aymoît, mais de ce, si déconfortoit que pas ne cuidoit, que iouyr en peust ne soy coupler à elle c'estoit la chose qui plus luy accroissoit son ardeur, & doubloit, & qui plus luy embrasoit le courage. Moult s'ébahissoit, & piteusement se complaignoit souuent en larmoyāt. O lasse disoit elle, quel conseil tiendray, & à quel conseil pourray ie venir de ceste assemblec, qui vit

onc auenir qu'autre de moy mist sa cure en si folle beauté, pas ne suis de telle amour digne. Si les dieux me fulsēt propices bien m'eussent gardee de telle follie. Las ilz me destruisent, par folle rage desirée & amoureuse, que point n'est cōuenable à moy, non plus que d'une pucelle autre requerre, mamye & moy sommes d'un sexe. Brebis aiment les moutons, & s'accointent l'un à l'autre. Et les vaches semblablement aux toreaux: Toute femelle par droit naturel requiert son masse, qu'il ayt cure d'elle, & nō ioinde autre femelle, & ie requiers au present, sans sens. I'ay masse mieux estre à naître, qu'auoir entrepris si folle entreprise. Encores disoit Iphis, certes de Crete est yssue toute méchance. Pasiphae y nasquit, qui de l'amour du torreau fust échauffée, & comme forcenée le deceut & à luy se ioignit, mais encores passe mon amour la sienne de follie, & mieux ayma Pasiphae en son endroit que ie ne fais. Car male ne puis deuenir, ne celle aussi qui à moy se ioint. Iphis dolente & malheureuse à quoy tend ton cœur, qui telle amour embrase, & si ne peux ton vouloir acheuer. Ne on ne te peut conseiller se tu ne penses comment tu fuz née, ie te prie merz ceste rage hors de toy. Requiers chose que conuenablement & par raison puisses auoir, & quoy qu'il t'auienne, mets en oubly celle folle amour, qui tant te nuist,

car par nature tu n'es digne d'estre iointe a telle creature. Le sexe naturellemēt te nuist. A elle dist Iphis puis venir, aller, parler, l'embrasser & baiser comme amie, quād il me plaist, car il n'est riē parquoy détourné en soy, mal de pere, ne dure garde, ne doute de mary qui ialoux m'en face, & non pourtant ne fais fors nous amuser, car à mon fol cuider, acheuer n'est rien qui me peust aider, si ne sont les dieux debonnairez, car grand part me doiuet de mon desir ce que ie vueil ne déueillēt mon pere, ma mere ne m'amie aussi, mais seulement nature le déueut. Or aproche le tems du desirable mariage que mienne sera la belle Ianthe m'amie & ma compagne, mais que me vaudra ceste ioye? Emmy l'eau mourrōs de soif, car faire ne pourray d'elle ce qu'ēpoux doit faire de son épouse & compagne. O Himen & Iuno, d'estre a telles noces n'auez que faire. Qui vit onques épousailles sans époux? Ainsi se complaignoit la belle Iphis de Ianthe sa fiancée. Et son épouse n'estoit pas en moindre effray d'amour de sa part: car elle se plaignoit du tems, qui tant tardoit comme celle qui ne cuydoit ia voir l'heure que le mariage auir. Souuēt prioit aux dieux, que tantōst le iour vint, que ceste assemblée deuoit estre, & qu'elle peust embrasser sō cher amy & époux, qu'elle tāt desiroit, mais la mere Iphis empeschoit le mariage, & l'as-

semblement par delayemens tant qu'elle pouuoit. L'vne fois faisoit à croire, qu'Iphis étoit malade, disât que le traual des noces ne pourroit souffrir, & ainsi seruoit elle de cōtrouuer, & les épousailles tarder tant qu'elle pouuoit. Mais quand elle ne peut plus empêcher la chose & que le iour vint qui les cōuenoit épouser, tellement qu'il n'y eut qu'un iour entre deux, au temple d'Isis alla Iphis avec sa mere routes deux decheuelces. Là embrassa Telethusa humblement & deuotement l'autel, & pria à la deesse Isis en telle maniere.

La transmutation d'Iphis la pucelle en iouuenceau.



H Aa deesse celeste, ie dolente t'appelle & t'inuoque à grand peur & crainte. Tu

ſçais que pour ma fille me promis quand tes entreſeignes vy, & la belle cōpagnée qui avec toy eſtoit, & les brātons luyſans, & le ſceptre que tu tenois, & oyois les inſtrumens ſonner, quand pour moy recōforter vins à moy, & me commandas que ma fille à ſa naiſſance n'occiſe, ains la nourriſſe, bien me recorde de ce que tu me diſ & promis. Or eſt beſoin que ta promeſſe nous vaille, & qu'ayde nous face preſtemēt & ſecours ſans delay, & incōtinent ſecours nous donne ie te prie par mercy, car par ton conſeil à ma fille vécu iuſques à maintenāt en ton eſpoir. Or dorenavant metz conſeil à la ſauuer, car ſe de ce faire ne t'ētremerz, plus n'y pourray remede trouuer. Ainſi diſoit elle en plorant, & la deeſſe Iſis en ſigne de confort, en telle ſemblance cōme elle auoit autresfois fait luy apparut. Elle auoit deux cornes, dōt l'vne auoit au frōt & l'autre deſſus ſa teſte, & ſi ſonnoiet les inſtrumens. Et ſi vit du temple moult fort trēbler l'autel & les portes. Lors yſſit Tethuſa du tēple ioyeuſe du ſigne qu'elle auoit veu, & Iphis la fille l'enſuyuoit derriere à plus grans pas qu'elle ne ſouloit, & auoit moins de blācheur au viſage q̄ parauāt n'auoit. Si etoiēt ſes cheueux accourciz & crespes, & fut plus vigoureux qu'elle n'auoit eſte, ne femme par nature peut eſtre. Tāt eut chāgé ſa feminine nature en masculine, que rien ne luy deffailloit.

Il en presenta au temple offrandes & sacrifices. Ceste mutation sceurent tantost grands & petis, par toute la contrée. Le lédemain s'atourna le iouuéeau Iphis, pour eponser s'amie Iãthe, ou il eut moult grand deduit: car tous y furent les dieux des noces, à telle ioye comme il appartenoit. Hymeneus, Iuno & Venus, & tous les autres qui aux noces seruent.

*Fin du neuſieme liure, du grand Olympe
des hystoires poëtiques.*



LE DIXIEME LIVRE

du grand olympe, des histoires
Poëtiques.

*Le mariage d'Orpheus avec Euridice, lequel
en chantant la tira des enfers.*



AVX noccs d'Iphis & Iathe le dieu Hymé fut assis avec plusieurs autres dieux & deesses. Et quâd Hymen se partit, par l'air s'évol- la grâd erre en Cyconie, ou semôs étoit de par Orpheus qui deuoit épouser Euridice. A ces noccs vint sans bon heur apporter, & y donna signe de douleur aduenir, & de male fortune comme ie vous diray. Au printemps s'en alloit l'espouse nouvelle, s'ébatant yn iour nudz

piez en vn pré plein d'herbe verdoyans, & illec vn pasteur bel & gaillard nommé Aristeus vit la belle, laquelle il requisstratoit de son amour: mais icelle à luy ne se voulut accorder n'habandonner: pour priere ne requeste qu'il luy sceut faire: car trop & de bõ cœur aymoît son nouveau epoux Orpheus, ains pour de luy échapper se mist à la fuyte & celuy la suyuit, mais ainsi que la belle Euridice fuyoit, elle marcha dessus vn serpét venimeux, qui la mordit enuiron le talon, dont elle mourut. Quand Orpheus sceut que par soudaine defortune auoit perdu sa femme & epouse, il se complaignit & se douloufa tant que trop long & trop ennuyable seroit à le raconter. Et quand par le monde l'eust longuemēt plorée, en enfer voulut decendre & aller voir s'il pourroit r'auoir & recouurer s'amy, & se à ce pourroit mouuoir les infernaux. Il tenoit sa harpe entre ses bras, & en touchoit les cordes: & de la bouche se print à chanter telle chanson.

La chanson d'Orpheus en enfer.

D*ieux infernaux en tenebres regnans
En la chartre pleine d'obscurité,
Ou vous estes tout le monde tenans,
A ce submise est toute humanité
Pour essayer vostre crudelité,
Et regarder votre gouuernement.
Pas en ce lieu ne me suis transporté,*



Euridice demande seulement.

*Quand le serpent tellement la bleça
 Qu'elle mourut, & vint avecques vous,
 Si aprement mon cœur se courrouça,
 Que j'en souffry plus que mortel courroux
 Ma femme estoit, j'étoye son epoux,
 Je viens i y succombé de tourment
 Pour vous offrir vne requeste à tous,
 Euridice demande seulement.*

*Jadis Pluto Proserpine ravit
 Par feu d'amours, & ceans la bonta:
 Mais toutesfois quand voz tourmens y vit
 Point ebahy ne suis s'elle doute,
 Et si suis seur que ceste grand' doute à
 Mon epouse si vous prie doucement*

Ecoutez moy, song homme on écouta,

Euridice demande seulement.

Quand maintenant vous me la baillerez,

Pour demener avec moy train d'amours

Rien n'y perdrez, puis que vous la r'aurez

Finablement mais qu'elle ait fait son cours:

Car tous humains en la fin de leurs iours

Vienvent ceans à votre iugement:

Mais ie vous prie que me donnez secours

Euridice demande seulement.

ORPHEVS deuant l'infernal manoir, si doucement chanta, que pour melodieuſeté du ſon de ſa voix enſemble de ſa harpe, les ames triſtes qui là étoient en oublierét leurs peines. Tâtalus en oubliſa ſa ſoiſ, Ixion qui pres de luy étoit, en laiſſa la roue repoſer. Siſyph⁹ miſt ius la roche qui le trauailloit, & Titius laiſſa à dōner aux vultours ſon giſier à rôger, & les Belidiēnes laiſſans la fontaine à épuifer mirent ius leurs cribles. Et ſi veritable eſt la renōmée qui ce me fait à croire & entendre, les Eumenidiennes qui oyoient la douceur de la harpe, ploroiēt d'Orpheus, ce qu'onques parauant n'étoit auenu ne peut auenir. La Royne Proſerpine ne ſe pouuoit abſtenir de larmoyer, le Roy d'enfer ne pouuoit econduire à Orpheus choſe qu'il luy demanda. Si fut Euricide apelée qui étoit en la valée vmbreuſe, avec celles qui venues y étoient nouuellement. Lors

aparut Euridice laquelle alloit clochant, pour la playe qu'elle auoit receue au pié par le scrpét. Moulx fut Orpheus ioyeux quād venir la vit. Elle luy fut rendue par tel conuenant, qu'il ne se retournaſt ne regardaſt derriere luy, iuſques à ce qu'elle fuſt totalemēt hors des tourmens infernaux, & qu'il allaſt deuant, & elle le ſuyuroit derriere, ou autrement iamais n'en iſtroit. Lors par vn ſétier moulx roide & étroit & plein de tenebreuſe obſcurité & foruoyable chemin, l'vn deuant & l'autre apres ſe mirēt en la voye Orpheus & ſamie. Tant cheminerent, que ia étoient près tout dehors du pourpris infernal, quād Orpheus qui d'amour étoit eſpris, deſirant de voir ſamie, & doutāt qu'elle ne le ſuyuiſt, ſe retourna pour elle regarder, & incōtinēt elle ſ'euanouiſt de ſes yeux, & ſ'en retourna en enfer. Orpheus tēdit ſes mains qui retenir la cuida, mais rien ne print, fors vent. Et ainſi ſe partit Euridice de ſon amy, & mourut de ſeconde mort, mais de luy ne ſe peut plaindre, fors de trop aymer. Le dernier ſalut luy rendit qu'a peine l'entēdit Orpheus. Fort ſe pleignoit de la ſeconde mort de ſamie, & voulut retourner pour trouuer la mort, mais la porte trouua fermée. Et le portier qui la gardoit luy retarda ſon chemin, & ſi luy diſt que iamais recouuer ne la pourroit. Quād Orpheus vit que pl' entrer n'y pourroit, ſur la riuē du fleuue infernal
fur

fut sept iours, plorant pour la seconde mort de s'amy, & pour la perte d'icelle, sans manger & sans boire viuoit, luy souuenant de son dueil. Moult tenoit les dieux d'enfer mauuais & felons, qui s'amy ainsi detenoient. Puis s'en retourna Orphe^e, & trois ans se tint sans femme & sans chambriere, fuyāt toute amour feminine, & mettant toutes choses en refus & en dēdain. Ce nonobstāt plusieurs damoyelles l'aymerent, qui en luy peu d'amour conquirēt, car iouyr n'en peurent. Il ne les daignoit ouyr, dōt moult de luy se plaignoient.

La deploration du poëte Orpheus, pour auoir perdu s'amy.

Dessus vn tertre en vn champ plein d'herbes verdoyant, ou point d'vmbre n'auoit, fassist Orpheus, puis print sa harpe, de laquelle il fist les cordes resonner par grande armonie. Lors vindrent enuiron luy pour l'vmbra- ger, arbres de diuerses manieres qui pourprindrent la place, quand la douceur ouyrent du melodieux son. A c'est assemblement vindrent arbres portans fruitz de diuerses sortes, comme amandiers, lauriers, nefliers, corneilliers & meuriers, chesnes, fresne, esrables, peschers, genestiers, cerisiers, pruniers, & autres arbres perdurables de verdure. Si y vindrent figuiers, sapins, & les arbres qui le bāme portent. Encore y vindrēt oliuiers, aubespins, & plusieurs au-

Olympe EE



tres arbres portant noix. La palme & le pin y furent. Cybelle y amena Athis, qui fût mué en pin, & vint aussi avec luy le cypres, qui iadis auoit esté enfant, & nouuellemēt estoit mué en vn arbre, moult l'aimoit Phœbus tādīs qu'il estoit vif. Entour le dessudit poète Orphē, fasssemblerent moult grand tourbe & multitude d'arbres. Il se seoit au milieu de la plaine, comme dit est, ou plusieurs bestes sauvages, & oyseaux de diuers plumages fasssemblerent, ou il attrempoit & accorderoit les cordes de sa harpe; dont il sourtoit delectable sōn. Et quād ses cordes eut accordées à son plaisir, en son chāt prît à recorder les amours des dieux, qui iadis aymerent les iouuenceaux, & en touchant les cor

des de son leuth, dit ceste chanson.

Iadis chantay bien me recorde
La controuerse, & la discorde
Des dieux & des geans peruers.
Maintenant veux ma muse en vers
Chanson chanter plus delectable,
Plus legiere, & plus traitable,
Iupiter le grand roy des cieux
Ayma l'enfant tant gracieux
Ganimedes natif de Troye,
Luy donnant ce qu'à peu otroye,
Et mist son soin & son étude
A faire autre similitude
Qui n'auoit, & desir eut d'estre
De Ganimedes à la dextre
Voller voulut, & entreprendre,
En forme d'Aigle l'enfant prendre
En le faisant son échançon.

Phœbus aussi vn enfançon
Tant ayma & tant luy promist,
Qu'en belle fleur apres le mist,
Que chacun an se renouuelle,
Quand reuient la saison nouuelle,
Au tems que si l'enfant viuoit
Phœbus qui s'amour y auoit,
Si qu'il n'est rien qui les departe,
Hantoit en Europe & en Sparte,
Sans chasser ne se deporter.
Ne luy chaloit plus de porter

Epieuny harpe resonante,
 Par la musique consonante,
 Et tout ce qui luy appartient:
 A rien & à desdain le tient
 Pour l'enfant lequel ayme assez.
 Un iour fut midy pres passez,
 Phœbus & l'enfant se deuestent,
 Leurs corps oignent d'huile, & s'apprestent
 Au ieu de palet erramment:
 Phœbus trestout premierement
 Le palet print & balança,
 Iusques aux nues le lança,
 A décroindre sur terre fort
 Le palet cheut, si se ressort
 En l'air sur la face à l'enfant,
 Si que tout le vis luy pourfent.
 En terre cheut à demy mort
 Pour la douleur qui tant le mord,
 Le dieu qui l'enfant voit blessé,
 L'enfant embrasse, & l'a dressé:
 Si luy va essuyant sa playe,
 Par herbes retient & delaye
 L'ame qui partit se vouloit
 Le cœur du dieu trop se donloit
 Que l'enfant conuenoit mourir,
 N'y valut l'herbe à le guarir.

De Hyacinthus qui fut par le Dieu
 Phœbus occis, depuis mué
 en fleur ianne.




ORpheus à ceste conclusion fina sa chanson, & luy faillirét & la voix & les doitz à toucher sa harpe, & de la douleur grande qui au cœur luy suruint pour la mort du iouvenceau Hyacinthus, ainsi malheureusement occis. Quand Phœbus donc par qui la coulpe estoit, vit ainsi mourir celuy que tant aymoït, il se demena & cōplaignit moult en disant: ô enfant que tât parfaitement aymoie, par ma folie t'ay mis à mort & à destruction. Certes s'estre peust bien vousisse mourir de semblable mort avec toy, mais ce ne peut estre, car Dieu suis, pourquoy ie viuray pardurablemēt, mais tousiours t'auray en souuenâce, qui te fera gloire & honneur. Et encores sera le tēps que Ajax tref-

fort sera mué en celle mesme fleur, & es fueilles de la fleur seront lettres pourtraites, qui représenteront ton nom, & le sien aussi en montriste gemissement. Tandis que Phœbus disoit ces parolles, le sang de l'enfant qui gisoit épan du sur la terre, s'amoncela & devint fleur purpurine, belle & luyfante, & plus haute en couleur que n'est pourpre, celle fleur ressemble le lis s'elle estoit argentée, en celle fleur est écrit l'interiection de douleur Hya, & à celle nom Hyacinthus, & renouvelle chacun an, & à son renouvellement souloit on iadis festoyer & dire chansons, & danser en memoire de l'enfant Hyacinthus, qui mué fut en fleur.

Du tailleur Pygmalion qui fut de son ymage amoureux.

EN la terre d'Amathonte eut iadis vn riche homme nommé Pygmalion sage, renommé, & de grand pris, qui long tems & grande partie de son âge s'abstint de femme prendre pour le grand vice qu'il auoit veu & conneu estre es villes & deshonnestes putains les Propetides, & pour les diffames que l'on luy en auoit racontées. Sans femme véquit long tems Pigmalion chastement: mais il mist toute son entente, comme celuy qui moult estoit subtil, à entailler en blanc yuoire vne ymage de femme. Si le pourtrait & entailla si



subtilement & si bien, qu'onques ne nâquit si belle femme. Nul ne la vit qui ne dist qu'elle fust viue. Tellement que pour l'œuvre qui tant subtile estoit s'emerveilla mesmes celuy qui l'auoit ouuree & faite. Et si tresententiuement la regarda, qu'au regarder s'esprint de nouuelle amour, tellement que toute sa cure, affection & pensee luy fist mettre en la forme de l'image que luy mesmes auoit faite & pourtraite de sa propre main. Souuent la tâtoit, & essayoit si c'estoit fantasme ou vraye femme. Point ne disoit que fust yuoire: car amours luy faisoit entendre que d'elle se pouuoit appaiser. Moult la manioit, accolloit, blandissoit, baisoit & pourchassoit toutes choses plaisantes à


pucelles pour la parer & aorner, comme fleurs de lis, roses & violettes, marguerites, romarins & giroflees. Et si luy dōnoit coulons & tourterelles. Et luy faisoit moult d'aornemens, comme de robes, de ioyaux, de pierres precieuses à son col, & anneaux aux doitz & aux oreilles. Moult luy plaisoit l'image quand vèrue estoit, & aussi faisoit elle nue, car moult estoit belle. Avec luy la couchoit es litz parez & couuertz, & l'appelloit samye & son épouse.

V N iour qu'il estoit feste solennelle de Venus la deesse d'amours en Cypre, festoyoit tous pauvre & riches la deesse. Et sans estre auaricieux, faisoient dons & sacrifices en grand abondance. Moult grandes furent les noces & les sacrifices qu'on fist lors au temple de Venus. Pigmalion y vint, & son offrande sur l'autel mist en disant son oraison piteusement & en doute, comme celuy qui craignoit à faillir à sa requeste. Venus, dist il, de vous me complains, qui mis m'avez en tel soucy, que sans auoir amye ie suis amy. Vostre aguillon amoureux à mis mon cœur en detresse grande, & de moy qui franc estoie à fait serf. Helas puissante dame, si vous n'avez pitié de moy, & sans vous ne trouue mercy, ie ne sçay plus ou ie le doie querir. Faites d'un douloureux & languoureux vn apaisé & ioyeux : car vous & tous les dieux en requiers doucement, comme fai-

re le pouez . Dame treshonorée otroyez moy ie vous prie que celle tant belle , qui semble d'yuoire, soit mon épouse. Point ne dist qu'elle fust d'yuoire. Et Venus qui debonnaire luy fut, accepta & ouyt sa requeste , & bien signe d'otroy luy montra, dont moult se reconforta: car le brandon que sans feu il portoit, s'alluma trois fois par luymesmes . Lors retourna Pygmalion ioyeux & moult reconforté à son image, & se coucha avecques elle en vn liect, & la commença à baiser, yeux & bouche. Et randis luy fut auis qu'elle amollissoit & adoucissoit, & que la roideur & humeur en issoit. Ainsi comme la cire amollist qui la touche & met au soleil ou vers le feu, ainsi se ployoit à son attouchemēt l'yuoire à Pygmalion, dont moult s'en ebahit, combien que moult ioyeux il en fust. Mais il cuydoit que ce fut songe ou fantasme, si craignoit estre deceu. Non pourtant il s'apperceut à la fin que c'estoit corps & ame. Car trembler luy sentit les veines & le poux. Puissamment montra Venus sa vertu, quand l'ymage d'yuoire devint femme, qui eut entendement. Lors fut Pygmalion moult ioyeux. Si remercia Venus de la grande grace & honneur que faite luy auoit, en disāt: Venus trespuissante dame, ie vous remercie & rens graces de ce qu'à mon gré m'avez seruy: car i'ay ce que ie desiroye. Remis m'avez de grand desroy en grāde

plaisance. l'ay aymé & si suis amy. A tant print
 l'amy à baiser. Et celle qui le sentit, s'en ver-
 gongna & rougit. Puis la print Pygmalion à
 femme & à epouse au temple de Venus. Et cel-
 le au bout de neuf mois eut vn beau filz, nom-
 mé Paphus qui depuis fut preux & de grand
 renom, & de sō nom fut l'isle nommee Paphie.

*De Myrrha qui follement ayma le roy
 son pere, de qui eut le bel Adonis,
 l'amoureux de Venus.*



EN celle isle dicte Paphie naquit Cinyras à
 qui toute la terre fut à iusticier. Si fut tres-
 puissant homme, & bienheuree fut sa vie, s'elle
 eust esté sans lignee. Mais il epousa femme de
 haut parage, en laquelle il engendra vne fille,

qui puis luy donna grand douleur. Mieux eust esté qu'elle fust auortée, & au naistre morte, cruelle chose à dire? Parquoy vous filles & pucelles, peres & meres, tirez vous arriere, afin que ne l'oyez. Et si ouyr le voulez, ie vous prie que ne le vueillez croire. Et encores si le voulez croire, soyez certaines que cruelle vengeance & terrible punition en receut celle qui si enorme & si dénaturel peché fist. Et est difficile chose & forte à croire comment nature daigna onques tel peché consentir. Je m'éiouys pour Thrace qui est ma terre & dont ie suis né. Pource que tel cas n'auint onques en icelles, ains loin est de la contree où celle fille dont ie veux parler nâquit. Combien qu'elle soit bonne & fertile entre toutes les autres. Et que portant soit gingembre, canelle & encens & plusieurs autres bonnes épices : Mais pource ne remaint il pour Myrrha ne pour le peché qui pour elle auint, n'est le myrrhe de telle valeur que la terre deust valoir qu'elle eust tel hoir porté. Myrrha donques eut nom la fille de qui ie vucil parler, qui trop fut belle. Mais elle fut peu sage : Elle fut pour sa beauté & pour sa richesse de moult haux barons requise en matiage, mais cure n'en auoit : car ailleurs auoit tournée sa pensée & son entente. Elle tant aymoît Cyniras son pere oultre mesure, qu'à autre amour n'entendoit.

Point n'appertenoit à pucelle d'aymer son pere en telle maniere . Ce eust esté peché de le hayr, mais son amour étoit trop pire que n'eust esté la hayne, & plus luy fut a blamer. On doit aymer son pere & ses parens charnelz par droit de nature, & selon ce que raison le requiert. Myrrha donques ayma son pere oultre raison par amour, laquelle trop la detraignoit & non pas amour, mais rage qu'elle eut en soy. Amour enseigne & ayme courtoisie, droit & mesure, & hait vilennie, trahison & toute chose deshoneste . Donc puis-ie dire de verité, que point n'estoit l'amour de ceste Myrrha amour, mais forcenerie, qui telle rage luy faisoit penser, dont retraire nullement ne se pouuoit, pour peine qu'elle y sceust mettre. En son cœur debattoient raison & entendement à l'encontre de follie: car folle amour l'attisoit & emouuoit à tel malefice, & luy mettoit au deuant la beauté de son pere, & raison l'en chatoit & defendoit d'entreprendre si honteux affaire. Qu'astu en pensée, luy disoit raison en luy mesmes, retrairtz ton cœur de telle rage & réuerie. Et comme veux-tu faire peché avec ton propre pere? honte & douleur t'en auindra, s'auant le fait ne t'en repens. Ia ne consentent les dieux que telle follie faces. Puis reduysoit follie en elle: On ne te doit par droit blamer s'aymer veux ton pere, le bœuf s'assem-

ble bien avec sa mere & sa fille, sans en estre
reprins, & la iument au cheual qui l'engendra.
Bien heureux fussions s'il pleust aux dieux
qu'ainsi peussions faire, si feissions noz choses
selon nature. Mal ait qui le contraire établit.
Les loix & les droitz defendent ce que natu-
re à ordonné & institué. Non pourtant ay-ie
ouy raconter qu'il y a vn pais auquel on peut
son plaisir faire & accomplir, sans aucun bla-
me. La mere peut coucher avec son filz, la fille
avec son pere, & la sœur avec son frere, & par
ainsi se double l'amitié. Lasse, que ne naquis
tu en la terre ou il est licite de ce faire? du mal
qui si fort te blesse puisse trouuer & auoir ton
allegeance. Ceste terre t'empesche à acheuer
ta volonté, si me deplaist qu'onques y fuz nee.
Ton pere pers, pource qu'il est tien, car espoir
si sa fille ne fusses, bien le peusses par amour
ayer. Lasse, redisoit Myrrha, il me poise qu'il
m'appartient, il me conuient mon cœur retrai-
re, puis que mon plaisir auoir n'en puis. Mais
quand ie regarde sa beauté, au cœur me met
l'ardant aguillon, qui m'embrase & enflam-
me. Pour allegger ceste douleur, il me conuient
(comme ie croy) guerpir & laisser ma terre &
mon pais. Helas, que diray-ie, trop seroit grie-
ue chose à moy la departie, quand pour ce ne
gueriroye: car on dit que pour terre changer,
ia pour ce le cœur ne peut muer. Certes ie croy

qu'aussi ne feroit le mien : & comme plus m'elongneroye de mon confort , plus me feroit mon cœur destroict:ne ia pour ce n'estaindroit la chaleur , qui tellement m'esprent . Et ainfi donques me vaut mieux demourer avec mon pere , si le verray à mon plaisir par confort & par esperance : mais ia pour ce ne me ioindray à luy . Sœur & mere seroye à mon enfant. Mieux aymeroye à mourir que telle chose faire:car moy & mon pere deshonnoreroye. Puis redist : Helas moult me poise que c'est œuvre ne puis acheuer , ia pour honte ne pour peché, si ie pouuoye ne m'en tiendroye : mais ie ne puis,& ne m'est chose possible,dont ie suis bien ébahie:car mon pere a raison en luy,& si sçait & connoist les loix & les droitz,tellement que pour rien ne voudroit telle rage faire . Certes il me deplaist qu'il est si sage, ie me doute que cher ne compare son sens.

A I N S I se complaignoit & demenoit Myrrha,qui tant auoit mis sa cure à sa honte pourchasser,qu'à autre chose ne pensoit que de pouoir paruenir a la fruition de son pere.Souuēt trembloit de froid,puis tressuoit de chaleur.Et ainsi tressailloit & fremissoit. Mais de tout ce ne sçauoit rien son pere Cyniras,qui la vouloit & cuydoit hautemēt marier:car maintz hautz barons & nobles cheualiers l'en requeroient. Vn iour appella sa fille a luy:& elle venue en sa

presence, il luy nomma & dist ceux qui l'auoient requise en mariage, & luy dist qu'elle choisist de tous celuy qui le mieux luy plairoit, & il luy feroit auoir. Myrrha qui son penser n'osa dire, s'esprint à soupirer tendrement, & a regarder ententiuelement les yeux de son pere. Et comme plus le regardoit, tant plus s'enflammoit de son amour. Mais le pere de rien ne s'en aperceuoit, ains cuydoit simplement qu'elle craignoit prendre mary, comme par courume font les ieunes filles pucelles, & que pour celle cause pleura. Si luy essuya la face & ses larmes, mais certes c'estoit la cause de son amour qui ainsi la distraignoit, qu'elle ne se scauoit contenir. En fin dist elle ainsi: O mon pere, s'a mouuoir pouuoie choisir mary, sçachez qu'un en voudrois de telle beauté, & de telles meurs comme vous estes, & moult l'aymeroye. Quand le pere ouyt ce dire, point n'entendoit la signification de celle parolle, ains cuyda que pour bien & son honneur le dist: Si la print moult à louer, & en la baisant la reconforter, dont elle moult ioyeuse estoit, & luy dist que ainsi pourra elle paruenir. Lors Myrrha qui de pitié ouyt son pere parler, entendit l'enclouement de ses parolles, si ne l'osa plus regarder, & se tint de son meffait coupable: car bien entendit que peu ou neant y profitoit.

LE iour se passa, & vint la nuit: amour ad-

goissoit moult la belle que prinse tenoit en sa prison, par iour auoit mal, & encores pis par nuit: Car trop luy greuoient les pensemens qu'elle faisoit au liēt à par soy, comme celle qui plus pēsoit & estoit angoissee d'amours: dormir ne pouuoit ne reposer. Moult se remuoit, & se deiectoit & çà & là. Elle sailloit hors de son liēt, & puis se recouchoit. Le déconfort qu'elle auoit de ce que son pere ne pouuoit auoir à son plaisir, luy faisoit pis, que l'ardeur qui la distraignoit: moult estoit ebahie & entreprinse. A par elle disoit en elle mesme chatiant. O Myrrha tresfolle, qu'elle rage as tu entrepris en ta pensee, ia ne iouyras de ce que tu quiers, & aussi il n'est pas droit ne raison que tu en iouysses. Je me repens de ma folle: car il ne m'en peut venir que blame & deshonneur, & si ne m'en puis chatier. S'à luy ie decouure le mal que pour son amour porte, point mon plaisir ne me feroit, & i'ay espoir que si feroit: car il est tant plein de pitié, que pas ne me lairroit mourir pour son amour, tant que secourir & ayder me peust. Et pource luy confesseray mon cas, sa mercy requerant. Puis redist Myrrha: Hee qu'est ce cy, suis ie hors du sens, que mon pere vueil prier de folle? Pas ne le feray, & si ie le faisoie, si me refuseroit il, dont encores me feroit pis: Car son amour & bienueillance en perdroye, & ainsi
i'ayme

i'ay me mieux souffrir & endurer mō mal, que
luy dire chose qui luy puisse déplaire, & dont
perdre peussē sa grace. O lassē, certes le souffrir
m'est trop grief tant ay souffert que plus ne
puis, tant suis éstraint de douleur & de decō-
fort que vie me desplaist. O mort douce & sou-
eue, vien moy querir, & me deliure de ceste
peine, qui m'est certes pire que mort. O dieux
souverains vueillezce cōsentir, lassē, pourquoy
fuz ie oncques née? Mauuaise portee fist ma
mere de moy. Mieux fust qu'auortee m'eust,
ou au loing iettée morte, ou estranglée que
m'auoir engendree à mō pere aimer. O amour
amere, fiere, pestifere, oste moy la vie bien
tost ie t'en prie: car elle m'ennuye de voir ce-
luy par qui en soucy ie suis & marrie. O mon
pere, pourquoy m'engendras tu oncques, pour
moy faire ainsi languir apres tō amour: moult
me desplaist la vie, & la mort fort m'agree, laq̃l-
le certes trop attend à moy deuorer, afin de
moy deliurer de ceste peine, ou point ne voy
de prochain confort, fors seulement par elle.
Puis redist Myrrha: Desire ie la mort? c'est
pusillanimité & mauuaitié: car moy mesme
maugré elle me puis occire, & sans respit si
ueil ce faire, & par ainsi seray ie quitte de ce-
ste douleur & ennuy. Car aussi bien me cōuiert
il finalement passer, & venir à la mort. Celle
pēsee & cogitatiō fut moult agreable à Mirrha.

Olympe.

FF

cōme celle qui sa vie & la mort desiroit . Lors commença Myrrha à exploiter & mettre tout prestement sa conception à fin . Elle print & attachâ sa ceinture à vn banc, pour soy pendre à vn lacz courant. Et quand elle eut tout aprêté, elle dist en tendrement plorant: Beau doux & de moy trefaymè pere, mal vous vy onques quand pour vous mō amour tellemēt le cœur & le sens rauist, que mourir me cōuiēt, & si ne l'entédez ne sçauiez, à Dieu soyez recōmandé.

A ce mot Myrrha pour soy pendre voulut mettre le lacz à son col: mais la vieille q nourric l'auoit en sa ieunesse & gardee des son enfance, qui pres de la chambre d'elle gisoit, se leua toute effraiee, ouurit la chābre, & moult hâtivement dedās entra, si trouua le lacz ou elle se vouloit pendre. Lors la vieille moult dolēte & ébahie, en elle detordant par mal talēt rompit le lacz, & puis print Myrrha entre ses braz, & ententiement la commença à baiser . Puis doucement luy demanda la cause pourquoy elle se vouloit desesperer & ainsi mettre à la mort. Mais elle eut si grand hōte & si grād vergongne de la venue de sa nourrisse, qu'onques mot ne respondit : Ains regarda en terre, & moult luy pesa que tant tardé auoit a s'occire. La vieille la print fort a oppresser par coniuration, pour sçauoir d'elle l'ocasiō de ceste fornerie, disant q̄lle se pouuoit biē fier en elle de

toutes choses, & de tous ses affaires, & que ia rié ne luy en viendroit fors proffit: Car ie suis, dist la vieille, sage, & en faitz & en ditz:& sou haiter ne sçauras chose tant difficile ou forte, soit à acheuer, que ne la sçache bien mener à bõne fin & à ta volunté, cõbié que vieille soye. Si c'est rage ou forcenerie qui ainsi te travail lè, ie sçay tant faire medecines, & par herbes, q̃ breuement seras guarie. Et si tu as esté frenati que par aucunes mauuaises parolles ou regars, ie sçay tant d'artz & d'enchantemens, que tel les choses ne pourroient nuyre ne greuer. Et si tu as fait aucun dieu courroucer qui ceste dou leur te face souffrir, bien sçauray l'ire desdieux appaiser, & pareillement des deesses par mes vœuz & mes prieres, & aussi par mes dons & promesses, tellement que brief auras pardõ & secours de tõ mal. Ie ne sçay plus rié que mé croire, parquoy tu ayes ton sens perdu. Car ta terre & ton pays est bon & fertile, & si as for tune fauorable, si ne croy pas que resparens ou amys ayent aucuns aduersaires, qui en rien les puisse greuer, & dequoy tu doiues auoir dé plaisir. Ta mere est saine, & ton pere aussi. Lors quand la vieille nomma son pere, elle se prît à fremir & à trembler, & luy faillit le cœur. Encores à ceste fois n'aperceut la nourrisse la grande follie de Myrrha: mais bien enten dit aux plaintz & aux souspirs que c'estoit

detresse d'amours, dont la pucelle étoit si surprise qu'elle n'auoit sens ne mesure. Lors luy dist la vieille. Certes la belle fille, maintenant ie sçay bien & aperçoy la cause de vostre mal. Ce sont amours qui ainsi tient votre corps prisonnier. O Myrrha ma belle & aymée fille, dy moy maintenant ton courage hardiment, & ne me le cele en rien : car ie te prometz que grande allegeance y auras. Rien n'y vaut le celer m'amy, & ie te iure que tant feray par entendement, que tout ton plaisir en pourras auoir, sans ia estre aperceu ne sceu par ton pere.

Q V A N D Myrrha ouyt parler de son pere sa grand douleur luy renouuella : & tât fust angoissee, que sur ses piez ne se pouuoit soutenir : ains la conuint coucher toute estendue le visage vers la terre. Et quand elle fut en ce poit en plaignant & en soupirant print à dire à sa nourrice qu'elle la laissast, & que plus ne luy enquist de sa honte. Trop dist elle est grand folie de ce que tu demandes, car à roy n'en appartient rien sçauoir : & pource ia mon vouloir tu ne sçauras, ne creature qui viue aussi. La nourrice qui bié aperceut la grand' angoissee de Myrrha sceut adōques véritablement que elle mourroit, si brief n'auoit secours & guarisō du mal, qui ainsi l'oppressoit. Si en eut pitié & peur comme celle laquelle moult l'aymoit. De viellesse & de peur trembloit mains ioinctes &

enclinez les genoux deuant la pauvre Mirrha
print à dire par douces & gracieuses oraïsons:
Ma treschere fille ie te requiers dy moy la cau
se de tō déplaisir, & t'ayderay en telle manie
re, que d'amours auras ton vouloir. Et ce ne
fais, certes ie t'accuseray enuers ton pere. Lors
Myrrha leua son chef, & s'eioiūt pour la pro
messe que sa nourrisse luy auoit faite: car ce luy
alegeoit le desir qu'elle cōuoitoit d'acomplir.
Le grand desir qu'elle auoit vouloit bien qu'el
le decouurist son courage à la vieille: mais hō
te luy deuoyoit, & ne luy laissoit ouurir la bou
che pour si honteuse & vilaine chose dire ne
reueler. Car il luy sembloit que chacun en
tiendroīt son conte, & que monstree en seroit
au doigt sil estoit sceu. Puis disoit en elle mes
mes: Et commēt laisseray ie pour hôte à pour
chasser ma guarison? En tout le monde n'a
medecin tāt soit subtil, qui guarison me sceut
dōner ne à autre pour acquerre sātē, s'il ne luy
donnoit son mal à connoistre: donques con
uient il que ie luy die la cause de ma douleur,
si ie vueil qu'elle me secoure. Helas, or ay ie sō
gē & dit grand' folie, que ie cuide qu'elle me
puisse ayder: car celuy ou i'ay mis mō courage,
est tout sage & hōnestē q̄ croire ne pourroye
que iamais fist telle folie, aīs m'en dépriseroit
& occiroit, si ceste forcenerie luy étoit décou
uerte. Ainsi pensoit & contrepensoit Myrrha,

& ne ſçauoit auquel obeir, ou à celer ou à cō-
feſſer. Voluntiers ſ'elle peult le celast: mais la
vieille l'agreſſoit, & luy iuroit que ſ'elle ne luy
confeſſoit & racontoit ſon cas, qu'elle l'accu-
ſeroit deuers ſon pere & ſa mere de ſa folie &
deſeſperance. Quād Myrrha luy ouyt ce dire,
elle en fut troublee & douteuſe, & perdit hō-
te pour peur. Et au dire ſ'accorda, en couurant
pour honte ſa face, & en plorant luy diſt: Bien
heureuſe eſt ma mere, & moult bien mariee.
A ce mot l'entendit la vieille, & ſceut tout ſon
courage: dont à trembler ſe print & à fremir.
Et pour l'oter de ce fol penſement, la commē-
ça à reprendre & chatier doucement: mais peu
ou rien y valloit chatiemēt: ains luy diſoit que
brieuement mourroit ſ'elle n'auoit de ſon pe-
re prochaine guarifon. Lors la vieille pour luy
donner confort & ſoulas, luy diſt en telle ma-
niere: Belle fille, or ne t'émaye ne ſoucie plus
car prochainement te feray auoir tout tō plai-
ſir. Et ſi t'affirme & iure ſur les dieux. A
tant departit leur parlement. La vieille penſa
d'acheuer ce qu'elle auoit promis, & Myrrha
attendit le tems & les lieux conuenables.

AVINT vn iour qu'en icelle contree d'A-
matone fut vne grande feſte & ſolennité celē-
bree à la deeſſe Ceres, laquelle étoit la renom-
mee deeſſe des blez. A celle ſolēnité alloient
les preudeſemmes du pays, & y portoient au

sacrifice chapeaux d'espics de blé. Et tandis qu'on cultiuoit & faisoit les sacrifices par l'espace de neuf iours, les dames s'abstenoient de la cōpagnie des hōmes. A ce sacrifice estoit allée la mere de Myrrha avec sa voisine. Et lors eut la vieille espace de rēdre & paracheuer ce qu'elle auoit promis à la fille. Elle mist grād cure & sollicitude à deceuoir Cyniras: toutefois vne poison d'herbes luy dōna de vin & de pigmēt detrempez, tant vertueux & tāt puissant, qu'il n'est hōme si vertueux ne si fort souz le ciel, q̄ s'il en auoit beu deux fois qu'il ne fut deceu. Cyniras qui ne sçauoit la deception, en but tāt qu'enyurer le conuint, & tellemēt que de luy ne scauoit aucune contenance, Quand la veille le vit en tel point, elle l'arraisonna, & luy cōmença à parler d'amours en telle maniere. Sire vous estes de grande abstinence.

Les hommes de votre âge & force ont plus souuent cure du ieu d'amours faire que vous n'avez pas trop mené chaste vie. Dame, respondit Cinyras, celuy s'abstient souuent de manger qui na déquoy, par semblable cas me conuient tenir sagement, sobrement, & chastement: car si le ieu d'amours faire vouloye si ne pourroys-ie car mon épouse est allée au sacrifice de Ceres, comme vous sçauēs. Adōc luy dist la vieille pour l'attirer à sō intētiō: Sire (dist elle) si le ieu d'amours vous agreoit tādīs que

ma dame n'y est, si connois vne damoyse,
plus belle n'a souz le ciel, ne plus courtoise, qui
tellement est surprise de votre amour, & tant
vous aime outre mesure, qu'onques creature
viuant n'ayma tellement homme au monde.
Verité disoit la vieille: car outre mesure l'ay-
moit celle, n'onques de telle déloyalle amour
pucele ne s'entremist. Puis dist la vieille. Si
ceste vous venoit à plaisir, tandis que madame
est dehors, vous en pourrez auoir tout vôtre bõ
plaisir: car ia ne vous fera écõduire. Dame, dist
le roy de quel âge est celle qui tant m'aime: El-
le n'est pas, dit la vieille, moidre de corsage &
de beauté que Myrrha votre fille: & si est aîsés
de son âge, & non plus. Lors respondit le roy:
Faites la venir. Et la vieille luy dist que la nuit
luy feroit auoir toute nue entre ses braz. A rât
se departit la vieille du roy, & vint à Myrrha. Si
luy dist en la recõfortant de la grand angoisse
qu'elle souffroit. Ma belle fille (dit elle) réiouis
toy. Ceste nuit sans plus attendre auras le de-
sir que tant désiré as. Quand Myrrha ouit la
promesse que la vieille luy faisoit, elle se réiou-
ist outre mesure. Mais si biẽ la méchâce sceust
que brief auenir luy en deuoit, plus eut eu tri-
stece que ioye: nõobstât quoy qu'elle le sceust
si luy debatoit tellement le cœur, qu'il luy trem-
bloit au corps cõme feuille sur l'arbre, & q̃ de-
foy ne sauoit maniere ne cõtenâce. Ioye & peur

auoit tout ensemble, de ioye rioit, & de peur trembloit: trop étoit discordante en sa pensee car elle ne se sçauoit auquel tenir, ou à la ioye, ou à la peur tant étoit ébahie.



IL étoit de nuit enuiron le premier somme que toutes choses étoient en repos, tellement que rien ne faisoit bruit. La nuit étoit belle & seraine, la lune, aussi les étoiles luysoient, quand Myrrha entreprint sa forcenerie d'aller au mauuais & dénaturé voyage. Mais la nuit cōme sçachant pour cestuy meffait, s'obscurcit & couurit sa face. La lune éclipsa & de toutes les étoiles, n'en demoura qu'une que toutes ne s'eussent au firmament, ce fut l'ourse, & encore fut ce malgré elle: Mais toutesfois palit toute

& mussa sa face cōme celle, qui ne voulut voir vilennie si abominable. Onques pour tous ces signes, ne delaisa la malheureuse Myrrha son propos, ains se mist au chemī, auquel par trois fois se heurta, & trois fois sur elle cria le Hibou en signe de malheur. Merucilles n'est se la folle s'ebahissoit, mais onques pour chose que elle vist ne quyst, elle ne voulut sa voye delaisser. Elle hardimēt prenoit en obscurité du rēs & de la nuit, qui son mal fait celoit. Si tatoit la voye à sa dextre & à sa fenestre tenoit sa norrice, qui la cōduisoit: Tāt allerēt tatāt, qu'elles trouuerent l'huys de la chambre, ou Cyniras se gisoit: si l'ouurirent, & entrèrent dedās. Lors se print la fille à trembler de grand peur, & luy failloit le cœur, & cheut à genoux toute eperdue. Moulit luy pesoit, quand onques auoit entrepris tel cas, & tant plus aprochoit du lit de son père, tāt plus étoit égarée, & plus cremoit & se repentoit de sa follie encommencee, Biē eust voulu estre retournée par tel si qu'elle ne eut été reconneue. Tandis que Myrrha retardoit, comme celle qui honteuse étoit: la vieille qui la conduisoit, & qui illec l'auoit amenee, la print par la main & la liura au roy Cinyras en disant: Sire voicy votre amye qu'amenee vous ay, or faites d'elle à votre bon plaisir. Adoncq la vieille s'en yslit de la chambre. Myrrha trembloit, comme celle, qui grande peur

auoit, & Cinyras la reconfortoit doucement. Belle fille disoit il n'ayez doute, Fille l'apelloit pource que la vielle luy auoit dit, qu'elle étoit de l'âge de sa fille, mais pas ne cuidoit que ce fust elle, & Myrrha par pere luy respondoit, & tellement firent que Myrrha qui vierge y entra, en retourna grosse, le lendemain, quand la nuit approcha Myrrha retourna à sa villennie & inceste, car tant luy plaisoit la volupté desirée, que saouler ne s'en pouuoit. Auît que Cinyras eut grand enuie de voir s'amyé, qui de si âpre amour l'aymoit, mais las ce fut trop tard,



pas ne deust auoir attédu iusque à la chose consommée & parfaite. Car on dit & est verité, que quand le cheual est perdu, à tard ferme lon

l'étable. A la lumiere cōneut Ciniras son meffait, & cōme sa fille Myrrha l'auoit deceu, dont il deuint de douleur plus verd que fueille de lyerre au tems d'esté, & de grande ire, qu'il eut nē peut il parler longue espace, mais print vne épée qui pendoit à la couche pour occire Myrrha, s'attendu l'eust. Moult longuement cercha le pere sa fille, pour l'occire, & celle s'en fuyt tant & si vitement pour doute de la mort, qu'elle luy echappa, par l'obscurité de la nuit. Ainsi donc echappa Myrrha, & s'enfuyt en la terre d'Arabē. Au neuuiesme moys elle vint en la terre de Sabbe. Lors estoit tant lassée & grosse que plus ne se pouuoit soutenir, si la conuint arrêter illec: moult hayoit sa vie, & souuent l'heure de sa naissance maudissoit, mais le peril de la mort craignoit. Tendrement pleuroit & crioit mercy aux dieux en disant : O vrais & souuerains dieux s'onques vous eûtes pitié de nulle creature qui mercy vous requist, & qui son peché confessast aydez à ceste lache & chetive pecheresse, grand douleur ay que ie suis viue, quand tant meffait ay. Mais afin que l'iniquité de moy ne de ma vilité ne corrompe mors ne vifz. Otez moy ie vous supplie la vie sans mourir. Bien vueil souffrir penitence & auoir ma forme chagée, pour purger mon peché. Onques ne fut pecheur ne pecheresse tant eust fait de maux qu'en vous dieux immor-

telz mercy ne trouuaſt, ſi de vray cœur & d'entiere penſée vous en prioit & requeroit. Elle n'eſt point ſi toſt finée ſon oraiſon, quand la terre ſouz elle ouurit, qui piez & iambes luy couurit. Furēt tous muez ſes os en boys, ſans en remuer la mouelle. Son ſang fut mué en ſève, & ſes bras & ſes doitz en rameaux, & ſa peur en écorce, que tantōſt toute la couurit forſ le viſage ſeulement qui trop attendoit ce luy eſtoit auiſ à eſtre couuert. Lors l'enclina vers l'écorce & dedās le remiſt & remuça. Moult toſt fut muée ſi cōme les dieux le conſentirent, qui en elle montroient leur pouuoir. Si en roidit le corps & le ſens, nonobſtant pleure l'arbre en quoy elle fut muée, & l'ō appelle ſes larmes Myrrhe & à touſ iamaſ parlé en ſera.

De la natiuité d'Adonis filz de Myrrha,

& comment Venus l'ayma & des enſeignemens qu'elle luy baille.

L'Enfant dont Myrrha étoit groſſe, creut tant à douleur ſouz l'eſcorce, que ſon iour vint de naiſtre. Si prit à querir & chercher voye pour yſſir: mais auāt que naiſtre peuſt, conuint l'arbre fendre. A ſa natiuité furēt nymphes, qui le receurent ioyeuſement. C'eſt enfant fut tant bel & tant gent, que merueilles étoit de le regarder, & tant bien reſſembloit le Dieu d'amours, qu'il n'eſtoit creature viuant qui le viſt, qu'il ne cuidaſt que ce fuſt il, ſi les habitz ne le



demontraſſent. Bié verité eſt, que toutes choſes ſerenouellent & changent avec le temps, qui change toutes choſes & mue, l'enfant qui conceu estoit en deloyauté, filz de ſa ſœur, & neveu de ſon pere, qui ſouz l'ecorce de l'arbre auoit n'agueres eſté nouuellement né, fut en peu de temps tresbel & plaiſant ſur tous autres, & de grand renom. Son nom fut Adonis. De ſon amour fut tant eſpriſe la Déesſe Venus que merueilles, & tellement que iour & nuict durer n'en pouuoit. Mais depuis print Adonis vengeance d'elle, pour le meſfait que fait auoit à ſa mere, quand ſon pere luy fiſt aymer. Car vn iour que Venus bailloit Cupido ſon filz, par grand'amour, & Cupido qui embrasſée l'auoit

la blessa par mesprison souz la mammelle, d'un dard amoureux, à pointe de fin or trenchant & agu, dont Venus ne pouuoit de léger auoir guaison: ains fut par le coup de la playe angoisseuse & dettainte, quoy que la playe ne prisast, pource qu'elle estoit petite, & pour ce s'en confortoit. Et comme plus la déprisoit, tant plus estoit d'amours esprinse. Dōc est celuy bienfol, qui cōtre amours s'efforce, quād Venus mesme d'éeſſe d'amours, ne peut à amours cōtester ne desdire son cōmandement. Et quand elle vit & conneut la vertu d'amours: elle voulut auant élire, qui digne fust d'auoir telle amie, comme le coprs d'elle valoit. Ce fut Adonis, qui pas ne fut moins vallable d'elle. A la d'éeſſe pleut & agrea Adonis, pour sa forme & sa grand' beauté. Si l'introduisit amours à faire & garder les cōmandemēs, qui par luy sont faitz aux amās. Il ne luy chaloit d'hōneur ne de deité, tout oublia pour son amoureux. Rien n'auoit au ciel, que tāt luy pleust, elle se deuisoit avec luy, l'accoloit & baisoit & l'accōpaignoit par vallées & par montagnes. Adonc luy agreoit le trauail que hair souloit, car par auāt elle mettoit son entête, forsà elle pollir & cointoyer, mais main tenant de rien qui fust au monde ne luy chaloit. Elle se recoursoit & tiroit amōt ses habitz, & à maniere de veneurs, par boys & par riuieres suyuoit son amy Adonis, portant filetz &

menant chiens. Plusieurs cerfs, dains, biches, lieures & sangliers luy aida à prédre, & maintz lyōs, liepars & ours, loups & bestes armées onques n'assaillit. Et si pria Adonis son amy, si rié y vauſist priere n'amonnestemens, qu'il se gardast d'assaillir telles bestes cruelles pleines d'ire: car son âge ne sa beauté, ne pourroit flechir n'amollir leur courage, & luy pria que point ne les poursuiuist, car s'il luy en mescheoit, elle disoit que son cœur seroit en douleurs à tousiours. Ains disoit Venus en le chatiant. Ne pourchasse point pour vn petit de vaine gloire ton mal. Retien mon conseil ie t'en prie. Chasse les bestes qui deuant toy fuiront, & ia telle chasse ne nuira, & si te garde d'assaillir celles qui vers toy retourneront par felon courage. Trop peut tourner à grand dommage hardiment, contre les hardis. Mieux te vaut estre couart & te tenir asséuré qu'estre trop hardy & chasser proye à ton mal. Pource te prie que tu te gardes de chasser bestes, qui ont naturel hardiment & nommément lyōs, car ces bestes ay-ie en hayne plus qu'autres, pource qu'ilz me ont autresfois meffait. Puis Venus dist à Adonis: mon amy seōs nous icy ie te prie sur l'herbe en l'ymbre de ce pouplier, le chaut & le travail que j'ay me nuist & griue, & ie te diray pourquoy j'ay en haine les lions plus qu'autres bestes sauuāges, & dont ceste haine vint.

A tant.

A tant l'assist Venus sur l'herbe verte & son amy Adonis aupres d'elle, dont moult ioyeuse fut. Et le coucha en son giron puis commença Venus son conte en ceste maniere.

D'Hypomenes qui vainquit Athalanta à la course, & comme il la déesse Cybelles les mua depuis en lyon & lyonnesse.



EN Crete dist Venus à Adonis son amoureux, eut iadis vne damoysselle si isnelle & tant legierement courant, qu'elle ne pouuoit homme trouuer qui de courir la peust vaincre. Moult en acquist la damoysselle grande loué-ge. En merueilles fut de sa legereté, & encore plus pour sa excellētē beauté, car en tout le mō-
de n'auoit de chef, de corps ne de visage si gé-

te femme ne si parfaite. Son nom estoit Athalanthia, celle damoiselle alla vn iour au tēple faire sacrifice aux dieux, pour sçauoir quel mari elle auroit. Et les dieux luy firent pour fort entendre, qu'elle n'auoit que faire de prēdre mari, & que ia si biē ne s'en sçauoit garder, qu'en la fin n'e print vn, duquel gueres ne iouyroit. De ceste responce s'ebahit fort la pucelle, tellemēt que nullement ne vouloit mary auoir. Et pour ce que tous les refusoit tant plus en estoit aimée, désirée, & requise : car communément on conuoite plus la chose, ou on met contredit, que celle qui est abandonnée. A celle pucelle venoient tous les barons & cheualiers, du pais d'environ, pour elle requerre en mariage. Mais elle pour mieux éconduire, disoit que iamais mari n'auoit se premierement ne la vainquoit à la course, par telle cōdition que s'elle le vainquoit & passoit au cours, il luy cōuenoit mourir & finir sa vie. Onques pour celle mortelle gageure ne laisserent aucūs leurs corps à éprouuer, ains s'apreterent pour faire leur deuoir, dont plusieurs en moururent, & furent mis à perdition. A ce cours veoir estoit Ceneus le pere d'elle & tous les barons de la cōtrée. Avec les autres estoit venu vn damoiseau de Thebes nommé Hypomenes bel, gracieux & moult amiable, neveu estoit au Dieu de la mer. Cestuy Hypomenes, print à blamer & à reprendre les

jeunes, qui de courir s'entremetoiēt pour ce mariage au peril de leurs vies, & moult tenoit leurs amours à folle. Mais quand il eut veue, la damoiselle déuetue, & en son corps, qui tant estoit belle & plaisante, fut de son amour fort espris. Et tantost son parler & sa reproche, furent muēz & abatus en louenge. Amour le rendit mat en langlet de ses forces, si ne laissa plus entendre, ceux qui couroiēt blamer ne corriger, ains moult se repentoit, qu'ainsi blamez les auoit disant que point ne sçauoit les pris du grand loyer, qu'ilz par leurs cours attendoient, & que bien eureux seroit celuy qui la pourroit conquerre. Car si belle damoiselle n'estoit lors viuante, ne n'auoit été nee, ne iamais au monde ne seroit comme Athalanta etoir & cōme plus la louoit, de tant plus l'esprenoit l'aguillon amoureux en son cœur. Haa Dieu disoit il en son cœur, secourez moy à cestuy trefgrand besoin, car mourir il me conuiendrait s'au corps éroye vaincu. Moult auoie n'agueres grād tort, quand si villainement ses cheualiers reprenoie, qui pour la belle osoient entreprendre si douloureux faix. Trop mouroient de douce mort se pour l'amour d'elle mouroiēt. Et pourquoy atten-ie à entreprendre le cours, dont on peut si noble loier auoir. Cuide-ie auoir telle dame sans defferte ? mettre me conuient à l'auanture pour elle ? Car elle le vaut, Dieu fait aide

aux courageux & hardis, & les couars reboute & reprime.

Tandis que Hypomenes etudioit en ce penser & volonté, la belle Athalanta couroit plus fort que ne volle esmerillon, laquelle legereté pleust moult à Hypomenes, & encore plus la grand' beauté dont elle étoit garnie; car sa couleur pour sa chaleur & échauffement du cours embellir plus que deuant sa face; & mieux colorée que rose epanie au mois de may. Sur ses epaules gisoient ses cheueux espars, qui au ralongs luy auenoient, & si estoient plus reluisans que fin or. Tandis que Hypomenes entendoit à la beauté qui tant luy plaisoit, eut la damoysselle le cours vaincu contre vn cheualier: Mais onques pour ce Hypomenes ne se pouenta, ains regarda la belle au visage, & luy dist en telle maniere: Dame, petit honneur acquerez, dist Hypomenes, à vaincre ces folbles chetifz & sans sens. Si louenge voulés auoir, & que telle hardiesse ayez, epreuvez vous contre moy, & si fortune me veut secourir, tant que vaincre vous puisse au cours, point ne vous sera honte d'estre epouse à vn si beau iouuenceau cōme moy. Exaltée seres par moy, car ie suis extrait de grans & de hautz parens, filz de Megareus, & neveu de Neptune Dieu de la mer. Et qui point moins n'est à priser. Par ma force & par mon sens, trop mieux vaur que

par mon grand lignage. Et par contraire, si vous me pouuez conquerre, pardurable renommée en acquerrez.

AMOURS assailloit le iouuenceau tandis qu'ainsi parloit à la pucelle, & hardiesse luy croissoit. Celle ententiuement le regardoit, & en son cœur disoit: O lasse, pour quelle auenture & outrage ce vent cest enfant à la mort mettre? Point ne suis de telle valeur, que luy pour moy deust son corps mettre à martyre. Il est trop bel & trop amoureux, quand si douloureux desir veut entreprendre pour mon amour, certes il m'en prend grand pitié, non pas tant pour sa beauté, ne pour sa bonté, ne pour son âge, que de ce qu'il est de nobles parens. Mais pource que pour mon amour ose entreprendre telz faitz, que pour mort recevoir, si de fortune n'a secours, mieux vaudroit qu'il s'en alast, sans à moy estriuer: car i'a n'auroit vers moy force, si employeroit mal son amour, si pour moy mouroit. Puis redisoit la pucelle, en elle émerueillant: Hee, & dont me vient maintenant celle pitié? onques ne m'auint que ie fusse si pitoyable enuers aucun homme, qu'ayie affaire de sa vie ou de sa mort? à luy mesmes n'en chaut. Il deust estre auisé par les autres, qu'ilz a veuz par moy vaincre icy en sa presençe. Trop à femme le cœur muable, quand en elle mesmes auoit ainsi dit & dédit. Si redisoit

elle encores : Helas , disoit elle , trop mauuais
guerdō auroit ce damoiseau , qui tant est bel &
plaisant , fil mouroit pour mō amour : ains fust
telle victoire maudite que vaincu l'eussē , ne
mort , grand blame y auroie. Non auroie : car
sans ma coulpe seroit. Il me poise qu'il me re-
quiert , en cest estrif demande sa meschance ,
pour l'amour dont il est surprins. Si voudroie
bien qu'à dieu pleust , qu'il à ce iour me peust
vaincre. Tant à cest enfant belles manieres &
belles façons par dessus tous autres , que dom-
mage de sa mort seroit. Moult me deplait qu'il
m'a veue , car ie doute que cher le comparera.
Trop me fait fortune douloir , car certes sa mō
vouloir fust de prendre mari , il n'est homme
que mieux aimassē que luy.

Ainsi pensoit & parloit en elle mesme la
pucelle Athalanta qu'amour maitrisoit , comme
celle qui estoit douteuse & epouëtée , & qui pe-
tit samollissoit , & aimoit sans son sceu. Là s'as-
sembloient le pere & les autres barons , pour
voir le cours des deux amans. Quand Hypo-
menes me requist deuotemēt que le secourusse
à son grand besoin , disant que par moy estoit
encheu en celle amour. Et pour luy secourir ,
ie me mis subitement à la vōye pour aller au
champ Damaset , qui consacré estoit en mon
nom , auquel a vn arbre de grand valeur , car il
est tout de fin or , & son fruit pareillemēt , trois

pommes d'or y cueilly, & les allay harnuement
bailler à Hypomenes, si luy enseignay com-
ment il les ietteroit pour empêcher le cours
d'Athalanta. Quand la buccine sonna le cours,
Hypomenes & Athalanta s'apréterent, & prin-
drent à courir si vitemment, que bien sembloit
qu'ilz vollassent en l'air, comme deux oyse-
aux, & de ce se print moult à éiouir Hypo-
menes que le peuple luy crioit. Or tost gentil
cheualier ayes bon courage, la pucelle auras
si recraintise ne t'empesche. Moult pesoit à la
pucelle qui pas n'estoit lente de courir, quand
elle veoit demeurer derriere: car par sa leger-
eté le passoit. Adonc eut Hypomenes grand
besoin de secours: car ia estoit fort trauaillé.
L'une des pommes qu'il tenoit ietta à Atha-
lanta, laquelle quand elle la vit elle la desira,
pourquoy elle entrelaisa le courir pour la re-
cueillir, & tandis la passa Hypomenes, dont
le peuple se print à crier de ioye, mais celle
qui point n'estoit lassée, tant se hata qu'elle
le r'atint & le passa. Et celuy luy ietta de re-
chef vne autre pomme, la pucelle si s'arréta
de rechef pour la recueillir, & Hypomenes
tandis la passa qui point n'arrétoit. Mais A-
thalanta le suyuit si legerement, qu'encores le
r'ataignit. Lors auoient les deux pas du cours
passé, & ne restoit plus que le tiers à faire. Le
iouuencel estoit moult trauaillé & moult lassé,

si ne sçauoit que plus d'eust faire en ceste extremité, si print à dire: O me vueillez aider dame Venus, à cetresgrand besoin, pour delaier & empescher la pucelle, laquelle il vit moult effrayee & ébahié, & ietta la tierce pomme. Elle ne sçauoit que faire, ou la pomme prendre, ou laisser: mais ie la contraignis à abaisser à force & la recueillir. Et tandis Hypomenes s'esforça & s'éuertua tant, qu'en fin il passa la pucelle, & vint premier au pas assigné. Et ainsi Hypomenes eut par mon aide & secours la belle Athalanta: mais onc de luy n'en euz depuis guerdon, n'onques depuis de moy ne luy



souuint. Or entends comment il luy mesauint. T'euz grand dépit de ce qu'il ne me daigna re-

gracier, si luy rendis cher mon maltalent : car apres ceste victoire s'en alloit en son pays, & emmenoit s'amy Athalanta, avec luy. Si trouuerent en vne lande le temple de Cybeles, la deesse en vn vert regret loin de la voie. Là mena Hypomenes s'amie pour reposer en l'vmbre, car il étoient lasséz, si les trauailloit moult la chaleur du soleil d'esté. En cestuy temple aréterent tant qu'ilz y coucherent ensemble, dont moult fut la deesse Cybeles dolente & courroucée. Si en print si cruelle vengeance, qu'eux deux les mua en lyons, qui sont bestes fort orgueilleuses. Parquoy ie t'amonnesté que ia n'assailles telles bestes, afin que par leur fierté ne t'auienne aucun déplaisir.



A I N S I conseilloit Venus son amy Adonis, mais pour conseil qu'elle luy fist ne pouuoit la hardiesse de son courage refraindre. Tant furent illec ensemble qu'ilz se baisèrent moult, & iouerent. Bien pouuoit dire celuy qui les eust veu ensemble, qu'ilz aymoient l'un l'autre de grand' amour. A grand peine se departit Venus de la pour s'en retourner en Cypre sa contrée ou elle demeueroit. Et Adonis entra au boys, ou prestement rencontra vn grand sanglier que les chiens auoient émeu, & de si loin, qu'il le vit, il s'en alla deuers luy en brandissant son épieu. Onques au conseil de son amye ne print garde, dont grand folie fist, car mal luy en auint. Adonis frapa le porc & le naura. Le porc qui l'angoisse sentit, par grand ire retourna vers l'enfant, si le pourfendit & naura à mort. L'enfant qui le porc auoit abatu, se complaignoit en mourant, tellement que Venus l'entreuyt de loin. Si retourna prestement, & trouua à demy mort son amy, dont grand dueil demena détordant ses mains, & rompant ses cheueux. Haa, dist elle, fortune, par quel tort m'as tu mon amy tollu? O mon doux amy Adonis, quand ie t'ay perdu triste en ay le cœur. Iamais le dueil qui m'angoisse, de mon cœur ne departira, ains se renouellera chacun an. Persephone fist nouuellement des femmes mêlé odorant, & ie feray de ton sang fleur, & ain-

si ie te mueray. Quand ainsi se fur la deesse Venus complainte, le sang de son amy arrousa de gracieux piment, puis ne demoura gueres ; que d'iceluy naquit vne fleur de couleur semblable à sang, en laquelle à vne bosslette pleine de graine. Celle fleur est Adonis nommee, qui pour petit de vent tremble & chet sa semente.

*Fin du dixieme liure du grand Olympe,
des histoires Poëtiques.*

OVtre les hautes & immortelles loenges des auteurs scientifiques de iadis, vne en souverain degre à esté attribué à la fleur de facundité poëtique Ouide prenommé Publius, du peuple tresaccepté, à laquelle aucun depuis n'a peu atteindre, car en son stille fluide est & doré, remply des graces parmy la maiesté heroïque, & ponderieuses sentences, luy est par eternal merite attirée ingenieuse inuention si au plein, que Grecz & Latins en ont depuis de luy emprunté, sans reconnoitre la dette. Parquoy non sans occasion disoit vn notable Auteur, qu'en vain se mesle d'inuenter & de bien dire, qui premierement n'a reuolu & bien manié le present liure nommé le grand œuvre d'Ouide, songneusement en langue Françoisse composee & traduite.

LA TIERCE PAR-

TIE DE LA METAMORPHOSE

d'Ouide, & vnzieme liure des
histoires Poëtiques.*La fin d'Orpheus souverain harpeur.*

Pendant que le Poëte de Thrace Orpheus; par le doux chant de sa harpe harmonieuse, delectoit les arbres, les bestes, & les pierres; voicy venir en grand' multitude les femmes de Thrace, qui faisoient les bacchanalles, & quãd eurent commencé à veoir Orpheus, vne d'elles toutes écheuelée va dire: Voicy le depriseur des femmes. Et en ce disant lança vn dart, mais

pas ne le bleça: car le dard fut retenu par le son, l'autre luy rua en lieu de dard vne grande pierre. Mais par la douce melodie du chant, cheut celle pierre deuant les piez d'Orpheus, ainsi comme pour s'humilier & mercy prier. A donc doubla la forcenerie des fauses femmes pleines d'ire, quand elles virent les pierres ressortir par la douceur de son instrument. Lors firent entre elles crieries & noises, & sonnerent buccines, pour amortir & amoindrir le son de la melodie de sa harpe, afin que rien ne l'ouyst qui s'en peust emouuoir, tant qu'on n'eust peu ouïr tonner. Puis luy ietterent espeusement pierres, qui premieres du sang du Poëte rougirent: car de rien ne le supporterent, puis que le doux chant de sa harpe plus n'ouyrent, ains luy firent du pis qu'elles peurent, si comme celles qui le hayoient mortellement, & qui auoient les cœurs pleins d'ire & d'enuie. Oyseaux serpens, & sauuagine, laisserent Orpheus seul, qui nagueres enuiron luy auoit attiré & assemblé. Celles qui greuer le vouloient le r'assaillirent & abattirent. Et sans mercy les déuoyees retournerent legierement vers le Poëte qui tendoit les bras en ctiant mercy, l'aucun fust qui l'ouyst: mais pour rien qu'il dist, il ne pouoit emouuoir les folles, à ce que pitié ne mercy eussent de luy, ains le meurtrirent & tuerent à leur grand reproche. Haa dieu par celle bou-

che ouye, des pierres entendue, des cœurs des bestes yffit l'âme du coips. Pour luy plorerent



les nymphes qui le connoissoient. Aussi oyseaux deplumez de leurs plumes, & les arbres de leurs fueilles firent signe de dueil pour l'amour du Poëte. Et les fleuves se en douloient, & tant pleurerent qu'ilz en tarirent & secherent en plusieurs lieux. Ses membres furent en diuers lieux espars. Hebrus le fleuve de Trace receut sa teste & sa langue, qui iettoit vn pleurant plaint, & la mer donnoit murmure, en se plaignant d'icelle iniure, les riuieres du fleuve resonnoient par leurs responses. Le chef & la lire flotterent tant, qu'en profonde mer parvindrent. Dessus l'herbe yffit de la riuiere vn

merueilleuse serpente, qui trouua le chef du diuin Poëte, gisant à la riuë. Si s'assit dessus la gueulle bee & manger le cuida, mais Phœbus sans demeurance voulut le chef de son filz recourre, & ainsi que la serpente le voulut deuorer Phœbus la mua en dure pierre, de telle forme & de telle laideur, comme par deuant sa muâce étoit. L'ame d'Orpheus descendit en enfer sans demeurance, ou il vit la vallee tenebreuse & les régnes que parauant auoit veuz. Bié reconneut les dieux & la piteuse compagnee qui là estoit, & si y trouua son épouse qu'il auoit desirée longuement, si l'embrassa amiablement, & là regarda à sœur, & sans doute de cōdition grieue.

Du Roy Midas, qui impetra du dieu Bacchus que tout ce qu'il toucheroit deuint or, comme il fist.

POur le mal que les femmes de Cyconie firent par enuie au poëte Orpheus, qui mis l'auoient à mort. Bacchus fut moult dolent & angoisseux : car ses sacrifices exauçoit. Par leur malice & homicide print d'elles grande vengeance & apre, car elles deuiurent arbres, & est chacune encline en terre à courtes racines, & encores ne fut point Bacchus pour ce de soir malalent apaisé, luy & sa moindre compagnee laissa celle contree ou celuy meurtre auoit esté fait, & en soustrahit ses sacrifices, & se translata aux vignobles de Tmolus & en Pactolus, qui encores n'estoit pas doré, ne coulouré de cou-



leur d'or, ains estoit lors terre sablonneuse. Là le seruirent à grand planté prestres & prestresses. Encores n'estoit point Silenus, car en ce temps estoit en Phrygie de vin & de vieillesse chancelant. Là le trouuerent laboureurs qui le lierent & l'emmenèrent au roy Midas, qui diligemment enquist dou il venoit, ou il alloit, & dou il étoit, qu'il queroit, & pourquoy il étoit prins. Si trouua qu'il étoit de ceux qui festoient & cultiuent le sacrifice de Bacchus dieu du vin. Midas mesmes par ce qu'Orpheus luy auoit montré, tenoit feste en sa contree, & cultiuiot le dieu du vin, ainsi comme il luy auoit appris. Quand il sceut que celuy estoit de ceux qui celebroyent la feste du dieu Bacchus,

il

il le receut honnestement & ioyeusement, & le festoya dix iours & dix nuietz en l'honneur du Dieu son seigneur. Et quād ce vint à l'vnieme iour, Midas vint sans arrest en Lydie, où Bacchus demouroit, à qui il rēdit Silenus, que avec luy auoit amené. Bacchus le remerciant luy dist, que pour l'hōneur que fait il luy auoit pour l'amour de luy, il requist ce qu'il vouldroit & il luy dōneroit. Midas qui ouyt la promesse en fut moult ioyeux, comme celuy qui moult auaricieux & conuoiteux étoit: & qui d'auarice auoit le cœur plein. Si requist que tout ce qu'il tiendrait ou toucheroit deüit fin or. Bacchus ce dō luy otroya & moult luy pesa qu'il n'auoit demandé demāde plus proffitāble. Midas du don damnable le remercia. Puis se remist à la voye pour retourner en sa terre. Il desiroit fort qu'il vist par vraye experiēce aparoir sa promesse, & pour l'eprouuer cueillit en vn bas chesne vn rameau fueilleu, lequel deuint tantost fin or. Lors seiouyst Midas outre mesure, & tant s'emerveilla, qu'il ne sçauoit s'il dormoit ou s'il veilloit. Encores mescreoit le dieu & se tenoit à deçu, si vint à son logis cuy dāt que ce fust songe ou fantasme. Si eslaya de rechef la chose & prit vne pierre, & tātost elle deüit doree. Apres print vne gerbe, qui sās arrest deüit or, & si cueillit des blez que pres d'illec tenoiēt, & tātost deüidrent or. Il print d'un

Olympe.

HH.

arbre vne pomme qui pareillemēt deuint or. Il essaya aux poteaux de son palais qui étoiēt d'yuoire, mais tantost deuindrent or. Brieuement tout ce que Midas tenoit par son seul tact deuenoit fin or, mesmement l'eau ou il laua ses mains, & pareillement les vêtements.

Le Roy Midas fut fort ioyeux du riche don que Bacchus luy auoit fait, & biē cuidoit tout le monde valoit, pour l'auoir qui de tous cōtez luy abōdoit. Moul̃t se delectoit en l'or qui luy plaisoit, mais avec ce delict luy conuenoit autre pasture: car il n'est homme mortel que faim & soif ne surpraignēt, si en fut Midas surprins, & adonc Midas pour menger fist mettre la table laquelle chose fust prestement faite, si comme à roy étoit appartenant: Midas fist à table pour manger, puis il print vn pain qui tantost deuint or, si dur qu'il n'en pouoit vs̃er, dō̃t se pouoit tenir Midas pour fol & pur muſart, quand il vit que pour tout son or ne pouoit auoir à māger. Il prit la couppe d'or pour boyre, mais sans arrest le vin deuī or en sa bouche, tantost que sa leũre le toucha, & par les narines luy degoutoiēt les gouttes q. d'or étoiēt & aussi par la barbe. Moul̃t fut Midas dolent, quand il vit que pour richesse nulle il ne pouoit alleg̃er la grāde détresse qu'il auoit de faim & de soif, & qui tousiours de plus en plus luy accroissoiēt. Pour ce étoit en abōdāce, & bien

ſentit qu'à bon droit étoit cheut en celle mal-
le auenture, pour ſon avarice & mauuaife con-
uoitiſe. Le fol print à hair & a maudire ſon or
& volontiers ſ'il euſt peu ſ'en fut fuy pour laiſ-
ſer l'or qui luy ennuyoit, ſe repentant de ſa fo-
lie. Vers le dieu Bacchus ſ'humilioit, qui à ſa
requeſte luy auoit ce don donné, & luy prioit
qui luy vouliſt pardonner ſa folie.

Q V A N D Bacchus vit la repentance de Mi-
das, en humiliant & confeſſant ſa folie, luy
prieant & requerant mercy, & qu'il luy pardō-
naſt, & le remiſt au premier point & état, il
luy diſt que pour ſoy lauer & de ce dommage
purger il allaſt contremōt la riuē du fleuue Pa-
ctolus, & ſon chemin tint iuſques au chef, &
là ſe plōgeaſt corps & reſte. Là alla le roy Mi-
das, & ſans arreſt pour ſe purger ſe plōgea en
la riuere, cōme dit luy auoit été, & l'eau tira à
elle force & la nature de la doreure, & le roy
en demeura pur & mūde. Le ſable & les vndes
lors deuīdrēt dorees, & depuis la furēt & enco-
res ſōt par la force de l'or qui alors ſ'épandit.

*De Midas qui eut aureilles d'âne, pource qu'il ingea
le ſon du flaiol de Pan, plus delicieux que la harpe de
Phœbus.*

LE Roy Midas le riche avaricieux adonc
commença fuyr, & à hayr les richelſes,
& à courir ſeules deſertz bocages, mais ſon
mauuais cœur il ne peut dompter ne laiſſer



la folie, pour nul desert qu'il hantast . Entre Sardes Hypepe auoit vn mōt qui étoit nōmé Tmolus, auquel n'habitoient seulement que nymphes & gens qui viuoient solitairement, cestuy mōt auoit deux chefz. Là s'assist Pan le dieu tenāt vn flaiol de roseau dont il chantoit vne ruralle nothe & barbare, laquelle pleut à Midas, tant qu'il dist qu'onques n'auoit ouy si melodieux son. Au chant se delectoit & entendoit & Pā fretilloit, chalumeloit & chatoit, & falloit yantant du riche chalumeau de cornuaille, en amusant le simple homme Midas. Et en outre disoit que mieux valoit le son de son flaiol, que celuy de la harpe de Phœbus, & que prest étoit d'en attendre le droit iugement du

saint mont Tmolus. Quand Tmolus se ouyr iuge nommer de la controuersie qui étoit entre Phœbus pour sa harpe, & Pã pour son flaiol, à sçauoir lequel auoit meilleur sō & le plus delectable, plaissant, & le plus melodieux. Pour celle dispute ouyr & mieux entendre, il détoupa ses oreilles, qui de plusieurs & diuers arbres étoient vmbrees & empêchées, & les cōmanda tous departir, afin qu'aucun empêchement & détournement ne luy fissent, excepté seulement vn beau & eleué chesne tout chargé de glandz, lequel il retint, & dessous lequel il se assist: & puis fist appeller Pan, auquel il commanda disputer & iouer de son chalumeau, pour defendre sa querelle. Lors s'aprocha Pan, & commença à fleuter moult ententiuement de toute sa puissance & sçauoir de chansons rustiques: lequel son & accord l'oyoit moult Midas, qui curieusement le écoutoit, & à le ouyr se delectoit. Quand le dieu Pan eut imposé fin à son ieu, Phœbus qui moult curieusement & honorablement s'étoit aorné pour venir sa querelle defédre: car il étoit affublé d'un precieux & riche mâteau de pourpre sanguine qui iusques à terre luy trainoit, bordé de rais d'or il tenoit son archō en sa dextre, & sa harpe en sa fenestre, qui de fin yuoire étoit ouuree & aornée de diuerses pierres precieuses. Phœbus ainsi appointé, se presenta deuant le iuge

& quād il eut son instrument attrempé il com-
mença a iouer melodieusement, & chāter vne
chanſon douce & pleine de melodie. Tmolus
ſe delecta moult au melodieux ſon de la harpe
de Phœbus, & tant qu'il iugea pour droit que
le ſon de la harpe valoit mieux, & étoit plus
melodieux que celui du flaiol de cornuaille.
Et dit à Pan qu'il ſaſſiſt, & print ſon flaiol &
ſon chalumeau, les miſt repoſer: car trop y a-
uoit grand differēce de la melodie de l'un des
inſtrumēs à l'autre, & auſſi que trop plus bel &
plus hōneſte étoit le maintiē du dieu Phœbus
en iouāt de ſa harpe, que n'étoit celui du dieu
Pan en ſoufflant & en ſautāt en ſa fleute, mais
Midas qui preſent étoit, commença à blamer
& vituperer le iugement de Tmolus, diſant:
& par pertinacitē affermant que meilleur é-
toit le ſō du flaiol, que n'étoit celui de la har-
pe de Phœbus. Enceſtuy diſcord étoit ſeul Mi-
das; car tous les aſſiſtens tenoient droiturier, &
loyal le iugement que Tmolus auoit fair. Phœ-
bus de la reproche & pertinacitē de celui fol
& malheureux Midas, moult fort ſe courrou-
ça & en print vne telle vēgence, qu'il luy elon-
gea ſes oreilles, qui de ſi fol & de ſi rude en-
tendement étoient à la maniere d'un âne, lon-
gues eleuees, & ſi les emplit toutes de menu
poil, & ſi les fiſt ſans ceſſer remouuoir, qui é-
toit choſe moult étrāge à voir. Et avec ce, il luy

rollit & ôta toute humaine substance & enten-
demét, en signe de sa bestialité. Quand le mal-
heureux & fol Midas s'aperceut que le grand
Dieu Phœbus luy auoit par sa simplessie & fol-
lie ainsi élogé les oreilles, il en fut moult hon-
teux, & tât cōfus de vergōgne qu'il eut en soy
mesmes, qu'il ne sceut que faire sinon que de-
puis affubla & couurit sa teste d'une mitre ou
aumuce vermeille, pour mucer ses aureilles as-
naires, & que les gens ne les apperceussent. Ai-
si se partit Midas du saint mōt Tmolus à tout
ses oreilles d'âne & s'en retourna en sa terre, ou
il cuidoit bien celer sa méchāce: Mais son bar-
bier qui les veoit quand il barbioit, ne le peut
celer, & si ne l'osa dire, fors qu'ē vn trou fouit:
car au roy son seigneur l'auoit promis, toutes-
fois il murmura tellemēt, q̄ nul ne l'ouyt point
dire quelles oreilles son seigneur auoit puis
recloist la fosse de terre, sans dire à nully ceste
chose. Laquelle parolle ne fut lōguemēt celee
ains fut reuelee ainsi comme dit l'auoit cestuy
barbier: car au tour du lieu ou ce auint, & pres
de là naquirent des cannes, lesquelles agitēes
d'un petit vēt, découvrirent le secret de Midas,
& disoient, oreilles d'âne Midas à, parquoy des
dictes canes vn pasteur fit vne flute, qu'autre
chose ne scauoit dire fors que Mydas auoit
oreilles d'âne. En celle maniere fut sceu la
parolle qui étoit couuerte par le roseau, lequel

resonnoit que Midas auoit aureilles d'âne.

De Phœbus & Neptunus, qui en forme d'ouuriers ayderent à Laomedon à edifier Troÿe.



Q Vand Phœbus fut vengé de Midas, il se partit de Timolus, & s'en alla vollât par l'air en Frigie à grands exploitz, & est la mer de Sigée à dextre, & la mer de Rhetée à senestre au vieil autel sacré à l'honneur de Iupiter. La s'arreta & yit Laomedon qui s'aprétoit de bâtir la nouuelle Troÿe. Lors print Phœbus forme humaine, & accompagné de Neptun, se mist au chemin deuers le roy Laomedon, auquel ilz dirent que bien sçauoient vne telle ville edifier cōme il vouloit faire: car bons ouuriers étoient, & que bien brieuement la feroient, &

les vouloit payer quād faite l'auroient. Et Laomedon vne masse d'or leur promist. Puis ceste promesse firēt & fonderēt la cité. Et quand faite fut, les deux ouuriers demanderent la masse d'or que le roy leur auoit promise. Il leur respōdit qu'il ne leur auoit rien promis, ne fait aucun cōuenant, dont Neptunus se courrouça. & luy dist: Faux & deloyal pariure, trop fort te sera cher vēdue ta mauuaitié, ta fauseté, & ta mēsōge: l'or que promis nous auois, que tu ne nous veux paier. Adōc fit le dieu esprendre la mer, & tous noya & bestes & gens de la contree, & encores ne fut point Neptunus apaisé, ains fit Hesiō la fille Laomedon pēdre à vne roche en la mer pour manger au mōstre marin. Hercules qui en sceut la nouuelle, vint illec pour la pucelle sauuer, & le roy Laomedō luy promist en guerdō s'il deliuroit sa fille Hesiōne de la roche ou Neptunus liee l'auoit, que deux blancz cheuaux luy dōneroit plus legiers que le vēt. Quād Hercules eut le monstre occis, & la pucelle deliuree à son pere, il demāda son loyer. Laomedon luy denia par serment que rien ne luy auoit promis, & luy ferma les portes de sa cité au visage. Quād Hercules vit ce, il en prit āpre vengeance: car il assaillit la cité par force, si la print & exilla. En cest assaut fut Thelamō qui fort vaillamment sy porta: parquoy il eut en proye Hesiōne la fille au Roy Laomedon,

& l'emnimenas en Grece.

De la genealogie & naissance de Thelamō & Aiax.

Iadis fut vn roy moult à priser, nōmé fut Eacus, filz de Iupiter & d'Egine. En luy eut moult bō iusticier, ca si la fable ne mēt par luy sont iugez, & mis à méchef en enfer, les amēs des felōs mauuais, selon leurs dessertes. Ce roy Eac⁹ eut trois enfans, desquelz l'ainé eut nom Phocus, le secōd eut nō Thelamō, qui raut Hesion la fille au roy Laomedō, si cōme dit est, quād Hercules par force destruisit Troye, Cetuy Thelamon fut seigneur de Salamine, & eut de Hesion vn vaillāt filz & renommé, & moult hardy, q̄ depuis ayda à mettre à rōalle destruction la noble cité de Troye. Il fut nōmé Aiax Thelamō. Et le tiers filz d'Eacus eut nom Peleus, auquel Neptunus le dieu de la mer dōna à mariage sa belle fille Thetis, qui tant étoit sage & bien endoctrinée. A icelle se fust volūtiers Iupiter ioint par amours ou par mariage, car moult luy plaisoit, si n'eust été Protheus qui sçauoit les faitz auenir: Lequel dist q̄ Thetis seroit mere, & qu'elle porteroit vn tel filz, qui surmōteroit son pere, en force, en prouesse & en hautesse. Et à icelle fin que Iupiter n'eust au monde qui le peult surmōter, ioindre ne se voulut à celle Thetis, afin q̄ de luy ne conceut.

De Thetis qui se transmuas en diuerses semblances, entre les bras de Peleus son amy.



Mais bien voulut Iupiter que son ne-
 ueu Peleus, pour la foimofité de la nim-
 phe, en eust la iouyffance par loyal mariage.
 Duquel nestroit l'exemplaire de cheualerie, le
 vaillant Achilles. Parquoy commanda à Peleus
 de l'époufer : de laquelle chose Peleus ne vint
 pas au bout fans affaires. Car en Thesale au
 riuage de la mer auoit vne cauerne enuiron
 vn trait d'arc loin, ressemblant port de mer,
 s'il y eust eau assez profonde. Mais tant y e-
 toit haut le sable, qu'on n'y pouuoit venir à
 nef, fors que riue y a pour soutenir ceux qui vi-
 ennent & vont, & si n'y alla onques nul, qu'on
 n'y trouuaft sa trace. Au lieu n'auoit roche, n'e-
 au, mais y auoit feulemēt yne cōcauité au milieu

par art & par nature faire. Vne pleine champagne eut entour la fosse, ou étoient plusieurs arbres portans myrrhe. Là se deduysoit & deportoit accoutumément Thetis, & là étoit venue pour soy ébatre sur vn dauphin, & la toute nue se deduysoit, quād Peleus la vint saisir & prier d'amours. Premièrement par beau parler: mais à ce ne pouuoit auenir, nē la nymphe attraire. Ains pource qu'elle ne vouloit faire sō soulas, elle se detordoit l'une heure à vn coré, & l'autre heure à l'autre, & quād Peleus vit que nullement n'en pourroit venir à chef, il l'embrassa à deux bras, la voulut efforcer. Laquelle chose il eut faite, si la nymphe qui fut moult subtile n'eust par finesse echappé le choq. Si se mua en vn oyseau, mais pourtant n'echappa elle pas pour celle finesse: car Peleus tint tresbien l'oyseau, & elle pour echapper se mua en arbre si pesāt, que celuy remuer ne le pouuoit. Nonobstant il gardoit l'arbre, & point ne l'abandonnoit: mais Thetis à la tierce fois s'habandonna, & mua en semblance de Tigre, & quand Peleus vit l'horrible forme qu'elle auoit, il s'en effraya & se departit d'elle, & la laissa, & par ainsi échappa Thetis.

Les noces de Peleus & Thetis, faisant digression pour euchainer les matieres.

DEs raines de vin & d'encens fist Peleus sacrifice au dieu de la mer, requerant que

conseiller le voulist de celle qui enuers luy s'en orgueillissoit & ne la daignoit aimer, dont le cœur auoit à grand meschef & le diuin dieu mist sa teste de là mer, & luy dist: Ne t'emerveille de rié: car tu iouiras de t'amie. Quand dormant tu la trouueras en la fosse, embrasse l'a, & estrains fort, & garde bié qu'elle ne te deçoieue par la forme qu'elle prendra, & la presse tant qu'en sa droite forme reuienne. Quand Peleus fut bien introduit, endoctriné & enseigné. Neptune se rebouta en mer, & Thetis vint la nuit en sa crouste, si comme elle auoit acoustumé, si la print Peleus comme le Dieu luy auoit dit, & onque pour diuerse forme qu'elle print ne la voulut laisser aller, ains s'efforçoit tousiours de l'oppresser. Quand Thetis vit qu'il la tenoit à force, & qu'elle en vain se detordoit & transformoit, ses braz tendit en diuerses pars, & se rendit bagues saues, & en soupirant & gemissant luy dist: Mon doux amy, par diuin sens m'auiez vaincue, bien le connois. Lors retourna en premiere forme, & quand la vit en celle beauté, il l'embrassa, & illec iouit de son desir, là fut engendré le fort & hardy Achilles, avec promesse solénelle de brief temps solenniser le mariage. Iupiter pour decorer la festiuité matrimoniale de son neveu Peleus & de la belle Thetis, sy voulut en personne trouuer avec toute l'vniuersité des dieux & déesses in-

uitez par son heraut Mercure, lesquelz furent en grand nombre & bel arroy. Et fut le festin exquis & sumptueux, & grandement celebré par Hymeneus & Genius.

De la pomme d'or que Discorde ieta au banquet de Peleus, & du proces entre trois déesses demené touchant la beauté pour auoir la pomme.

ET ce pendant que la noble compagnée ne pensoit à autre chose fors à iouyr de toute plaissance delitieuse, pour rendre le conuiue nuptial, plus illustre & plus hōnoré. Discorde la noire déesse voyant que point n'estoit à telle feste apelée, auoit tant fait d'exploit à tout ses brunes ælles draconiques, qu'é peu d'heure elle estoit vollée iusques au riche iardin d'Hesperides fille du grand Athlas, qui est en Affrique, & tāt labourà la criminelle serpète a force de prier par importunes requestes adulateires, que desdites pucelles, elle impetra vne pomme dor qui croissent sur les entes de leur vergier, & sont dediées à Ven⁹. De laquelle pōme quād elle se vit saisie, elle ioyeuse retourna legierement au pié du mont Pelion, pour mettre à effet sa malice excogitée. Si entaila prōptement ces mortz autour du noble fruit. La belle pōme & le beau don. De la plus belle soit guerdon. Et quand elle eut ce fait, elle monta cauteusement (sans estre aperceue) au plus haut du

mont Peliō, là ou les dieux se deduysoiēt, & se tapit tout coyement à l'vmbre d'un arbre apellé If, duquel l'vmbre est mauuaise & mortifere, & là se fist inuisible.

Illec attendit Discorde la fause & la deceuable son oportunité, iusques à ce qu'elle vit ensemble trois puillantes déesses, les plus nobles & mieux emparentées de toute la feste, c'est à sçauoir, Iuno, Pallas & Ven^e qui s'étoiēt écartées vn petit loin, de la grand compagnee, en vn beau lieu plaisât & vmbreux, & là endroit se solastioiēt à cueillir fiores. Lors elle iugea qu'il estoit heure de besongner ou iamais. Si ietta ocultemēt au milieu d'elles trois, la malheureuse pomme resplendissant de noble couleur. Et quand elle eut ce fait, de peur d'estre r'attainte, elle s'en fuit plus vite qu'un carreau d'arbaleste, & alla plōger au fins fons d'enfer, là ou est son domicile. Mais le grain de sa malheureuse semence demoura & fructifia si fertilement que le goust en dure encores par tous les siecles. Car incontinent que les déesses virent ressuire la pomme d'or au milieu d'elles, par conuoitise & haruete fœminine, furent émeues à la leuer. Toutefois Iuno, de qui elle estoit plus proclaine, l'eut premierement en sa maintenance. Dont apres l'écriture leuē, se sourdit grande dissention entre elles, à qui ellē deuoit appartenir : car chacune met-

roit en auant sa grand beauté. Et tant se augmenta la question, que le bruit & la rumeur en paruint iusques au Roy Iupiter. Lequel pour ce qu'il est iuste iuge, droicturier & souuerain, fut établey par commun consentement, arbitre, & amiable compositeur d'entre elles, pour en connoitre & discuter iusques en diffinitue, mais point n'en voulut accepter la charge, ains s'en excusa disant, qu'il ne vouloit encourir la malle grace de l'vne partie ne de l'autre: car toutes estoient belles outre mesure, & toutes de son sang: & par ainsi luy sembla difficile d'en pouuoir discerner (tant estoient indifférentes en formosité) mais leur conseilla qu'elles mesmes se trouuassent d'accord: ou autrement élussent quelque iuge subalterne, d'aucun de ceux qui étoient en presence. Et si par appel le iugemēt luy estoit deuolu, lors il confirmeroit, ou infirmeroit la sentence par eux donnée, selon les merites de la cause, selon ce qu'il trouueroit par son cōseil. A laquelle chose ne se peurent encores accorder les trois déesses. Car en tous & chacun des assistens trouuerēt matiere de suspicion. Et ce voyant le beau Ganimedes Troien, mignon du roy Iupiter, échançon des dieux, s'auentura de parler, & dit en ceste maniere: Treshautes & trefredoutées dames & déesses, puis que votre plaisir n'est de se condescendre à l'election d'aucun des dieux
immo-

immortelz qui sont icy presens, il s'enfuit doncques, si de vo^r mesmes ne vous apointez en trāsaction pacifique (parlant toutes fois souz votre grâce & correction) que vous en reseruez le iugement à aucun de ceux qui sont mortelz. Dōt se mieux ne trouuez, i'en sçay vn de mon parētage (descendu toutes fois de la lignée desdieux) qui bien y satisfera, comme celuy qui entre les viuāns est auourd'huy le plus renommé de sçauoir mettre fin à semblables querelles. C'est Paris Alexandre, filz de mon neueu Priam le roy de Troye: nourry inconneument entre les pasteurs des montagnes Idées, qui sont dediées à la tressacrée maiesté du roy qui cy est.

Au parler de Ganymedes, les trois déesses prestantz l'aureille, & non s'accordantz encores Mercure Dieu d'eloquence, & d'inuention reprint la parolle, disant ainsi: Certes mesdames & mes déesses, la verité est telle comme l'enfant Ganymedes la recitée (au moins selon la voix commune & plus fameuse). Car Paris de royal parentage (toutefois sans royal appareil) met en partie pareille, & accord pariforme maintes paires de pers & de parties. Et n'est point accepteur de personnes; ne souteneur de querelles iniques, mais droiturier retributeur de guerdons. Et que cecy soit veritable, moy mesmes puis faire foy de luy auoir veu faire vn tour de vray iuste iuge: du-

quel la brieve recitation ne vous sera point facheuse ne d'agreable. Il auint de sa uenture n'a pas long tems que pour fournir certaine embassade (dont le roy mon pere m'auoit donné charge.) Je passoye legierement par dessus les montaignes Idées. Si apperceuz au fond d'une grand' vallée, l'enfant Paris appuyé sur sa houlette, qui regardoit ses brebis & ses toreaux paislâns, selon lotliere du bois. Et ce pendant suruint d'auenture vn toreau étrange de contenance fiere & hardie, lequel en mugissant d'une voix tenebreuse, vint assaillir de pleine cour ce l'un des plus puillâns toreaux qui fust entre tous ceux du gentil Paris, & tant le pressa (quel que deffense que l'autre fist) que finablement fut contraint de se mettre en fuyte, & demoura le camp & la victoire au toreau assaillant. Dont Paris non seulement courousé, mais tresioyeux, blâma la lacheré du sien; & extolla la force & l'entreprinse du vainqueur étranger. Et pour demontrer la droiture de son iugement cueillit incontinent fleurs de lys, roses & violettes odoriferentes. Dont apres auoir tissü vn grand floquart, & chapeau, il en aorna les cornes dudit toreau victorieux & luy en fist yne couronne pour témoignage de sa vertu, de laquelle œuure ceux qui le virent louerent beaucoup Paris Alexandre, & dirent que mieux estoit digne de regner que d'exercer pastou-

riere. Parquoy ſainſi eſt que vous mes dames, vous ſubmettez à ſa iudicature : il eſt à coniecturer, que vous n'en pourrez auoir ſinon bonne yſſue: Et ie m'offre vous y conduire.

DE ce conte rirent aſſez les dieux & les déeſſes, & meſmemēt les trois principales, lesquelles le trouuerent bon, & toutes d'un vouloir vnanime, ſ'accorderent de faire le paſteur Paris Alexandre leur iuge arbitraire en ceſte matiere, moyennant que le roy Iupiter y interpoſaſt ſon decret, ce qu'il fiſt aſſez enuiſ toutefois: car biē conneuſt alors que ceſt ouurage & pratique auoit eſté traffiqué, par le moyen de Diſcorde la maudite déeſſe: ſi ſe douta que ce ne fuſt vne ſource de nouuelle contention entre les dieux & preſage de diſſention prochaine. Toutefois il ſ'ordonna que la pomme d'or fuſt ſequeſtrée es mains de ſon filz Mercure leur guide & conducteur, iuſques à la choſe adiugée par le nouveau iuge champetre.

Le voyage des trois deeſſes vers Paris pour le iugement de la pomme & de leurs accoutrements & harangue.

QVand les déeſſes furent preſtes pour partir. Mercure ſe miſt deuant, leur montrant le chemin. Mais incontinent que le heraut des dieux eut aperceu le bergier Paris, qui enumbroit dedans la roche creuſe, il le montra aux nobles déeſſes, lesquelles eurent

grand plaisir de le voir en telle contenance. Puis Mercure se ietta en terre: & se planta tout court deuant Paris: lequel fut bien étonné de telle soudaine vision. Lors le dieu d'eloquence parla ainfi. Gentil Alexandre: le plus heureux des humains, le grand Iupiter te salue. Et par moy te mède, que pour le bon raport de ta renommée, tu es élu à diffinir ce à quoy luy mesmes n'a osé toucher: C'est à faire le iugement de la beauté nompareille de ces trois excellentes & diuines princesses. Lesquelles tu verras tantost s'adresser vers toy: car entre elles s'est meu vne question sur ceste matiere. Or t'en acquite en façon que rapporter en puisses honneur & grace perpetuelle de tout le noble consistoire des dieux & des déesses.

La harangue de la déesse Iuno à Paris Alexandre, pour obtenir la pomme d'Or.

LA haute déesse Iuno commença faire l'entrée & entamer le propos, laquelle ayant sa fille Hebe, princesse de ieunesse aupres d'elle & ses Nymphes derriere, qui luy portotent la queue, s'appuyoit delicatement sur l'épaule de l'une d'icelles, & estoit aorné de merueilleux trefors inestimables: Car en son chef elle auoit sa couronne de si grand' excellence, qu'il est impossible de la specifier. Son precieux colier estoit garny de mille especes de pierrerie, tant de bulerres pendans à chaine d'or, tant de quar-

quantz, tant d'afficquetz, tant de brasseletz, tât de bagues aux doigtz. que c'est vne abyfme, & toutes faites en chef d'œuvre, par les mains de Vulcan. Sa robe estoit de pourpre sanguine, battue en or, & garnie de grande prodigalité de grosses perles oriëntales, & son manteau de couleur d'azur tout ourlé de bordure à l'éguille, & figuré de diuers oïseletz, volans en l'air bien pourtraitz au vif, & de nues distillantes pluyes & gressës. Sa ceinture estoit tissue de fin or traiët, étofée de gros cloux & bouillons d'or émallé. Et enrichie de plusieurs pierres precieuses : En sa main tenoit vn sceptre fait d'un bois nommé Aloës, qui vient de paradis terrestre, tout bendé de l'armes d'or & bien entaillé. Brief tout son acoutrement estoit riche & pompeux outre mesure, pour demontrer que elle est déesse de toute richesse & opulëce. Son port estoit hautain & son maintien magnifique qui bien sentoit sa princesse.

Si parla la royne Iuno, & pronõça son oraison au deuant de Paris, en ceste maniere.

A D O L E S C E N T royal, de claire naissance & ancienne noblesse. Esueille ton sens pour hautes choses desirer, & prens audace contre pusilanimité, pour mettre à chef la haute charge qui t'est eniointe, de laquelle par mon neveu Mercure peuz déia estre auerty. Metz ius rusticité pastoralle, aspirant à hauteur roy-

alle. Metz ius crainte ruralle pour attaindre à seigneuriant prosperité . Et gardes que ne te mescontes au choir des guerdons, qui te seront proposez. Car la gist le neu de la besongne. Et pour euter que n'y procedes, peu meurement, par faute de connoistre les parties ayes le courage éleué en hautesse & magnanimité. Et sçaches que ie suis l'emperiere des hommes & des dieux, fille de l'ancien Saturne, & de la deesse Opis : sœur & femme du Roy Iupiter égale à luy en puissance & diuinité. Ayant mon temple merueilleux, en l'ile de Samos, en la cité de Mycene, en Ephese, & autres lieux tant prochains comme lointains, la où l'on me fait veux, sacrifices & oblations. Qui suis apelee Iuno & Lucina, pource que ie baille lumiere & entree à tous nobles cœurs, & distribue aux meritans richesses mondaines, noblesses desirées & haux mariages legitimes, avecques les titres de couronnes royales, imperialles, & de toute terrestre monarchie. Desquelles choses tu es capable, tant pour l'antiquité de ton origine, comme pour la magnificence de ton priué personnage mesmes, & aussi par le port & aide de tes parens. Mais toutefois sans mon ayde ne peux paruenir à aucune iouissance.

FICHE donc ton regard en ma beauté nō equiparable, auise par admiration le comble de ton humain desir, qui en moy repose, desire

es fruictions & vſances de mes dons, dont ie ſuis liberalle par grand' magnificence, telles qu'au moyen d'icelle vn noble cœur ſe peut ſaouler de tout honneur terrien. Drefſe les voilles de ta penſee, fluctuant es floz de ieune cupidité, & vouloir hautain de ſceptres maintenir, Regarde la pompe & triumphe de ceux qui par moy regnent. Note la merueilleuſe reſplendeur doree & perliſſee de mon trône auguſte : de mon royal Diademe & ſceptre immortel.

Goûte en ta ſauueur : les douces diſtillations dont les haux princes ſont par moy arrouſez.

Mefures la grandeur de la bienheuree uiſſance que ie leur adminiſtre.

Comprends à toy choiſir l'abondance de leurs plaiſirs, & de leurs large poſſeder, en or: pierres precieufes & routes choſes ſouhaitables.

Sauoure de ton palais la douceur de leur ſouueraine loyſibleté & franchise, non reſtraincte par loix : laquelle leur eſt par moy elargie.

Et auſſi le pouuoir & licence d'entreprendre hautz faitz, pour dilater leurs memoires, & faire voller leurs renommées par tous les climatz du mōde vniuerſel, en exaltāt les grandz & humiliant les petitz, qui ſont œuures preſque diuines. Et en felicitant les miſerables par liberalité de dons : & impunité de meffaitz, & elargiſſement de grace, & miſericorde aux

fuiez . Et en punissant l'obstination des mal-faicteurs par accomplissement de iustice. Et autres diuerses œuures appartenantes à ma maiesté tressacrée , imperialle & royalle , & régime de la chose publique.

Et encores plus en debellant les orgueilleux rebelles : & en domptant la mauuaitié des inobediens par la puissance actiue, des nobles armes cheualeureses de mon filz le dieu Mars : craint & redouté par toutes les regions du monde, par la relucence de son triumphe, & gloire : Laquelle sera communiquee , en mer, en terre, & diuulguee en la region de l'air , en laquelle ma puissance & vigueur est fort exaltee.

ET au contraire: reduiz en estime, lignobilité de ceux qui en oyfuieté racroupie, & contemplation solitaire, de ie ne sçay quelz songes de philosophie passant inutilement leurs iours, sommeillans & baillans apres les biés de mon tresor, desquelz il ne peuuent attaindre goutte, pource que rien ne déduisent en action égale, & correspondente à mon vueil . Et aussi n'affiert à homme de royalle vocation musier si profond au literature , tant penser le sens ou épiloguer les diffinitions de prudence, & autres vertuz moralles , & les difficultez de la conduite des choses par verballe garrulité, seulement sans rien mettre en realle efficace. Connois aussi d'autrepart la meschance & villité

des autres encores plus mesprisables, qui n'ensuyuent sinon le delit corporel, & la doctrine Epicurienne pleine de contemnement & nonchaloir de vertu. Et sont remplis de luxurieuse immundicité, banniz de conuersation honneste, & tous enclins à corruption, rapine & homicide, lesquelz tous viuans sont enseueliz en ordure mortelle, & detestable : leurs forces abatues, leur pouuoir debilité, leur vigueur effeminee, & leur renom denigré, & pense que ie te puis bailler déduit assez condigne & propice à ma hauteſſe & dignité, à l'equippollent de tes merites. Et que i'ay faculté de r'impartir & remunerer de plaissance non aueuglee de lasciuité venerienne. Quand dame Iuno eut acheué ses parolles, Pallas se presenta consequemment en son ordre.

Description de Pallas & de sa harangue.

Pallas la noble vierge deesse de prudence & de fortitude, étoit habituee de trois riches vétemens de diuerses couleurs, telz qu'elle mesmes auoit tainst & tissu de ses propres mains sacrees. En icelles trois robes estoient peintes & subtilement tirees d'ouurage de brodure, les vij. ars liberaux : & les vij. vertuz tant moralles que cardinalles : & plusieurs autres images de force bellique & humaine prudence.

Elle étoit outreplus armee, & la premiere

piece de son harnois étoit vne salade riche, crestee & lambrequinee richement. Tymbrée d'une chouette, & couronnée d'une branche d'Oliue.

Et en sa cuirasse estoit imprimée l'horrible teste de Gorgone, pour donner crainte & frayeur à ses ennemys. Elle auoit vn écu cristalin, qui est ferme, cler & transparent.

Elle portoit outreplus vne lance banerée armoyée, dont le bois étoit de grand longueur. Elle auoit ælles emplumées aux bras & aux talons, nonobstant auant la pronociation de son oraison composa son habitude corporelle en mode de vray orateur, puis dist:

ENFANT de bonne nature; lequel ie congnos par la demonstration de ta physionomie estre traictable, & à la comprehension du haut sçauoir que les dieux mesmes ont en leur épargne. Puis que ton vueil est ores en balance, ton pied prest à dérocher, pour tirer vn chemin ou autre. Et les yeux de ta pensée interieure vacillant en election de choses différentes, prens à ceste heure ton ploy non ineffassable, remplis le vaisseau de ta noble ame de liqueur prudente & vertueuse, & dépainctz les tablettes de ta haute perspicacité de couleurs precieuses & immortelles.

N'aventure point la precieuse galee de ton âge florissant au vent d'ambition sinistre, & de

gloire vaine & démesurée. Ny en la tormente de negoces ruineuses. Euite les perilz de tyrannique cruauté & les destroictz d'auarice insatiable, & le naufrage inconsideré d'offension des voisins. Ne t'abandonne point à la nuit de terrienne amour. Et ne te fie en l'obscurité d'ignorance mondaine. Fuy le gouffre de vilanie, lubricité. Donne toy garde des rochiers de cupidité debridée de la graine d'ourecuidance, & de la playe d'outrage sanguinolent.

ET pour ce faire veille à tes creneaux, deploie la meiane de ton sens naturel. Guinde la maitresse voile du mast de ton entendement, conduitz la pointe de ta proue à dextre, par bonne perspective iustement aux rays de ma resplendeur, dont les yeux des ignorans sont éblouis. Et dresse la ton éguillon comme bon pilot doit faire, lors auras vêt en poupe & prosperera ton nauigage. Si affuiront à toy comme à leur vray patron, tous les soldats de ma famille, c'est à sçauoir sobre planté. Eloquence non vaine, connoissance historiale, viuacité de sens. Estimation de valeur, chasteté en delices, riche suffisance, meditation possible, vertueux exercice étude humaine, inquisition de verité, notice de raison, licite entreprinse. Iuste querelle, hautesse de cœur, hardiesse d'entreprendre, conseil industrieux, discipline militaire, effect de iustice, armure de prudence. Condui-

te louable, deduction prospere, & glorieuse achievement. Sans lesquelles vertus mon frere le dieu Mars, ne scauroit conduire ses batailles. Ainsi appeteroit pour neant la sublimité des regnes, la subiugation des rebelles, & la vengeance de ses ennemis. Car il ne fait exploit digne de memoire, se moymesmes ne regiz son chariot. Ny aussi la communauté politique des humains en tems de paix ne peut constituer en valeur, sans mon adherence.

ET que tout ce que i'ay recité sans ventise soit en ma puissance de t'en faire iouissant, tu en peuz prendre facile coniecture par ma natiuité, laquelle fut iadis produite du propre chef de mon pere le roy Iupiter, sans coadiutoire de sexe foëminin, & par l'etimologie de mes noms, qui suis aucunesfois apelee Pallas, autrefois Minerue, & autrefois Bellone, pour ma vertu bellique. Et mémemment te doit à ce inciter l'exemple de la sage vniuersité d'Athenes, laquelle est en ma tutelle, & m'exhibe vne reuerence increable, & aussi l'amonnestement de ceux de Troye, qui est ta propre natiõ, lesquelz gardent ma sainte image nommee Palladium en merueilleuse superstition de cerimonies, & tant qu'ilz la garderont bien, ilz me trouueront propice & secourable, ne iamais Troye ne tombera en irrisiõ de ses voisins, n'en proye de ses ennemis: A peue pouuoit attendre Venus à qui

la prudente parolle étoit facheuse, que Pallas eust sa raison acheuee, quand elle se mist en a-
nât pour persuader, tât par gestes que parolles.

*L'ornement de Venus, sa contenance, & l'oraison
qu'elle fist pour auoir la pomme d'or.*

LA tresbelle deesse Venus auoit ses pre-
cieux habillemens tissus de la main des
graces. Sa cotte interieure étoit d'un vergay,
comme herbe de printems : La houppelan-
de de dessous étoit de couleur iaune & doree,
brochee à étincelles d'argent entreechangee
d'un bleu celeste, par si agreable representation
que ce sembloit vne nue du soir enflambee de
la resplendeur du soleil occidental : & étoient
tous ses aornemens de si délice fillure, que
quand le doux vent Soubzolan ventilant pres-
soit iceux habitz contre ses precieux membres,
il faisoit foy entiere de la rotondité d'iceux,
& de la solidité de sa noble corpulence, & é-
toient aussi les bortz & les ofroit d'iceux sub-
tilement ouurez, de diuerses especes animaux
de l'un & de l'autre sexe, & de petitz enfans
tous nudz éleuez bien viuement. Tout au
long de la fente de sa robe, depuis le haut
iusques au bas, y auoit tout plein de gemmes
grauées & entaillées, de diuerses histoires a-
moureuses, par le tailleur Pygmalion de Cy-
pre. Sa ceinture (dont elle étoit ceinte) ape-
lee Caston estoit de grand pris, en laquelle

auoit diuinement émaillé la deesse Nature : les figures d'amitié, desir, faconde, souris : plusieurs signes d'amours & secrettes collo-
cutions. En son beau front elle auoit vne ri-
che Escarboucle, lié d'un petit ruban de soye
noire, taillée en maniere d'étoile, qui rendoit
grand splendeur de nuit. Ses blons cheveux
épez, étoient richement tressiez à petitz lacz
d'or, traict à maniere de retz distinguez de
fines perles, saphirs, topaces, & fines éme-
raudes à grandz houppes de soye cramoisine
pendans derriere le dos. Et par dessus le tout
vn petit chapelet d'un arbrilleau tousiours
verdoiant nommé myrthe : Aussi tenoit elle
en sa main vn hoceau de blanches roses & ver-
meilles rendant soueue odeur. Son filz Cu-
pido à tout son arc d'iuoie, & ses fleches do-
rees, & volupté sa fille étoient avec elle. Et
derriere elle à sa queue étoient ses trois gra-
ces toutes nues. C'est à sçauoir Pasithea, E-
gialle, & Euphrosine. Apres les graces pou-
uoit on voir consequemment les deux fem-
mes de chambre, & seruantes de Venus, les-
quelles tenoient le chariot de la deesse tiré par
les Cygnes & par blanches Couloinbes. Ve-
nus donc ainsi aornée, d'une voix doucement
organisée, procedant du creux de sa poitrine
amyable, fist resonner la circonférence de l'air
en ceste maniere :

FLEVR fleurissant de naïue beauté. O gentil prince de ieunesse: Le plus accomply des dons de formosité corporelle, qui iamais marcha sur terre. Apres qu'il a pleu à chacune de mes dames qui sont icy, toy instruire de leur estre & de leur pouuoir, pour tendre aux fins d'vsurper la pomme d'or, qui de soymesme est dediee à moy veu qu'elle a esté cueillie aux iardins des Hesperides. Ce n'est pas raison que tu demeurres incertain de mon affaire, combien que peu de gens en soient ignorans. Dont entant qu'il touche la hauteur de nôtre origine. Je croy que toutes trois aprochons en equiparation conuenable. Quand à ce comme celles qui sôt sorties d'un mesmes estoc, c'est à sçauoir de Saturne & de Iupiter. Duquel Iupiter ie suis la bien aymee fille, & de la nymphe Dione:

OR suis ie donques renommee par tous les climatz du monde, & nommée Venus venuste en beauté, principale princesse d'amours amoureuse à toutes gens gentille & gracieuse, plainne de lyessè & ioyeuseté, sans aucun trait de plaintiue orphanité, & de penible offense. Quant aux haux honneurs, qui sont instituez à ma deité parmy la terre habitable, n'est ia besoin que ie m'en vente. Ains me suffit sans plus que tu t'enquieres de la magnificence des temples qui me sont edifiez es isles de Cypre, & de Cytharee, dont aucunesfois ie porte le

nom. En la cité de Corinthe, qui est en Achaïe, & sur le mont Erix en Sicile . Et que tu t'informes du nombre des vierges, qui la sont dédiées à mon seruice par prostitution de leurs corps, & de la frequentation des autelz, qui la endroit me sont consacrez. Esquelz toutesfois ie ne seuffre aucunement estre respandu sang n'aucune morticine. Car ie ne suis point deesse sanguinolente, n'aymant occision . Mais veux estre seulement seruié par offrandes de douces prieres, & de fleurs bien flairans, & par sacrifice de pur encens odoriferant. Ny autrement ne veux estre adoree . Et au surplus s'il faut faire comparaison de la geniture, par moy procreé aux autres. Mon seul filz Cupido, le puissant dieu d'amours, lequel est icy present, en fera assez foy. Duquel, sauue la paix d'un chacun, le pouuoir non mesurable ioinct avec le mien ne semble pas moins excéder celuy de tous les autres dieux & deesses, que la clarté du soleil surmonte celle de la lune. Mais tout cecy ne sert de rien au propos mis en termes, ne la glorification de noz faictz & pouuoirs illustres, n'a point de lieu en la matiere subiecte. Ne tu noble enfant; n'es point institué iuge, pour congnoistre de noz valeurs intrinseques: car à ce ne suffiroit ton industrie, n'aussi le tēps qui requiert plus longue speculation, ains seulement as receu delegation & faculté deliure:

de

de deduire sômairement, & de plein sans figure de plet, le proces verbal icy intèrè par nous deuant ta presence. Et pource faire choisir de res beaux yeux corporelz, laquelle de nous trois te sèble de prime face deuoir emporter le pris en beauté naturelle, & en declarer ton opinion par arrest diffinitif, Et en ce consistent les bornes de ta iudicature, dôt ie t'auertis volontiers, afin que ne mespreignes en laissant le principal pour l'accessoire. Equipe le gracieux nauire de ton franc arbitre selon la demonstration de ma chartre propice. Echappe l'ennuy de tenebrosité curieuse, & le labeur de brieue sollicitude. Je congnois que la marine enflée du vent impetueux des parolles de Iuno superbes & presumptueuses, & de ses promesses faffies de vaine gloire, a fatigué le barreau de ta ieunesse égarée, i'aperçoy que presque as été ébrâslé par l'impetuositè des vagues Palladiènes pleines de vaine parlerie, pour enueloper ta noble fantasie en ses tourbillôs sophistiques en ses argotz de disputations morales physiques: & faire heurter la galee ingenieuse, contre la roche obscure de ses syllogismes politiques & intrincques & entouillez, de craincte mal seant à ieune prince. Pour estre resorbé en ses abymes profondz & inuestigables, englouty au fons de ses figures, de difficile intelligence, & voutre ou canal enigmatique de ses

Olympe.

KK

propositions douteuses, & parolles ambiguës. Auquel si tu eusses vne fois esté detenu, ton plaisir estoit frustré, à tousiours de volupté corporelle, qui est en ma faisine. Et ta lieffe geniale corrompue de tristesse Saturniane, & changee en taciturnité melancolique: Mais il te faut vigoureusement éuertuer au contraire résister à toute rigueur à leur enhortemens tentatoires, & ensuyure ma doctrine naturelle & la propre inclination de tous sens.

TOVRNE donc a gauche, ensuy le grand chemin visité de la plus part des humains, Fais muer tes antènes, rassure tes cables & ton cordaige, commande singler à la haute mer de meruz plaisirs, laisse le riuage de gravité ancienne & de trop sage sottise, euite le pol arctique: la region septentrionale, la froideur transmontane, la mer congelee de continence.

SI t'est necessite d'ensuyure ma beauté radiante & ma facundité desirable. Et ne te chaille de tenir guet au plus haut de ta hune, car ie veilleray assez à ta garde, fourniray à ton trinquet vent du leuât propice à la boulingue. Si n'y aura môstre marin, ne beste si hardie, ne pyratte coursaire si entreprenât, qui t'ose approcher (attēdu que de la mer ie suis extraite.) Et quand la marine sera calme & tranquille, lors mes graces, avec tes gés & galiotz, mathelotz & apertiz sésuelz armeront leurs armes à la vogue

Mes nymphes & mes fees, mes seraines en chantant doucement tireront ton vaisseau hors de toute laboriosite spirituelle, caleront les voiles & le meneront à bort, & au riuage de plante de delices corporelles, de faueur populaire: cherissement des tiens & amour des etrangers: si fermeront ton ancre en station delectable, ou tu auras mellifluëce sans male influëce, douceur sans douleur, autorité sans austerité, honneur sans horreur: & luy sace sans nuysace, avecques le iouyr en titre de mariage, de mapropre sœur charnelle, la plus recōmandee en beauté, qui onques fut nee de mere, ne qui iamais sera, c'est la belle Helene royne de Lacedemone, fille de monseigneur Iupiter, & de Leda femme du roy Tindarus, l'une des plus nobles du monde. C'est l'outrepasse en beauté, nō seulement d'être celles de Grece, mais aussi être toutes celles que nature sceut onques creer. De laquelle te reserue lafruitiō certaine pour te remunerer des guerdōs desseruis: car c'est bien raison que les deux plus beaux personages dumōde soyēt alliez ensēble. Et pour ce mon filz Cupido te deliurera la deesse des femmes, & ma niece Voluptè l'entretiendra en ließe. Mon frere & amy le dieu Mars te garātira à la pointe de sō epee, enuers & contre tous. Et de tāt plus seray encline à toutes ces choses, cōme ta es mieux digne. Et de ce dois tu auoir parfaite cōfidence

L'ELOQUENCE artificielle de ma dame Venus, les parolles delicates, & sa douce persuasion causerent tel efficace, & telle emotion au cœur du ieune adolescent, qu'encores en pourra il maudire les rethoriques couleurs, qui luy seront retournees en douleurs. Ce nonobstât il n'osa encores mot respondre, ains demoura comme vne ymage, pensant à l'ambiguité soudaine du cas suruenât: iusques à ce que le dieu Mercure luy dist : Noble sang Troyen, combien que ceste auenture te soit autant douteuse comme émerueillable, neantmoins puis que il à pleu à si hautes dames se souzmettre à ton iugement, il te faut icy deployer la tresample sagesse de ton entendement, & la prudence de iuger: dont tu es renommé par tout le môde. En proferant sans plus longue mutation, ou demeure la sentéce dōt il sera memoire à tous tems, & à iamais. Tu vois quelz offres elles te font & quelz guerdons elles te mettent en auant n'ayes l'œil aueuglé, car en toy gist liberal & planier arbitrage. Or considere meurement & attrepeement ton affaire, & puis apres selon l'ordonnance que tu an prononceras, hardiment & sans crainte ie feray deliurance de la pomme d'or, qui est cause motiue de leur different à la plus belle des trois.

Le deuement des trois deesses deuant Paris.

Q Vand le noble adolescent Paris Alexandre, eut regardé aucune espace de tems, la pomme d'or enrichie de fatigue, & de fueillettes de mesmes, & leu l'écriture qui étoit à l'enuiron, il dressa sa parolle au dieu Mercure, disant ainsi: Treslaint & trefeloquent dieu, qui seroit aujourd'hui la creature viuante sur terre tant douce, de profonde doctrine ou de perspicacité d'entendement, qui ne refusast vne charge si pesante & si dangereuse que ceste cy, veu que les dieux mesmes ne l'ont voulu demesler. Voyās que sans aquerir la male grace des deux, ne se peut adiuger la chose cōtentieuse à la tierce. Dōc si ie suis si temeraire, que de la cuider mettre à fin, ce n'est pasmerueille: car la doute que j'ay de méprédre me fait trefuer d'āgoisse & de griue détresse. En m'ebahissant comme le plaisir de mes treshautes & trefredoutables deesses, s'est cōdescendu à vouloir accepter le iugement de si basse personne cōme moy, qui ne suis qu'un simple berger, & le moindre des hommes mortelz, encore tout obumbré de ieune ignorance, peu vsté en telz affaires, & qu'à peine s'ose auenturer de s'entre mettre des menuz debatz de ses cōpagnōs pareilz & égaux. Si ne sçay cōiecturer autre chose sinon que par confidence d'un trop ample raport qui fait leur à été de ma petitesse, elles se sont accordees à mettre en hazard, la cōpas-

ration de leurs diuines formes & speciofitez: Voyant donques n'y pouuoir alleguer refiftéce: ains faut que ie flechiffe souz le ioug d'aleur & du tien tressacré, & trefcremeu commandement. Ie delibere de m'en acquitter en brieſ ſans acception de perſonne, & ſans que les choſes promiſes me meuent en rié. Si te ſuplie en humbleſſe m'y vouloir preter confort & ayde, pour mener à chef ce preſent affaire mō hōneur & preu: car entant qu'il me touche ie ne voy aucun pouuoir d'y ſauuer ma beneuoléce enuers chacune partie, n'auffi d'y ſcauoir rié diſcerner, au moīs la pure verité tādīs que leurs benoites corpuléces ſeroiēt couuertes & voillees, de ces precieux aornemēs. ADONC Mercure va dire: Certainemēt mes tres hōnorees dames, ſa raiſō eſt droiturieremēt bōne & biē fōdee: car ſi la pierre precieufe etāt expoſée en eſtimatiō de ſa propre bōté & valeur, n'eſt veue à decouuert ſās vmbrage & ſans fueille, il n'eſt au mōde ſi bō lapidaire, ne ſi ſage connoiſāt, qui ſceuſt au vray iuger de ſa nobleſſe. Voz precieux habillemens pourroiēt deceuoir ſon cēil: car ilz occupent la perfection de votre belle facture, & muſſent l'integrité de voz perfections. Si votre different giſoit ſans plus en l'eſtimation dē la reſplendeur des bagues & ioyaux, dont vous vous parez, ou en la louenge des façons de voz riches habitz &

à chaines, armes, ioyaux, & autres accoutremens, ie diroye que ne prinſiez pas la peine de mettre ius voz nobles vetemens: mais non, ains tend à plus haute choſe, c'eſt à ſçauoir en l'equiparation de la formoſite de voz propres diuines corpulences, & en diſcerner prudemment le choix, & l'equipollence de voz ment bres illuſtres.

A C E S parolles les deeſſes furent auçunement troubles, pour la nudité que falloir que môtraſſent, touteſois en fin toutes de vn accord ſe retirerēt ſouz diuerſes vmbrages en lieu de garderobes, & ſe firēt deſhabiller vne chacune à part, par leurs nymphes & damoyſelles. Si mirēt ius leurs riches habillemēs, & quād elles eurent deſſublē coiffes, guimbles, atours, couronne, chapeau, ſalade, & autres accoutremens de teſte, mis ius fermailletz, chaines, aneaux, bullettes, carcans, ceintures & tiſſuz, & deuēt robes, cottes, manteau, cuiraffe, & tous habitz ſlairans de diuerſes odeurs exquiſes, ſemblables à baume naturel, melé auecque toutes les fleurs de violettes qu'on ſcauroit excogiter, iuſques aux patins dorez & diaprez d'ouurage ſupernaturel, leſquelles elles retindrent en leurs piez de peur que l'herbette poignant n'oſſenſaſt leur plantes tendres & doucettes. Lors elles ſe pſenterēt toutes trois ſur le beau bout. Adonques le paſteur Alexandre, rauy &

extasé, éblouy de si étincellante lumière, offusqué de la clarté procedant des corps célestes, proieitoit ses beaux yeux assez foibles du long & du large de leurs formes par grád sagacité.

I V N O la royne pleine de grauité matronalle, & honnesteté pudique entre tous ses acoustremens ne reserua rien, fors qu'elle eüst prins vn fin cœuure chef de crespé, lóg & large & bié delié, tout ourlé de frâges de fil de soye, dont l'vne de ses nymphes étoit tocquée. Et l'eüst mis sur son épaule senestre pendât en écharpe, & noué sur le côté dextre. Dõt pour ce que les bourz vollerâs en l'air par leur legereté, s'éleuoïét aucunefois cõtre son gré au mouuement de sa marche. Elle tenoit l'une desmaïs sur son pis, & l'autre bas d'autre côté. Pallas la prudête pucelle pleine de vergõgne virginalle, ne voulut point mettre ius sa riche chemise tissue, frôcée & ouurée de sa tresindustrielse main, & brodee d'or trait, & de semées de perles, selon les lisieres. La raison pourquoy elle ne la dépouilla, fut pource qu'elle étoit d'vne soye bisfine, blanche comme lys, si claire & si subtile, qu'õ pouuoit bié choisir parmy sa trãsparence toute l'integrité de sa belle facture: Mais Venus la tresmõdaine deesse, nõ tãt pour se mōtrer hôteuse, modeste, cōme pour donner par quelque gracieux artifice augmētatiõ à sa nièce Volupté, vn grád floquant de roses blanches

& vermeilles, bié garny de ioncz palüftres par dedäns: afin que les branchettes épineufes ne violaffent fa chair tédrette. Elle s'étoit fait mettre & adapter, en forte qu'il enuironnoit fes larges reins, & repofoit fur fes groffes hâches, donnant gracieufe obumbration à fon noble sexe. Et certes ce fimple aornement faisoit obtenir à la deeffe vne grace finguliere, & vne faueur fpeciale. Si auint qu'au moyen de fa contenâce liberalle, de fa presentation moins difficile, de fa propre gayeté & chere plus hōnefte, elle cōtraignoit l'adolefcent Paris ieune d'ans & de fens à feiourner fon regard furelle plus que fur les autres. Venus doncques s'eftoit plantee fur le pié droit, & auançoit le gauche. La main dextre pliee fur la hanche, & l'autre étendue au lōg de fa cuiffe feneftre. Or nota Paris tout à loyfir la refplendeur de fes trefles dorees, longues & épeffes, dont les floquons épars fans ordre çà, & là donnoient merueilleufe decoration au chef, & aux épaules eborinées. Confidera l'amplitude & fpaciofité de fon cler front bien arrondy. L'arfure de fes fourceils noirs, la fplendeur admirable, & l'atraict amoureux & penetratif de fes yeux verdz, la forme de fon nez traitifz, la fraifche couleur & le beau teint de fa face, la rondeur de fes ioues purpurees, la petitesse de fa bouche riant, avecques l'elevation de fes le-

ures corallines, & biē iointiffes, qui d'elles mesmes sembloient semōdre vn baiser, & aussi la grace de son fosselu menton, & la blancheur delitieuse de sō gosier cristalin. Puis apres Paris par grande attention se print à remirer la trouffure des deux mamelles de la deesse, & le grād interuale qui estoit entre elles, la gracilité du faux de son corps, la solidité de ses bras, & la spaciosité de ses mains. La polliffure de son ventre marbrin, la grosse tourneure de ses cuisses, la pleine charneure de ses genoux, la vuydure elegante de ses belles iambes, la façon de ses petiz piez. Et que perfection totale du demeurant de sa noble facture & corpulence qui tant luy pleut, que mieux vauisist que iamais ne l'eust veue. Car il n'eust pas le sens de la reduire en comparaison à l'extreme formosité, & souueraine excellence spiriruelle des deux autres deesses. Ainçois s'arreta du tout à contempler la beauté corporelle de Venus. Alors Iuno & Pallas commencerent à auoir peur de leur cause perdue, & craindre la legereté de leur iuge indiscret, la ou Venus au contraire monroit semblant tresassuré, par ses gestes plein de lasciuité feminine. Toutefois elles se souffrirēt vn peu attendant douteusement l'opinion du bergier, duquel les yeux étincelans, & les prunelles errātes & vagabōdes à l'entour de l'ymage venerique, denotoient as-

sez son appetit sensuel, estre chatouillé d'un desir non chaste, & tout enflambé de luxure excessiue. Si prononça finablement l'arrest & la sentence de son iugement: & d'une voix tremblante & cassée, & pleine de crainte, ayāt le visage honteux, dist en ceste maniere.

Le iugement & sentēce de la pōme, par Paris à Venus.

T Reshautes & trespuissantes déesses, puis qu'aisi est qu'il a pleu à voz maiestez souveraines de souzmettre le choix de voz formes nō pareilles à la loy de mō simple iugemēt, i'en diray maintenant selō la rudessē & petitesse de mō esprit, ce q' i'en treuve par la nudité de voz beautez découuertes : c'est qu'apres meure deliberation bien debatue & consultée entre mes yeuz & ma pēsée, lesquelz n'ont finō droit, raison & verité deuāt leur imaginatiō, sās faueur, fraude, & corruptiō quelquōque, ie dis & prononce par sentence diffinitive, que cōbien que soyez toutes réplies de formosité souveraine & resplendeur émerueillable, comme treshautes princesses deifiques que vous estes. Neātmoins ainsi qu'il me semble (souz la benigne grace & supportation de voz hauteses) ma dame Venus surpasse en lineature & droitesse de corsage, vous autres deux mes trefredoutées dames & déesses. Parquoy la pomme d'or selon l'inscription qui est en elle entaillée, luy doit estre deliurée paisiblement. Si vous supplie

prendre en gré ce que ma rude sensfualité en a fceu dicter, & au surplus me pardonner si a toutes n'ay peu complaire.

Des que Paris eut finé la pronunciation de sa sentence, Mercure deliura promptemēt la pōme litigieuse, es mains de la deessē Venus sa sœur, laquelle la receut à grand ioye & exultation: Mais Iuno & Pallas qui furent desia fait reuētir à grand hate, ne pouuoient couvrir ou dissimuler le semblant de leur douleur. Car il n'est point de plus grief dēdain à vne noble femme, que de se veoir vaincue & surmontée en question de beauté corporelle. Toutefois la pucelle Pallas supportoit assez modestemēt la passion de son cueur & digeroit couuertement à par elle sa grieue indignation. Mais Iuno Saturnienne(embrasée en grand ire & impatiēce) ne se peut onques abstenir de dégorger la fumee de sō depit, aīçois d'vn visage enflammé, & d'vngs yeulx allumez par grand fureur, d'vne voix aigre, soudaine & chaude, & de vne oraison satyrique & pleine de mordacite, increpa son iuge Paris en ceste maniere. O hōme brutal, beste trāsformee, creature destinee à toute infelicitē. Idolle fantastique, qui sembles ce que tu n'es pas, vaisseau corrompu de lubricité villaine, & sac à fiens & pourriture, mal est éployee beauté corporelle en si lache courage, mal sōt assignes les biēs de dieu & de

nature en chose si dénaturée. N'as tu eu honte de preferer la vie voluptueuse & inutile, à la vie active & contéplative? N'as tu eu vergongne de postposer la perdurable à la transitoire? De laisser le grain pour la paille? La sceue pour l'écorce le fruit pour les feuilles? & le gain pour la perte? de mépriser la vraye viuacité des images cœlestes pour le fard coulouré & tainct sophistique d'une statue platte & vuyde, & finalement de changer les tresors du souuerain bien, & l'amas de toute douceur scientifique, aux fanges de toute basse souilleure & au mépris de toute infameté, iuge legier & rustique pl⁹ inconstât q n'est la plume au vêt, prodigue de tout hōneur. Courage enuillenny, pollu d'un legier promettre. Tout vermollud'inconstâce, mal sainemēt deliberāt, aueuglé choisisseur, as tu osé vomir de ton puāt estomac sentēce si orde, si inique, & si sanguinolente, q te coutera la vie: & de cent mille milliōs de toy, en cuydes tu demourer impuny? Crainstu point ma puissance incomparable, quād elle est adonnée à vengeance? Ignores tu cōment ie punis iadis ta folle tente Antigona fille de Laomedon, & sœur de ton pere Priam? Scaiz tu point que le malheureux visage dōt elle se glorifioir, en osant sa beauté outrecuydée comparer à la miennē, fut par moy trāsformé en un bec de Cigoine, duquel iusques à maintenāt elle pesche & pes-

chera tousiours les crapaux & raines, parmy les marefcages, pour son viure & subſtentation.

Je cōnois preſentemēt que ceux de ta maiſon ne ſōt nez, fors pour me faire iniure. Il me ſou uient du rauiffement de Ganymedes ton pro ayeul, qui fut fait & perpetré au deſauātage de moy & de ma fille Hebe. Et n'ay pas oublié la rudelle que tō ayeul Laomedō fiſt à mon frere Neptune, en ediſiāt les murs de la cité de Troye. Mais maintenant eſt venu le iour q̄ i'ay trouué occaſion de retribuer le payemēt, ſelon le mē rite, & de m'adonner du tout à hayne & ven gēce immortelle. De laquelle ie ne ſeray aſſou uie, iuſques à ce que la malheureuſe maiſon (ou tu as prins origine) ſoit exterminée par ton moyen. Et le pays circonuoifin depopulé : & la nation eſparſe parmy le monde, ainſi que la paille d'orge que les laboureurs vētent au vent. Ainſi que Iuno diſoit ces parolles, & fremiſſoit encores entre ſes dents, elle mōta ſus ſon chariot, redoublāt mille menaſſes. Pallas non contente du meſpris, ne diſt autre choſe de cler: en ſes murmuratiōs. Fors qu'elle le laiſſoit abeſty en ſa propre ignorance, de laquelle il n'auroit iamais connoiſſance, iuſques au tems de ſon final deſtruiſemēt, mort irremediable (Car quād la puiſſance diuine veut demonſtrer grand ſigne de courroux & vengeance ſur homme, c'eſt de luy tollir ſon propre ſens.) Ainſi partirent

les deux déesses, conceuant vne haine non ap-
 paisable encontre les Troyés: mais elles prin-
 drent diuers chemins, sans retourner à l'assèm-
 blée des dieux. Pource qu'elles estoient esprin-
 ses de honte & de courroux. Pallas s'en alla à
 Athenes, & Iuno en l'ile de Samos.

PARIS tout troublé de la dure inuectiue
 de Iuno, & des menasses de toutes deux se pre-
 paroît de plusieurs excuses: mais leur soudain
 departement ne luy donna lieu de parler. Lors
 Venus qui s'estoit reuetue tout à loysir, le con-
 sola doucement, disant qu'il ne s'en failloit
 que rire, & qu'il ne s'en souciaist ne sebahist:
 car leur maniere est ainsi hautaine & superbe,
 leur parler plein de menasses & vaintises: mais
 contre tous & toutes, elle & son amy le Dieu
 Mars luy seront bons garantz. Ote toute crain-
 te & soucy: car iamais ne t'abandonneray. Or
 vueil commencer à t'enseigner comment tu
 viendras en haut degré. Ecoute ie t'apprendray
 les articles lesquelz ie commande aux aymãs,
 si deuenir le veux, maintiens ma doctrine, qui
 est telle.

Sois coïnt & appert sans orgueil & sans fe-
 lonnie, gracieux, large, seruiable, debonnaire,
 dechasse toute vilennie, ne de chose qu'autre
 face ne mesditz, le blame des femmes couure,
 si médire en oys.

Soyes courtois & beau parleur, & non rapor-

teur des nouuelles, repreneur, faux vendeur ne menteur ne soyes.

Fuys ialousie, si iouyr veux d'amours & d'amie, car de ialousie vient haine & haine ire, iamais n'aura ialoux paix ne liesse. Il est raison que tu aymes & croye t'amy, sans en rien la m'écroyre, & ainsi sera l'amour interinée en la ioye parfaite.

Aymes toutes femmes pour l'amour d'une & à chacune fay beau semblant pour les médifans deceuoir, si ne sçauront laquelle entre toutes tu aymeras, quand en toy telz diuers semblants verront.

Mais ia ne soyes tel quelque semblant que tu faces, que tu meffaces vers celle que ton cœur aymera. Elle aperceura bien que par couuerture le fais, s'elle a sens, & que coulpe toutes les autres pour elle decoulper, si t'en aymera de mieux, & si ne faces aucun semblant apparant à elle, fors en lieux où tu doys.

Si deuant gens la vois, ne faitz semblant que tu la voye, si ce n'est que tu ayes occasion de parler à elle, & lors parle si sagement, que ceux ne l'aperçoient qui t'y orront parler.

Et quand en secret tu la tiendras, ne luy demandes riē, mais d'elle fais à ton plaisir, si loysiras, ne la laisse par couardise, ne pour chose qu'elle te die, car moins t'en priferoit, mais bien loué. Si tu prens garde à son visage que
ton

ton soulas ne luy déplaise, ne t'en fais ia si priué que tu l'enforces, ie ne prise en rien le delit qui a force contre cœur, dont fine amour doit venir.

Si luy déplaiſt souffre toy à tant, & si t'offre tousiours de souffrir tant qu'il luy plaira, au moins ne luy déplaira ia.

Prens le baiser lequel rien ie ne prise de bouche, si la faueur au cœur ne touche : mais celuy qui vient du cœur est doux.

Et ſil t'auient que par son gré puisses vn tel baiser auoir, au ſurplus te peux bien attendre.

Encores te fais ſage, que meſſage ne quiers à ta beſongne mettre à fin, si tu le peux faire.

Car amour vaut tât cōme on le cele, & à peine ſont ſans trahiſon amour qui yōt par meſſage, & ſouuēt en vient contraires à grand meſchef.

Nonobſtāt te cōmāde à découurir tō cōſeil à tel q ſoit bon, ſage & loyal, ſ'aueſſir y peux. Car moult te peut à vn beſoin ayder vn tel amy.

Or éliſ tel à qui tu oſes dire ton conſeil en confeſſion, que deception ne face vers toy de t'amy, & que ne la fortraye. Moult grief te ſeroit le trouuer ainſi, & ſe recouurer en peux, bien t'y peux fier, & ton ſecret découurir.

Fais luy les parlemens en récoy, ſi qu'on ne ſçaſche de quoy eſt votre deuſ, ne ia voyant la gēt. Et pour ceſt affaire ne luy fais aucun ſigne d'amours, on voit peu de cōpagnons ou il n'y

ait aucune vilennie. Va t'en à Troye à ton pere Priam, & à ton parentage: là seras receu à grād' ioye, va t'en apréter pour aller querir Helene en Grece. Ne luy laisse pour vergongne de luy dire ton vouloir, ne te chaille s'au premier assaut elle te soit vit petit fiere, il n'est femme quelque qu'elle soit qui ne soit de telle maniere. Car quicōques d'amour la prie soit beau ou laid, qu'au commencement ne face refus ou dangier. Il leur auient d'econduire: mais pour rien qu'elles dient ne doiuent laisser les amoureux leurs entreprinſes à poursuiuir. Celuy doit auoir hardy cœur qui veut auoir belle amye, c'est vne grand prouesse. Amours ne veut mesure mettre à son fait. Si se doit donques l'amoureux mettre en l'auenture, sans aucune raison ou mesure. Amours aident aux hardiz, & les couardz perdent souuent par leurs negligēces, ce qu'ilz ont acquis. Pource dit on cōmunement. Onques couard n'eut belle amye. Prés en patience si chose te dit qui te déplaise: & si tu as tems, découure luy sans cesser les maux que tu sens pour l'amour d'elle. Ne laisse par peur quoy qu'elle die, pas ne sera si folle que de toy mercy ne luy prengne: puis qu'entremettre m'en voudray, metz dōc peine à garder mes cōmandemens, si acquerras belles amours.

PARIS en grand deuotion mist son cœur & son entente aux commandemens de Venus

apprendre, quelque fin qu'il en deust auenir. Moult les retint bien diligémēt: puis respōdit amiablement à Venus: dame bien m'auiez en-
doctriné, & enseigné: car tāt ay le cœur inspiré
de votre grace, qu'il n'est homme viuāt qui mi-
eux fist les cōmandemens que m'auiez apprius,
que ie feray: auoir, richesse, force, ne sens, ne pri-
se vn seul denier enuers votre don. Iamais ne
quiers garder ouailles ne brebis, desormais se-
ray votre disciple & seruiteur, ne ia enuers a-
mours ne faulseray ne desobeiray en rien, pour
mal que mon cœur en sente, ne pour dōmage
que i'y aye, voz cōmandemens ne trespasseray.
Je m'en vois à vostre cōgé. Lors laissa Paris ses
brebis, & s'en alla vers la noble cité de Troye,
veoir son pere qui grieuémēt achetera par tēps
le fol iugement de son filz: car en brief tems en
sera la cité détruite.

*De Peleus pere d'Achilles qui fut exillé de sa ter-
re pour le meurtre qu'il fist de Phocus son frere, & cō-
ment il arriua deuers le Roy Ceyx.*

Auant l'exploit du voyage de Paris en Gre-
ce, pour raurir le comble de beauté d'He-
lene. Peleus mary de Theris auoit déia eu A-
chilles le vaillāt, lequel quād il vint en âge, fut
le plus fort homme & le plus plein de cheua-
lerie & de hardiesse, qui fut au pays de Grece.
Par son effort & par sa prouesse furent détrui-
& mis à mort les pl^r puisās princes de Troye.

Moult estoit Peleus pour luy craint & redouté, & en grand prosperité, moult estoit heureux: rien n'estoit qui luy nuysist, fil n'eust meurtry Phocus son frere ainé, dont il luy couuint perdre son royaume, & fuyr en étrange terre querre habitation. Si vint en Trachine ou le roy Ceyx regnoit filz de Lucifer qui alors moult estoit triste & dolent pour Dedalion son frere, qui nouvellement estoit mué en vin épremier par Phœbus. Peleus qui pour son meffait de son pays estoit exillé, vint en la cité de Ceyx, las & trauaillé, & à peu de gens. Son betail, ses gés & son harnois auoit laissé hors de la vile en un plain cháp. Il auoit lieu de parler au roy. Si l'araisóna & luy requist secours. Ceyx luy demanda son nom, de quelle terre il estoit, de quelle gés, & pourquoy il ainsi estoit exillé en terres étranges. Peleus cōtrouua que par guerres estoit de son pays party: mais la verité de ses gés & de son nom luy dist, & luy requist que par sa grace luy dōnast tāt de terre, que faire y peust son manoir. Le roy luy otroya, & luy dist. Je ne voudroye point denier ma terre à nulle gēt, moult me plaist toy receuoir & ta cōpagnée, pour ce que tu es de noble lignée, telle que ma terre est te soit partie: car ie la t'otroye: & sçaches que mieux me plairoit, si mieux pour honnorer y auoit. En ce disant plouroit Ceyx. Et quand Peleus le vit plorer, il luy demanda quelle cho-

se il auoit & qu'elle estoit la cause de son dueil. Ceyx luy dist : Certes, dist il, par auenture tel verroit vn oyseau apellé autour, q̄ pas ne croiroit qu'il eust onques autre esté, mais si à : car il fut homme de grāde puissance, fier, courageux, batailleur, & plein de prouesse & de cheualerie. Sus tous hommes voulut seigneurier & dominer. Si submist plusieurs roys & princes. Dedalion auoit nom, & estoit mon frere : mais de diuerses meurs estions. Il estoit fier, & i'ay mis mō cœur à viure en paix, sans nul debat, & garder mon mariage.

De Chione fille de Dedalion, qui conceut des dieux ; Phœbus & Mercure deux filz d'une portée, & comment Dedaliō fut mué en Autour par le dieu Phœbus.



DEdalion mon frere, dit Ceyx, eut vne belle fille nommée Chione, laquelle fut requise de maint baron, depuis qu'elle eut treize ans. Or adint vn iour par auenture que le dieu Phœbus de Delphos retournoit, & Mercurius du mont de Cyllene, tenant sa verge endormable. Si virēt Chione ensemble & de sō amour s'esprindrent, chacun de eux auoit vouloir d'en faire son plaisir. Phœbus souffrit iusques à la nuit: Mais Mercurius à qui en pensast, ne peut plus souffrir ne délayer, ains alla tantost la belle veoir, & l'endormit de sa verge, puis en dormant la déflora & engrossa. La nuit ensuiuant s'appointa Phœbus en semblance de viel le, & secondement l'engrossit, car Chione ne luy refusa rien qu'il voulist, cuidant que ce fust son premier amy, qui en telle semblance se fust mis. Quand ce vint à l'accouchemēt, de deux diuers enfans fut mere, dont chacun ressembloit à son pere. L'vn eut Antolicus à non, & fut plein de fraude & de deceptiō, ingenieux, & enchanteur, & si sceut l'art de larrecin. Cestuy ne forlignoit pas à sō pere Mercurius qui est larron & qui bien auoit appris à son filz de faire de noir blanc, & de blanc noir. L'autre filz que Chione eut de Phœbus, fut bel, plaisāt & éiouissant: moult bien ressembloit à son pere, il auoit Phelemō à nom. Moult fut ma niece belle, gente & renommée, & aymée des deux

beaux filz: Mais gloire nuist souuēt à plusieurs, si fist elle à elle: car par sa grand beauté & out e cuydance dépitā & méprisa Diane, qui moult cruellement s'en vengea: car d'une fleche mortelle luy perça la langue, dont en mourut. De sa mort fuz moult dolent, & encores plus pour le dueil qu'en faisoit mon frere, à qui elle estoit fille. Mon frere conforter cuiday de ce dueil: mais onques ne peuz pour rien que sceusse faire ne dire. Il s'en felonna tant d'ire, qu'il voulsist bien estre mort. Si print à courir comme vn thoreau qui est en chaleur, la ou son ire tournoit, plustost qu'il ne souloit courir, tellement que bien auis estoit qu'il vollaist. Sur le mont Parnasus s'en alla, & puis aual se trebuscha, tellement que mort eust esté au choir, si n'eust esté Phœbus qui le mua en Autour, vn oiseau vollant, lequel a le bec tortu & les ongles. Foi & fier fut & encore est fort, & plein de rapine. Encores ne cesse les autres oyseaux submettre & maistroyer, quand attaindre il les peult.

De la nymphe de Psamathe, qui fist par vn loup occire toutes les bestes de Peleus.

SI comme Ceyx auoit raconté de son frere Dedalion, qui estoit deuenue autour, vint vn des pasteurs que Peleus auoit laissé à la garde de ses bestes, lequel haument en oyant, luy dist: O Peleus, ie t'apporte nouuelle pleine de tristesse. Endroit midy étoient les brebiz



& les bœufz pour reposer sur le riuage, dont l'vne partie couchee étoit en l'vmbre, & l'autre partie par la plaine s'ébatoit, l'vne çà, & l'autre là & aucunes nageoyent par la marine. La pres est vn temple sur la marine tenebreux, obscur & vmbrageux, auquel est adiointe vne saufaye ample & épesse, pleine de boue par les ressors des vndes de la mer qui là redondoyent. De la saillit vers le riuage vn loup affamé & enragé, plustost que foudre decendir, & ses yeux ressembloient ardens charbons. Celle sanglante beste vint la gueulle ouuerte assaillir votre bestial, que defendre cuydâmes, mais vers luy ne valut rien notre puissance: grande partie de voz amys à deuorez, & si bles

se toutes les ouailles, & mer à perdition, & fait telle effusion de sang, que tout le riuage en est ensanglanté & rouge. Iamais des bestes n'auras ioye, si ne te hates de secourir le demeurant, auant qu'il ait tout détruit : Mais assemblons nous tost, & prenons tous noz armes & acerez dardz, pour occire le loup famelique. Peleus entendit comme grand dommage le loup faisoit dont petit luy chaloit: mais plus luy pesoit du forfait pour qui celuy venoit. Bien sçauoit que ce meschef luy faisoit la deesse de mer Psamathe, qui le hayoit pour Phocus son filz qu'il auoit occis, si luy vouloit l'occision cherement vendre. Et Ceyx qui auoit le messagier ouy, commanda ses gens armer, & les bestes aller recourir, & mesmes y voulut aller. Mais Alcyone qui sa femme étoit, se print fort à lamenter, & en tendremēt plorant l'embrassa, & luy pria qu'il n'y allast point, & sauuaist d'un corps deux cœurs, mais y enuoyast de sa mesgnie. Quand Peleus vit la dame effrayer, pitié l'emprint & la conforta, en disant : Dame, ne plorez plus : car de votre seigneur ne de sa mesgnie n'ay besoin la sienne mercy, quand ayder me veut, & ne m'est métier porter armes: car mieux pourray par priere vaincre & appaiser l'ire diuine : par quoy ce dangier me vient, qu'autrement par force d'armes. Lors allerent monter au sommet d'une montaigne sur le riuage, ou les lasses nefa

arriuoient, de la virent les thoreaux mortz que le loup auoit deuoré. Quand Peleus vit ce domage vers la marine, tendit ses mains pour prier & pacifier l'ire des dieux qui sur ses biens étoit emeue, & qui la malle beste auoit enuoyé. Humblement print à reclamer Psamathe deesse que son ire cessast, & pardonner son maltalement luy voulist. Mais on te peut prier en vain, & sans amollir Psamathe, qui trop le hayoit, si sa femme & samie ne fust, laquelle luy impetra misericorde, & si luy fist sa paix. Non pourtant le loup plein de rage ne cessoit de bestes occire & deuorer pour la douceur du sang qu'il auoit aleché comme celuy qui vouloit tout deuorer, iusques à tant qu'il eut occis vne genisse. Et lors fut mué par la volonté diuine en marbre de telle figure & de tel tainct, comme parauant il estoit. Et adonc Peleus n'eut plus congé d'en celle terre demourer. Il s'en alla en Magnetete vne autre region, ou demouroit vn saint hermité nommé Acastus, duquel il requist penitence de son meffait. Laquelle chose Acastus fist, & par son conseil Peleus recouura son royaume, & l'amour de son peuple.

De Ceyx qui se mist en mer pour aller en Delphos, contre la volonté d'Alcyone sa femme, là ou il se noya par la tempeste des vens & de la mer.

PRopos vint à Ceyx d'aller au dieu de clarté, qui les cœurs conforte, pour enquerre



fort dont il se peut éiour . La voye étoit encombrée vers Delphe, tellement que par la n'osoit passer : car vn roy qui nommé étoit Phorbas l'empechoit. Ceyx reuela à sa femme qui moult aymoit, en laquelle moult il se fioit, tout son propos , & en print elle conseil. Quand la dame eut entendu la volonté de son mary, moult fut dolente & ébahie, si se print à plorer, à soupirer, & à demener grand dueil, tellement qu'à peine pouuoit elle parler . Et quand elle fut reuenue à parole, si dist ainsi: Trescher sire & trefaymé mary, qu'elle malle auenture vous meult de ceste besongue entreprendre? Est donques passée la tresgrande amour que souloit entre vous & moy estre: Vous deplaiſt donques

ma compagne: voulez vous laisser votre amye pour entrer es perilz de la mer? Vous ennuye il que ie vous voye? & s'aller voulez en telle terre que ne vous voye, allez y par terre. Aller y pouez seurement, & si ne m'ennuyra votre absence. Par la mer n'avez que faire: Car elle est trop doutable. En peril est qui y chemine, & trop d'encombrier & de malle auenture y peut auoir. Si mouuoir vous voy par mer, ie ne feray iamais seure, ie sousspeçonneray tousiours que n'ayez aucune greuâce. Tous les membres me tremblent, & le cœur me fremist quand ie me remembre des perilz de mer, trop de gens y ont accoutumé de noyer. Il n'y a gueres qu'au riuage ie vy plusieurs nefz rompues, & gens noyez. Espoir vous prenes en Eolus qui est mō pere, & le souuerain des vents, cuydant qu'il les doie enclorre & appaiser: afin que dommager ne vous puissent, tandis que vous deues nager. O trescher amy, n'y ayez ia espoir, trop folle fiance y auroit: car ia n'y auriez auantage. Quand les vens sont hors de leurs abimes, & ilz ont la mer à habandon, ilz courent si roide-ment que rien ne les peut tenir ne contester, tempéter font toute la mer, & meuuēt les nues par leurs terribles soufflemēs, & par leurs cours chassēt ilz les clers feux, à maint puissant homme ont fait contraire & enuuy. Celuy qui plus les connoist plus les doute. Bien connois leur

puissance. Car chez mon pere les vy, quand petite étoie, trop veoie & trouuoie en eux de rage. Et si par amonnestement ne voulez changer votre propos d'y aller par mer, ie vous prie que me menez avecques vous. Si verray ce que vous verrez, & si auray ce que vous aurez, soit bien, soit mal, quelque chose qu'il vous en auienne, ie seray personniere de tout ce qui vous auindra. Si ne me conuiendra douter, fors ce que ie verray & soutiendray, & ainsi serons compagnons d'échapper ou de noyer.

TELZ motz disoit la dame plorant tendrement par grande amytié, dont Ceyx qui moult l'aimoit en eut grand pitié: mais onques pour ce ne voulut le voyage de mer laisser, n'aucc luy mener celle qui tant l'aymoit, ne la mettre en l'auenture. ou il se mettoit, mais moult la reconfortoit & asseuroit, l'asseurer la peust. Et celle pour chose qu'elle ouyst ne s'y pouuoit consentir. Ceyx luy iura sa foy, & luy promist de retourner dedans deux mois, sil luy estoit possible en aucune maniere. La dame s'apaisa vn petit quand elle ouit la promesse pour l'espoir du retour. Ceyx apréta tout son affaire, & fist venir la nef au port. Grand angoisse eut la dame, & fut moult troublee quand la nef vit: car il luy deuinoit son courage, la douleur & la perte qui luy étoient prochainement auenir. Si ne se pouuoit tenir de plorer profondemēt,

& celuy étroitement l'embrassa qui son cœur aymoit, & tristement à dieu luy commanda. Quand Alcyone vit partir son amy, elle cheut pamee, & à peu que le cœur ne luy faillit: les mariniers se prindrent sans delay fort à nager: & la déconfortee adressa ses yeux deuers la nef, si vit Ceyx état au dernier étage qui luy faisoit signe, & celle par autre enseigne luy respondit. Tant singla la nef en la mer, que la royne ne pouuoit plus son mary voir ne choisir: mais tant comme elle peut suyuir aux yeux la nef qui moult legerement singloit au vent. Et quand la veue en perdit, elle s'attendit au mast & au voile. Et quand la voile & le mast eust perduz, tant fut dolente q̄ mieux aymast à mourir que viure. Sus son liect s'en alla coucher: ou se print à plorer; & son dueil renouveler, pour l'amytié de celuy qui s'en alloit. Toutefois qu'elle veoit son liect vuide de son amy, ploroit profondement.

De Ceyx & Alcyone.

Comme Ceyx & ses gens nagerent tant ce iour comme ceux qui pour retourner se hatoient, qu'ilz parvindrent entre deux iles, moult estoient las de nager. Si dresserent la voile au vent pour les vens cueillir. Lors survint vne tempeste tant impetueuse, que la marine se commença à troubler. Et quand celuy qui la nauire gouvernoit aperceut l'orgueil de la mer, il commanda les cordes du mast aualer, & decen-

dre le mast, si iamais on se vouloit sauuer. Mais il ne peut pas bien estre entendu pour le bruit des vens, que la mer tempestoient. De leur gré faprétoient les mariniers, les aucuns de souz-mettre les auirons, les autres de defendre les vndes de la tempeste, & les autres à epuyser la nef de l'eau qui dedans entroit. Pesle mesle s'entremettoient la tempeste croissoit tousiours, & les vens qui fort la batailloient les épouuenterent fort. Le maitre de la nef se douta moult, quand il vit l'imperuosité des vens, qui la marine émouuoient, & qui tât de contrarieté leur faisoient. Il ne sçauoit quelle voye tenir n'aller, pour la tempeste tant impetueuse & horrible entreoublloit sa maitrise: Fort crioient les mariniers lesquels ne esperoient nul confort, de plus en plus se troubloit l'air & la mer s'enflloit, toutes les nues estoient troublees, & tant auoit la mer son horreur émeue, que couleur auoit de nuee. La nef de Ceyx se troubloît fort, vne heure haut vers les nues, tellement qu'il sembloit à ceux de dedans que souz eux vcoient le fons de l'abime. Autrefois decendoit plus fierement, & si cruellement qu'elle bruyoit plus que foudre. Pour la tempeste du vent s'émouuoit souuent la mer, plus orgueilleusement que lyon, ou autte beste ne fait contre son ennemy. En la fin eut la nauire tant enduré, que plus ne peut soutenir, du ciel cheoit

une pluye épaisse qui l'air obscurcissoit, & la mer troubloit, il sembloit que les cieux deussent cheoir, & que la mer par ses vades & tempestes le deust surmonter. Pour la pluye alloit le voile amortissant & apesantissant, la nuict s'obscurcissoit pour le temps impetueux: Mais les foudres qui sailloient de toutes pars l'enluminoient. La nef qui plus endurer ne pouuoit se descloir, ouurit & rompit, & le mortel flot ce lança dedans par les ouuertes, dont les mariniers qui la dedans estoient, commencerent plus fort à douter trop plus que les gens de ville assise voyant leurs ennemys entrer, & les autres miner par dehors. Moul't se déconfortoient tous ceux de la nef, tous les cœurs leurs failloient chascunefois que ilz veoient venir les flots contre eux, comme ceux qui tousiours cuydoient mourir. Les autres ploroient & disoient qui leur seroit bon de tost mourir: afin d'estre hors de ce tourment, qui tellement les angoissoit. Les vns entendoient à prier dieu & à faire vœux & promesses, les autres reclamoient leurs parens & amys. Mais Ceyx ne ramenteuoit fors Alcyone: celle seule auoit il en sa bouche, & seule au cœur luy venoit, non pourtant pas ne voulsist qu'elle fust avec luy, pour partir à celle tourmente. Voluntiers retournaist sa face vers sa terre, dont il estoit party, mais moul't s'ébahissoit & l'obscurité doutoit

doutoit pour le troublement du tems, & pour la nuit tellement qu'ilz ne veoient ne ciel ne terre. La pluye, le vent & les vndes les guerroyoient, gouvèrnil & tous autres habillemens leurs deffroissoiēt. Vn flot qui des autres se parut mōra haut vers l'air, puis descendit en arsōnant plus pesamment que ne cheurēt en bas les mōs Athos & Pidus. Le grand fais d'icelle vnde confroissā toute la nef, & si noya grande partie des gens, mais aucuns pour eux rescourre & sauuer, saisirent & prindrēt aiz ou autres pieces de la nef brisee, lesquelz le flot debouitoit à son plaisir. Le roy Ceyx tint vn aiz brisé auquel à grand doute & peur il se trainoit. Sō pere & son seigneur reclamoit, & sur tous sa femme Alcyone, laquelle oublier ne pouuoit. Il ne cessoit de prier, qu'il peut arriuer en lieu ou celle le peust tenir & mettre en terre, sur le bois en grand doute nageoit au vouloir des flots, en fin vne noire laide & épesle vnde, tourna sur luy & l'enfondra sans resoudre au profonds de la mer, & ainsi il se noya. Triste & dolente fut l'étoile Lucifer celle nuit pour celle malle auenture & requist qu'elle ne fut connue ne veue d'homme viuant ceste nuit durant.

De la deesse Iuno, qui enuoya Iris au dieu du sommeil, afin qu'il feist scauoir à Alcyone la mort de Ceyx son mary.

Olympe.

MM



Alcyone qui des maux de s^{on} seigneur rien ne sçauoit, nombroit les iours & les nuitz disant: brief est le sejour que m^{on} seigneur doit faire dorefnauant. Si à pretoit riches robbes, & noble courroy dont parer le vouloit, & elle mesme à sa reueneue. Ainsi deuinoit Alcyone & reclamoit dieux & deesses, qu'a sauement luy remenassent son cher mary, & specialemēt Iuno par sacrifice, & luy prioit souuēt qu'autre amie ne peust acointer en ce voyage. Ainsi requeroit la royne dieux & deesses, & souuerainemēt Iuno qui plus ne peut souffrir longuemēt qu'elle perdit sa priere. Iris sa loyalle mesagere apelle, & luy cōmāda qu'elle allast au dieu de dormir dire, qu'il fist p^{our} l'ong aparoir à

Alcyone la verité cōment son amy. étoit pery
Et la messagere Iris s'appareilla d'aller la ou la
dame l'enuoyoit. En vn arc se tomba & arcoia
si descendit par le firmament diuësement cou
lourée, & chez le dieu des dormans vint.

*La description de la maison du dieu des songes &
des dormans.*



La maison du Dieu de sommeil étoit en
Lepoz souz vne nuee, ou plus coy lieu du
monde, ou le soleil iamais n'éclaire. Nue en
obscurté mêlée y fourt, qui le lieu trouble,
tellement qu'il semble tousiours qu'il soit en
tre chien & loup. La dort le dieu, rien n'y rend
clarté ne sō, qui déroutner luy puisse son repos.
La ne resōne aucune chose, fors roseaux & fleurs
ce oublie, q la murmureois court & loup l'entend.

grauois fait souueuement resonner, pour donner appetit de sommeil. A l'entree de la sale auoit à planté de pauôtz florissans & maintes herbes donnans sommeil, dôt la nuit alloit le iour cueillant, qui les multiplioit pour departir le sommeil, au mode. En celle maison ny a porte ne portier, & si est assez seure. Au milieu d'une obscure caue, auoit vn lict richement orné couuert d'un vieil couuertouer, le chalit étoit richement ouuré comme de fin or. La se reposoit le dieu de sommeil, entour luy multiplication de vanité & de songes, plus qu'il ne y a despics en moissons d'esté, ne d'arene sur la riuie de la mer. La vint Iris pour faire le message que Iuno commandé luy auoit, soy defendant aux mains: car les songes l'alloient soufrenant, & le dormir vint entour elle. La beauté de la messagere & la resplendisseur de sa robe ietta par leus grand clarté. Quand le roy dormant la vit, vn peu seueilla, non pour tant encore sommeilloit, si entreclouoit & entrecouuroit ses yeux, & par la force du sommeil reclina le chef & chancela, & s'endormir de rechef. Toutesfois il s'efforça combien que il se tint à graué, tellement qu'il se leua & accora sur son couste, puis s'enquist à Iris la cause de sa venue, & quelle chose elle venoit illec chercher: Iris luy respondit: dieu de sommeil & de repos paix de cœur, & recreement

de tous membres, qui delectablement les tra-
uaillez assoulages & les fais dormir, & les mets
hors de soucy & d'émoy, par moy te mande
Iuno que tu faces sçauoir par sôges à Alcyone
la dolente royne la verité comment Ceyx son
mary est en mer noyé. Adonc Iris, qui se sen-
toit enuelopee de dormir pour le sommeil qui
leans estoit, s'en retourna en son repaire, par
l'arc ou elle étoit venue: car sans l'arc eusuyir
iamais de celle caue ne fust retournée.

*Du dieu des dormans, qui enuoya Morphéus le dieu
des songes à Alcyons, en forme de Ceyx son mary,
pour luy donner à connoistre sa piteuse mort.*



T Antost le dieu de sommeil pour ce com-
mandement accomplir éleut vn de ses

trois filz qui étoient entour luy, lesquels pen-
trementtoient de diuers métiers, quand de leur
pere, qui par dessus eux regnoit en auoiet le co-
mâdement, & vn en y auoit, qui prenoit sem-
blance d'humaine nature, forme, faço & habit
& faisoit semblance d'aller, de venir, & de par-
ler de quelconque homme qu'il vouloit. Mor-
pheus étoit de son pere appelé. Le secõd diuer-
sifioit trop, & prenoit semblance d'oyseaux, de
serpens, & de toutes bestes quelques qu'elles
fussent. Et le tiers prenoit forme d'eau, de fust
ou d'autre creature qui aymé a. Ces trois freres
ne s'aparent fors à gens de grand renom. Et si
apparut de nuit en songeant & tous les autres
a communes gés en diuerses similitudes. Et ce
est leur ouurage & métier, par saintes illusiõs
& visions nocturnes, amusent ilz le peuple en
dormât. De tous ceux, éleut le dieu Morpheus,
seulement le plus sage d'eux, & luy commâda
prendre la forme du roy Ceyx, & de sen aller
vérs la royne sa femme, luy dõner entreseigne
par lesquelles elle apertement vir le naufrage,
& pareillement de son mary. Apres se réclina
le Roy son chef, & de rechef s'endormit. Mor-
pheus s'apreta sans arrest, & volla par l'air se-
crettemēt, tāt qu'en brief terme vīt en Thessal-
le, ou la royne se gisoit au liēt, si print la for-
me que Ceyx auoit quand il étoit vif. Pale &
décolouré sembla ayant la barbe & les che-

neux mouillez, puis s'enclina sur la couche appelant la royne, & faisant signe de trop grãdz pleurs, & grandes complaints & s'ensuy d'icelluy: O ma dolente cõpaigne ne connois tu ton las mary, ouures tes yeux & si me verras & trouueras, pour ton mary seulement l'vmbre, peu m'õr valu tes prieres: car mort suis par vn vêt plumeux qui fit la mer émouuoir, & ma nef fut en mer perie & mes gës noyez & mort le qui trop te reclamoye, cõme celuy qui t'aymoye moult, pery suis & noyé, moy mesmes suis celuy presentement, qui le te dis, si dois sans doute mieus croire ma perte & mort, que ie t'annonce que se vn autre le te disoit, qui m'esonge espoir y mist. Lieue sus si pleure & cõplais, & te vestiz de noirs draps, & ne me laisse mie, sans pleur faire, descendre en la puantise infernale.

De la piteuse complainte que fit Alcyone,

pour la mort de son mary Ceyx

EN telle maniere fit le dieu Morpheus son message, qui sembla que ce fust proprement Ceyx, qui pery estoit en la mer: car la façõ la voix & la contenance avec celuy que Ceyx souloit auoir, & s'ẽbloit qu'il plorast. Lors prit Alcyone fort à gemir & plorer en dormant, & pour le prendre tendit la main, mais rien n'y trouua. Ha cher amy, dist elle, demeure & attẽs ta dolente amye, qui trop t'ayme, avec toy vueil aller. La dame s'eueilla pour la forme que

perdue auoit & pour son cry, si se leua & entour s^{on} liēt quist & cercha s'elle pourroit trouuer ceuy qui pres d'elle estoit n'auoit gueres, qu'elle cuidoit auoir veu. Pour la noyse se'ueillerent les gens & les chambrieres, & coururent à tout la lumiere deuers la dame, qui cercha longuement son mary par toute la chambre, mais trouuer ne le pouuoit. Rien ne luy valoit, perdue auoit l'ombre parquoy moult étoit ebahye, ses-poins détordoit, rompoit sa robe & ses cheueux, batoit sa poitrine, & égratignoit sa tendre face. Trop estoit la dolente à grand méchef, la mere qui nourric l'auoit, luy enquist pourquoy elle se douloit si amèrement, & conforter la cuyda, mais la dame luy dist, laissez le sermonner, morte est Alcyone avec son mary qui est pery en la mer par la tourmente, de confort, n'y a aucun besoin: car mort & noyé l'ay veu, ouy & conneu, de ce ne me pourroit ont rien contredire. Quand ma main tendis pour le prendre, l'ombre veis qui se'uanoit de mes ieux ie sçay de verité que ce fut l'ombre de m^{on} amy. Haa dieu cōme son visage estoit laid & découleuré, encores auoit il le chef mouillé & souillé de la marine. Je lasle le vis dolente en ceste place & bien recongneuz sa face & sa voix, mais pas n'y estoit. Helas disoit elle moult luy dis & priay qu'il écheuast les vés, par q plusieurs perissoiēt

en mer, or est auenu si comme en mon cœur ie doutoye. Haa mon cher amy, fol propos eutes de mon conseil mecroire, contre mon amonnestemēt entrâtes en mer, pour mort receuoir & si ne me voulistes emmener avec vous si la i'eusse esté, sans moy ne fussiez point pery, & sauec vous eusse esté ce m'eust esté profit & grād soulas car sās moy ne fussiez mort, ne sās vous ne vequissē, avec vous eusse souffert mort. Si m'eust moins greué. Or est celuy mort que trop aymoye, & ie voudroye mourir avec luy, plus aigremēt suis tempēstee que ne le voy, qu'il ne fust au flottemēt de la mer. Et encores plus lōguemēt le seroye, si plus lōguemēt en ce mōde viuoye, mais de plus lōguemēt viure ne m'efforceray. Mieux vueil mourir & estre sa compagne, iacoit ce queluy & moy ne puissīōs estre mis en vne mesme sepulture ensemble si ne serons nous déiointz, ains serōs ensēble assemblez, tant gemit & plora que plus parler ne pouuoit.

*La fin d'Alcyone & Ceyx son mary qui furent mu-
ez en oyseaux de leurs noms.*

AV matin alla la douloureuse Alcyone que rant sur le riuage de la mer, si par auēture y verroit reparer son amy mort, qu'elle auoit veu partir d'iellec vif. Helas, dit elle en ce riuage me baisoit mon mary au departir, quand il se mist en la mer. Tandis qu'Alcyone notoit &

regrettoit cesparolles, à tant aparut le corps du mort flotant par la marine, mais elle ne pouuoit encore choisir si c'estoit celuy qu'elle attendoit, combien qu'elle y mist son entente à le regarder, & le corps tandis aprochoit petit à petit le riuage, si qu'en peu d'heure on pouuoit bien apercevoir que c'estoit vn corps mort flotant. Lors plora Alcyone moult tendrement, pour celuy dont elle doutoit, ia fust qu'elle ne le conneust, & moult languissoit de peur, doutant que semblablemēt ne fust auenu à son amy, ou que ce ne fust luy mesmes, si dist en plorāt: Ha corps, que de male heure nâquis tu, qui à telle martyre es finé, & ta fēme ou ton amye si n'est pas moins méchante de moy. Comme plus regardoit la chetive le corps qui illec aprochoit plus se doulousoit & moins de sens auoit. Tāt demanda le flot de la mer le corps, que pres de la terre arriua. Et quād celle le vit de pres, de douleur & d'angoisse luy taignit la couleur car bien le reconneut. Si print la robe & ses cheueux à dérōmpre sa poitrine batte, & sa face égratigner., en disant: Helas c'est mon amy que nagueres auois veu. Ceyx mon amy, comment venez vous à moy? la mer qui mis à en vōus la mort m'a tollu ioye, & mis en dueil & en tristesse perpetuelle. En ces parolles disant s'aprocha la dolente hariuement à vne haute roche, qui pres du riuage estoit, mer-

ueille fut comme ce se peut faire: mais estoit
muée & plumes auoit. D'illec volla au corps
mort qu'elle veoit en mer, & en vollant l'alla
baïser & acoller, & dessus luy plorer & gemir.
Ceyx sentit celle qui le baïsoit, & l'eau en flot-
tât si le faisoit dresser au baïser de l'amye: mais
ie cruide que pas n'étoit l'eau: ains étoit vie,
qui soudainement (si comme il pleut à dieu)
luy estoit reuenue. Si le sentoit appertement:
car en celle mesme heure en ce moniet, deuin-
drent oyseaux semblables, lesquelz n'ēt amour
& conioint en ses roseaux cōme ilz furent au
temps de lors, & pour faonner s'entr'assemble-
rent ilz, & les appelle on Alcyones. En yuer par
mauuais tems vollent ilz par la marine, & lors
est fol celuy qui en mer se met, sans grande ne-
cessité pour les tempestes & les vēs, qui soudai-
nemēt y suruiennent lors. Quand il fait temps
souef ilz ponnent leurs œufz & couuent, & a-
donc fait bon nager: car Eolus le dieu des vens
se repose, tant que sa fille pont & couue.

*De Æacus filz du Roy Priam de Troye qui de-
uint plongeon.*

VN bon homme estoit pres de la riue, qui
regardoit iceux oyseaux, & loua leur
loyalle amour, toutesfois en vit voller vn au-
tre nouvellement mué, appelé Æacus, filz du
fort roy Priam, qui tint la seigneurie de Troye
& frere au vaillant & preux Hector. Espoir
n'eust il eu de force ne de vaillance moindre

ny de renom que son frere, sil eust vecu par-
fa râge : mais trop tost le desauença fortune.
Combien quil fust de royalle lignée, si ne se
tenoit il en cōpagnée de gēs, forsle moins quil
pouuoit. Bourgs, villes & citez hayoit & fuyoit
salles & palais. Si repaira en ces mōraignes se-



crettes. es chams, & desertz. Il estoit sage, dis-
cret, & plein de toute apertise. Il auoit mise tou-
te sa cure en amours, & auoit long temps aymé
Hesperie la renommée pucelle, mais auoit sa
volunté n'en pouuoit. Un iour la vit seoir sur
vne riuiera, cestuy qui voluntiers la forçast la
cuida illec saisir pour en faire sa volunté: mais
celle moult se efforça de fuir pour échapper, afin
qu'elle ne fust violée. La belle Hesperie en fui-

ant, fut par vn venimeux serpēt pointe au talō,
qui luy empoisonna tātost tout le corps, telle-
ment qu'il incontinēt morte cheut. Eacus qui de
pres la iuiuoit, l'ēbraflā en disant: Helas douce
amie, il me poise moult que ie t'ay ainsi mise
en chasse: car la mort t'en ay pourchassée, mais
helas qui eust creu qu'icelle chose d'eust aue-
nir? moy & le serpent t'auōs à mort mise, mais
puis que ie t'ay perdue, sache que longuement
ne viuray apres toy: car ie mourray par toy, que
cause de mort sans mon sceu t'ay pourchassée.
Ansi se complaignoit le dolent Eacus, pour
l'amour de la belle Hesperie, pour la mort de
laquelle il perdit le sens. A tant courut soudai-
nement, & monta sur vne haute roche, ou la
mer batoit au pié du sommet, de laquelle il se
laissā tresbucher en la mer pour luy mettre à
mort. Mais Thetis ne le voulut laisser perir, par
pitié le retint, & luy donna plumes & aëles.
De ce se courrouça fort Eacus, & si le dedaigna
quand de luy noyer n'eut point de pouuoir.
Souuēt se plongoit en la mer pour soy noyer,
mais il n'y pouuoit perir, dont moult luy en-
nuya. Oyseau est deuenue, qui longues entre-
signes à es-cuissēs, le col long & le corps mar-
gre, & encores se plōge il en la haute mer pour
affermer son courroux. Et pource qu'il se plon-
ge continuellement, en telle maniere est il
plongeōn appellé.

Fin del'vnziesme liure des histoires poëtiques.

LE DOVZIEME LI-

VRE DV GRAND OLYMPE

des histoires poëriques, en la me-
tamorphose d'Ouide.*Le voyage de Paris en Grece, pour
rauir la belle Helene.*

LE Roy Priam ne scauoit que son filz *Æ-*
cus fut mué en oyseau ; mais il le ploroit
comme mort, & en faisoit obseques, avecques
luy Hector & toute la royalle lignée. A celle
solennité ne fut pas Paris: car lors par l'enhor-
tement de Venus nageoit par mer. Et tant fin-
gla iour & nuit, qu'il arriva au port de mycen-
nes, si trouua à la riuë Ménelaus, qui son arroy

faisoit aprêter, car mouuoir vouloit sans arest, & mener son ost en Crete, pour vn grand affaire qu'il auoit. Menelaus vit la belle nef de Paris arriuer, qui la plus belle & la plus richement aornée estoit, qu'onques parauant fur veue. A ceux de dedans la nef enquist & demanda leur estre, & qui maitre estoit de la nef. Paris répondit qu'il en estoit le seigneur. Lors luy enquist Menelaus son nō, & qu'il venoit querre, & de quelle terre & de quelz gens il estoit. Et Paris luy respondiit : Je suis né d'Asie, mon pere Priam en tient toute la seigneurie, & est sire de la grand' Troye, tāt ay ouy dire de bien de vous & de vostre Empire, que cy vous suis venu seruir pour desseruir votre amour, & pour apprendre le langage & l'vsage de Grece, si retenir me voulez. Amy, dist Menelaus, vous soyez le tresbien venu, bien me plaist votre seruice ; & que demourez avec moy pour mon auoir, mais partir me conuient sans arrest & aller en Crete, pour vn grand besoin dont tost reuiendray : car de là seiourner n'ay talent. Je voudrois déia estre au retour, afin que ma besongne fust faite, laquelle par moy acheuée, tantost au retour me mettray. Ma femme iusques au retour vous entretiendra.

D E S E S parolles seiouyt moult Paris esperant d'auoir temps pour son desir mettre à fin. Bien eut voulu que iamais Menelaus ne fust re-

rouné. Bien étoit le roy fol, qui laissoit sa femme en la garde de celuy qui tat l'aymoit, & qui pour l'amour d'elle estoit de si lointaine terre venu, & à si grãd peine en auoit païsée la mer. Le roy faisoit du loup le pasteur, dont il ouit auant son retour nouuelles, qui pas ne luy pleurét. A tant se voulut Menelaus partir, & à son partemēt sa femme baïsa, & luy pria que garde print de sō nouueau hôte, iusques à son retour. Un peu en souzrit la belle, mais biē garda que son mary ne l'aperceut. Bien croy qu'elle ouit volūtiers ce dernier cōmādemēt. Quād le roy Menelaus fut party. Paris qui demouré étoit avec Helene, & qui longuemēt l'auoit desirée, mist corps, cœur & pensée à elle seruir à gré. Moult l'introduisoit amour à elle biē seruir à gré, comme celuy à qui il sembloit, qu'en haut hōneur seroit, si son seruice daignoit celle recevoir en gré. Il ne fut pas trop harif, ains attēdit maintz iours à decouurir sō courage, & biē le sceut celer au moins de dire qu'elle l'aymast: mais par souspirs & simples regardz s'en pouuoit Helene bien apercevoir, s'elle y daignoit prendre garde, si luy faisoit sçauoir par contenance & par signe si trop fiere la trouueroit; quād son amour luy requerroit. Ainsi chercha & enquist sagement aux manieres & au changement du visage: & puis quand il vit temps & point, il luy decouurit son courage, & luy dist
en

en telle maniere.

De la subtile requeste que Paris fist à Helene, pour son amour auoir.

Belle dame, dist Paris, ne vous déplaïse si mon pésar vous déçoit. Tant ay souffert que plus ne puis, & nō plus qu'on ne pourroit nōbrer les gouttes de la mer, que i'ay pour vous passée, ne pourroit on nombrer les maux que pour votre amour ie souffre. Ne soyez vers moy trop dure, ie Alexandre qu'on dit Paris filz au Roy Priam de Troye, suis icy venu de moult loïn, pour votre amour requerre, & non pas pour richesses car assez en ay, si m'en deuez mieux aymer. I'ay grand' fiance en votre amour : car Venus la déesse qui sur les amans domine & seigneurie, vous a à moy promise, quand en mon iugement se submirent les trois déesses : delquelles la premiere Iuno me promettoit grand richesses, si ie la iugeois estre la plus belle. Pallas la seconde m'octroya force & science, & Venus la tierce me promist votre amour, si la pōme luy donnois que la plus belle deuoit auoir. Richesses, sens & force que les deux me promirēt, mis pour vous en nonchaloir, point ne m'en dois plaindre s'auoir vous puis à mon vouloir, si comme Venus m'en fist promesse: par laquelle ie suis icy trās mis & enuoyé, & par qui i'ay la mer passée. Trouuée vo⁹ ay par son conseil, pas ne vous ayme d'auentu-

Olympe

NN

re: car ains que vous eussé veue, estoit toute ma pensée en vous. Haa ma chere amye, vous estes tant belle, que renommée ne peut toute votre beauté rémoigner. Certes moult emprunt Theseus haut besongne, quand il vous rauist: bien vous deuoit aymer. Mais de ce qu'il vous voulut onques rédre fust il trop à blamer: ainçois me fusse laisser détrencher que de mon gré vous enssé rendue; & si rendre vous conuint, ia tant ne feussé si fol que de voz baisers ne prinse largement, ou plus riche don. Gentille dame, ne vous vueille déplaire si votre amour vous requiers: mais receuez moy à amâr, & ie vo⁹ iure que iamais autre amye n'accoin-teray. Bien suis digne d'auoir telle dame: car si ma femme voulez estre, moult gentil mariage vous aurez. De royalle lignée suis né, du lignage Iupiter & de la bel Electra, sans mes autres nobles predecesseurs. Mon pere Priam à la seigneurie d'Asie, il n'est homme viuant qui ait si grande domination, ne si grande terre à maintenir comme luy. S'avec moy voulez venir, vo⁹ verrez les grâdes delectatiōs de Troye, l'estours & le fort chateau d'Ilion, ou votre demeure sera, & si verrez les grâds barons de Troye que ne vous sçauois nombrer. Les damestant nobles, que chacune ressemble biē estre déesse ou nymphe. Quand vous verrez la grand noblesse & la richesse de mon pays, adonc sçaurez vous de

verité, que plus à de richesses en l'un des palais de la cité, qu'en toutes les cités de ce royaume. Point ne le dis pour vous dépriser; mais elle ne est digne de telle dame auoir : car elle ne vous pourroit maintenir à la hautesse qu'il vous conuient. Veoir le pouez presentement, car si moy & mes seruiteurs sommes maintenant en étrange terre cointes, plus sans comparaison le sont les dames de nostre contrée: car la plus pauvre est mieux parée, que la plus belle de ceste terre. Dame & maitressè, plaise vous estre m'amie & ne me refusez, de richesses & d'honneurs n'aurez besoin. Le vaillant Ganimedes de Troye, qui des cièux à la seigneurie, est mon oncle. D'auoir de cheualerie, de noblessè, ne de parens, n'est point Menelaus mon pareil. Je voudrois qu'il pleust aux dieux que celuy de nous deux qui est le plus puissât, & qui mieux conquerre vous pourroit vous eust. Iamais Menelaus avec vous ne coucheroit, mais de ce n'est maintenant nul besoin, car vers vous ne me vaut la bataille. Dame octroyez moy le deduit de vostre amour; ne tenez à honte vostre mariage briser, pour auoir si courtois amoureux comme moy, car ce ne vous fera point vilennie. Lâche serez avec tant de beauté, si viure cuidez chastement. Estre ne peut femme belle & chaste, si nature ne ment, l'un ou l'autre conuient laisser, ployer vous conuient vostre orgueil, qui refusez les

amans & dechassé, ou il vous conuient chāger la beauté de vostre visage. Ia fustes par amour engendrée de Iupiter & de Leda, & puis que de telles gens estes extraite, vous ne pouuez estre chaste s'amour ne ment, qui onques ne faillit. Bien voudrois que chaste fussiez, quand ensemble serōs en Troye & que sērez ma femme & m'amye. Mais maintenant ie ne loue pas que pour chastement viure me refusez à amant. Belle faites mon plaisir, bon loisir auōs de ce faire, ia vostre mary n'en sçaura rien, il s'en est allé pour vous donner l'aysement de ce faire. Onques plus conuenablement ne peut aller hors de la contrée, rien ny defaut fors vostre auis, & qu'il vous plaise. Cuidez-vous que le fol sache que vostre beauté vaut? certes nenny: car sil le sceust ia ne vous eust laissée en garde à étranger homme, à son parent vous pria que vous prinsiez garde de moy, certes mal faites son commandement, vous deussiez estre emeue pour l'aisement que fortune nous donne, trop seront folz si ce temps laissons passer oyfueré. Ia ne soyez dédaigneuse, mais faites ma priere. Avec moy vous meneray à Troye, & là vous épouseray, & dōneray grand seigneurie, & si vous tiēdray foy & loyauté tous les iours de ma vie. Si vous en doutez, tout le blame prendray sur moy, ou ie vous feray raurir par mes gens, si dīrez qu'on vous à

efforcee. Voyez icy mes gens moult bien garniz d'armes, prestz au port de faire mon commandement. En grand' ioyeuseté passerez la mer, & arriueriez en la terre honnoree, ou vous ferez receue en moult grande solennité, & si aurez plaisirs & biens, plus qu'on ne vous sçaitroit dire. Ne cuydez ia que pour vous requerre Menelaus meue guerre contre moy. On en à maintes autres rauies, qui onques puis ne furent rendues. Boreas le vent de bise raut la belle Orithye, & Theseus Ariadne, & si n'en vint onques puis guerres pour elles. En telle amour y a trop plus d'aventureux gains que de pertes. Et si Menelaus amenoit à Troye son effort, plus a en Asie or & argent, vins & blez, destriers & gens qu'en toute Grece. Or y vienne Menelaus se il ose, pour guerroyer contre moy, sans doute bien le receueray en bataille, ou corps à corps: car il n'est mon pareil de prouesse né de valeur. Quand en aucune armee suis, bien sçay ferir d'épee ou de lance, & si métier est greuer mes ennemis, de loin traire de l'arc. De ce ne sçait rien Menelaus, & si n'a frere qui tant vaille comme fait Hector. Cestuy seul vaut cent hommes ensemble, tous ceux de Grece ne luy pourroient contester, s'a guerroyer venoit, bien deuroye pour tel loyer comme vous faire grand effort & grand bruit de cheualerie. Belle amie plus ne vous sçay que dire, mais al-

allons nous en tandis que nous auons espace. On dit communément que l'aysement fait le larron. Tant eût Paris loysir, qu'il découurit à Helene tout son plaisir, & l'attrait à sa corde, aumoins de cœur, combien qu'elle dit aucunement le contraire. Maistant à en femme de tricherie, que ia n'est si desireuse, qu'elle ne face la dangereuse.

La responce d'Helene à Paris moult double.

DAngereuse se fist Helene à Paris, & ne luy dist point tâtost qu'elle l'aymast, ains luy respondit comme par dédain. Estes vous pour cecy venu sire Paris? & vous à mon seigneur mon mary retenu en son hotel pour luy faire vne telle honte? mieux me plaist que me teniez à vileine, que l'on die que Helene à fait vilennie. Pourtant si i'ay riant visage, n'en suis ie pas moins prude femme? ia de mon blame n'orrez parler. Je ne sçay pourquoy vous estes en tel fol espoir.

Si Theseus me print à force, est pource droit que de rechef sois de vous efforcée? moult en suis dolente, & s'il m'eust efforcée si n'y d'eusse ie auoir aucun blame, car ce fut cōtre mō vouloir: mais il ne me mesfist fors de peur & sans plus, à force & maugré moy me baïsa. Si ainsi m'auiez, ie croy que vous ne seriez pas de telle souffrance comme il fut, mais dieu ne m'a pas tant hay. Theseus se reprint de sa folie, me de-

hez vous pource auoir ? Ne m'en chaut si vous priez, ia ne vous blameray, si sans faintise m'aymez : car on ne doit porter haine a son amant. Mais maintz hommes ont par leurs deceuables parolles trahies & deceues maintes puçelles & maintes femmes. Vous dites qu'il vous semble que femme ne peut estre chaste & belle de visage ensemble. Il ne me en chaut qu'autres femmes facent, mais que ie n'en sois l'vne, ia pour ce ne feray folie. Si ma mere fut deceue, & que ie fuz conceüe par amours, me voulez vous pourtant deceuoir ? Iupiter pour raur & deflorer ma mere se mist en semblance de Cigne, & ainsi le enforça, de ce ne me dois douloir : car plus y'ay d'honneur que de honte. Vous racontez que moult estes enparentez, & vous vantez de Iupiter qui est mon pere, à vous qu'en appartient il ? Si voz terres sont grandes, aussi est le royaume d'Arges, la dieu mercy, & si puis bien trouuer icy grandes richesses. Et si il y a plus or & argent, vins & blez, destriers & cheualiers, il peut bien estre, mais nous n'auons de tout ce besoin. Vous me promettez si grands dons si m'amour vous donne, que seulement par voz grands promesses pourriez les deesses attraire, mais mieux vaut par honneur grandes richesses refuser, que les recevoir à deshonneur. Pour rien que promettre me scachiez, ie ne vueil

enfreindre ma chasteté, cure n'ay de tel guer-
don que me presentez. Et si au folayer venoit,
plus vaudroit vostre amour, & mieux que vo-
tre don. Le don si est moult acceptable, qui viét
de vaillante personne. Plus fais conté de ce que
tant m'auez amye, que pour moy auez passé la
mer, que de tout le demourant. Bien ay voz si-
gnes apperceux plusieurs fois, sans semblant
que i'en fisse, mais onques pourtant ne mua
mon courage à ce que m'amour vous donnas-
se, quoy qu'a merueilles soyez bel & gracieux;
& que bien seroit en vous haut honneur assis,
comme bien le trouuerez ie ne doute, mais
mieux ayme qu'un autre en ait ioye, que moy
deshonneur & tristesse. Pour rien vostre re-
queste ne feroye, retrayez vous, si ferez com-
me sage; puissant est celuy qui de son desir
s'abstiet. Maintz autres que vous m'ont veue &
aymee, sans moy auoir, qui bien s'en sont re-
tirez. Cuidez vous qu'un autre ne voie pas aus-
si bien que vous? certes si fait. Si vous eussiez
passé la mer pour amour, ainçois que mariee
fusse, & que veu vous eussé, sur tous vous eus-
se élu a mary, mais maintenant ay ie prins
un autre à seigneur, dont bien me contenté. Si
ne suis pas si folle, que pour un étrange le lais-
se, ia ne quiers faire tel échange, ailleurs vous
conuiendra prier, pour dieu laissez moy estre
petit m'aymez, si mon deshonneur & domina-

ge me pourchassez, ie ne croy point que par mariage vous promist à moy Venus, ne que les trois deesses se missent en votre iugement, & felles sy mirent, si ne croy ie point que Venus me tienne à si belle, qu'en Grece vous ait pour moy enuoyé, & que bien vous tenez à content du iugement pour moy auoir, & laisser force, sens & richesses que les deux autres, Pallas & Iuno vous promirent, cy feroit cher loyer. Ma beauté fait fort à priser, car belle suis: mais toutefois il me suffist d'auoir le loz des mortelz hommes. Je n'oseroye cyder ne dire que Venus me tienne à si grand don. Et s'elle me loue, ie cuyde que ce soit par maltalent ou desdain. Mais ce ne m'émeut en rien, ains me plaist bien qu'elle me tient à belle & à gente, & moult en suis ioyeuse de le sçauoir. Bien croy que la verité dites: car plusieurs perdent bonne auenture pour auoir dure creance. Ce me plaist que Venus me loue, & plus quand pour tel loyer vous vous tiendres à bien content. Mais gueres n'étiez sage de laisser auoir force & sens pour mon amour. Bien dois mon cœur flechir & vous aymer, si plus dur n'ay le cœur que diamant: mais nenny, ains ne quiers estre amye à homme qu'auoir ne pourroys: car bien sçay que ma peine perdrais. Vn de ces iours vous repasserez la mer, & retournerez en vostre terre. Certes aussi quand ie m'auise, ie ne sçau-

rois pas aymer ; car onques n'en senty éuincel-
les , & celles qui du tout en sont acoutumees,
sont bien heureuses. Onques n'amusay mon
mary , ne faire ne le scaurois. Vergongneu-
se suis si crains honte , tous me montreroient
au doit . Ia ont aucuns medit de nous deux,
ce m'ont dit mes damoyelles , pource ie vous
prie que si m'aymez que nul semblant n'en
faites , ou vous retrayez cetuy penser qui vous
a émeu à moy aymer. Si ne me faites nul bla-
me . Sire Paris sans aymer retraire vous po-
uez ceans solacier , rire , & iouer , sans noise,
tandis que mon mary n'y est , car il n'y a qu'un
peu de temps que mon mary est en Crete allé,
en grande besongne. Bien scay que sans grand
cause n'a il laissé la maison cy seule pour là
aller , mais sans demourance reuiendra , com-
me il me promist à son departement quand
il me baisa , & si me commanda que l'hotel
gardasse , & que bien honorablement ie vous
traitasse. Certes quand ie luy ouys dire ce mot,
ie prins si grand talent de rire , que répondre
ie ne peuz , fors seulement qu'ainsi le ferois. Et
sil me dist ainsi , est ce pource raison que ie fa-
ce toutes voz volentez ?

H E L A S que dis- ie ? ay ie songé ? & qui au-
cun tort me feroit , a qui m'en plaindrois- ie ?
Ia ne m'ayderoit ma mere , mes freres , ne tous
mes parens. Ia n'auroye aucun garant. Ia son-

promist encores plus à Medee, a qui petit de foy porta, que vous ne faites à moy. Bien croy que vous foyez loyal, & que grand foy me porteriez & qu'en tout ia ne m'en conuient rien douter aussi ne doutoit Medee que Iason luy mentist. Certes ie ne sçay que faire. Je doute que mal ne vous en vienne : car point ne cuide que Menelaus laisse de me venir requerre. Si en pourroit moult grand guerre naistre, & noz amours en pourroient à dueil finir. Bien pourroit estre veritable le songe que vostre mere vit, que conceue auoit le brandon dont Troye seroit arse. Par tout est diuulguee la renommee que la cité de Troye sera confondue & détruite, si dame auez de ceste terre. Menelaus est courageux, il assemblera à luy tous les barons de Grece, si requerra sa femme, bien le sçay. Pour Ypodame que Pyrrhus print, émeut guerre vers les Centaures. Contre Menelaus & mes freres avec leur gens ne vous pourroient garantir chateaux ne forteresses qu'occis n'en fussiez. Vous vantez de vasselage: mais point n'appert à vostre beau visage que vous foyes de grâd effort, ne batailleur. Laissez Hector le fort votre frere cōbatre, digne n'estes de porter ses armes, mais bien l'estes de gentillesse faire entre les braz de votre amie. Si ie fusse hardie, ia ne refusasse le déduit, ains avec vous m'en allasse à Troye. Et certes pour hôte ie ne laisseray à

acheuer mon plaisir, si feray votre volonté sans plus y contredire. Et qui voudra si en médie, ie n'en fais conte, mais vous me rauirez ainsi comme à force, ie n'en feray pas tant blamee.

Le rauissement d'Helene.

Ainsi pourparlerent leur affaire, & auiserent lieu & point que la belle Helene seroit rauie, Paris fist apreater les nefz & ses hommes armer, pour combattre si besoin étoit. En la cité d'Arges eut vn jour vne grande solennité de Iuno la deesse. Là étoient assemblez la plus grand partie des gens du pays d'environ, pour voir la feste & le seruice: mais Helene qui auoit autre chose en sa pensee, ny alla point, ains alla au chateau de Leda sur mer, en l'ile de Cytharee. Pollux & Castor ses deux freres étoient en la terre de Perse, & y auoient mené la fille de Helene Hermione, à son oncle Agamemnon. Ceux ne le pouuoient adonc détourber, aussi y auoit en l'ile peu de gens deffensables, pour l'empêcher par effort. Helene la belle auoit bien prins son conseil. Venus auoit en icelle ile vn temple, auquel eut celle nuit veille & belle feste, selon le peu de gens qu'il y auoit. Celle nuit veilla Helene au temple par deuotion, ou certes par deception. Et Paris qui son affaire eut appareillé, vint à minuit au temple, à qui qu'il pleut ou ennuyast raut la belle.

qui de peur par semblant trembloit, & moult contrefaisoit l'ébahie, en s'écriant à haute voix : Ayde, ayde bonne gens, on m'efforce, pour dieu ne souffrez que ie soye honnie. Comment sire vassal, sera ce force ? Lors s'émeut toute la ville, & se mirent en grande défense : mais Paris à l'aide de ses gens la tollit & emporta à force, & la mist en sa nef : & a tout elle nagerent ilz tant nuit & iour a ioye & déduit qu'ilz arriuerent au port de Tenedon pres de Troye, Là fut Helene receue a grand solennité.

De Castor & Pollux qui furent noyez en la recousse de leur sœur, & deifiez au ciel au signe de Gemini.

PAr toute Grece fut tantost sceu que Paris enuinece auoit la belle Helene, & aussi en Perse l'ouyrent dire les deux freres, qui prestement firent aprêter leurs nauires, pour leur sœur Helene recourre. Mais auât qu'ilz la peussent rataindre leua telle tempeste & vent, que le ciel en virent raindre & espartir & la mer fierement émouuoir, dont rompre conuint voiles, cordes & mast, tellement que neant plus ne tenoient que papier, enfondrer les conuint en mer. Onques puis nulz d'eux ne vindrét a port, ne les freres furent veuz. Si comme les anciens le creurent, & pour vray le certifierent. Ces deux freres furent deifiez, & faitz signes es ci-

eux, c'est à sçauoir le signe du Gemini, par qui le soleil fait son cours en May. D'eux n'aura iamais Menelaus nul secours pour reconquerre sa femme, pour mouuoir vers Paris guerre.

L'expedition des Gregeois, pour aller en Troye r'auoir Helene.

MEnelaus reuenoit de Crete, & ia étoit en Puille du retour, ou il s'ébatoit avec le roy Nestor, quand on luy dist que Paris emmenoit Helene maugré elle à Troye, & que r'auie l'auoit en Citharee au temple de Venus par son effort. Quand le roy ouyt ces nouvelles, si grand dueil demena, qu'il n'est homme viuant qui dire ne penser le peust, il ne sçauoit qu'est de ialousie. De ce dont Helene étoit ioyeuse, estoit Menelaus son mary moult dolent: si la plora, & regretta en disant: Haa belle, bonne & loyalle, par qu'elle auenture m'avez vous esté fortraite? Helas pourquoy allay-ie onques en Crete que ie ne me garday de cette iniure? Vous ne me futes onques contraire de votre cœur. Mais le faux & déloyal vous emporte par force, helas- ie doute qu'il ne vous face honte. Certes puis que perdue ie vous ay quitant aymoye, deormais il ne m'en chaut de ma vie. Bon roy, luy dist Nestor, ne t'ébahis, & laisse ce dueil, rien n'y peut conquerre. Il n'est point honneste chose à roy de mener tel dueil. Auoir doiz cœur de lyon, & sans longue com-

plainte, faire & employer cœur & corps à venger le blâme & la honte que faite à esté à ta femme & à toy. Je te feray secours à tout l'effort de toutes mes gens. Et aussi ton frere te viendra secourir. Si pourras bien ta femme. par cette maniere rauoir, & venger sa honte & la tienne, gâter & confondre tout le royaume de Troye aux gens que tu y meneras. Or te diray de quelle chose tu as grand besoin de faire. Metier n'as de cecy plus longuement sejourner, mais fais apareiller ton ost, & mande tes hommes, & par vn messager fais sçauoir à ton frere ton auenture, & le deshonneur qu'on ta fait au rauissement de ta femme. Ayder te viendra incessamment à tout son pouuoir, & bien sçay que qualid il le sçaura, rien ne le tiendra qu'il ne te vienne incessant ayder. Lors print Menelaus vn messager, & par luy manda à son frere tout sō fait, en luy priant qu'à ce besoin luy fist ayde & secours. Le messager ne cessa iusques à tant qu'il vint en Arges, où il trouua Agamemnon, & luy raconta son message. Quand Agamemnon l'eut entendu, dolent fut de l'iniure: & pour le véger, fit aprêter son atour, si vint en Parthe ou son frere trouua. Et la par son cōseil furent faites vne lettres pour faire par tout l'empire de Grece, sçauoir le deshōneur que Paris auoit fait aux Gregeois, laquelle chose doit à tous toucher & déplaire. Et comment si d'iceluy

meffait n'est prinſe vengeance, à touſiamais en auront reproche les Gregeois, & plutoſt ſe accoutumeroient vne autre fois à pis faire. Du déplaiſir que les Troyens firent iadis à Iaſon ſouuint moult bien à ſes compagnons ſainſi le laiſſent, moins en ſeront crains & priſez, & reproche leur en fera à touſiours.

Tous ſ'émurent tous ceux de Grece des nouuelles qu'ilz ouyrent. Et tindrent tous à eux ceſte honte. Si n'y demeura roy, prince, duc ne vaillant homme qui ne ſ'otrayaſt à la vengeance faire contre les Troyens. Chacun aſſembla ſon effort, & toutes leurs nauires ſ'aſſemblerent au port ſouz Athenes pour paſſer la mer enſemble. Cette entreprinſe ne pouuoit de mourer ſans grande vengeance: car toute Grece & Europe en furent étonnee & émeute. Vlixes ouyt ces nouuelles, dont il fut moult dolent: car de guerroyer n'auoit volonté. Mieux aymaſt ſe ſolacier avec Penelope ſa femme, la plus vaillât dame dont onques homme en ſon viuant ouyt parler. Le duc Vlixes de Duliffie écheuaſt volontiers ce voyage, pour l'amour de Penelope ſa femme, ou par couardie, par tel ſi, qu'il n'eult honte ne malgré des Gregeois. Trop luy ſembloit grieue choſe d'aller en étrange terre mouuoir guerre pour autrui femme, la ſienne luy ſuffiſoit. Si ſe penſa que ſil pouuoit écheuer ſi folle empriſe, ia ne ſortiroit de ſa

de sa terre, ains s'il pouuoit il y demourroit. Lors pour ce faire se faignit estre forcené pour maintien. Si print vne charrue & alla aux chās comme bouuier cultiuer la terre, & y semoit sel en lieu d'auoine.

De la cautelle que fit Vlixes, afin qu'il n'allast à Troye

LEs princes étoient en Athenes, ou la cheualerie s'assembloit. Ilz demanderent entre eux ou estoit Vlixes qu'il ne venoit & ou il tar doit. Si enuoyerēt en Dulissie. Et tant le demanderent, qu'ilz le trouuerent aux champs en guise de fol, ou il menoit la charrue, & quād ainsi le trouuerēt, Palamedes q̄ subtil & ingenieux étoit, apperceut sa simulation: & pour le faire aux autres aparoir il print Thelemachus le filz d'Vlixes, & le mist deuant la charrue: puis dist à ses compagnons: S'il est fol, il affolera l'enfant: & s'il ne l'est point, il l'épargnera. Quād Vlixes vit son fils en ce party, a peu que le cœur d'ire & de mal talent ne luy fendit. Bien le deceut Palamedes, quand en tel point luy mist son filz. Le pere l'aimoit rāt, que metre a mort ne le vouloit. Pitié & amour luy décoſeilloient ce que hôte reproche, & mauuaitié luy enhortoit: & par ceste maniere ne peut celer sa cautelle, & cōuenoit estre découuerte sa fraude, s'il ne menoit sur l'эфāt sa charrue: mais il détourna & cōduisit en autre sēs, cōme celuy qui pas n'étoit fol. Et adōc fut pris Vlixes par les Grecz

Olympe.

OO

& mené à Athenes avec les barons de son royaume: dōt Penelope sa femme mena tel dueil qu'a peu qu'elle ne forcena . Ainsi alla Vlixès bon gré mal gré en Athenes . Bien croy qu'il en print noise cōtre Palamedes par qui il auoit été reprins de simulation, & pensa que s'il pouoit, onques n'auoit fait si chere entreprinse qui luy tournast à tel dommage.

De Thetis la mere d'Achilles qui le mist en guise de pucelle avec le roy Lycomedes, afin qu'il n'allast en la guerre, ou il engendra Pyrrhus.

Q Vand les barons Gregeois eurent Vlixès le sage, ilz en furent moult ioyeux. Ensemble auiserent que bon seroit qu'entre eux eurent vn prince, auquel tous sur leur foy obeissent, & qui de tout l'ost eut l'empire, & fit droit des malfaiçteurs, & qui bien ordonnast les étours & les batailles. Lors de commun accord eleurent Agamemnon, pource que sage & loyal iusticier le scauoiet, ancien, vaillāt, & de grand entreprinse. Sur eux tous le firēt prince & empereur, & il entreprit volūtiers le fait & la charge. Puis enuoya aux deuins enquerre à quelle fin ilz viendroiēt de ceste entreprinse. Et le sort leur dōna à entendre que ia ne prendroiēt Troye par nul effort, s'ilz n'auoient Achilles le vaillāt: car par luy deuoit estre Troye détruiçte, & les habitās occis. Lors enuoyerent querir Achilles: mais sa mere qui étoit deesse

sçauoit bié que fil y alloit il y mourroit, si le mist en la maisou du roy de Licomedes, qui maintz iours le garda avec plusieurs belles filles qu'il auoit, & ne le sçauoit nul homme du monde, fors luy seul, & le tenoit comme pucelle. Et ledit Achilles tandis qu'il fut là, s'acointa de la plus belle des damoysselles, & l'engrossa d'un filz nommé Pyrrhus, lequel depuis fut fier & renommé. Longuement fut Achilles, sans d'homme estre aperceu ne cōneu. Les Gregeois le requeroient par tout : mais enseigne n'en pouuoient trouuer.

De Vlixes, qui par sa subtilité recomient Achilles d'entre les dames, & le mena avecques luy en l'ost, & de la seconde destruction de Thebes par Achilles.

VLixes se pensa, car il étoit subtil & ingénieux, qu' Achilles se tenoit en aucun reclusage, & que ia n'en issiroit, si n'étoit par subtilité. Lors print nobles armeures, & beaux ornemens & ioyaux de damoiselles, & vint au palais, & entre les pucelles ietta les armeures & les ioyaux, qui n'auoient que faire d'armes, & Achilles qui cure n'auoit des feminines choses, se tira vers les armes, & quād ce faire le vit Vlixes, par la mai le saisit & luy dist. Haa gētil hōme, que fais tu icy trop y as été, viēs avec moy, si laissē ce reclusage: tu pers icy ton temps & ta prouesse, entre ces femmes Noble es & appert. Prends ces armes, si les essaye. Par toy doit estre

prinse la forte & la puissante cité de Troye, s'as-
toy n'y pourriôs nul mal ne grief faire. L'hon-
neur t'en attend, plus y conquerras honneur &
pris, qu'a icy estre reclus. Tant fit Vlixes par ses
parolles, qu'Achilles à luy se rendit confus, &
que hâtivement il s'en alla avecques luy en A-
thenes, ou l'ost l'attendoit, & de la ne se vou-
loient encores mouuoir, iusques à ce que tous
les nobles & princes de Grece fussent venuz, &
illec assemblez. En tout l'empire de Grece ne
demeura ieune ne vieil, fust son plaisir ou nō,
qui ne vint à ce besoin, & specialement che-
ualiers & barons. Ceux de Thebes étoiēt fiers
fors & orgueilleux. Et moult se fioyent en
leur puissance, si ne voulurent faire secours
aux Gregeois qui tous s'en émeurent, & depit
en eurent. Achilles y enuoyerent avec grande
compagnie de gens, pour requerre ayde, mais
onques tant prier ne leur en sceut, qu'otroyer
luy daignassent, dont Achilles eut grand dépit
& en print si cruelle vengeance, que tout mist
à destruction, & les murs mist & rasa à terre,
qui de nouveau étoient refaitz, & toutes les
gens mist à perdition par feu, & par épée. De
Telephus eust fait pareillement, s'il n'eut pro-
mis son ayde & secours aux Gregeois. Si reprit
la cité de luy, & maintz autres exilla par la fiere
& orgueilleuse gét, qui faire ne voulut sa priere
Grād secours fist Achilles venir en l'ost, & tã-

disfaisoiēt les barōs assembler leurs nauires au port, pour ayder Menelaus cōtre les Troyens.

Des respons d'Apollo, & comment Achilles amena avec luy Calcas le diuin de Troye.

AV port d'Athenes s'assemblerent par cōte, neuf cens quatre vintz & six nefz. Les Gregeois se mirent vn iour en cōseil, sur l'être prise qu'il auoiēt affaire, cōmēt ilz la pouroiēt mieux acheuer & mener afin, car moult y auoit doubteux affaire. Ilz enuoyerent aux diuins pour sçauoir s'ilz auroiēt victoire. & fit Achilles ce message. La trouua il le sage Calcas, que les Troyens y auoient enuoyé, & là s'accompagnerēt ensemble, & deuindrent amis, Calcas réuoya les siens, & il s'allia aux Gregeois, si comme Phœbus luy auoit conseillé, puis vindrent en l'ost ioyeux de la respōse qu'ilz auoient, car Phœbus auoit dit qu'ilz seroient vainqueurs. Pour ces nouvelles & pour Calcas firēt en l'ost grand chere & ioye. Or n'y a (disoient ilz) que d'aller à Troye, sans plus attendre vouloyent mouuoir. Maltz firent dresser & voylles tēdre. Il n'y restoit que d'équiper, & des airōs mettre à bord, quand vn orage leur auint qui leur erre détourba, car tāt deuint la mer tempestueuse que nul homme ne pouuoit passer. Moult s'en ébahirent tous ceux de l'ost, & disoiēt que les dieux leur estoient contraires, & qu'il ne

leur plaisoit point: que vengeance fust prinse de la mesprison de Troye & des Troyens, Agaménon en fit faire aux dieux sacrifices. Et tandis qu'ilz sacrifioient, ilz virent sur vn arbre vn nid, auquel huit oyseaux auoit. Et la les couuoit leur mere. Apres ce virent vn serpent ramper contremont l'arbre, qui hapa & print hors du nid la mere, & tous les petitz poussins, puis fut mué en pierre, ayât forme de serpét. Tous ceux qui ceste chose virent s'en ébahirent, & moult s'emercuillerent, que ce pouuoit signifier, & disoient que les dieux leur étoient cōtraires, & que par demōstrance leur reueloient toute la méschance, qui dessus eux deuoit decendre, & que filz alloient en la bataille à Troye, ia homme d'eux ne retourneroit. A peu qu'ilz ne delaisserét leur entreprise, & ia murmuroient fort du retour, mais Calcas le sage diuin les asseuroit, & leur exposoit en autre sens leur auenture, qu'ilz auoient veue & leur dist qu'ilz seroient vainqueurs, & que Troye seroit cōfondue, mais auât que ce auint, passeroient dix ans entiers ou plus, & puis seroit la guerre acheuee Troye détruite, & les gens mis à méchef.

Du sacrifice que fist Agaménon, pour apaiser la tēpeste.

A Vcunement s'asseurerent les Gregeois; par les ditz de Calcas, mais trop leur duroit la tempeste de la mer, qui les arrétoit. De ce s'ébahirent les plus hardis & disoient que



ainsi les detraioit & empeschoit leur entrepri-
se à acheuer. Neptunus le dieu de la mer , qui
de la partie des Troyés se tenoit, & iamais ne
cuidoient auoir aucun bon vent: mais Calcas
leur dist en audiéce, q̄ celle tempeste étoit par
Diane qui courroucée étoit de ce que le Roy
Agamemnon luy auoit occis son blanc cerf en
la forest d'Aulide, & leur dist que ce tourmēt,
iamais ne cesseroit se la deesse n'éroit apaisée,
pour ce meffait que le royluy a fait, & veut que
Iphigenia sa fille soit sacrifice : & par tant se-
ra apaisée , & puis nous aurons vent sans
tarder. Le roy Agamēnon ne voulut acorder,
q̄ sa fille Iphigenia fut à mort mise. Il aymo-
it mieux tousiours la seiourner, ou que tout-l'ost

se departist & s'en retournaist chacú dont il venoit. Ceux de Grece en étoient tous ébahis, & pour trahis se tenoient, s'ainsi demouroit la chose. Plusieurs requirent humblemēt le Roy Agameinnon, & nommément Vlixes que de tout l'ost eust pitié, & s'onques auoit aymé Menelaus qu'il à cete fois le montraist, & luy souuint de la grace & de l'honneur que tous luy auoient fait, qui dessus eux l'auoiēt fait souuerain & que bien deuroit otroyer leur requeste, mesmement en ceste entreprinse, car il luy deuoit toucher au cœur, pour venger la hôte & la reproche faite à Helene sa belle sœur, & liurer à la mort, sa fille Iphigenia pour apaiser la deesse, qui empêchoit leur entreprinse.

A I N S I ne les peut Agamemnon dedire: & leur otroya sa fille, combien que triste & doulent en fust. Lors s'apreste Vlixes sans tarder, pour aller querir la fille. Au regne de Parthe alla, ou il trouua la royne, laquelle il salua moult reueremmēt, mais point declarer ne luy voulut la cause de sa venue, ains requist à la dame subtilémēt Iphigeuia sa fille, en faignāt nouvelle occasiō. Dame dist il, venu suis querre votre fille, baillez la moy, lōguemēt ne puis seiourner. Mōseigneur le roy votre mary levo^r mādē, & requiers qu'elle soit parée noblemēt, car mariee la à vn vaillant baron, qui veut voir son gent corps & sa belle maniere. Bien sceut

Vlixes telles saintes controuuer & entueloper la mere, & la faire éiourir de neant, tellement que ioyeuſement ſa fille luy deliura, & en grād & riche apareil, avec luy la ramena en l'oſt. De la venue de la pucelle, furent tous grādz & petitiz moult ioyeux, ſi en firent grand ioye & dueil: Ioye pource que vent eſperoient auoir par ſon ſacrificement, & dueil pour ſi belle creature, qui miſe à mort ſeroit ſans ſa coulpe, celuy qui la deuoit ſacrifier, la fiſt ſur l'autel deuétir & lier piez & mains. La plouroient profondement les Gregeoys, pour ſa deſtruction: mais Diane qui la fille voulut garātir y fiſt lors moult notable miracle, car ſi comme celuy la voulut fraper, qui le ſacrifice voulut faire. Diane luy retint le coup, & luy tollit la belle, couuerte d'vne obſcure nuee. Et ainſi l'emporta par l'air au royaume de Siche, & la fit preſteſſe en ſon tēple, pour y faire diuin ſeruice. Au lieu de la belle Iphigenia fut vne cerſue ſacrifiée, & par tant fut la deeſſe apaiſee, & ceſſa la tourmente de la mer. Lors ſe departirent les Gregeois à grand deport à tout leurs nauires, & tant ſinglerent qu'ilz arriuerent en Lamyē. Là fut par le cōſeil d'Vlixes Philoctetes laiſſé pour vne grād' maladie qu'il auoit. Ceſte choſe leur deuoit tourner à grand dommage. Car ſans luy ne pouuoit eſtre Troye prinſe pource que les dards d'Hercules auoit, par leſquelz

Troye deuoit finir. De la s'en allerent les Gregeys droite voye guerroyer les Troyens & prindrent port a Tenedon.

Des Grece qui prindrent port deuant Troye, & d'Achilles qui occist Cygnus, & la description de la maison de renommee.



AV milieu du monde, également entre ciel & terre, est vn lieu dont on voit tout ce qu'on fait par tout le monde, & sçait on toutes les nouvelles qu'on fait en toutes les regiōs du mōde, c'est la maisō de dame renommee, laquelle est sans clorure, entrer y peut on par plus de mille entrees, sans portes & sans huys à toutes heures. Là vont courant sans repos & sans silence, les nouvelles de tout le mōde. Voix les

repete & recommence, soit de verité ou men-
songe, là y arrinerent de plus de mille manie-
res chacun iour. Là vont & viennent ceux qui
nouuelles vont trouuât, & ne font que paistre
le vêt, & les aureilles des oyans, si sont plusieurs
en vain ioyeux. Les aucuns repetét les nouuel-
les, & parolles qu'on leur a dites. Autres té-
moignent verité, & autres dient menlôges
& vanitez, & en racontant croissent la fable,
vaine liesse, vaine creance, vain deport, vaine
doute, vain erreur, vaine esperâce, vaine peur,
vaine discorde, & vaine murmure, qui repeté
tout ce qu'il oyt aux autres retraire. Brief on
ne peut rien faire en tout le monde, loin ne
pres, que tout ne voye dame renommée, qui
la demeure. Celle fist sçauoir aux Troyens,
que Gregeoys les venoient guerroyer, afin que
deceuz ne fussent. Roidement furent les Gre-
geoys receuz, quand ilz deurent port prendre
en Tenedon. Moult bien leur sceut contredire
& deffendre Hector, à l'aide de ses gens. Le
preux & sage Prothesilaus, occist il, premier en
ceste assemblée. L'une gent contre l'autre ferit
& iouta : car moult faisoit d'eux Hector grâd
meurtre & grand' occision, non pourtant de
la sienne partie eut il grieue perte : du sang des
mors & des blecez, étoit tour la rive tinte &
couuerte. Cygnus qui les Grecz hayoit à mort,
s'adresse contre eux & au fer de la lance il en

occist mille, ou plus auât qu'Achilles, ne autres veist qui les contestaist, ne qui cōue son glaiue peut durer en la bataille. A quelque peine que ce fust, prindrent les Grecz port deuant Troye. Achilles le vaillant vint en la bataille, si commença grand' occision sur les Troyens.

Achilles à sa trenchante épée, detrenchoit & abatoit Troyens, Hector & Cygnusqueroit, car vers eux se vouloit éprouuer, de leger peut trouuer Cygnus, qui les Grecz ne doutoit, plusieurs en auoit occis, & encores s'éprouuoit. Quand Achilles le vit, les cheuaux du chariot, ou il étoit aguillonna, pour adresser vers iceluy, car moult luy plaisoit de rencontrer le fier aduersaire Cygnus. Sa lance brandist & luy écria en telle maniere. Haa glouton, cōfort dois auoir, quand mort recevoir te conuiendra par moy, qui ay nom Achilles ta mort en fera de grand renom. Adonc le ferit de son roid épieu fort & vigoureusement, mais petit dommage luy fist, la forte pointe du dard ploya & ressortit. Et quand ce vit Achilles, moult s'en tint à malcontent : car onques n'eust de son dard feru sur armeures en vain. Cygnus arraisonna Achilles en telle maniere : O tu filz de déesse, ce dit on, ie ne doute coup de glaiue qu'il soit : car s'il me venoit à plaisir, ie pourroye attendre ton coup sans armeures, pas n'est mō corps si tendre que percer le puist épieu, fleche, ve

dard. Je ne porte heaume d'acier, bōnet, targue crete de corne ne forte armeure fors par coinfise. Aussi croy si nud étoye si ne me pourroit fer entamer. Filz suis au Dieu Neptunus, si dois bien auoir quelque auantage, mais te vucil faire sçauoir se mon dard rebourse ou ploye. Lors le ieta à Achilles sur l'écu tel coup que la barre en fendit & neuf des cuirs & le dixième se fendit, tellement que la pointe ne le peut fauser n'empirer. Achilles brandit son épieu & il luy enuoya par grande fietté le second dard, mais rien ne luy meffit. Tierce fois luy relança Achilles sans luy greuer dont moult se tint à deceu, & print à regarder sa lance cōme celuy qui cuidoit que le fer en fust cheut mais il vit le fer dont tout fut en grand' melencolie & tristesse. Si print à dire en luy mesmes. Hée & qu'est deuenue ma force & ma proesse, que tant ay allieurs éprouuée ? l'ay-ie perdue ? iadis ma main souloit estre forte. L'ay prins par mon effort Laine & en trébuchay les murs, & si prins Thebes & la fis en sang lauer, & ie ne puis c'est homme vaincre dont trop mémerueille, j'ay rougy la riuere du sang de ceux que par ma main ay mis à perdition. Telephus nauray, & mort l'eusse, se vers moy ne se fust pacifié par crier mercy, ie le bleçay & puis le regueris.

Or me semble qu'en vain me traueille, quād

ferir ne puis coup, qui profite, i'ay grand merueille que ce peut estre. Cette iournée mesme ay ma dextre & ma vertu éprouuée, & puisſâce trouuée, sur le riuage vy gesir les iouuenceaux, par grands mons, que i'ay occis & n'aurez. Encores essaye ray mon dard, si il ne pourra tailler. Lors ferit Menetes, vn cheualier de Lice, tellement que la poitrine luy profundit & l'abatit mort, qu'onques ne le peut garantir armeures, puis retrait son dard sanglant Achilles en disant: Haa ma main bien connois qu'encores n'estes faillie: si vueil essayer se ployer en



pourray Cygnus. Lors alla par grand ire ferir Cygnus en l'épaule senestre: mais le dard ne le peust onques blecer, n'a sa chair entrer, ains

ressortoit cōme s'il ferist dessus vne roche dure, mais le lieu ou il frapa taignit de sang, donc Achilles fut moult ioyeux. Quand le sang aperceut cuidant que playé l'eut, mais non auoit c'étoit du sang Menetes, que dernièrement auoit occis. Tout effrayé descendit du chariot ou il étoit. Et l'alla de present requerre à l'épée. Cygn⁹ étoit trop seur & peu doutoit, mais Achilles luy retondit la targue & le heaume luy embarra: Mais onquesne peut entamer son dur corps de playe à l'épée, ains cōtre le corps conuenoit ployer. Quand Achilles vit qu'en vain employoit ses coups, il tourna son glaive, & du pommeau luy donna tant de coups que toute luy étonna la teste. Cygnus print à reculer, & Achilles se hata tāt, qu'il le troubla & effraya. Cygnus qui se vit demené & angoissé tellement que reprēdre ne pouuoit son alaine s'ebahit, & perdit cœur & fiance. La veue luy troubla & couurit d'obscurité, tellement que point ne veoit à soy cōduire. Emmy le champ eut vne roche à laquelle Cygnus s'echoppa, & avec ce Achilles l'épraint par telle vertu, qu'à terre l'abatit, puis luy saillit sur le ventre, si le chargea de sō corps & de sa targue, & si fort luy étraignit le col, qu'il luy étaindit la vie hors de son corps, & quand vaincu le vit, dépouiller le cuida, mais il trouua le corps denué de l'ame, que ia auoit le dieu Neptunus mué en cyseau

blanc, qui encores porte le nom qu'il auoit.

De plusieurs merueilles que le viel Duc

Nestor raconta à Achilles , &

aux barons de Grece.



Long temps auoient les Gregeois , & les Troyens d'une part & d'autre bataillé, dont de travail étoient tous lassez. Si prindrent treues entre eux, & furent plusieurs iours sans guerroyer , mais tousiours faisoient les parties tresbon guet , pour estre asseurez les vns des autres. Auint vn iour en ces treues dessusdites, que tous festoyoient en l'ost , & qu'Achilles auoit fait sacrifice d'une genisse à Pallas, pour la victoire qu'il auoit eue de Cygnus. Dessus l'autel fut fait vn feu , & arses les entrailles de
la ge-

la genisse, dont la plaisante fumée monta prestement vers le ciel, moult pleut aux dieux le present de ce sacrifice. Du remanent de ceste beste furent mandez tous les barons Gregeois, si mangerent à ce diuin seruice chair, & beurent tant de vin, que tous en eurent assés. Là ne fut chanté, harpe, corne ne buccine sonnée: Mais ou y tenoit conte de force & de vaillance. Entre leurs contes parlerent moult les Gregeois de la vaillâce d'Achilles, & de sa bonté & ramenturent entre eux, la victoire qu'il auoit eue de Cygnus par sa grande prouesse, tous en plorant s'émervelloient, dont il auoit la chair si dure, qu'on ne le pouuoit par glauiue entainer. Achilles mesmes s'en émerueilloit. Lors dist Nestor: Onques homme de vostre âge, ne vit homme si fort, qu'il ne doutast coup de glauiue. Onques de mon tems ne vis semblable auenture, car sans ouurir playe luy vy plus de mille coups donner, à vn baron nommé Cygnus. Encores ay-ie veu plus de grans merueilles, telles qu'onques pareilles n'ouy, car celuy fut premierement femme auant qu'homme. De celle nouvelle s'ébahirent durement tous les oyans, & prièrent Nestor, qu'il dist comment ceste merueille étoit auenue, que Cygnus de femme étoit homme deuenue, si dur, que ployer on ne le pouuoit, & mesmes luy en pria Achilles, & luy enquist en quelle

terre il auoit cestuy veu & conneu, fil fut vaincu en bataille, & qui le vainquit. Adonc dist Nestor : I'ay vécu beaucoup d'ans, & ay veu moult de choses, dont maintenant ne me peut souuenir. Mais onques ne vy en quelque lieu que ce fust auenir chose, dont mieux me souuint que de ceste. Et se on peut pour beaucoup viure auoir veu des faiz passez, i'ay pres de trois cens ans. Je vis la belle Ceneis fille d'Elatheus lapithe, vierge, noble, & de grand renō, en toute la cité de Thebes, n'auoit si belle dame ne damoysele. Celle fut par sa grand'beauté requise de maint homme vaillant qui de son amour étoient esprins, mais onques d'elle ne peurent iouir. Elle ne daignoit écouter homme, qui de mariage luy parlast, cōme celle qui vouloit garder sa virginité. Peleus l'eust volontiers prinse à femme & à épouse, fil eust été possible, mais il auoit epousée Thetis, laquelle on luy auoit promise, pource s'abstint de luy en prier. Ainsi ne voulut Ceneis prendre marry, mais si comme dit me fut. Neptunus la depucella fut la grauelle de la mer à force & contre son gré. Et quand il eut fait de la belle son plaisir, moult en fut dolente & vergongneuse, & commença à plorer. Neptunus pour la reconforter dist : Ne vous émayez belle, mais requerez moy tout ce qu'il vous plaira, & ie le feray sans doute, de ce soyez certaine. Ceneis

respondit: Sire Neptuneus, la grand'iniure me fait requerre grandes amendes, si vous requiers que iamais ne seuffre telle reproche, & si me faites vn bel iouuenceau, & si m'aurez bien guerdonnée à mon auis. A ces motz luy print la voix à engrossir, tellement que point ne sembloit de femme, mais d'homme. Et si étoit elle car sa requeste auoit ia le dieu Neptuneus o'troïée: homme l'auoit fait. Et encores luy donna il plus, c'étoit que ia son corps, par glaiue ne feroit nauré. Ceneis femme print nō Cygnus, qui par grande prouesse fist depuis, mainte belle cheualerie, & se tint de ce don bien content, & moult en remercia Neptuneus.

Des Centaures, qui rauirent Hyppodame la dame des noces de Pirythous. Et de la grande & horrible bataille qu'il y eut à la récouffe.

Iadis print Pirythous, la belle Hyppodame à femme vne damoiselle de Iapithe. De laquelle ne pourroit estre racontée, ne recordée la moindre partie de sa grande beauté. Trop étoit belle, sage, simple, coye, & courtoise. Extraite étoit de haut lignage. Grande fut la feste qu'on y fist, & y furent gens de diuerses nations, & étranges manieres. De tout le pays d'environ ne demeura cheualier, dame, ne damoiselle, qui n'y vint, si grande occupation ne le tenoit. Tous y vindrent ceux de Theïsalle, & de Iapithe: Le palais & les sales furent pleins



chacun y eut vin & viande à son plaisir. En vn iardin planté d'arbres mangeoyent les Centaures. Si auint que quand chacun eut diné à loisir, auant que les tables fussent ôtées, commencerent les dames à dancier. De la grand beauté & fresche couleur, que l'épousée auoit, semerueilloiet tous ceux qui la veoient. Tant allerent les dames en dansant, qu'elles vindrent là, ou les Centaures sagitaires mangeoient. Lesquelz d'ardeur & d'yuresse furent surprins & échauffez : Et quand les dames virent Euritus, qui d'eux étoit maitre & chef, commença de les vouloir efforcer, dont elles commencerent moult fort à estre ébahies. Nonobstant entreprint ce iour pour luy, & pour

Ics siés chose moult greuable. Il versa la table & saillit sus, puis print l'épousée aux dantes, & chacun des siens print celle, qu'il peut premier saisir. S'aucunemēt eussent eu les Centaures de loisir, la besongne fust mal allée, car les dames en eussent esté à deshōneur. Elles furēt des sagittaires moult effrayées. Si prindrēt fort à crier, tellement qu'on n'eust pasouy dieu tonner. Tout firent resonner le palais, pour neant eust été le feu en la ville. Troublée en fut toute la salle & la feste : si prindrent à courir celle part, rousseux de Thessale, & de lapithe. Deuāt tous dérompit la presse, le Roy d'Athenes Theseus, & s'aprocha de celuy qui tenoit l'épousée, & luy dist par grand ire: Haa mauuais traistre, tu ne l'emporteras pas ainsi: Mal osas en mon uiuant mesprendre vers mon chet cōpagnon. Adonc feuertua, & luy alla tollir la belle. Et le Centaure d'ire, & de m'altalent espris, frapa le roy en la poitrine sans mot dire, comme celuy qui par iniure ne se vouloit venger, mais ne le blefia n'abatit, car moult étoit de grand vertu. Lors Theseus, le noble roy d'Athenes, vit d'auēture sur vne couche vn hanap, moult noblement pourtrait & entaillé. Celuy print il, & s'aprocha du glouton qui l'auoit frapé, si l'en frapa tel coup au visage, que la ceruelle luy abatit. Quand ses freres le virent mort, d'ire furent moult espris, si coururent le véger, & les autres

aussi l'assaillirent fierement, & coururent de toutes pars aux armes, les vns contre les autres, & lançoient porz & hanaps, plateaux, salieres & couteaux, pieces de chair, pains entiers ou entamez, ou autres choses que premiere-ment trouuoient, l'un abatoit l'autre. La mêlée fut grande, en telle maniere que onques ny eut épées ne glaïues, fors les metz de la table: mais depuis fut plus horrible, car quand les metz de la table faillirent, aux armeres coururent, & qui n'en pouuoit trouuer au poin seuertua. La eut vn Centaure, qui deuant vn autel choisit vn chandelier & le print, duquel il frapa Celadon, si que la ceruelle luy espendit. Et vn autre, qui eut nom Pelates l'acheua de tuer d'un pié de felle, qu'il auoit attaché.

EN ce tumulte en la place ou la bataille estoit âpre demeuroit Alphinas, qui soyn n'auoit de combattre. En sa main tenoit vn por, dont il auoit beu le vin, tant qu'en yuré étoit, la dormoit gueulle bee affublée de la peau d'un ours. A celuy dist Phorbas: Tu penses de boire, mais tel breuuage te detremperay, qu'onques de tel ne beuz. Adonc luy lança d'un dard, & le tua en dormant. Petreus courut à vn chesne, qui estoit en la court & l'embrasse, pour l'arracher, mais Pirythous l'atacha à l'arbre d'une lance affilée, & puis occist Lycus & Chromis, dont moult en fut loué, puis ferit Helops d'un dard par-

my l'oreille, si qu'à l'autre coté luy en fist le fer
aparoir, apres voulut il fraper Dictys, mais il
se mist à la fuite, tant qu'à la vallee d'un roide
mont cheut si fort sur un chesne, que sur son
corps l'abatit, pour venger Dictys arracha Pha-
reus vne roche de la montagne, de laquelle
moult eust greué Pirythous se ruer luy eust.
Mais Theseus l'empêcha, qui par grand ire le
frapa d'un tison de chesne, tellement que le
bras luy brisa, puis le pris si petit que fraper
ne le daigna, ou loisir n'en eut, mais depuis fra-
pa Theseus Byanor au chief de ce tison, en le
tenant par les cheueux, si que mort l'abatit, &
occist Nedimus, Licespis, Hipason, Ripheus
& Thereus. Grand ire eut Demoleon & ven-
ger les cuida: pource faire voulut de terre ar-
racher un pin, mais onques ne peut, non pour-
tant le dérompit & si en ietta la piece. Theseus
qui détourna le coup, doutant la pesanteur du
fust qui pas ne cheut en vain, ains brisa à Cran-
tor la poitrine. Dolent fut Peleus pour son mai-
tre a qui long tems auoit seruy: car moult l'ay-
moit si le voulut venger. Au Centaure lança
par ire & maltalent vne lance, & luy mist au
corps par les cotez. Pour l'angoisse fremit Cen-
taure. Le fust tira dehors, mais le fer ne peut
onc pour nulle chose arracher, puis enuahit
son ennemy, pour soy venger si le fist tresbu-
cher, & le foulla à ses piez, moult fut à Peleus

grand besoin de soy defendre , & par les épaules assena il le Centaute du brac d'acier, si qu'il luy passa parmy la poitrine , & l'abarit mort. Par auant auoit occis Phlegreon , Hylas , Hippinous, Danis, Dorilas. La corne d'un cerf tenoit Dorilas , de laquelle il auoit fait occision tresgrande, lequel moy Nestor auisay, si luy tiray vne fleche, & Dorilas pour le coup retenir, mist la main au deuant de son front , mais si bien l'auisay, que la main à son front luy coufay, dont assez en fut ris . Peleus le paracheua de tuer de son brac , & du corps luy auallerent les entrailles. Là étoit Cylarius vn ieune Centaure, la plus belle creature dont onques ouysiez parler. En tant qu'il auoit forme d'homme ne conuoitoit querre corps de plus belle façon, & depuis le nombril en aual, selon forme cheualline, n'estoit il pas moindre de beauté. Maintes femmes l'auoient prié d'amours, mais il ne les daigna aymer. Onques ne peurent de son amour iour , fors Hylonome. A celle étoit le Centaure amoureux , & donné luy auoit son cœur, son entendement & son amour, & point n'auoit mal employé son tems : car elle étoit à merueilles belle, & moult l'aymoit. Eux deux étoient d'un courage, d'un vouloir , & d'une beauté, & si étoient ensemble iour & nuit, & en trauail, & en sejour. Là étoient venuz ensemble, mais leur amour mist à fin quelqu'un

par vn quarteau d'acier, ne sçay qui le lança, mais Cillarius ferit tellement, que cheoir le fist pamé & nauré à mort, dont moult eut grand dueil Hylomone, laquelle entre ses bras le print, & luy baïsa face & yeux en le moult regrettant. Maintes larmes plora sur luy, & l'ame retint tant comme elle peut, mais rien ne luy valut: car mourir luy conuint du coup, & la belle du dard mesmes qui auoit occis son amy s'occist. Pheocomes vn des fiers Centaures leua à son col vn arbre, ou bien auoit le faix de vingt bœufz. Cestuy estoit couuert d'vn cuir de lyon. L'arbre ietta par grand effort, & en ferit Phonolenides, tellement qu'onques armes ne le garentirent de mort. Par le nez, par la bouche, & par les oreilles fist saillir la cernelle, ainsi comme fait le lait de la ficelle, quand on en fait le fromage, puis déponiller le voulut pour ses armes prendre. Mais moy Nestor le choisiss, si luy mis au flanc le bras d'acier, & mort le renuersay. Et moy aussi y occis Chthonius & Theleboas de mon epee, desquelz l'un portoit la peine de ce que l'un m'auoit au visage blecé, tellement qu'encores y pert il. Lors étois fort & courageux, si parloit on des proesses & des vaillances que ie faisois. En ce tems me deust on auoir enuoyé guerroyer contre ceux de Troye: car bien eussé peu à vn estour combattre Hector, & si vaincre ne l'eussé peu, au-

moins luy eusse- ie fait grand detourbier. Mais encores n'estoit pas né en ce temps. Or suis vieux & foible, si ne puis plus faire grand effort.

E N C O R E S vous vueil de l'estour raconter. Periphas occis, Piretus, Ampicus, Oeclus, Macareus, Eridupus, Cimelus, Nessleus, Mosodites. Des occis & des naurez & blegez estoit couverte toute la terre, si y fut grande la perte des deux parties. Bien si prouua Ceneus, car en peu d'heure il occist de sa main cinq Centaures, Stiphelus, Bromus, Antimachus, Helimus & Piracmas: lequel portoit en sa main vne grande coignée . A tant luy vint vn fier Centaure nommé Latreus, lequel à vn damoyseau de Thessalle auoit trenché le nez, & s'étoit armé de sa dépouille, courageux estoit, si dist a Ceneus: Femme quelle raget'a icy amenee, nombree de cheualerie? i'ay merueille quel forcement te fait si outrecuidee, mieux te voulist estre à déuider tes fusees, & laisser Pistor mon Centaure à ceux de Laphite. Ceneus qui tenoit vne lance l'ouit, si luy boura par les côtez au corps & le Centaure qui blecé se sentit le ferit par grand ire d'vn glaïue a découuert, mais le coup comme fait la gresle qui chet sur tuille rebondit, puis le ferit d'vne épée en la poitrine, mais aucunement blecer ne le pouuoit, & puis de rechef le saisit par les flans & le ferit au long des cotez, mais la dure peau le garantit, & fist

le coup ressortir & l'épee en deux briser, dont celuy moult s'émerueilla, & ébahit tellement, qu'à peu de dueil n'yflit hors du sens, quand contre iceluy vit son épee rompre, & que rien ne l'auoit dommagé. Quand Ceneus eut assez de celuy souffert, il le frapa en disant, il est tems que i'essayé si ie te pourray blecer, & le ferit par telle vertu que la main avec le manche de l'épee luy mist au corps, & mort l'abatit. La mort de celuy voulerent venger les Centaures, qui dolens en furent. Ilz enuahirent Ceneus de toutes pars, & luy lancerent dardz trenchans, aguz, pelz & quarreaux acerez: mais onques pour chose qu'ilz sceussent faire ne le peurent blecer à sang. Lors leurs dist Monichus: Nous sommes tous ahōtiz pour vn homme & surmontez. La paresse & les mauuais cœurs que nous auons, nous font deuenir femenins. Trouué auons maitre en vn petit demy mâle, peu nous profite nostre grande force, ne la grandeur de noz doubles corps, quand vne demie femme nous a tous surmontez. Effrontons le de fust ou de roche. Si tous me voulez enfuyuir longuement ne pourra durer, puis que de luy ne pouuons sang traire, étouffons le de grand charge. Adonc ietta celuy vn grād arbre sur Ceneus, & pareillement firent les autres, tous les arbres d'vne forest luy ruerent sur son corps, dont moult l'échaufferent, &

grande peine luy firent souffrir . Et quand Ceneus se vit ainsi chargé qu'à peine pouuoit il respirer, si fierement se crôla, qu'il sembloit que tout le lieu en tremblast. Pour sa fin furent aucuns en discord, mort, étouffé & étaint le iugeoient, & pery en enfer . Et les autres disoient autrement, spécialement Ampycides, qui dessouz le fust auoit veu vn oyseau. L'oyseau, dist il, sur nous volleta, ie le vy, mais onques puis son semblable ne vis ne deuant n'auois veu. Grand ioye en eut Mopsus, qui son cœur auoit celle part, & en le regardant s'écria hautement: Ce seul oyseau que ie voy là voller hautement, si est Ceneus qui fut la fleur de Laphite & le plus puissant du monde, sans pareil fust, & sans pareil viura seul, & pareil n'aura, tous feumes dolens de ce qu'un seul auoit esté vaincu, de si grand nombre de gens. Si courumes tous celle part pour vengeance prendre, & si en mimes tant à mort, que le conte ne sçay. Tous les eussions mis à honte & à perdition, ce n'eust esté la nuit qui suruint: Parquoy les aucuns échapperent.

De Tlepolemus qui se courrouça à Nestor, pource qu'en son conte passoit souz silence, les prouesses de son pere Hercules encontre les Centaures.

Ainsi racontoit Nestor des Centaures, que ceux de Laphite auoient mis à confusion & à la fuyte. Mais il n'y fist onques mention

d'Hercules, qui seul fist plus de prouesses & d'effort en celle bataille que tout le demeurant, dont Tlepolemus son filz s'en courrouça, & l'en mist à raison en telle maniere : Dea Seigneur Nestor, pour quelle cause oubliez vous en ceste besongne Hercules mon pere. Il me souloit raconter qu'il auoit plusieurs fois vaincuz les Centaures & Laphites, & que par luy furent mis plusieurs de ces Centaures en exil. Lors print Nestor à soupirer, & luy dist: Amy, tu me fais recorder mes pleurs & douleurs & tresgrands maux passez, pour verité dire, on ne pourroit raconter les vaillances que la fist Hercules, non pas la seulement, mais aussi par tout le monde. Cela me poise, car i'en ay dommage. Et pour cause si ie peusse ses fais ie celasse volontiers, car non volontiers loue lon son ennemy. Ton pere m'a fait maint grief dommage. Onques en ma terre de Puille ne me laissa ville ne chateau que feu n'y fist mettre, ne baron qu'il n'occist, dont i'ay grand ennuy. Douze vaillans freres fumes tous d'un pere engendrez, lesquels sont tous mortz, fors moy, par le glaive Hercules, si ay le cœur angoisieux, & plus ay merueille de l'unzieme que des autres: car ceruy étoit sans pareil, & si auoit grand auantage qu'il se muoit en quelque forme qu'il vouloit. Et quand bon luy sembloit, il se remettoit en sa premiere forme. Il étoit nom

mé Periclymenus. Si luy auoit donné ce don Neptunus. Mais onques pour muance qu'il sceut prendre ne peut échapper, qu'en la fin Hercules ne l'occist. Nonobstant pour soy defendre en aigle au bec courbé, aux ongles & aux ælles isnelles s'éprouuoit, dont moult fut Hercules dolent. Si tendit son fort arc pour le traire, & l'assena en vollant d'une sagette barbelee, dont luy brisa la ioincture de l'ælle. Assez estoit la playe legere, s'en telle maniere ne l'eust atteint, que l'ælle en fut eslochee. Mais celuy auança sa mort: car plus ne se pouuoit en l'air mouuoir, si luy conuint verser en vn mont sur la fleche, qui luy trespassa la gorge, & ainsi mourut. Ainsi mes vnzes freres par Hercules mortz, ce n'est point merueille si de luy me tais. Non pourtât pour mal qu'il m'ait fait n'a mes amis, ne suis point ton mal vueillât, & i'a n'en quiers vengeance auoir, fors de taire ses bonnes œures, mais celles ne puis raconter, donques soyons toy & moy bons amys.

Digression traitant d'un discord qui sourdit entre Agamemnon & Achilles, à cause de leurs amies Chryseis & Briseis, & des prouesses d'Aiax.

Ainsi racontoit Nestor le bon vieillard, les batailles de Pyrrhous, & le dommage que Hercules auoit fait à son lignage. Adonc fut temps de leuer les tables, les barons se lauerent & puis beurent. Et quand les lietz fu-

rent faitz, coucher ſ'en allerent dormir & repoſer. Longuement durá la guerre de Troye, ſi tindrent les barons de Grece le ſiege, & gaterent & foulerent toute la terre d'environ. Agamemnon conquiſt en fourrage vne ſimple pucelle de corps & de viſage, nommee Chryſeis, & en fit ſ'amie : mais chet fut vendue ceſte amour, car Chryſe⁹ ſon pere ſe reclama & voua à Phoebus que il moult auoit cher, & ſe complaignoit du roy qui ſa fille luy auoit tollue. Pour laquelle cauſe Phoebus enuoya ſur tout l'oſt generallement telle peſtilence, que tous mouroient ſans playe auoir á grand martyre & ſi n'en pouuoiet medecine trouuer. Bien ſceut Calcas que pour la belle Chryſeis auoient ce grief, & que tous ſeroient mortz ſi Chryſeis n'étoit rendue á ſon pere. Sçauoir fit á Achilles qu'il ne doutaſt la malueillance du Roy Agamemnon, & luy fit en commun ſçauoir la cauſe de la peſtilence, laquelle iamais ne ceſſeroit, ſi Chryſeis ſ'amie rendue á ſon pere Chryſeus n'eſtoit. Trop fut dolent le roy Agamemnon quand la choſe entendit, & de ſon gré ne vouloit la belle rendre : Mais comme efforcé la rendit, car il auoit tout l'oſt contre luy. Il en eut Achilles en haine, qui la parole auoit portee, & bien luy cuidoit rendre le pareil : car Achilles auoit conquis vne belle damoyſelle, nommee Brifeis, de laquelle il auoit ſ'amie fait.

Celle vit Agamemnon, & en fut esprins, & la raut. Dont Achilles fut moult courroucé, & si plein de maltalent, qu'il en voulut mettre le roy à mort: car bien sçauoit qu'en la vengeance de Chryseis l'auoit fait. La deesse Pallas ne peut souffrir ce discord, si les apaisa, & les fist baiser l'un l'autre. Mais pas ne dura long tems. Moult fut Achilles dolent comme celuy à qui lon efforça samie, & moult hayoit celuy qui rauie l'auoit, & ne vouloit faire secours aux Gregeois par aucun tems, si auoient souuent grande perte. Car quād celuy deffaillit à la bataille, peu prisoient les Troyens le demeurāt de leurs aduersaires, combien qu'ilz se continssent, & que fors estours leurs liurassent, souuent en auoient les Grecs le pire, car souuēt leur liuroit Hector grands assaux, & moult les épouentoit. Auint vn iour que Hector & ses gens enuoyèrent les Grecz, & tant les haterēt qu'ilz les chasserēt iusques au riuage. La fut fier assaut. Troyens eussent ce iour ars les nauires, dont Gregeois eussent pdu leur retour, se n'eust été Ajax q se rendit d'un estour, & cōtracta aux Troyēs, & si ferit Hector à plein au pis, tellement qu'a terre l'abatit: moult fit dur essay des Troyens. D'une part se trayoiēt Grecz pour prenās toute la champagne, & Hector en la force de sa cheualerie les enuahissoit moult fierement, & si durement les demenoit que ressortir les conuint
au ri.

au riuage vers leurs nefz.

PATROCLUS print adonc les armes d'Achilles si s'en arma, & puis s'en alla s'en faire arrest en l'estour enuahir Troyens, & moult les greua, & tresfort les accouardit, & tourner les fit en fuitte, plus au dire verité pour la séblâce d'Achilles, q̃ pour autre chose. Il enuahit Sarpe dō, & le ferit par telle ire, que mort le renuerfa du destrier. Or poignoit auant or arriere, trop greuoit ses ennemys: bié luy peust suffire à tant mais fortune qui les haux hommes abaissē & renuerse, & les bas & petitiz esleue & exalte, le mena à déconfiture: car il ne tenoit mesure ne ordre à confondre ses mortelz aduersaires, en fortune trop se fioit. Quād Hector vit ressortir sa gēt par Patroclus qui mal les ménoit cel le part brocha Galathee le noble destrier vers luy vertueusement au poin le fort épieu. Si se entreferirēt, tellemēt que leurs lāces briserent, puis tirerent leurs épées, si s'entreferirēt de plus pres. Mais Patroclus ne peut endurer les coups d'Hector, si fut tout étourdy, Hector le print lors par le nassel du heaume, & luy tira le heaume hors du chef. Lors ne sceut Patrocl⁹ q̃ faire Hector le regarda en la face, si aperceut bien que ce n'étoit point Achilles, dont par dédain luy dist ainsi: Vassal, dist Hector, grād folie entrepris quād tu réuētis ces riches armes, moult nous as huy greuez plus par tes armes que ta

Olympe.

QQ

personne: dont doresnauant seront noz Troyens asséurez. A ce mot le ferit par telle vertu, que mort l'abatit: puis le dépouilla des armes qu'il auoit, & aucques luy les emporta. Tristes & moult éperduz furēt Gregeois pour la mort de Patroclus, en fuite tournerent vers leurs têtes qui mieux pouuoit, mais Ajax recouit le corps de Patroclus que les Troyés deffouloiet de leurs piez, & des piez des cheuaux, & le tira hors de la presse. Si l'emporterent les Grecz en leurs tentes demenans grand dueil.

Du grand dueil que demena Achilles pour la mort de son amy Patroclus, & des armes que Thetis sa mere luy fist forger par Vulcan, au lieu des siennes que perdues auoit.



PONT la mort de Patroclus se désconforterent moult les Gregeois. Quand Achilles vit le corps, il ne se pouuoit abstenir de demener grand dueil, étroitement l'embrassa, & luy baïsa ses yeux & sa face, & maintes larmes plora sur luy. Haa Patroclus mon cher amy, dist Achilles, rōpant sa robe & batant sa poitrine, piteusement & en grād douleur ma mis celuy qui vous a occis: iamais n'el'aymeray ne ioye n'auray tāt qu'il viue. Biē luy feray apercevoir si ie le trouue, il a mes armes, mais cheres luy seront vendues: car tout vif le feray trainer à queuës de cheuaux, desormais luy croist peine si tenir le puis aux chams. Apres longs pleurs: Achilles s'en alla à Thetis sa mere, & luy demāda nouuelles armes. Et celle les luy promist, bōnes & belles, faites par le grād ouurier Vulcan, qui voluntiers emprunt celle besongne à faire, si forgea les armes du duc Achilles de tel le maniere, qu'onques ne furent faites armes si riches, & de tant grande beauté, ne si subtilemēt pourtraïtes, & biē ouurees par grād artifice, avec vne merueilleuse païture, & entailleure qui étoit de fin or. Le haubert ne valoit point moins, de ses propres mains l'auoit Vulcā forgé à quatre doubles mailles, il ny auoit haubert au mōde qui le valut. Et le heaume de mesme maī & ouurage, mais trop fut fort & dure l'œuure, q. coup ne doutoit d'aucū glaiue. Quand les

armes furent ouurees, Vulcan les dōna à The-
tis. Et celle les dōna tantost à son filz Achilles.

*D'Achilles qui retourna à tout ses nouuelles armes
en bataille, ou il fit grand occision de Troyens.*

AChilles fut armé des meilleures armes de
ce monde. Si le semont prouesse & hon-
neur, avec douleur de venger son amy Patro-
clus par Hector mis a mort. Or se partēt ses ad-
uersaires. Car à dueil les fera finir s'aux chāps
les peut auoir. Achilles se mist en l'estour qui
riē tāt ne desiroit que de l'occire. La auoit mise
tout sō entête. Eneas choisit Achilles de loin, si
brocha vers luy par grād fierté. Et Achilles cō-
trē luy de rādō, si s'entreferirēt escuz. Mais l'as-
semblāce n'étoit pas égale, si longuement eut
duré, Eneas eust perdu la vie, mais des Troyēs
fut il tantost secourn. Qui adonc eust veu A-
chilles par les rencz brocher & mettre ses en-
nemis à peine & à martire, bien eust peu affer-
mer qu'onques plus enragé n'eust veu. Tant le
redoutoient Troyens, que tous luy vuydoient
la champaigne, ou qu'il allast. Deuant luy les
chassoir, tenant vne grande hache au poing. Si
qu'en la riuere de chassē les boura, la fut la ba-
taille fiere. Car les deux ostz mōtrèrent l'un cō-
tre l'autre leurs effors. Maint en occist Achil-
les en plōgéāt parmy l'eau: & tāt se pena & en-
tēdit à la bataille, qu'à peu qu'il ne se noya en
riuere de Chassē. Tādis se rallierēt les Troyēs

si saillirent d'un gué, & assaillirent fort les Gregeois, & plusieurs en decouperent & occirent. Et Achilles qui étoit dedás exalté, se deuelopa de l'eau, & reprint vn peu son alaine, puis recourut sus les Troyens la hache en son poing, & en fist grande destruction. A celle bataille n'étoit point Hector le preux des preux, & la soutenance de Troye, en sa vaillance & excellente prouesse, les Troyens auoient mis toute leur esperance. Retenu l'auoient à force, & maugré luy Priamus son pere, & les siens: car ce iour étoit sa mort predestinee s'il alloit à la bataille. Bien s'aperceurent lors les Troyens de l'absence de leur vaillât capitaine: car hardiesse & force leur en décroissoit. Si ne peurét plus auât soutenir l'effort des Gregeois, ains leur cōuint, vousissent ou nō, abandonner la place, & furét des Grecz enchassez & reboutez iusques aux portes de la cité, & par force rembarrez. Mault les defoula Achilles. Hector de la ou il étoit vit & entendit cleremét le cry de ses gés, si en eut telle ire, que pour rien ne se fust tenu d'aller en la bataille. Ses armes vétit sās le sceu de sesamys. Et tost se mit à lavoye. Si issit hors de la cité par vne poterne. Et Achilles avec les siens auoit tant demené les Troyens, que recullé les auoit dedans Troye, ou ia renclos s'éroiet ains qu'Hector vint à la meée. Aissi & par telle maniere vint la déconfiture & la pesante

perre que ceux de Troye receurent. Car leur defension en perdirent : ce fut la mort d'Hector en qui tous biens étoient abondâs à grâd affluence, tout honneur, toute valeur, toute noblesse, & toute prouesse.

De la mort du preux & vaillant Hector de Troye, & comment Achilles l'occist.

AChilles vir Hector venir seul, bien le reconnueust de loin, si brocha le cheual contre luy plus terriblement que foudre ne decéd du ciel. Et quand Hector le vit venir, il le doutra, & ce ne fut pas merueille. Car pas n'étoit la chose pareille. Il étoit tout seul, & pource luy tourna le dos, pas ne dist qu'il le fist par couardise, ne par lasche courage : car à son vivant n'eut pareil à luy : Mais en tour il écheuoit la mort, comme celuy qui bien se veoit auoir le pire. Ce n'étoit point grâde meprison, & Achilles qui étoit accompagné, & qui grand' hardiesse prenoit en ses nouvelles armes, & en ses Gregeois qui tel auantage luy donnoient, que il n'étoit homme tant courageux, hardy, n'asseuré, qui peur n'en d'eust bié auoir, le print à chasser. Hector ne scauoit que faire, petit scauoit de sa sauueré. En la cité ne pouuoit rentrer, & si ne faisoit là pas bõ demeurer. Car Achilles pour les Gregeois esquelz se fioit, le menassoit de mort, & l'alloit chassât entour la cité. A Hector degoutoit la sueur parmy le métô

d'angoisse & de douleur. Si luy fut auis ainsi cō
me il fuyoit, qu'il veoit venir sō frere Deïpho-
bus pource que si trespensif étoit qu'il ne sça-
uoit s'il dormoit ou s'il veilloit. Lors cuyda He-
ctor auoir secours, si se retourna vers Achilles,
& Achilles vers luy par grand effort, luy fiant
en ses riches armes, en sa force, & en sō vassela-
ge & es Grecz qui le suyuoient, qui luy aiderēt
aussi à occire le preux Hector. Lors fut Hector
le bō des bōs enuahy de ses ēnemis, & special-
lemēt d'Achilles, & moult agrefferent l'vn l'au-
tre: car chacun étoit en grand desir de détrui-
re son aduersaire: mais Hector étoit seul cōtre
toute la fleur de Grece, & contre Achilles le
tresorgueilleux cheualier. Si n'étoit merueil-
les s'il auoit du pire, nonobstant qu'il fist grā-
de occision de Grecz ses ennemis. Hector &
Achilles batoient l'vn l'autre à l'épee, tréchāt,
& faisoiet merueilles. En fin s'en prindrent à
luter braz à braz, & longuement luiēterent en-
tre eux, & tandis aprocherent les Grecz, & l'é-
uironnerent. Et comme Polibetes vn noble
Roy de Grece qui moult biē étoit armé d'vnes
precieuses armes noblement dorees, approcha
Hector l'épee au poin pour le fraper. Hector
le hara, & vn si terrible coup luy dōna, que la
teste luy pourfēdit iusq̃s aux épaules. Et cōme
celuy roy, fut cheut à terre. Hector s'abbaiſſa
pour le dépouiler, & luy oter sō riche harnois,

specialement son heaume. Et tādīs qu'il étoit à ce faire occupé, il ietta son écu derriere son dos, & sa poitrine demeura dégarnie. Adōc Achilles voyant qu'Hector de nul ne se gardoit print vn fort & court épieu, & courut de randōnee à Hector, & le frapa en sa poitrine par si grand vertu, qu'il perça tout outre le corps du vaillant Hector, dont il tomba mort.

Or fut le preux Hector nauré à mort d'vn coup, dōt il ne se dōna garde. En ce iour receurent les Troyens en la mort du plus vaillant & plus vertueux prince qui fust deffouz le firmament, grand perte, bien en deuoient amèrement plorer dames & pucelles ieunes & vieux specialement le Roy Priam son pere, & Hecuba sa mere, & Paris son frere qui cause étoit de sa mort : car lors étoit aparū le mystere auenir du brandon du feu que Hecuba songea en la conception de Paris, qui signifioit l'estincelle ardent. Or apparut bien que la riche & puissante citē de Troye seroit arse & confondue, puis que abbatu & greué étoit ius le pillier qui la noble citē auoit soutenue, & que brieuement prendroit fin la guerre qui si long temps auoit été menée. Comme Hector donc fut de son cheval à terre nauré à mort, il pria à son ennemy qu'il le laissast mort rendre à son pere afin qu'il plorast sa mort, & que son corps peust auoir sepulture. Et luy dist encores si

loyer en vouloit auoir, que son pere luy en dō
neroit grand rançon, & si sans aucun guerdon
pour honneur de noblesse le vouloit rendre à
ses parens & amys, moult grand louège en ac-
querroit. Achilles, qui ces parolles ouyt dire,
comme forcené luy respondit: Cuydes tu par
vaines prieres amollir mō maltalēt & mō cou-
rage? point n'ay'en moy tant de clemence ne
debōnaireté. Car tu m'as maintefois fait souf-
frir tresgrande douleur. Et tant suis de tresgrā
de detresse & courroux entreprins, quād il me
souuient de Patroclus mon cher & bō amy &
tresloyal cōpagnon que tu occis, que pour cer-
tain si ie t'auoye piece à piece detréché, si ne se
roye-ie point apaisé de mō courroux. Et pour
cete feray comme à vn meurtrier detraire à la
queue de mon cheual. Et puis feray ton corps
par piece detrencher, & donner a deuorer aux
chiens & aux oyseaux. A ces parolles perdit
Hector la vie, & mourut au cham. Helas fleur
de cheualerie: Ha soutenance & defense de
la puillante cité de Troye. Ha ioye & defen-
sion de tous les citoyens, courtois, humble,
& doux cheualier, franc, amiable & honora-
ble, simple, aux rebellesterrible & fier comme
vn Lyon. Or est ton grand courage, ta vaille
ta courtoisie, & ta grande prouesse par malle
fortune abatue.

Des grandes complaints & pleurs que firent les Troyens pour l'amour d'Hector, & comment Achilles rendit le corps au Roy Priam.

Mort est Hector le meilleur de tous les cheualiers du monde, c'est grand' douleur & non recourable dommage pour ses amis, & tresgrande indicible lieſſe à tous ses enemys. Achilles lia le noble corps du tresuail-lât & trespreux Hector de la meſme ceinture qu'il auoit. Laquelle Ajax luy auoit dōnee par cointance au riuage de Troye, en celuy iour meſme que Hector fiſt ardoir toute la nauire de Grece, s'adonc n'euffent été prinſes treues, & Hector luy fiſt don d'vne épée dont meſmes il fut occis. Ainſi luy firent ſes dons dōmage. Achilles cōme vn cruel tyrant & traistre attachale corps d'vn ſi haut & noble prince à la queue de ſon cheual, & le traina entour les murs de la cité de Troye. Ha victorieux, mais déloyal chāpiō, dégarny de fraîche cheualerie, mal traitable, & courtois à ton égal, mal gardāt les loix de l'art militaire, au cheualier ſans per, qui en deſarroy as prins & non en proueſſe & force bellique. Trop reçois grād deſhōneur & trop te détournes de cheualeuſe generoſité, d'aĩſi trainer vn filz de roy meilleur q̄ toy, rēply de toute vertu & de proueſſe: Certes c'eſt à toy trop grāde tyrānie & déraiſō. O Achilles, penſe que ſi fortune par ſon orgueil t'a don-

né auantage ceste fois, parquoy tu es venu au dessus de ton aduersaire. Tost t'aura icelle renuersé & mis au deffouz quand il luy plaira: car les plus éleuez trespuchent soudainement. Le bon heur ou nous sommes n'a à peine point de certaineté ne de stabilité. Quand le Roy Priam vit de dessus les murs de la cité le train du corps de son ainé filz Hector, à peu que le cœur de douleur ne luy fendit. Et tant en plaignit & soupira, qu'il en perdit toute sa memoire. En celle grande douleur que pour son filz auoit, il s'en alla tout seul & desarmé iusques aux tentes de ses ennemis, dont moult s'en émerueillerét les Grecz quand ilz le virent, mesmes Achilles, auquel le triste Roy parla, & en batant sa poitrine, & soy enclinant deuant luy, luy pria que le corps mort de son filz Hector luy rendist. Tous les Gregeois eurent de luy pitié, & à grand peine se pouuoient abstenir de larmoyer voyans la demesurée tristesse de son cœur. Adonc Achilles vaincu par prieres, luy fist rendre le noble corps d'Hector. Et quand Priá le tint en la cité, il le fist ardoir en cendre, & mettre en vne noble & riche sepulture bien entaillée & garnie de pierres precieuses, & luy fist faire seruice moult solemnel.

D'Achilles qui vint voir l'anniversaire de

Hector, & comment il s'en amoura

de la belle Polixene.

Q Vand le tresproux & vaillant Hector fut occis par les mains d'Achilles, moult en furent ceuz de la cité de leur force amoindriz & nonobstant depuis sa mort maintindrent ilz la guerre longuement, & vigoureusement se defendirent, & aux Grecz tendirent maintz durs assaux. L'an passa, si reuint le iour que on faisoit l'anniuersaire de Hector, si vit on par la cité faire tel dueil, comme s'il fust ce iour mesmes mort. Les Gregeois auoient pris treues. Si vindrent aucuns Grecz en la cité de Troye, pour voir faire le seruice d'Hector. Par son outrecuidance y alla Achilles, la enuahit amours, & le naura sans en auoir guérison, sō cœur emprisonna, sans iamais en auoir deliurâce: Car vne belle fille que Priam auoit, pleine de toutes bonnes meurs, nommée Polixene, & non moins belle que Helene, étoit en l'anniuersaire avec son pere & sa mere, & avec l'autre gent Troyène, qui tous petitiz & grans plaignoient la mort d'Hector. Polixene la belle par special plaignoit & ploroit trop cordialemēt la mort de son frere Hector, si la faisoit ce grand deuil coulourer & embellir, en c'est estat la regarda Achilles, & moult la souhaita: & comme plus souuent la regardoit, plus l'éprenoit & allumoit amour. Telle frisō luy en print au cœur, que ia fust sens ou follie son ennemie, luy conuint aymer, volūtiers luy

requist pardon de tout ce qu'il luy auoit mesfait: Et si fa bienueillâce par priere ou par don pouuoit, il apaiserait la guerre, & ferait departir les Gregeois pour l'amour d'elle.

Du message que fist Achilles à la royne Hecuba pour l'amour de Polixene sa fille, & des conuenances qu'ilz eurent ensemble.

AChilles manda son penser par vn sien secret messager à la royne Hecuba, & celle le dist au Roy Priam son seigneur, qui à peine s'y voulut accorder, mais en la fin s'y accorda: à sçauoir que s'il pouuoit faire departir les ostz de Grece du siege comme il promettoit, & que jamais ne leur messissent rien, ains fussent de ce iour en auant bons amis. Il auroit leur fille Polixene en mariage. Ces nouuelles r'apporta de Troye le messager d'Achilles à sō seigneur, qui moult en fut ioyeux. Si conseilla à ceux de Grece qu'ilz laissassent la guerre: car riē n'y pouuoient cōquester ne gagner vers les Troyens pour effort qu'ilz leur fissent. Trop est la cité forte & puissante, dist Achilles aux Grecz, & bien garnie de richesses & de bons vassaux, petit leur auons fait enuahies ne d'assaux, dont nous n'ayons eu le pire. C'est trop grande folie de perdre pour vne seule femme, vn tel empire, Menelaus prenne vne autre femme: car Helene est trop grieue à reconquerre, s'il veut la guerre contre les Troyens maintenir, si la

maintienne: & qui vouldra luy rienne compaignée: car endroit moy n'en fera iamais guerre maintenue. Achilles louoit aux Grecz leur retour, mais peu en trouua qui s'accordassēt ains disoient tous d'un accord que iamais le siege de deuant la cité de Troye ne leueroient iusques à tāt qu'elle seroit prinse. De ce fut Achilles moult dolent, & leur dist: Puis que vous ne voulez faire mon cōseil, ie n'en puis autre chose faire: mais certainement ie ne me combattray iamais, ne homme que i'aye aussi, si verrez comment par vostre force prendrez Troye. Sans l'ayde d' Achilles firent les Grecz mainte enuahie contre Troyens, lesquelz par leur effort en détruirent & occirent moult. Tristes furent Gregeois pour le secours d' Achilles qu'ilz auoiēt perdu, si n'en sceurent que faire. Car onques pour priere ne pour requeste ne les voulut secourir, si leur tournoit la guerre à trop grād cōtraire. Et pour celle occasion se fussent mis au retour si ne fust Calcas qui leur affermoit q̄ la noble cité de Troye seroit en peu de terme prinse, & que longuement ne pourroiet les Troyens leur asiaux endurer ne soutenir.

D' Achilles qui occist le noble Troilus, & si le traina à la queue de son cheual.

CAlcas par ses paroles rassœura les Gregeois, si dura la guerre lōg tēps depuis que Achilles ne voulut pour rien faire secours ne

aide aux Gregeois, fors que quād vint à la fin, il leur bailla les Mirmidoines pour eux ayder. Ceux par leur puissance trauaillerent moult les Troyens, & pour eux s'en tindrent les Grecz plus fortz. Troilus au fier courage le filz Priā fist aux Grecz plusieurs dōmages, & maintz en occist. Cestuy tēpesta vn iour trop fort les Gregeois, & les en chassa par force iusques aux tētes d'Achilles. Lors Achilles qui vit Troilus si grieuemēt dōmager les gens, à peu que d'ire & de dueil n'éragea. Aux armes courut sans arrest pour luy & pour les gēs defendre. En luy s'endormit lors amours & rācune l'eueilla: il mist en oubly Polixene & la promesse que pour elle auoit faite aux Troyés. En l'estour se mist, dōt Gregeois s'en en hardirent, & les Troyés s'accouardirent, trop destourna l'œuure par sa venue: car Achilles y occist Troilus & Memnon, pour laquelle mort sa mere Aurora pleure & pleurera à tousiours à l'heure que l'étoile iournal éclaire. Alors vit on les Troyens grād dueil demener. Bien cuida forcener Hecuba pour l'amour de son filz Troilus, & en ce grand ennuuy à son filz Paris se plaignit, & luy découurit toute l'ordonnance du parlemēt, lequel entreprins étoit, & vengeance luy demanda d'Achilles, si iamais vouloit qu'elle eust ioye, & Paris luy accorda à faire son plaisir, quoy qu'il en deust auenir, au cas qu'Achilles y vint.

La mort du puissant & redouté Achilles.

TAnt auoit durée la guerre entre les Grecz & les Troyens ia plus de dix ans, quand Neptuneus apella son neueu Apollo, celuy de son lignage que mieux aymoit, & luy dist: Beau neueu, celuy que plus ayme de tous les enfans de mon frere. Auec moy t'ay mis en peine de faire les murs de Troye & d'Ilion, que les defraisonnables Grecz destruisent. Et ceux qui longuement l'ont defendue, si sera briueuement détruite ladite cité, si prochain conseil, n'y est mis. Ne te remembre il pas comment Hector notre bon & loyal amy est mort? Et si fut traîné entour les murs de la cité par le mauuais & traître Achilles, que tant dois hair, que iamais n'auray ioye tant que le sçauray viuant en ce mode. Trop a vers nous mesprius gâtée & foulée notre œuvre, détruit les Troyens. Certes si ie pouuoie de mon sens, ie luy mōtreroie ma vertu. Mais iusques la ne puis aller pour luy montrer mon courroux. Si te prie que repoussement & à cachettes l'occies d'une fleche en tirant pour accomplir le commandement de son oncle, & pour greuer le duc Achilles s'affubla Phœbus d'une épesse nuée, & ainsi s'alla à la bataille des Troyens. Si trouua Paris entre gens qu'il ne connoissoit, angoissant ses ennemis, & detrenchant de quatreaux barbelez. Si luy reuela Apollo, & luy dist: O Paris,

pour-

pourquoy, vas tu ici coups perdât & en vain en
espendant le sang de ceste chetive gent? Si ven
ger veux tes freres & tes amys, & confondre tes
ennemys & tes aduersaires, ne gâte pas ainsi tes
coupz. Tourne toy vers Achilles, si luy trespër
ce le corps. Lors luy montra Achilles qui en la
bataille detréchoit les Troyens. Et Paris tour
na son fort arc, & s'adressa vers Achilles, & si
roidemêt luy décocha vne mortelle fleche, que
de ce coup se pouuoit Priam resiouir & toute
Troye : car vaincu en fut Achilles le fort com
bateur, qui plusieurs fois auoit les fors vaincuz.
S'il cuidast mourir, il aymast mieux la mort
par hache, ou par guisarme, qu'autrement. Or
est mort le fort Achilles que tant doutoient les
Troyens, & les Gregeois par contraire tant a
uoit aymé. En luy seul attendoient, car en luy
auoient mis leur espoir. Si en furent les Gre
geois éperduz, quand ainsi fut occis. Celuy seul
étoit la soutenance de tout l'ost de Grece, la
gloire, l'hōneur, & toute la defence des Grecz.
Onques n'auoit ce prince peu estre par épée
vaincu en bataille ne estour. Or l'a occis Paris
à ce coup. Son corps fut ars, & la cendre enclo
se en vn petit pot, lequel à peine peut l'emplir.
De son corps demoura petite partie : mais la
grand gloire de sa renommée demeure.

Olympe

RR

D'une grande controuersie qui s'eueut entre les barons de Grece, pour scauoir lequel auroit les riches armes d'Achilles, & des parolles qui s'ourdirent entre Ajax & Ulixes, pour auoir icelles.

Mort est Achilles, & est aux Grecz moult grand dommage, & en leur ost l'ont tost sceu & aperceu, tous les barons de Grece en furent moult ébahiz. Si longuemēt eust vécu, les Troyens n'eussent gueres duré. Pour ses riches armeures dorées, pour sa grosse lance, & pour son bel & plaisāt écu qui sans seigneur demeurerent, s'ourdît entre la baronnie de Grece grand debat & dissention. Ouques Agamemnon & Menelaus son bon frere ne peurent tant faire enuers Diomedes qu'Ajax ne luy contredist qui auoir les vouloit. Et d'autre part le duc Ulixes disoit, que sur tous les autres & par plus grand droit mieux les deuidit auoir, que nul des autres, car il auoit plus fait au profit des gés d'armes, qu'on ne pourroit nullement retraire ne dire. Adonc luy dist Ajax: Des armes d'Achilles requerir, te peux tu moult taire, en mon viuant n'ertue pas contre moy: car ia tant comme ie viue n'en auras la possession, ne n'en seras armé: car miennes sont, doiuent estre, & seront. Trop seroit ta dextre foible pour les porter, si t'en pourroit mesauentir d'entreprendre à porter si gracieuses armes, & saches que moult grandement me desplaît ta folle outre-

cuidance. Et Vlixes luy respondit en ceste maniere: Cuides tu que pour la doute de ta rudesse ne de tes menassés ie laisse à requérir les armes? Ie les requiers & les requerray, ne ia ne m'en abstiendray ne deporteray pour toy, car par raison mieux les dois auoir que toy ne autre, & bien suis content d'en attendre droit & iugement, par deuant tous les princes. Ne ia n'en requiers autrement estriuer ne debatre. S'ilz iugent que les aye, miennes soient, & si tiennes, si les ayes. Lors respondit Ajax: & ie le veux bien.

*Fin du douzieme liure du grand Olympe
des histoires Poëtiques.*

RR ij



LE TREZIEME LI-

VRE DV GRAND OLYMPE

des histoires poëtiques, en la met-
tamorphose d'Ouide.*Le proces & oraisons touchant les
armes d'Achilles.*

LEs princes de Grece s'assirent pour ouïr
 qui meilleures causes montreroit pour les
 armes d'Achilles auoir, & le menu peuple en
 étant l'enuironna. Lors Ajax tendât ses mains:
 dist impatiemment: O Iupiter. Cy auôs debat
 des armes d'Achilles, de cy peut veoir Vlixes
 les nefz pour lesquelles garder il n'auoit talent
 démouuoir tençon ne debat contre Hector

sa compagnée, quād il y mist le feu, il estriuoit au plus tost, courir, sans faire contre Troyens effort ne resistance, pour les nefz secourir. Lors chassay des nefz noz ennemis, qui le feu auoient bouté & mis esdites nefz, & ioutay à l'encontre du fort Hector. Mieux se sçait Vlixes combattre de la langue que de la main: mais ie sçay plaidoyer, mieux sçauroie faire vne ioute, or deust il raconter les prouesses qu'il à faites. Pas n'est besoin que recitées soient cy endroit les miennes, car chacun en son endroit le sçait bien. Veu auez cōment par force i'ay maint pesant faix soutenu, pour le droit & la deféce des Grecz, mon corps en ay mis en habandon, bié sçay que grand don requiers à auoir les armes d'Achilles. Et de ce que Vlixes s'entremet de les demander, acquiert il pris seulement, pourtant que contre moy à empris contention: iacoit ce qu'il faillist à son entente, car grand hōneur luy sera que debat & cōtention aura prins à moy. Si i'auoye, dist Ajax, moins prouesse que ie n'ay, si suis-ie filz de Thelamon le vaillant, qui par son effort, iadis print la cité de Troye avec le preux Hercules, & qui fus en Colcos avec luy la toison d'or conquerre: Si ist le Roy Eacus mon ayeul, qui les infernaux tourmente selon ce que chacun aura deseruy. Trop est fol Vlixes quand à moy s'acompare, qui suis de tel lignage extrait. Cy à belle comparaison

du larron vers le iusticier. Iupiter le dieu des dieux est mon bislayeul. Mais ie pour ceste genealogie ne quiers auoir les armes, fors Achilles qui étoit mon cousin germain. Au moins par raison de proximité les dois auoir, puis qu'il ne vient plus prochain hoir de moy. Les dois-ie perdre, se de mon gré sans contrainte & sans accusément vins premierement à la bataille? & si les ait celuy qui dernieremēt y vint, & maugré luy? Il se faignit enragé, si comme vous sçaez, menant la charrue aux chamis comme vn laboureur, pource que courage n'auoit de venir avec l'ost deuant Troye.

Bien le vous demonstra Palamedes, qui sa faintise & renardie aperceut; dont depuis luy est grand mal venu: Et se Vlixes est cy venu comme celuy qui contredire ne le à peu, doit il auoir les meilleures armes de ce monde? Et ie qui pour garder notre droit ay receu maint pesant coup, perdray-ie ce qui m'est échē? C'est dommage que le traistre n'eust réellement la rage, ia ne fust icy venu. Depuis en sont auēuz maintz maux qui demourez fussent. Par son conseil laissāmes en l'ile d'Helene, Philoctetes dont grand reproche deuons auoir. La prie & requiert soir & matin, que dieu vueille donner au traistre perte selon la deslerte, dieu en vueille sa priere ouyr & accomplir, qui ainsi est droiturier. Philoctetes

auoit promis sa foy, qu'il nous accompagneroit iufques à tant que Troye feroit conquife, laquelle ne le pouoit eſtre fans luy ne les dars d'Hercules, que celuy a qui ſeul habite es deferts de l'ile. Ainçois fuſt viſ Palamedes, ou mort honorablement, ſe ne fuſt le faux Vlixes, qui celement le hayoit, & qui à autre cauſe ne pretendoit, fort à le trahir ſans en faire aucun ſemblant, le peruers & mauuais enfouit vne maſſe d'or deſſouz ſon lit. Et luy qui rien ne ſçauoit du mal, que celuy luy aprétoit luy faiſoit poifons boire, chere comme à ſon vray & parfait amy, luy montroit. Mais ceſtuy vous montra l'or mucé & vous fiſt acroire que trahis vous auoit, & que l'or qu'il auoit illec enfouy, il l'auoit eu en guerdon. Par telle fineſſe le fiſt ſans deſſerte mourir à douleur, ainſi à ſeruy Vlixes. Mais tant ſe fâche il de plaider ſi ne ſe pourroit il par raiſon excuſer de la trahiſon qu'il fiſt de delaiſſer le bon vieillart Neſtor, & ſi veoit le traifſtre les Troyens venir pour l'occire. Helas ceſtuy eſtoit foible & viel, & ſon cheual étoit fort playé. Si crioit à Vlixes, fire mercy aydez moy par votre franchise. Mais onques il ne luy ayda, ainſi le laiſſa cheoir entre ſes ennemis. Ne cuidez ſeigneurs, que par moy meſmes aye trouué, ſi ne le denioit, bien ſe prouueroit par ſon amy Diomedes, lequel voiant le bon homme entre ſon camp

my sans ayde, & celuy par couardise fuyr luy écria hautement : Ha mauuais retourne à l'estour. Mais onques pour ses parolles n'eut sens ne volonté de retourner à la bataille.

L O R S dist Aïax, qui à chacun rendoit reallement desserte, il meritoit bien à Vlixes le meffait de son compagnon qu'il trahit: ou l'enuahirent les Troyens seul sans compagnee, & tant que moult eut besoin de secours. Celuy qui autruy ne voulut secourir, on le deust auoir abandonné, & laissé en l'estour si comme il auoit fait Nestor. Le méchant s'écrioit vn iour hautement, que secours luy feissions. Je l'allay secourir en la bataille, ou pâle & tremblant étoit, pour la peur & crainte de la mort, qui luy étoit prochaine. Et la de mon écu le couury, depuis à il par moy vécu, c'est peu d'honneur & de victoire pour luy. O mauuais mécreant se tu eusses en memoire le lieu & le point, ou tu étois, dit Aïax à Vlixes, quand ie te sauuay dessouz mon écu, ia ne te feusses entremis de contredire à l'encontre de moy. Et se contendre y veux, retourne au lieu ou ie te defendy, & si soyes remis souz les mains de tes aduersaires si douloureux, si tremblant, si pâle & si effrayé comme tu étois, quand souz mon écu te boutoies, car quand de ce peril, l'euz retrait, luy qui à peine se pouuoit soutenir, se mist à la fuite. Et adonc vint Hector & sa com

pagnée à la bataille, dont Grecz furent moult effrayez. Onques n'y eut si hardy, qui contre ledit Hector osaſt tenir étant fors moy qui piz le fery, & l'abaty enuers, puis reuint en la méelee querant qui contre luy ioutaſt, mais oncques n'y trouua à qui iouter fors à moy, qui contre luy ioutay. Les Grecz qui les ioures virent, moult en furent tous ébahis, & pour moy prièrent les dieux & bien croy que leurs prieres moult me valurent. Bien ſçauent ceux qui la furent qu'onques Hector ne me peut ſurmonter. Et ſi me puis bien de tant vanter, que ie ſeul par mon vaſſelage, guarantis & defendis la nauire d'ardoir ou Troyens en l'ayde du fort Hector, auoient bouté le feu. Pour la garantir me mis en l'abandon. Brulees euſſent été les nefz ſ'au ſecours ne fuſſe venu, ou étoit lors Vlixes, q ſçait maintenât tant bié plaidoyer, que ne venoit il ſecourir ſa nef ſeulement? Se meilleur ayde, que luy n'eust eu ſa nef ne fuſt échappée, ſi n'euffent auſſi fait tous les autres, tard viſſions notre contree. O ſeigneurs barons, voyans voz yeux, déliuray la nauire, or m'en ſoit de mieux en merite, & en guerdon me donnez ces riches armes. Et certes qui la verité en voudra dire plus que ie ne les deſire, à auoir me deſirent elles. Seigneurs ſe donnees me ſont, par moy ſeront honnorees, & moy pour elles.

H A ic croy dit Ajax que Vlixes demande ces armes, pour Dolō qu'il l'occit, & pour Helenus qu'il embla de nuit, sont ce faitz de barons? Et qui pour lesdites œuures luy voudra rendre telz merites qu'il ait les armes, grand partie en deueroit auoir Diomedes, qui en fait fut son compagnon, & qui plus y fit que luy. Qu'à affaire Vlixes, qui onques rien n'apprint à faire, fors de nuit & desarmé de telles armes, s'armé en étoit, adonques dommage luy porteroient, car la clarté du heaume l'accuseroit aux guettes. Et trop nuist la clarté aux larrons & mal-faïcteurs. Et avec ce, sont elles si pesantes qu'il ne les pourroit tenir ne soutenir en son point. A son état n'affiert point ce noble écu de cestuy haubert. Cheoir luy conuiendroit souz le fais, ha chetif à requerre ses armes, tu requiers ta mort, s'on les te donnoit, d'épouillees te seroient d'aucuns, qui d'elles auroient enuie. Si en pourrois receuoir ta meschance. Car toy, qui tousiours à appris à courir & fuir serois tost raint, pour la pesanteur du faix. O meschant regarde que tu requiers, métier ne t'ont ces armes, voy ton écu sain & entier, qui pas ne va souuent en bataille. Le mien ou on fiert souuent de dards, d'épieux & de lances, est si dérompu qu'à peine vaut il mais rien. Si ay bon besoin d'en auoir vn neuf. Seigneurs & barons ie n'en sçay plus dire. Forstant que

de ma part vous prie que vous les faciez mettre en place, & le plus puissant de nous deux les acquiere au tranchant de l'épee. S'encontre moy les peut Vlixes conquerre. Que vous les luy donnez. Et s'il est par moy vaincu, qu'elles me demeurent.

L'oraison du treseloquent Vlixes, par laquelle il gaigna les armes d'Achilles.

A Donc se teust Ajax, & Vlixes pensa vn petit. Le peuple d'entour se print à murmurer, & disoient aucuns que Ajax par droit deuoit auoir les armes. Vlixes qui fut plain de grand sçauoir, se maintint sagement & laissa la murmure passer, sur piez, & étoit le chef enclin & quand le bruit fut cessé, son visage dréça & cōmença sa raison en ceste maniere: Seigneurs & barons s'à mon vueil fust, point ne conuing plaidoyer pour ces armes, car Achilles les eust qui droit y auoit, & fust encore vif, mais mort est dōt il me poise. A ce mot torcha son visage & sembloit qu'il plorast de pitié pour son amour. Et puis cōmença à dire: En sa mort auōs tel dommage, que iamais ne le recouurerōs. O seigneurs que vous semble, les doit Ajax mieux auoir que moy, quād ie l'amenay par mon sens avec les autres barons? S'Ajax est negligent cōme luy mesmes témoigne, est il raisō qu'il y gagne? Il n'y doit pas gagner. Et sē ie sçay mon droit par bonne eloquence remontrer,

me doit il tourner à preiudice ne à greuance? Mon eloquence m'a valu, pour vous ay maintesfois plaidoyé, ores me le conuient faire pour moy mesme. On ne doit ses biens faitz amoindrir ne blamer, & si ne se doit on d'autruy faitz mieux priser, ne d'autruy dommage. Se de grand lignage sommes, sçachons en gré à noz parens qui eleuez nous ont. Que monte à nous autruy proesse? Et pource qu'Aiax nous raconte qu'il est du lignage de Iupiter, aussi suis-je, il est mon bisayeul de par mon pere. Si n'y a de mon lignage qui par outrage, qu'il ait fait, ne pourchassé fut onques ne dechassé de son pais. Laërtes est mon pere, lequel fut filz d'Acrisius, que Iupiter engendra. Et par ma mere ie suis du lignage de Mercure d'une partie, & d'autre partie m'est Iupiter le souuerain dieu appartenant. Aiax n'est pas de si nobles gens, cōme ie suis de par ma mere, & si nē croy pas qu'ōques ouissiez dire, que ma mere en sa vie fist chose deshōneſte, & si suis nay en loyal mariage, dōt de ce que ie sçay ne se doit vanter, mais pour toutes ces choses ne demande-je pas les armes, ainçois prenez garde à noz-vertuz. S'Aiax est du lignage d'Achilles, si ne doit pas auoir les armes apres la mort du baron. En nostre requeste n'affiert point de lignage, mais vasselage & vertuz, & si par lignage on a les armes, elles doiuent remanoir & demeurer au plus prochain hoir.

Achilles auoit pere & filz, si les ait l'un d'eux. Peleus fut son pere, & Pyrrhus est son filz. Teucer qui son oncle est, ne les demande pas, & si l'un les requeroit, si sçait il bien que point ne les auroit, car ia pour lignage ne feront les armes dōnees, mais celuy qui pat force ou par sens aura plus de prouesse. Aiāx à les siennes ventilees, si me conuient les miennes reciter & retraire, & si ie puis & sçay, toutes les racōteray par ordre, tellement qu'il n'y aura que reprendre.

Q V A N D les Grecz deuoient venir deuant ceste cité (dist Vlixes) Thetis cuida Achilles son filz retenir, car bien sçauoit que point n'en retourneroit s'il y alloit. Elle l'enuoya & trāsmist deuers le roy Licomedes en habit de femme, avec les filles d'iceluy roy. Long temps y fut, sans estre conneu par son habit feminin, mais moy qui bien conneuz ce barat, prins armes pour damoiseaux, & aussi ioyaux pour damoisselles. Chacune des damoisselles print les ioyaux, & telz que mieux à plaisir leur vindrent, en laissant les armes, & Achilles print les armes, qui par nature les conuoita plus que les autres ioyaux. Lors le prins en tel habit qu'il estoit par la main, & le tiray par mon esprit hors de ceste muée ou il étoit, & par ainsi puis- ie dire, que tout tant qu'il a depuis fait est par moy, & que tous ses faitz sont miés. Ie conquis Teleph⁹, & prins Thebes, Lesbos, & Thenedos

Chryse Cilla, Sirus, & Lirnesus, & plusieurs autres œuvres faites, ainsi diray-ie par moy seul j'ay Troyens détruits, j'ay amené celui qui à mis à mort & occis Hector le preux & le puissant dont les Troyens sont trop endommagés. Par ces armes trouuay Achilles, & si l'amenay, & si les luy donuay en son viuant, si les veux r'auoir apres sa mort. Quand on nous eut recité que Paris auoit rauie Helene, & que l'ost fut assemblé au port pour venir venger cest outrage, longuement attendimes vent au riuage, & encores y fussions attendans sans vent auoir, si Agamemnon n'eust Iphiginie sa fille otroyee aux dieux pour la sacrifier & occire, qui moult d'ennuy luy fist & à cœur dolent, & pas ne fut merueilles : car moult l'aymoit. Il étoit sire & empereur sur nous tous si le trouuâmes fier, ie luy conseillay que pour le profit commun ne contredist cest affaire, & que des dieux fist sa volunré. Talent n'en auoit mais ie fiz tant par ma parolle qu'il s'y accorda, ie le connois, & si luy prie qu'il n'en ait maltalent vers moy, bien sceut acheuer ceste besongne, & mettre à fin quoy qu'il le iuge au contraire, pour faire le commun exploit, & pour venger la honte de son frere, & pour la seigneurie qu'il auoit lors sur nous, nous otroya il sa propre fille pour sacrifier & apaiser les dieux. Je fuz enuoyé pour la querre. S'Ajax y fust allé pour la querre en-

cores ne l'eussions pas en attendant vent. L'exploit ay tant par mon sens, que i'amenay la pucelle, par laquelle nous eumes vent, puis allay en Troye faire le message de par l'empereur des Gregeois, si vy le pais, & l'assemblée des gens qu'Hector faite auoit pour leur gairer tir & defendre, onques ne laissay par couardise que fierement ne fislé le message, si comme commandé m'étoit. Au roy Priam requis qu'on nous amendast l'iniure que Paris auoit fait aux Grecz, & que rendue nous fust Helene, ou sinon ie luy dis que Troye seroit confondue, & les citoyens abatuz & mortz. Moults'en felon-na Paris, & à peu qu'il ne me tollit la vie, luy, ses freres, & ses parens, ce sçait Menelaus: qui avec moy étoit, & grand'peur y eut. Trop aurois à penser si tout voulois reciter ce que j'ay en ceste guerre fait, depuis que nostre ost a été à ceux de Troye assemblé, & trop longuement vous tiendrois à le raconter. Tâdis que les Troyens se tindrent encloz s'as venir aux chams, dequoy seruoit Ajax en l'ost? S'il demande que i'y faisois, ie guettois noz ennemis, & noz amis reconfortois, & leur controuuois icux & deduitz & si faisois dresser enuiron les murs de la cité engins & pierres pour les murs depecer. Je faisois écharguer nostre ost, & sçauois bien qu'à l'ost soutenir, étoit necessité de viures auoir, & faisois venir munitions, fourrages,

& appareiller les armeures & harnois, pour estre plus pres à batailler. A ces choses ne mettoit Ajax cure, ains étoit oyseux en sa tente.

A V roy Agamemnon fut auis en dormant, qu'une voix luy dist par le commandement de Iupiter, que du retour s'appareillast, & s'en alast, car la demeurance peu luy vaudroit, & que perdre y pourroit, & rien conquerir. Pour celle voix fist le roy aprêter son erre pour faire le commandement de Iupiter, & pour luy & tout l'ost mettre au retour. Ce ne deust pas avoir souffert Ajax, ains deust cōtre Troyens la guerre maintenir, & l'ost appeler & faire venir à l'estour & recommencer la bataille & l'assaut. Pas ne fut homme tant baubanceux & vantâr, quand luy mesmes s'enfuit. Je le vy dont fort m'ebahis qu'il ne disoit ne faisoit aucune resistance. Therſites contredisoit, & reprenoit les barons, & ny avoit nul qui osast dire mot, que moy qui en euz discordz, si en prins cruelle vengeance. Et puis bien dire, que par mon sens & par mes parolles fis adonc des plus couars hardiz. Onques ne fist Ajax œuvre de vasselage, si ie ne luy ay fait faire, & ainsi est sa prouesse mienne. De tous les barons de l'ost (dist encores Vlixes) qui est celuy dont Ajax soit loué n'aymé, ne qui vueille sa compagnee? pas ne doute que Diomedes ne se fie en moy & moy en luy, il est mon compagnon, & moy le sien.

le sien. Sans fort que sur moycheust, & sans commandement de nully allois de nuit hardiment gagner noz ennemys sans é moy, si pris Delon d'emblee & par nuit, dont par les épies me fut recité le conseil des Troyens, & le maintien de l'orgueilleuse guerre, dōt nostre grand proffit acquis: car par ce tout le secret des Troyens sceumes. Bien m'en peusse a tant estre réparé à mon honneur: car moult noble victoire auois faite, mais onques pour ce ne m'en vouluz venir, ains allay occire Rhesus le roy & ses compagnons en sa tente qui logez étoient sur la riue des extêtes par dehors Troye, & amenay avec moy les blanz cheuaux qu'il eut à Delon dōné pour luy celle nuit écharguerter. Si vous dy bié, que s'ilz fussent échapez, trahiz fussiōs car iamais pour nostre effort n'eussiōs Troye, car ainsi étoit la chose iugee. Sarpedon occis de mon brac, & sa compagnee, Ceranon, Iphitides, Alastor, Cromius, Alcandrus, Alius, Noemon, Prytanis, Pheridamas, Thoas, Charopes, Eunomon, & maint autre dont ie ne sçay les noms, ay pour mon effort occis. Durement y fuz nauré. Adonc leua sa veture, pour à ceux montrer sa playe, & leur dist: Maintefois ay pour vous trauaillé mon corps, & pour votre besongne, si est bien raison qu'il vous en souuienne. Tandis se reposoit Ajax en sa tête sans coup donner ne reccueillir, si en doit,

Olympe.

SS.

bien auoir loyer. Pourquoy se vante il tant, & dit qu'il alla garantir les nefz? Verité est que bien s'éprouua, aurtuy loz ne vu il amortir ne annichiler: mais comment ose il retraire que luy seul les sauua? Il rencontra adonc plusieurs de noz barons, bien s'éprouua & mōtra son vasselage Patroclus le hardy armé des armes d'Achilles. Cettuy avec les autres barons sauua & recouist les nefz. Encores dist Aiax plus que seul corps à corps maintint l'estour contre le fort Hector, de l'ayde de Menelaus ne luy souuient mie & de moy, à celle enuahie fumes neuf en sa compagnee. Si en eut par fort le premier coup, aussi eust esté mien si l'auenture le m'eust donné: car tous nō^r habādōnames au fort receuoir. Mais maintenant en die Aiax la verité, qui tellement se cointoye de celuy coup. Quelle chose y conquist il? Hector s'en alla sans dōmage. Las telle angoisse reçois au cœur quād du iour mal heureux me souuient, auquel nous eumes tāt de dōmage, qu'Achilles nostre defēseur fut occis par grād mechāce. Onques pour peur ne pour dueil ne laissay que ne l'allasse à mon col rapporter, & quād ie le peux porter avec ses armes, biē porteray les armes sās le cheualier, ce biē le sçauiez entēdre & interpreter, & qui voudroit dire les maintiēs qui sōt dedās l'ecu pourtraitz, & furēt pource faites les armes, & cestuy fol les deust

auoir . La mer y est pourtraite si comme elle ceint & enuironne toute la terre , les elemens, les planettes, & aussi les étoiles . Archas y est, Orion & Pleiades, & les regiõs diuerfes avec les citez. Si ne sçauroit que ce signiferoit quãd il les porteroit à son corps ne rendre aucunes raisons des choses qui pourtraites y sont. Il me reprend de tard venir à la bataille , mais en ce va il Achilles blamât . Si par fantasie suis blâmé, aussi est Achilles mesmes qui s'en fuit en habit de femme pour demourer, plus hâtivement vins icy qu'Achilles, sa bonne mere le detint, & ma fême demeurer me faisoit. Si nevo' en deuez pas plaindre, si pour leur amour demourames. Si m'ë blamez Achilles ne pouuez excuser, toutefois ne m'en a pas Ajax reproüué, & si me reproche au contraire par sa follic, pas ne m'ë dõne merueille. Si dist à nous tous grand honte: car si i'ay rien mespris en ce quil me reproche qu'à tort accusay Palamedes, repris en deuez estre si vous l'auetz à tort iugé à mort: mais ce n'auetz pas fait, ne pas ne l'accusay à tort. Il ne peut onques sa felonnie excuser: car trop fust aparente par la masse d'or, qui la trahisõ decouurit, ce vites vous. S'il me blame de Philoctetes lequel est en la mer , mais quelle repche m'en affiert? quelle chose y ayie mespris? votre fait deuez defédre, ce fut par votre assetemët qu'il y demoura & demoure, biẽ

connois que de ce cōseil n'est mie coupable: car le cōseil fut bō, puis que trauaillé étoit & malade. Or est la mercy dieu guarý pour le repos qu'il a eu. Et les diuins nous certifient que sans luy ne pouuons les Troyens confondre, victoire auoir, ne les murs briser? Enuoyez Ajax à luy faire ce message, si l'amenera ce ie ne mens, ainçois ameneroit ceux de Troye en votre aide, & si courroient toutes riuieres cōtremōt, qu'Ajax sceust par son sens, sans moy auoir Philoctetes, ne faire chose qui vaille.

Philoctetes me hait & me menace: mais pour ce ne lairray- ie pas que ne le voise querir, si l'ameneray a tout ses fleches au siege, si sens & lāgue ne me faillēt, autrefoys ay plus grādes beſongnes acheuees & tirees à fin: mort iertay Delon à terre. Ie prins Helenus le diuin, & enquis tous les secretz de Troye, & le Palladion allay prendre & querre au maitre Donion: Cōment ose Ajax enuers moy contendre, qui ay telles choses faites. Ou sont ses œuures qui tāt est courageux: que n'étoit il tant hardy qu'il se auenturast comme moy, qui par nuit me mis à l'auenture entre noz ennemys en la forte tour d'Ilion, ou ie cōquis le Palladiō? S'aporté ne l'eusse, en vain eust Ajax porté armes en cest estour: car si le Palladion n'eussions, iamais ne eussions prins le Donion qui tant fort étoit. Et dōc prins ie Troye, quand par mon esprit &

subtilité prins le Palladion qui ce nous empê-
choit, puis que ceux de Troye l'ont perdu, cō-
tenir ne se pourront, moult tristes en sont.

*La replique d'Aiax contre Vlixes, touchant la prin-
se du Palladion.*

LOrs Aiax par vn trauerfin regard, luy dist:
Ha ha comment dis tu telles choses, ne
pourquoy t'en ventes tu? ce fust Diomedes
qui print le Palladion & non pas toy. Ie ne
me vente pas d'autruy fait, respōdit Vlixes, il
est biē verité qu'il me tint cōpagnée quant ie
allay querir le Palladion, aussi n'allas tu pas de
fendre les nefz tout seul, comme tu l'as dit, aïs
y fumes neuf à ta cōpagnée, & à toy en appli-
ques tout l'honneur, mais ie me mis en auen-
ture avec Diomedes, sans autre compagnée.

Ce que tu requiers requist volūtiers Diomedes
aussi fit le fier Euripilus, Thoas, Idomeneus,
Meriones & plusieurs autres, qui nulle mentiō
n'en font, & toute fois sont ilz en armes preux
hardiz, & n'y a celuy qui ne t'ait bien voulu
pour estour maintenir. Mais ilz sçauēt biē que
tant en ay fait par mon sens que mieux doy les
armes auoir, que toy n'eux n'autres: assez as for-
ce, mais peu de raison, sās mō conseil ne peux
œuure traire à bō chef, tu sçais biē batailler de
la maī, mais disposer ne sçais quād il est tems,
tu vautz seulemēt de corps & moy ie vautz de
corps & de sens, autant plus que le seigneur

ou maitre doit plus valloir que le seruiteur, & comme l'or vaut mieux que l'argent, autant vaut mieux ma science que ta force: assez sage suis, & si n'ay pas pourtant la force perdue. O vous seigneurs barons, par la votre grande entere, laquelle i'ay mise tousiours pour vous servir pour votre amour acquerre, pour les traux, & pour les grâdes auentures que pour vous ay endurees, & mon corps à martyre offert, donnez moy les armes. Bié dois auoir tel guerdō pour voz peines que i'ay affinees. I'ay prins Troye & Ilion, puis que i'ay le Palladion ou les Troyens auoient toute leur fiance. C'étoit la destince qui nous empechoit aux murs de Troye confondre, barons pour le grād espoir que vous auez de Troye prédre, par tout ceque vous pouuez confondre voz ennemys, par to⁹ les perilleux faictz que vous auez au pourfuyuir & au parfournir, par tout ce qu'aueoir vous doit, & par les deitez que i'ay tollues à ceux de Troye, vous prie que les armes me donnez, ou à la deessē qui est icy. Lors leur montra Vlixes l'image fatale de Minerue, laquelle il auoit apportee de Troye. Par ces douces & aornées parolles furent émeuz les Barons de Grece vers luy, tellement qu'onques ne fut éconduit de rien qu'il requist.

Des armes d'Achilles qui furent adingees au sage Vlixes, & comment Ajax s'occist.



A Insi furent donnees les armes d'Achilles au sage auocar Vlixes, par le iugement de tous les Barons de Grece, Ajax le fort, le vigoureux & le batailleur, qui tât de fois vint iouter au noble Hector corps à corps, & qui par sa puissance & force defendit seul d'ardoir la nauire de Grece, a perdu par son mal plaidoyer les armes d'Achilles contre Vlixes, dont il eut telle ire, que forcener luy en conuint, & onques ne s'en peut ne sceut refrener. En ce maltalent qu'il auoit tira son épée, laquelle avoit éré maintefois tainte dedans le sang des chevaliers Troyens. Puis dist : Ceste épée est miéne, dist Ajax, i'essayeray s'elle trenche. Et afin qu'on ne se puist vétéer que par aucū soye

conquis m'en occiray. A ces parolles s'en ferit à la poitrine iusques au poi, ce fut la premiere playe qu'ôques il eut & la derniere. Tât en fut blessé qu'ô ne l'en pouuoit tirer hors, mais la roideur du sâg l'en tira. Aîsi mourut Ajax, dôt ce fut grâd dômage. La firent les dieux en remembrance de sa mort apperte demonsttrance, car de son sang nâquit vne fleur iaunette, semblable à lis fois de couleur, si a écrit par remembrance lettres representans son nom, & la nôme lon Iacînthus, qui mué y fut par Phœbus.

De la noble & puissante cité de Troye qui fut prise des Gregeois arse & demolie.



L Es Grecz enuoyerent Vlixes en l'île de L'amyé, pour les dards d'Hercules. Ce

Ulysses par son sçauoir amena en l'ost Philoctetes à tout ses dardz . Encores leur firent leurs fors accroite que victoire ne pourroient auoir des Troyens sans Pyrrhus le filz d'Achilles . Si l'enuoyerent quérir par Menelaus qui l'amena au siege . Cela fait la cité fut prinse, trahie & vendue aux Grecz, toute arse & confondue, mauuaisemēt fur deceu Priā. La royne eut le cœur triste & éperdu, pour la perte de sō lignage, pour la mort d'Hector, de ses enfans, & de ses autres amys, & encore receut depuis plus grand perte: car elle perdit sa propre forme, & deuint chiē abayant & vrlant. De toutes pars fut prinse la cité de Troye, & tous les gēs détruitz & mortz . Priā fut sacrifié sur l'autel Iupiter, & Cassādra sa fille diuineresse fut soustraite du temple Apollo, & trainée par les cheueux. Des temples furent les dames de la cité traites pour estre proye aux vainqueurs . Lors pillars & robeurs coururēt par tout, pour charger & dérober la proye de la cité, qui nagueres estoit peuplee pleine de tous biens, & main tenāt est détruite & desolee. Astianax le filz de Hector fut ius d'vne tour ietté, ouon le souloit porter ébatre, pour son pere voir batailler. Bo reas accorda uens au plaisir & à la volonté des Grégeois apres ces choses faites, pour retourner ē leurs pays. Lesquelz firent apareiller leurs nefz, & leurs voilles au vent déployer, &

quand les dames virent que prisonnières & chetiues les conuenoit aller en étranges contrées, de grand dueil commencerēt à plorer & crier, en commandant aux dieux la terre ou nourries auoient été, & baisèrent tous les riuages, auant que dedās les nefz entraissent. Hecuba étoit seule demeuree triste & éplorée, & pleine de dueil & de rage, elle douloufiant entre ses filz occis. Les aucuns embrassoit & baisoit, arrosant de pleurstāt comme elle en auoit le loisir: mais Vlixes qui la trouua la mena en sa nef. Adonc cuida le cœur d'icelle departir. La poudre d'Hector sō filz print du sepulchre & en son cein la mist, afin de l'emporter avec elle, laquelle en change de deport luy ramettoit sa douleur, Sa sepulture faisoit de sa chevelure & de ses larmes, comme celle qui lors ne le pouuoit d'autre present enrichir.

De l'esprit d'Achilles qui s'aparut aux Gregeois, & du sacrifice que fit Pyrrhus de la vierge Polixene dessus le sepulchre de son pere Achilles.

LE duc Agamemnon & toute la baronnie Gregeoise auoit sa nauire ancrée au port de Troye, iusques à tant que la mer fust appaisée, & les vens qui les contreflottoient. Tandis que l'ost illec arretoit, la terre s'ouurit deuant eux, & issit vne image à la semblance ce leur sembloit d'Achilles, de plus épouuentable maniere, qu'il n'étoit quād il voulut occire



Agamemnon, pource qu'il luy auoit soustraitte s'amie Briseis, & disoit l'ymage menassablement: Qu'est cecy Gregeois? ne vous souuiét il des biens que faitz vous ay tant de fois? & maintenant n'est rien ma vertu en memoire, tost m'auiez mis en oubly. Faites pour mon honneur ma sepulture, & pour mon ame rapaiser faites sacrifice de Polixene. A la voix de l'ordre obeirét les Gregeois, qui moult s'en ébahirét. Si prindrét Polixene au giron de sa mere, & la menerét au sepulchre d'Achilles, ou estre deuoit sacrifiée. Quand la vaillante pucelle, qui de si grand courage étoit souuenante de son partage vit le mortel encombrer qu'ô luy deuoit presenter, & Pyrrhus present qui la deuoit

lier, & sacrifier dessus l'autel, lequel sebahissoit en regardant sa belle face & retardoit l'office, elle en telle maniere luy dist:

Pyrrhus (dist Polixene) fais sans demeurance ton entreprinse, occis moy & me sacrifie, plus ne soit prolongé le terme, ne respit donné que mon sang ne soit espandu. Fens mon cœur de ton épée, & me coupe la gorge. Mieux desire à mourir pour estre deliure & franche, que de viure en autruy seruage. La mort me plaist, si ma chere mere n'en fust dolente. Bien voudrois mourir s'estre pouuoit par tel si, qu'à ma mere n'ennuyast. Non pourtant ne doit elle prier pour moy : car plus luy doit sa vie déplaire que ma mort, qui me meine à chef de tous maux. Or vous requiers boucher que mon corps ne vucillez mettre n'attoucher ma virginité, afin que mieux s'é tiene apaisé celuy pour qui vous me sacrifiez. Et si vous qui m'avez en voz mains, pouez ouir oraison de chetive, priant à dueil de cœur, ie vierge royalle, fille iadis au roy Priam vo⁹ prie qu'à ma pauvre & desolée mere rendiez ma charongne, non pas pourtant qu'elle la mette en sepulture d'or ou d'argent, ce ne pourroit elle faire present, iacoit ce que en vn temps passé elle l'eust bien fait: mais elle me face obseques de pleurs & de l'armes & ce luy suffise. Ainsi disoit Polixene la belle & fraîche de courage, qui pour elle ne dai-

gnoit plorer, & tout le peuple, mesmement les ennemis en ploroient. Lors la print Pyrrhus & en plorant luy rompit & treperça les entrailles, & la fit cheoir morte à terre. Et elle en mourant, iusques au dernier soupir mettoit son entente à couvrir son sexe, comme celle qui pas ne vouloit pourrant s'elle étoit nue, estre veue en déconuenable lieu vive ne morte, qui luy tourna à grand honneur. Et quand les dames Troyennes la veirent morte cheoir, le corps receurent, en regrettant le dommage & la perte du grand lignage Priamus, qui a si grande destruction étoit mis. Si complaignoient Polixene & Hecuba, qui iadis souloit estre vaillante dame royale & maistresse d'Asie.

Or est triste & chetive. Trop cher auoit comparé l'amour d'Helene & Paris, elle n'auoit onques eu tant de richesses, de noblesses, ne de seigneuries, qu'elle n'eust plus grande pureté & misere. La dolente auoit perdu son seigneur, & puis ses enfans. Si rompoit ses cheveux, & égratignoit sa face, trop se tourne fortune en petit d'heure.

Des piteux regretz que fist la Royne Hecuba pour la mort de Polixene sa fille, & du grand dueil qu'elle eut pour la mort de Polydorus son filz.

CHacun prenne exemple à celle Royne, à qui honneur & bienheureté petit du-



ra. Et puis eut tant de tribulations & de maux qu'onques en sa vie n'auoit eu autant de liesse. Tristement se demenoit la dame, & celles aussi qui de Troye étoient avecques elle. Maintz plus auoient grand ennuy de sa douleur, que du leur propre, quand leur dame ve-oient si vilainement cheute en autrui serua-ge, sans refuge, ne confort auoir. Elles en étoient dolentes & desolées. Moult se douloufa Hecuba pour Polixene sa fille qu'elle vit morte, à peu qu'elle ne se pama. Le corps embrassa & baïsa étroitement. Point n'auoit mené moindre dueil pour son seigneur ne pour ses filz, que lors menoit pour sa fille de laquelle le corps mort & sans ame renuersé à terre,

luy renouueloit toutes ses douleurs. Elle l'arosoit de larmes, & disoit en dérompant ses cheveux: & en égratignant sa face, tellement que visage auoit tout ensanglanté: Ha ma treschere & douce fille, en grande angoisse & en grand douleur à mis mon cœur celuy qui t'a occisé. Ton sang que ie voy espādu, & ta belle poitrine fendue m'angoisse trop. Helas qui eust pensé qu'il fust homme viuant en ce monde, qui eust si dur cœur, que de toy mettre à mort? Bien me cuidois en ce fier, que ia de glaiues ne mourusses, comme ton pere & tes freres. Celuy mesmes t'a fait occire, par lequelz ilz sont mortz. Quand Paris eut mortellement feru Achilles de la fleche, bien cuiday que iamais ne me fist greuance, ne aussi à mon lignage: mais encores forcene il contre les miens, & autant comme il faisoit vif. Encores ne se peut il saouller d'affoller ma poitrine, mort ou vif rien ne luy échappe. Helas maint enfant auois eu, que tous à fait mettre à martyre. Tous naquirent pour sa rage apaiser, vif & mort tousiours me guerroye, bien est Troye à tousiours détruite à vn coup, fors à moy ce me semble: mais, tousiours demeure & croist ma meschance.

Iadis fuz noble, puisâte, & riche dame, si auois assez filz & filles, & autres amis vaillās & bōs, & si étoye femme à treshaut seigneur sur tous

autres. Or suis- ie chetive en orphanité, pauvre, desheritée; exillée, & desconseillée de seigneur & de parenté, & si est auenu qu'étrange femme sera ma maitresse. Serue seray à Penelope, si me montrera à ses damoiselles en soy moquant, & de moy faisant ses rîsees, en disant: voila celle qui fut femme au Roy Priamus, & mere au noble Hector, qui est maintenant en pauvre atour, & ma serue. Ainsi fera de moy sa vanterie: Mais moins me greuaist ma grande meschance, s'avec moy eusse eu Polixene ma fille. Si me double mon cruel dueil qu'elle est morte sans sa deserte. Et pour apaiser mon mortel ennemy, elle pour la mort à le visage decoulouré. Las que ne me faut le cœur, trop suis de mauuaise nature, quand ie viz en telle détresse, & de tous biens depouillée, & si suis ia vielle. Bien fut rems que ie morusse: mais viure me fait grieue fortune, pour plus auoir de meschance. Ie tiens le Roy Priam à heureux qui est mort: car ensemble à ses dueilz passez. Il ne voit pas sa fille Polixene morte, pour laquelle ie me deulz tant. Au moins s'elle eust eu tel obsequie qu'il affiert à fille du Roy & que son corps fust mis au sepulcre de ses amis, moins en eusse de doleance, mais pas n'est enuers moy fortune tant fauorable, faire ne luy puis seruice ne honneur fors de gemir, & si la lairray en étrange terre. Helas dolente,

tout

tout ay perdu ce que i'auoye.

Or n'attens confort de rien qui soit au monde, fors seulement de Polidorus mon beau filz que i'ay de remanant que de tous mes enfans étoit le moindre. Cestuy ay baillé à nourrir en ce pais au Roy de Thrace, encores attens par luy aucun bien. C'est la cause pourquoy ie vueil encores viure vn petit. Mais ie ne sçay pourquoy ie delaye de lauer la playe de ma fille qui gist morte en ma presence, & son visage qui tout est de sang couuert, qui sur elle se part. Lors courut la bonne vielle Hecuba ses cheueux d'érompant, & demanda vn pot pour puiser de l'eau en la riuiera pour lauer la morte. Si comme Hecuba vint vers le riuage, elle regarda & vit Polidorus son filz, auquel elle auoit son espoir, mort. Moul s'en ébahirent les dames de Troye quand elles le veirent, il n'y eut celle qui dueil n'en fist : à leurs cris faisoient retentir l'air : mais la mere ne pouuoit mot sonner, ains perdit d'angoisse, parolles, pleurs, & deuint semblable à vne pierre, tenant les yeux fichez en terre : & ainsi troublée les tourna vers l'air, & puis regarda curieusement son ieune filz, qui mal estoit attourné.

Si print lors Hecuba en elle telle hardiesse, comme selle fust puissante Royne. Le cœur luy alloit croissant, & tant se ferma en ire, que repos ne vouloit prendre iusques à tant qu'el-

Olympe

TT



le fust vée de la fraude & trahison du déloyal tyrant qui son filz auoit meurtry: & ia luy sembloit en son courage que bien en pouuoit estre vengée. Plus étoit enragée que lyonesse querant à la trace celuy qui ses faons emporte, de son âge ne luy souuenoit, mais hardie & pleine de resuerie s'en alla avecques les dames, elle accompagnant au Roy Polimnestor le déloyal, qui occis auoit l'enfant, & luy arracha les yeux du visage à tout ses ongles, & puis de crainte qu'elle eut des poursuïuans qui luy iettoient des pierres, vint enragée, & fut muée en chienne de celle nature, que quand on leur rue des pierres courent après.

Des complaints que fist la déesse Aurora au souverain Dieu Iupiter pour la mort de Memnon son filz, occis par Achilles.



Aurora menoit grand dueil pour Memnon son filz que Achilles auoit occis à mort deuant Troye. Pour celle cause eut Aurora tel dueil, que sa vermeille couleur en pâlit par laquelle la matinée souloit estre enluminée. En signe de tristesse fut couuert le ciel d'une obscure bruine, à peu que le cœur ne fêdoit à la déesse, quand le corps de son filz vit bruler & mettre en cendre. Si s'en alla toute écheuillée comme lassé mere triste & plorable, elle se ieta aux piez de Iupiter, en soy complaignant en telle maniere : Souuerain Dieu Iupiter,

sire & maitre du ciel (dist Aurora) de toy viens. Car déesse suis, quoy que déprisée soye, si te sers de partir le iour & la nuit. Sire ne te déplaïse, si mes beaux faits te reproche. Le grand dueil qui me touche au cœur me fait requerre dolentement non pas honneur ne gloire, combien qu'assez l'aye desseruy, il ne me chaut, mais pour mon filz Memnon qui mort est par Achilles, & pour la tristesse aliger, qui pour sa mort m'angoisse. Je te prie que tu luy faces faire aucun honneur. A sa fille Aurora otroya Iupiter sa requeste : car ainsi qu'on ardoit le corps de Memnon, s'espeffit la fumée du feu, & fit le ciel obscurcir, & aussi le iour, en telle maniere, qu'eau sourdant du fleuve defendit la clarté du soleil à venir à bas. Les flammesches qui par l'air en haut voloient, s'amonceloient, & prindrent forme & couleur d'eau, par la chaleur du feu qui est en haut ieroit la flamme, & la legereté leur donnoit aëles, si sembloient proprement oyseaux, & aussi étoient ilz oyseaux. Oyseaux deuindrent & allerent volettans parmy l'air, par grandz routes, & environnerēt la fumée par trois fois avec grand gemissement, & au quart donnerent douloureux son, en complaignant en l'air, se departirent en diuerses parties, & debatoient cruellement aux becz & aux ongles, tellement qu'eux ainsi debatauz cheurent tous mortz à terre. Ces corps

des oyseaux qui s'entretuerent furent couueriz & enseueliz en la cendre, dont ilz étoient nez, & furent ces oyseaux nommez Memnoides, pour la remembrance d'iceluy Memnon, dont ilz étoient issuz. Et quand le soleil eut tous ses cercles trespassez, & passez ses douze signes, ces oyseaux reuindrét pour vne autre fois mourir.

Du voyage d'Eneas pour aller en Italie.



Combien que Troye fut toute destruiete si ne decheut pas toute l'esperance des Troyens: car Eneas à tout grâde richesse échappa les mortelz perilz. Et si mist avec luy Anchises son pere, & Ascanius son filz, & s'en alla par mer à tout grand compagnee de nefz, comme celuy qui plus ne vouloit illec arrêter. De sa

terre se departit & laissa Thrace, laquelle encores du sang Polidorus étoit ensanglantée: il eut bon vent, si erra tant à tout sa compagnee, qu'il arriua au port de Delon. En la cité d'Apollo entra, en laquelle il trouua le bon Roy Anius, homme bien renommé, & bien faisant l'un à l'autre office de Roy & de souverain Euesque, tellement que ses suierz se tenoient à bien contens. Ce Roy les reçeut biē & honorablement. Grand honneur & grand feste leur fit, & leur mōtra sa riche cité: son temple & ses manoirs, & les deux thrōnes à qui Lathona sapuya quand elle enfanta sa lignée, à scauoir Castor, Pollux, & Heleine. Le prestre selon son vsage fit au temple sacrifice d'encens, de vin, & de sang. Et tandis appareilla on le manger & les tables.

Quād cestuy eut le seruice fait, il les mena en la salle Royale qui pas tenebreuse n'étoit, mais bien & richement étoit parée. Là beurent & mangerent vins & viandes delicieuses à loysir & à leur plaisir. Et quand ilz eurent beu & mangé deuant que les tables fussent otées, raconterent & deussent de moult de choses. Anchises dist à Anius: Sire ie ne l'ay oublié, quand ie vins icy premieriēmēt, tu auois vn filz & quatre filles, preux, sages, gentes & belles, que sōt ilz deuenuz? Lors crola le roy son chef chenu qu'il auoit d'un blanc samit enuélé

en ietant vn soupir , & luy respondit en ceste façon : Vaillant homme , bien est verité que cinq enfans souloye auoir : Mais le monde est tant muable que venu suis en exil d'un filz & de quatre filles , que orphelin en suis ou peu s'en faut , car qu'elle ayde ay-ie de mon filz , qui en terre lointaine se tient & regne , laquelle de son pere & de son nom l'appelle Andros ? Phœbus le fist augurien & deuin , & Bacchus donna plus grand auantage aux filles qu'on ne pourroit croire . Car par leurs attouchemens elles muoient toutes choses en blez , en vins , & en miel . Tout le pais étoit remply par elles , mais quand Agamemnon le sceut , qui le grand domage a fait aux Troyens , afin que fussions des persecutions de la guerre , & de participations de votre moleste , il enuoya icy tantost pour les auoir , & les querre pour l'ost des Grecz repaitre . Contenter ne les peuz par nulle maniere , pourquoy ie les luy eusse enuoyé quand elles s'en fuirent chacune ou elle peut , car seruir ne vouloient l'ost . En Boecie se muèrent les deux , & les autres deux en Andrō avec leur frere , & la les fist Agamemnō à ses efforts aller querre . Si les rendit leur frere Andros , fust bon gré ou malgré : car pas n'estoit la Hector le preux qui les defendist , & ainsi ne pouuoit mō filz contre eux étriuer par bataille . Par peur fut adonques amitiē vaincue , pas ne fut grand

lascheté, quand il laissa aller les sœurs pour soy garantir & demourer en paix. Si fist on amener tantost grandes chaines de fer pour mes filles enchaîner. Mais auant que liees fussent, leuerēt leurs faces & leur braz enuers le ciel? en requerrant ayde. Bacchus les secourut merueilleusement. L'occasiō ne sçay dire pourquoy elles perdirent leurs figures, mais est l'auenture telle, & est conneue & sceue que pennes & plumes receurent, & furent muees en blanz coulombs.

Des riches dons & presens que le roy Anius donna à Eneas & Ascanius, & Eneas pareillement à luy.

AV departir d'Eneas & d'Anchises, apres auoir prins l'oracle d'Apollo, Anius pour l'amour qu'il leur portoit leur fit de beaux dons. Et à Anchises donna vn sceptre & vn manteau, & à Ascanius vn arc & vn carquois. Et à Eneas vne couppe d'or que iadis luy auoit enuoyee de Thebes son amy Tharses, & l'auoit forgee Alcon vn maitre orfeure d'Egypte, qui grande entente y auoit mis, & mainte œuvre y auoit richemēt pourtraite. Il y auoit entaillé & paint en émail la tresclaire cité de Thebes, ayant sept portes, & deuant la cité force tombeaux, funerailles, & sepultures, & maintes meres vefues & orphelines toutes éplorées : & nymphes plorans. Et au milieu auoit fait les deux belles filles d'Echion, qui pour sauuer leur pais voulurent mourir, & mises au feu

funeral pource que du tout ne prinssent fin, des pucelles naissoient par merueilleuse auenture ce sembloit deux iouuenceaux beaux & cointes des flammesches, lesquelles étoient nommees Stephanos, & honoroient, comme ilz deuoient la cendre, de laquelle étoient nez. Et faisoient entour mainte belle procession en maniere de couronne. Toutes ces choses furent en la coupe d'or figurees & pourtraites. moult étoit de noble entailleure, & si estoit floree dessus & enuiron d'une belle fleur & plaisante. Eneas receut la noble coupe, laquelle il loua & pris, & de ses ioyaux donna au roy vn calice & vne couronne d'or, ou il y auoit moult de pierres precieuses, & vn moult noble encensoir d'or, & moult honoroient l'un l'autre.

Des grans perilz & dangereux passages ou Eneas & ses nefz passerent.

Pource que Eneas & ses hommes eurent pou en responce du dieu Phœbus qu'ilz yroient à leur premiere mere & de la n'yroient plus auant, ains y feroient leurs habitations. Ilz penserent que Iadis auoit esté premiere-ment extraite leur nation des lombars. Si conuenoit que leur nauire y arriuaist. Ilz prindrent congé du roy Anius, & tant nagerent en mer iour & nuit, qu'ilz arriuerent en Crete, ou petit de tems seiournerent: pour ce que

l'air leur étoit contraire . D'illec s'en allerent
laissant cent citez , & ia étoient pres d'arriuer
la ou ilz desiroient, quand yuer forcenant , par
grans vens & tourmens les détourna , & me-
na en vne lointaine terre nommee Strophade :
en laquelle n'habitoit que mauuais es-
pritz. La ouïrent vne telle responce qui moult
les ébahit , laquelle leur certifia , qu'il leur
conuiendroit manger leur table , auant qu'ilz
vinssent à leur contree qu'ilz requeroient. Dil-
lec se partirent & passerent les portz Dulicie,
Itacha , Samus , Neritus , Ambracia. Puis pas-
serent apres par Dodone & par Chaone , ou
on cuida par trahison détruire les filz de Mo-
lossus , par feu ardent, Lesquelz eurent ælles si
s'en volerent & échapperent l'embrasement,
puis passerent Pheace laquelle étoit chargée
de pommes & de la les champagnes d'Epiros,
& de la en Butrotos vne cité fermée de nou-
veau, laquelle auoit batie Helenus en semblan-
ce de Troye.

D E Butrotus la cité, se partit Eneas à piteux
courage à tout sa mégnie & tant allerēt, qu'ilz
arriuerent & arreterent leur nauire en Sicanie,
qui en la mer s'étend entre montagnes , dont
elle est à vmbree desquelles vers autre s'étend
Pachinus, vers Zephire Lilibeon, & deuers Bo-
reas Pelosus. La s'arreterent & prindrent port
vne nuit iusques au point du iour. Pres d'illec

auoit deux perilz marins ou plusieurs nefz étoient peries. L'une étoit Scylla, qui étoit à dextre, & l'autre Charibdis, qui étoit à senestre, qui comme auaricieufes, & gloutes transgloutiffoient les nefz & puis ce qu'elles auoient beu vomiffoient. Ce peril à plusieurs greué & Scylla en à maint dommagé, qui depuis le ventre en aual, est pleine de chiens marins étranges & diuers. Et par aucun tems porta visage de pucelle belle, gente, ieune & auenant, elle fut iadis femme & vierge & belle pucelle qui de maintz barons fut requife, mais elle étoit tant orgueilleufe que tous les éconduiffoit, puis alloit aux nymphes de mer dont elle étoit acointée & à elles se vantoit & difoit que par amour l'auoient telz & telz requis & qu'elle s'en moquoit, & dépriffoit & faisoit comme folz amuser & vfer leur tems en folie.

De Galathée, qui raconta à Scylla les amours d'elle & d'Acis, & comment elle fut depucellée par un géant nommé Polyphémus.

VN iour Galathée qui ses cheueux peignoit luy dist : Je suis certaine que longuement ne peux refuser ne faite amuser la courtoise baronnie, qui d'amour te requiert, qu'en la fin ne t'en mesauienne, par moy mesmes le scay & par épreuue, moy qui de grand parage suis & qui grand planté de sœurs ay, & qui suis fille à Nereus le dieu de la mer, & à Doris, ne



peux refuser sans dommage le monstre hideux, qui me veut aymer. Et toy qui es pauvre & de basse ligne, refuseras sans dommage les courageux iouuenceaux. A ce mot, se print la belle Galathee à pleurer, & la pucelle la conforta & luy torcha sa face & ses yeux, en luy priant qu'elle s'apaisast & que la cause de sa douleur luy dist, laquelle celer ne luy deuoit : car elle étoit sa loyalle amie. Lors Galathee dist à Scylla la cause de sa douleur en telle maniere :

PAS n'est merueille: dist Galathee, si ie larmoye, car iadis aimay Acis le bel & plaisant iouuenceau, qui étoit extrait de grand parage, mais tousiours étoie de plus grand que luy, ses

parens le tenoient de pres qui plus d'enfantz n'auoient, cétuy si étoit toute ma ioye. Il n'auoit pas plus de seize ans, mais le geant qui ne pensoit a rien fors a mon amour l'occist, en iectant d'une pierre, dont j'ay grand tristesse. Ha comme amours à grand puissance, quand celle treshorrible creature qui déprisoit les souuerains, & qui tant laid & hideux étoit, qu'il effrayoit toutes gens qui le veoient, & qu'ame ne le veist que seulement du veoir ne luy mecheust. Cestuy vis diable auquel n'y auoit aucune douceur, estoit surprins de mon amour, & ië le haiois plus que ie ne sçauois dire, il samignotoit pour mon amour & pour se tirer en ma grace le plus qu'il pouuoit. Bien se sçait Venus iouer de ces folz, quand elle leur sçait embler leurs cœurs si subtillement, qu'aperceuoit ne s'en sçauent. Est il rien qu'amours ne maitrie? Poliphemus le geant fardoit sa creuse face, pour plus estre plaissant & se peignoit & testonnoit ses cheueux a tout vn grand rateau, en lieu de peigne, & rongnoit sa barbe a tout sa faux. Et si se miroit & regardoit en la mer. Et tant mettoit son entente en aymer, que sa grande cruauté en oublioit. Si que sans encombrer laissoit les nefz passer, qu'il souloit espier, pour elles detruire. Lors suruint nageant par la mer le diuin Telemus, & s'aprocha du terrible Poliphemus, auquel il dist : Toy combien que tu

n'ayes qu'un œil au milieu du front, toutefois viendra Vlixes brièvement, qui le t'emplera & demoureras sans lumière. De ces parolles commença Polyphemus à rire & tint a mensonge tout ce que le diuin luy auoit dit. Puis par courroux luy dist : Fol diuin pas ne sera mon œil prins n'emplé par homme, car déia vne belle fille la rauy. Vne heure couroit l'enragé par la marine, autre heure se mussoit en ses cauernes quand tant étoit las que plus ne pouuoit, & que dormir le conuenoit par nécessité. Cétuy dieu de mer montoit & se seioit pour moy espier, & veoit sur vne roche enuironnee de mer, & laissoit son bestial sans conducteur.

VINT vn iour que sur celle roche étoit Polyphemus assis, tenant vn pin, dont il touchoit ses bestes, plus grand qu'un mast de nauire. Celuy mist à terre deuant ses piez, & print en sa main vne fleute de cent roseaux, dont il flaiolloit si haut que la mer en resonnoit. Je Roys qui trop me doutay, si me boutay en vne roche avec mon amy Acis, & m'assis sur son giron, si écoutay & notay bien le son & les parolles du géant, qui étoient telles : O Galathee plus blanche que la fleur de ligoustre, plus fleurissant que prez. Ha gent corps bel & appert, plus droit que n'est mast en nefz, & plus resplendissant que voitre, & plus desduisant que ieunes cheureaux. Ha corps plus poly que

le dedans d'un huitre, & plus agreable que rais
de soleil en yuer, & que n'est l'ombre en esté.
Dame plus parant que palme, plus noble, mi-
eux flairant & mieux coulourée que douce
pomme. Ha belle plus resplendissante que gla-
ce, plus douce que raisin meur, vaillante dame
& debonnaire, plus blanche que plume de si-
gne ou laict. Et si tu me fuis & refuse plus or-
gueilleuse que toreau, plus dure que chesne, &
plus orgueilleuse que paon, moins pitoyable
que n'est ceste roche, plus dommageuse & plus
cuissant que feu fait de charbon ou de seiche
busche: plus apre & plus poignant que chardõ:
plus cruelle qu'ourse nouvellemēt faonné, plus
sourde que mer trouble, plus déloyalle qu'ydre
saoulee plus fuyable & effrayee que cerf vené,
plus variable que vent. Voluntiers te prendroye
si i'auoye ceste isnelleté, bien croy que t'en re-
pentiroys si bien me connoissois de ce que tu
me fuis & que tant demeures, & si mettroies
peine à parfaire ma volonté.

I'AY dît Polyphemus, maison & caue au
milieu d'une roche, ou nuyre ne me peut cha-
leur ou froidure. Là viendras demeurer avec-
ques moy, en mon iardin à pommes, dont les
rainceaux sont greuez pour la charge des
pommes qui y prudent. Sur mes vignes à rai-
sins blancs & noirs, desquelz tu mangeras si
venir y daignes, de ceux qui te viendront

mieux à goust, & des fraises si tu les aymes, des cormes & des prunes si prendre me daignes à mary, des chataignes aussi auras a grād planté, & des doux fruitz d'arbre & de buissons, riche te feray iā ne te faudra émayer, i'ay tant de biens que le nombre n'en sçay, pauvre est celuy qui peut sçauoir le nombre de son auoir. Et si tu ne me croys que ce soit verité de ma richesse, viēs la veoir & tu en trouueras encores plus. Et en tous tems ay du laiēt à foison, en ce que ie te recite te pourras delecter, & non pas en ce seulement: Mais en plusieurs autres dons que ie te donneray. Si tu veux tu auras cōnins, lieures, cheureaux, dont tu pourras faire ton soulas & plaisir, & vne paire de coulons que i'allay l'autre nuit abatre du nid, & si ay encores deux ourses d'vne face & d'vne âge que i'ay trouuees en vne autre montagne, lesquels ie garde pour toy faire present à ton venir. Belle ne refuse mes beaux presens, trais hors ton beau chef de la mer, & viens à moy, car bien suis digne d'estre aymé. Je suis resplendissant dit le monstre, miré me suis dedans l'eau, & si mē semble de mon corps & de mon visage le grand iupiter, ne sçay de quel dieu vous parlez entre vous gens: car es cieux n'est pas ie croy plus bel que moy, ne plus gent. I'ay grans cheueux qui me cœurent les épaules qui bien maffiert, vn cheval est laid quand creint luy
faut, la

faut la plume couure les oyseaux, autrement ilz seroient laiz a voir. Bien affiert aux brebis la laine, si est laide chose hōme sans barbe, biē m'affiert le poil qui à mon col prend qui est lōg & herissé, & bien m'auient vn seul œil, il n'y a au ciel qu'vn seul soleil: Belle fille ne t'ē orgueillis vers moy. Reçois moy en mariage. Mō pere regne en mer, belle fais ma requeste deuotemēt te prie. A toy suis suiet & vueil estre. Je crains plus ton ire que fouldre. Certes se te fuisses tous autres & reboutasses comme moy moins en eussē d'ennuy, & si fusse plus patient: Mais trop ay dēdain que moy geant refuse pour aymer Acis le chetif. Certes si le puis tenir quoy q te plaise, le cœur luy trairay du uētre à qui que poise, si le dépeceray & épandray & ietteray parmy la voye parmy les champs, & parmy la mer, tellement que tu le pourras voir ainsi vo' desassemblé. Je suis ialouz, si ay l'angoisseuse flamme en la poitrine, qui autant me greue que fait Ethna, ceste langueur & tristesse ay pour toy, & si n'en as pitié.

Dur geant Polyphemus qui occist Acis, qui fut mūr en roche de mer.

A Insi se demenoit en se complaignant le grand Polyphemus, & ie veois & oyois bien tout ce qu'il faisoit & disoit, puis se leua tout forcenē, plus fier que le thoreau, qui suyt la vache qu'on luy à substraite. Si cour

Olympe. VY



roit l'une heure avant & l'autre arriere, par roches & montagnes, comme celuy qui de soy n'auoit maniere. Quand il me vit iouant avec mon amy Acis, qui ne cuydions pas estre en peril, ne qu'il nous deust trouuer en la roche ou nous étions mucez pour nous deduire, lors dist: Je les voy certes ilz sont ensemble maintenant. Je feray tant que ie les departiray sans iamais rassembler, il crioit tant que la montagne en retentissoit. Pour la doute du geant me boutay en mer & laissay mon amy Acis, dont trop m'ennuye, & il se mist à la fuite en disant. Ha belle douce amye aydez moy, & si appelloit ses parens que ayde & secours luy feissent sans point l'econduire à ce besoin, &

Ciclops le geant arracha du mont vne grande piece, si la ietta à Acis par telle vertu que mort l'acrauant: Moy avecques son pere & ses parens fimes pour le retraire à sa premiere nature, tout ce qu'on peut de mort d'homme faire. De la roche dure & pesante couroit le sang vermeil. Mais guerres ne demeura, quand il se éuanouit & se print à écumer & raier, comme claire eau par les creuaces de la roche, q pour luy se creua, sy s'ourdrist vn ruisseau de claire eau bruiant ou vn damoyseau apparut, le chef cornu enuironné de vers roseaux ployez & annexez ensemble comme vne couronne. Il eut le corps grád & apert, qui iusques au ventre en l'eau aparoissoit, & sembloit que ce fust Acis, que le geant auoit tué, fors tant seulement que il auoit la hure bleue, & si estoit de plus grande stature qu'Acis ne sembloit parauant estre. Et c'étoit il certainement que nouuellement étoit mué en l'eau. Acis eut nom auant, & puis encores tient l'eau tel noin.

Du dieu Glaucus qui s'amoura de Scylla la belle.

QVand Galathee eut sa raison finée, de la se partit & se repaira en mer avecques ses compagnes & sœurs, & Scylla qui nager ne sçauoit sen alla ailleurs, on son repaire étoit. Mout souuent se battoit dessus la greue de la mer, & quand lassée étoit se baignoit & reposoit pres la mer en vne riuere. Hélas quelle



étoit en grand repos se demourée fust & eust chastement vécu en cest état . Auint que tãdis qu'elle en ce gours se baignoit . Glaucus qui iadis auoit été pescheur, & nouvellement étoit mué en dieu & heritier de mer, vint fendât les vagues par la marine . Et lors s'arréta Scylla, pour regarder qui étoit celuy qui tãt se hàtoit & de loin la prioit d'aymer. Et quãd elle le vit, moult s'ébahit pour la layde figure qu'il auoit & pour sa couleur & pour sa cheuelure qui plus grande étoit que queue de cheual, laquelle luy couuroit les épaules & la poitrine, & encores fémerueilloit plus de ce qu'il auoit la moitié du corps tel que poisson, ou monstre marin.

Si le regardoit & disoit en requoy : Ha qui

est celuy qui d'amours me semōt? Cestuy fut
bas du mont au pié appuyé, qui bien s'aperceut
& pensa, que celle s'épouuentoit & émerueil-
loit de sa figure, si l'appella & luy dist en telle
maniere: belle fille ne t'ébahis, mōstre ne suis
ne fantasme, dont douter te doiues. Vn Dieu
suis qui te vueil aymer. Pas n'ont en la mer
plus grandz droitz Protheus, Triton ne Pale-
mon qui fut filz d'Athamas que i'ay. Je fuz ia-
dis homme mortel. Si te diray commēt & par
quelle raison ce peut auenir que ie suis deuenu
diuin. I'étois pescheur si repairois en la mer, &
y mettois retz, filetz & hameçons, pour poissōs
prendre & de ce me viuois. Vne tresbelle prai-
rie auoit pres du riuage de la mer, qui si recel-
lee étoit que creature ne le sçauoir. Epesle y é-
toit l'herbe, car onques n'y auoit été couppée
pasturee n'arrachee, n'onques pucelles n'y a-
uoient fait chapeaux, quand premier y allay,
moult y auoit bel ébatement. Les retz y étādis
pour essuyer, & vn iour que ie vins de pescher,
m'assis sus l'herbe, & étādis les poissōs que
i'auois prins pour tous les voir, & sçauoir le
nombre. Et quand mis les euz tous deuāt moy
en la prairie, telle merueille y auint, qu'à pei-
ne le pourroit on croire: car si tost que les pois-
sons sentirent la verdeure de l'herbe, ilz com-
mencerent à paistre, & par la verdeure de l'her-
be, se prindrent à mouuoir & a nager par ter-

re comme filz feussent en mer, dōt moult me
émérueillay . Ilz s'éuanouyrent tous de mes
yeux, & se partirent de moy sans congé pren-
dre, en mer se plongerent . Moult m'ébahys
que ce pouuoit estre, si ce n'estoit Dieu ou her-
be qu'eust telle vertu, & prins à dire en moy-
mesmes. Pourroit il estre que herbe eust telle
vertu ? Et en ce disant en cueilly & mis en ma
bouche . Et si tost que le ius m'atoucha à la
gorge ie senty ma poitrine trembler, & muer
ma nature. Et si prins à courir en mer apres ma
poissonnaille, comme celuy qui plus ne pou-
uoit endurer, ne demourer en terre, si comme
deuant fait auois, si me plongeay en la marine.
Les dieux de la mer qui me furent debonnai-
res me receurēt hōnestemēt en leur cōpagnie.
Thetis en pria Neptunus qui me changeast le
mortel & le corrompable corps, & me fist dieu
Ainsi fus ie fait, on m'arrousa de cent fleues à
vne fois, & si dist on dessus mon chef neuf fois
vn charme purgeāt hōme. Et de diuerses pars
furēt eaus épandues par dessus moy, & toute la
mer versée sur ma teste. Si fus par ceste chose
d'autre corps & d'autre nature que n'auois par
auant été & d'autre volunté, des adonc fus
fait immortel, & euz demy corps pareil que
poisson, & demy tel que tu me vois, a tout ma
grande crigne que ie traîne, laquelle cœure
mes grandes espaules. Mais que me vaut ceste

forme & ceste diuine nature, se tant es fiere
que ma priere ne prise. Et si de moy ne aspitie
qui par amitié te requiers. Ainsi prioit Glau-
cus Scylla de son amour qui luy refusa preste-
ment, si en eut cestuy grand dédain tellement
que peu s'en fallit qu'il n'en yssit hors du sens.
Il s'en alla à Circes la merueilleuse enchante-
resse, prendre conseil comment il pourroit la
fiere amolir, qui son amour luy auoit ainsi re-
fusé & éconduit.

*Fin du trezieme liure du grand Olympe,
des histoires Poëtiques.*

VV iiii



CY COMMENCE LE
 QUATORZIEME LIVRE,
*du grand Olympe, des histoires
 Poëtiques.*



IA auoit Glaucus passé Ethna la haute mōta
 gne embrasée du feu d'ēfer, mise sur la ioue
 au geant, ou bœuf ne pouuoit arer, enceinte de
 la creuse mer Euboique, ou maintes nefz ont
 été perillees entre Ausone & Cecile, tant s'é-
 uertua qu'il passa la mer Tyrrhene & n'arresta
 sinon au palais Circe la deesse qu'il salua, &
 celle luy rēdit son salut, puis luy dist Glaucus:
 Dame sage & vaillante, qui des herbes sçauiez
 toutes les vertuz. Je vous prie q̄ de moy ayez

pitie. Si m'alegez la grand rage d'amour, qui me surprend, Autre que vous deesse ne me peut ayder: Mais bien sçay que trop grande vertu ont les herbes, car par elles ay esté mué. Et sil uous plaist à ouyr la cause de ma doléance ie la vous diray. Au riuage de Boecie cōtre les murs de Messinevy baigner la belle Scilla, qui trop me fut plaisante. Si la requis d'amour, mais tant fut fiere & orgueilleuse qu'elle me refusa, dequoy ie suis moult dolét, si te prie que tu me dōnes conseil, & s'en charme à aucune force, charme la tant qu'elle se cōsente à mon amour, ou que tu l'enforces par herbes, à faire mon vouloir & plaisir, pas ne desire ma lāgueur estre sanee, car guerison n'en veul auoir, mais qu'elle face ma volūté. Et Circe qui plus étoit à aymer encline que femme du monde, & qui auoit le cœur amoureux, ne sçay si de ses meurs, ou de sa nature luy venoit, ou si c'estoit pour Venus, qui pour son pere le hayoit & qui à celle chose le attrahit: dist à Glaucus: Si mon conseil crois, dit Circe, tu mettras celle garce en nonchalloit, qui ainsi te dépite, & aymeras vne autre amie q' t'ayme, & certes tu n'es pas tel, que ton amour face refuser, car onques ne fut celle sage qui t'a refusé, car mieux te deust prier, & saches que ce tu me otroyes tō amour, ie t'aymerois sans ce que me en priaſſe, ainçois te prierois. Pas ne te depite

pour ta forme, car tu es bel, plaisant & amiable. Je qui deesse suis, & dame de grand puissance, fille du dieu Phœbus & qui sçay de médecine les herbes, & charmes tant qu'autre en peut sçauoir, t'otroye mon amour si receuoit la veux. Prens ce present, ayme moy qui t'ayme, & déprise celle qui te déprise. Si en serons deux en vne amour.

A I N S I tempestoit Circes Glaucus, qui luy respondit plainement, qu'il n'aymeroit elle ne autre tât que Scylla fust viue. Et que plus tost courroiet riuieres contremont, qu'il se departist de l'amour de Scylla. De ce refus eut la deesse hôte & dépit, mais le Dieu ne pouuoit greuer, ou comme bié auisee ne luy voulut monrer sô ire, mais côme ialouse secourrouça vers celle, qui plus fut aymee qu'elle. Si amassa des pierres, des herbes, de la terre, & en fist i⁹, si les charma, puis affubla vne cappe bleue, & yffit sans delay de sa salle, qui plaine étoit de diuerses bestes, & tant exploita que Zangle passa. Puis alla à Regiū sur mer, à pié sec comme sur terre & sans trace faire. En vne place pres de la mer, auoit vn petit gort enceint, auquel se baignoit acoutumément Scylla, quand elle auoit chaud, & souuēt. La vint Circe, qui bié sçauoit le recept, si l'empoisonna d'vn mauuais ius, & dist charmes & enchantemens à ce seruans. Et spécialement en dist vn à bas murmure trois

fois, neuf fois, dōt obscure fut la sentēce, & atoucha l'eau en fātasinée, puis s'en partit. Scylla qui de ses enchanemens rien ne sçauoit, vint tantoist au gort ou elle se déuetit, pour elle baigner & deduire. Si se mist en l'eau iusques au ventre, & incontinent y vindrēt monstres canins abayans qui l'engloutirent & pour prendre par la force du venin. Paoureuse & entreprinse fut Scylla, quand celle merueille sentit, moult s'ébahissoit. Elle ne sçauoit dōt ces monstres venoient, & ne cuidoit pas qu'à elle se tinssent, pour peur deuz elle se mist à la fuite, mais quelque part qu'elle alloit avecq' elle les auoit. Piez, iambes & cuisses, auoit pleine de chiens enragez & iointz au ventre. A plorer en print Glaucus son amy, quand ainsi la vit atournée, & tint Circe pour ennemye qui si cruellement auoit prins d'elle telle vengeance. Et onques depuis n'ayma Glaucus Circe.

D'Eneas & ses compagnons qui arriuerent en Carthage, ou la royne Dido les receut hōrablement, & puis s'occist pour l'amour d'Eneas.

SCylla demoura en celle mer, si haïssoit moult Circe pour sa cruauté, elle eust versée les nefz d'Eneas en la mer, s'elle en eut eula puisſāce, mais elle étoit muée en roches, q̄ les sages mariniers fuiēt. Tāt s'efforcerēt en nageāt les mariniers de la nef d'Eneas, qu'ilz passerent les deux perilz, sans mal receuoir, & vindrent

en vn lieu , pres des terrains d'Aufone , quand vn vent tempestueux vint , qui les contraignit & mena en Lybie. Ioyeuse en fut & bien les receut Dido la Royne de Cartage, & en son cœur tellemēt ayma Eneas : car bien à mary le cuidoit auoir , que son corps , sa terre , & son auoir elle luy habandonna. Auoir pouoit Eneas riche couronne, & tenir grand terre sans émou uoir guerre, s'il daignast illec demeurer, la royne l'eust eu en mariage, mais ce n'étoit pas son propos. Non pourtant print il illec grand repos, tant qu'il eut ses nefz refaites , & refrechit ses gens de grands traux qu'ilz auoient eu, & puis sans le sceu de la Royne à tout ses gens & son conroy se partit, & s'en alla nageant. Il laissoit ce qu'il auoit, & alloit querre en étrange terre ce que pas n'auoit. Aise & delitz laissoit, pour entrer es mortelz perilz de la mer. Dido pour le dépit qu'auoit du depart d'Encas, delibera de mourir, & fist faire vn feu en sō palais. Anne sa sœur étoit bien dolente de la détresse de Dido sa sœur, & volontiers l'eust reconfortée s'elle eust peu , mais confort rien ne luy valloit, car Anne si pres ne la sceut garder , qu'elle ne s'occist de l'épée d'Eneas , & se ieta au feu. Tout fut son corps ars. Ainsi print à la Royne de Cartage, Dido de son amour.

*Dont les singes vindrent & furent premiere-
ment faitz.*

E Neas s'enfuyoit à grands exploitz avec gens nageans par la haute mer. Par Acestes tindrent leur voye, la fist Eneas comme loyal filz, obseques & sacrifice pour son pere Anchises qui la étoit enseuely, & si secourut les nefz que Yris la chambriere & messagere de Iuno vouloit par le commandement de sa mere embraser. Puis passerent le regne Hypotades, & les terres sulphurines. Acheoly delaisant, & les roches des Seraines, puis Inarime, & les terres de Pithecuse, ou conuerse maint singe & habite. Car Iupiter qui cure n'a de fraude haïssoit les déloyaux Cicropiens, pour ce que tous tédoyent à trahison, si fit de ses gens laides bestes, & abregea leurs corps, si leur fit palle visage, & nez camus, & si les couurit de gris poil, fors seulement le cul, qu'ilz ont tousiours decouvert. Et si leur tollit parolle, tellement que mal dire ne peuuet, ne se moquer d'autrui comme ilz souloient. Quand ilz cuidet & veulent parler ilz barbettent en voix enrouée, & encores font aux gens la moue. Ces bestes sont en partie semblas aux gens, en Pithecuse les mist le dieu Iupiter, celle ile passa Eneas & Parthenope, vers dextre & à fenestre le tombel Misenus, & les lieux pleins de paluz, & alla arriuer à Cumes, ou il trouua la sage Sibille, qui étoit mucée en vne roche. Celle en son téps prophetisa moult de choses notables car moult sçauoit de cho-

ses diuines. A celle pria Eneas que par son plaisir le menast en Enfer, & ramenaist vif & sain, pour voir l'ame de son pere Anchises, luy disant qu'il croyoit certainement que ceste chose pouuoit bien faire par sa prudence, sil luy plaisoit.

De la Sibille Cumée qui conduisoit Eneas en enfer, & des parolles qu'il eut avec son pere Anchises.

LA Sibille auoit ouie la requeste d'Eneas. Vn petit pensa le chef enclin, puis en telle maniere luy respondit, & dist: O Eneas de qui la prouesse & bonté est éprouuée: grâde requeste m'as faite, non pourtant ie la t'otroye, si te conduiray celle voye qui trop est hantée. L'entrée qui trop est commune est assez pres d'icy, mais peu de gens trouuent le retour, si bon ducteur ne les rameine, nonobstant à sauement t'y meneray & rameneray, si te montreray l'ame de ton pere Anchises. Il n'est entreprinse difficile à vertu. Adonc le mena Sibille en la forest Proserpine dame d'enfer. Vn arbre d'or y auoit, duquel Sibille fist à Eneas cueillir vne branche, puis se mirent ensemble au chemin, tant qu'en enfer vindrent, ou ilz entrerent en la porte. Si vit Eneas épouventable contrée, ou les douloureux pecheurs étoient tourmentez. La veoit Eneas ses predecesseurs, le Roy Priam & son lignage, & Anchises son pere, qui moult bien le reconneut: lequel luy mon-

ita la difficulté de ces prochaines fortunes & auentures. Quand Eneas eut aprins ce qu'il demandoit de son pere Anchises, il print congé de luy, & se mit au retour avec la Sibille sa conducteresse, & tandis qu'ilz reuenoiét & tenoiét le chemin d'enfer. Eneas arraisonna la Sibille, & luy dist: Dame sainte & bonne personne, à tousiours seray ton seruiteur. Bien doy par raison hōnorer & faire temples, autelz & sacrifices en l'hōneur de toy, & te tenir pour déesse si tost que sur terre reuiendray: car au corps m'as sauué la vie, & fait grande courtoisie, par ton ayde ie suis d'enfer yssu.

LA Sibille en soupirant regarda Eneas & si luy dist: Amy pas ne dois dire que suis déesse: car pas ne suis digne d'auoir autelz ne temples, mortelle femme suis, ayant telle destinée, que mille ans me conuient viure, & non plus. Et si i'eusse voulu aymer le dieu Phœbus, il m'eust otroyé ieunesse perpetuelle. Grande cure mist à m'attirer à son amour, & me promist tout ce que de luy voudrois auoir, mais onques ne vouluz auoir richesses. Vers l'arene de la mer m'abaissay, si en prins pleine poignée, & luy requis qu'autant d'ans véquisse, comme i'auois de grains de sable en la main. Si i'eusse requis à viure tousiours en ieunesse, il le m'eust donné & otroyé, mais ie ne fuz pas tant sage, i'eusse eu ma demâde, & trop plus eusse peu amender.

si son vouloir eusse fait: car pardurable ieunesse eusse eu, mais ie ne le vouluz faire. En la poudre que i'empoignay auoit mille grains d'arene, petit pensoye au grand encombrier que dir dieu m'étoit à auenir. Mourir ne puis deuant mille ans, si ay moult ma ieunesse garée. Ia y a sept cens ans que ie nâquis, & encores en ay trois cens à viure. Vn tems sera que vielle, seche & ridée seray, assez suis bié faite de corps, mais adonc seray- ie si retraite, & si laide, qu'il ne sera homme qui doie cuidoer quonques Phœbus m'aymast. Lors ne me connoitra on fors qu'a la voix, tant seray muée. En ces choses racontant vindrent d'enfer en la contrée de Boecie, & la sacrifia Eneas aux dieux, qui l'auoient guaranty des perilz ou il auoit esté, puis se partit de la Sibille Caiete, & se remist en son voyage: mais auant enterra il sa nourrice, sur le riuage, appellé du nom de sa nourrice, & la fist les obseques.

Des diuises qui furent entre Machareus & Achimenes, qui étoient échappez des gens d'Ulixes.

T Andis qu'Eneas s'arrétoit pour enterrer sa nourrice, vint Machareus l'un des cōpagnons d'Ulixes au riuage. Maintes peines & maintz perilz auoient souffert avec luy ça & là par mer, ainsi que le vent les auoit demenez, mais par fortune en delaisant Ulixes étoit la venu arriuer, si trouua la Achimenes qui iadis
auoir



auoit esté de la compagnée d'Vlixes. Quand Machareus le vit, moult eut grand ioye, & fut émerueillé, si luy enquist qui la l'auoit mis, cōment il auoit esté gardé de mort, & comment les gens Troyennes le pouuoient souffrir, n'en qu'elle terre ilz tendoiēt. Achimenides qui n'auoit autre robe que de son poil, dist à Machareus: Dieu m'enuoye si grand meschance que reuenir puisse es mains de Poliphemus, si plus ne suis tenu à mon amy Enée, & si plus ne le plains que mon propre corps: car il m'a fait plus de bien & de courtoisie, qu'hōme du monde: iamais ne pourrois oublier ses biensfaitz. Il m'est plus priué qu'onques ne fut Vlixes, rien du sien ne me refuse que ie vueille auoir, fa nef,

Olympe

XX

ses dards, & ses viandes m'abandonne, & tout tant qu'il me faut, aussi bien comme aux siens. Onques ne m'ayma Vlixes autant comme il fait, par luy suis maintenant en vie, & guaranty de mort, car s'il ne fust, Poliphemus m'eust deuoré, & fust mort en la montagne ou long tems fus, puis que d'auec moy partistes, & me laissastes en é moy.

Q V A N D Vlixes eut emblé l'œil au geant & en son dormât aueuglé, ie vis de loïn du riuage, & vous sans moy estre en la nef, bien cuiday de dueil enrager, & n'osay de crainte crier: afin que le geant ne m'ouïst & sceust ou i'estois: car tost m'eust occis. Vlixes pour hater cria ses compagnons, mais le geant l'ouïst, & peu s'en faillit que tous ne vous fist perir: car deux grandes roches vous rua. Moult doutois qu'en ietant la roche ne vous occist, ou que les flots ne fist suronder & effonser votre nauire. Auis m'étoit qu'encores étoit en la nef pis que tant doutois. Quand échapez luy futes, & equippez loïn du riuage, plein d'ire & de douleur alloit le geant bruïant par Ethna, la ou sa rage labouroit, comme celuy qui aueuglé étoit, tatant à ses mains la voye, & luy souuent chopant & maudissant les Gregeois, moult menaçoit & iuroit que si par aucune auenture trouuoit Vlixes ne les siens en son danger, bien s'en vengeroit: car les cœurs des ventres leur

trairoit, & tous vifz les demébreroit, si en paistroit sa gloute panee, & en beutoit le sang. Telles parolles ou semblables disoit le cruel mōstre, dont i'allois tressaillant de grāde peur & horreur que i'auois, qui son horrible visage taint & ensanglanté veoiois, par la barbe luy decouroit le sang des gēs mortz qu'il auoit occis, deuorez & māgez. Si regarday ses sanglantes mains, dōt mainte occisiō auoit faite, & la cicatrice de l'églin, dōt Vlixes luy auoit tiré son œil. Lors m'étoit auis que ma mort m'estoit presente, & biē cuiday qu'il me deust prédre & deuorer, & qu'échaper ne le peusse: car plusieurs en auoit deuorez. Et si me souuint du temps douloureux que le fier monstre auoit deuoré mes cōpagnōs. Veu auois trois fois ou quatre eux mettre à perditio, & comme Lion forcené manger leur chair & boire leur sang, & succer leur mouelle. Quand toutes ces choses auois auisé couleur & sang perdois: car tousiours cuidoie par luy estre détruit. En celle angoisse & en celle tristesse fuz longuemēt, & quād aucun resonnement oyois d'oyseau, de beste, de vent, ou d'autre chose, tellement m'effrayois comme celuy qui tousiours cuidoit mourir, & à la verité dire, bien eusse voulu estre mort pour estre hors de telle martyre. Quand rage de famine me venoit, par terre me trainois pour querir ma dolente vie, ie māgeois du gland, herbes

& racines : car autre viande ne trouuois , la si longuement fuz sans confort n'esperance d'hō me qui fust en vie, tant que ie vy loin du desert ceste nef pleine de gent Troyenne nageant en la mer. Si leur fiz signe en nageant qu'ilz me recueillassent avec eux, & allay courant vers le riuage, ou Eneas me receut, si suis encorés de sa compagnée. Or sçais bel amy mes auentures si te prie que tu me raconte les tiennes , & comment puis que de moy partis vous estes contrenuz, toy, Vlixes & ses compagnons, qui par la mer vous ensuites.

Des merueilleuses auentures que Machareus raconta à son compagnon Achimenides, qui luy étoient auenues en la mer. Et comment Vlixes enclouit les vents en vne peau de bœuf.

MAchareus luy dist: En la mer de Toscanie regne Eolus le maitre des vents, filz d'Hipotas: Quand nous fumes la venuz, Vlixes par sa grande sapience enferma les vens en vn cuir de bœuf bien cousu, qui long tems n'auoiēt guerroyé & greué, afin que plus ne nous peussent détourner. Si passames ainsi la tourmente des vents, qui grand empeschemēt nous auoient donné, & nageames, seuremēt par l'espace de neuf iours accomplis, & ia étions prestz d'arriver en la terre que nous demandions, laquelle nous vimes de bien près. Mais au dixieme jour apres aucuns de notre compagnée

par conuoitise d'enrichir, voulurent sçauoir quelle chose auoit Vlixes si bien enclose dedàs le cuir de bœuf, cuidant qu'il y eust mis de l'or. Lors par conuoitise qui à mal faire l'attira ouurirent le cuir. Et quand les vents se sentirent deffermez, ilz yssirent & soufflerent de tel raddon, qu'ilz firent retraire la nef aux perilz, dõt elle pardeuant étoit échappée, & la remirent & nous aussi dedans les cruelz destrois Eolus.

Puis vinmes à Lestrigone vne grosse & ancienne cité de celle region, ou étoit seigneur Antiphates. La fuz enuoyé moy & deux de mes compagnons, pour sçauoir si nous pourrions estre sauement sans encôbrier, & quand nous trois vinmes deuant le felon tirant, nous luy contames notre message. Mais petit s'en falut que tous n'y fussions mortz. Moy & vn autre par legerement courir nous mines à sauueré. Et le tiers fut prins & deuoré, si le mangea Antiphates & s'en repeut, puis assembla sa mauuaise mesgnie, & vindrent courant deuers noz nefz, si noyerent plusieurs & plongerent nos gens à ieter de grands boys & de grâdes roches. Toutes noz nefz & noz gës furent plongez, & n'en échapa fois la nef, ou Vlixes étoit avec peu de gens. Moult étions dolens de noz compagnõs que le tyran auoit fait mourir. Ainsi à grande peine échapames par mer nageans de celle terre, loin d'icy vous pourrez l'ile voir. Et si tu

m'en crois, dist celuy, tu te garderas d'y aller, si ne l'aproche pas de pres, & prendras encores autre voye.

Des compagnons d'Ulixes qui deuindrent porcs par l'enchantement de la deesse Circes, & comment Ulixes par sa prudence les deffist de l'enchantement.



E Neas dist à Machareus: Bel amy, puis q̄ la guerre de Troye est finée, pas n'es notre ennemy. Si te dy pour bien que te gardes d'arriuer à Lestrigon, & au port Circe l'enchâteresse mauuaise, à peu que tous n'en fumes periz, quand nôtre nef y fut arriuee & ancree. Ulixes requist sçauoir mon lesquels iroient de par luy à Circe, la dame de la terre, dire qu'elle nous laust en paix passer par sa terre. Alors nous

fouuint il de deux meſſages, ou tant nous auïōs
receu de mal. Premièrement deuers Polyphē-
mus le geant, & ſecondemēt deuers Antiphates
leſtrigon. Si n'y eut nul qui ſotrayaſt à ce meſ-
ſage faire, pour peur de pis auoir, combien
qu'Vlixes en priaſt. Si nous conuint par accord
ietter le ſort, qui ſans contredit ce meſſage fe-
roit. Si conuint par force que i'y allaſſe, & me-
naſſe avec moy dix & ſept cōpagnons. Lors no^r
mimes tous dix & ſept enſemble, pour aller ou
Vlixes nous enuoyoit. Quād la ville approcha
mes, vne trefgrande infinité de loups, d'ours &
de lyons vimes venir deuers la cité cōtre nous,
dont nous nous doutames, cuidant qu'ilz viſſe-
ſent pour nous mal faire. Mais courage n'en a-
uoient, ains nous accompagnerent iuſques à
ce que damoyſelles & chambrières vindrent,
qui nous receurent & menerent à la reſplendiſ-
ſante ſalle, belle, de fin marbre couuerte. Deuāt
la dame fumes conduitz, qui en vn bel habit
ſur vne chaire bien aornee étoit aſſiſe, & étoit
toute ſa robe à or brodee. Avec elle étoient
nymphes Nereides, qui ne ſeruoient fors d'é-
lire herbes & fleurs diuerſes, & de mettre cha-
cune à part en diuers panniens qu'elles auoient
par le commandement de leur dame, qui
d'autre œuure n'auoit que faire, & qui ſça-
uoit & connoiſſoit la vertu d'icelles herbes
& fleurs, & quelle force chacune auoit par

elle, ou mixtionnee avec autres ou plusieurs. Si en faisoit à poix, & par portions diuerses mixtions. Circe la déloyalle saluames, & luy fèmes notre message. Et elle moult liément & ioyeusement nous rendit notre salut, & fist incontinent frire vne mixtion de grains d'orge, de miel, de vin, & de laiët. En ce doux breuage fut mēlée si force poison de ius d'herbes & de fleurs, qu'iceluy qui en beuuoit deuenoit truye, ou porceau. Pas ne cuidions que telle meschance nous auint, quand elle nous pria de boire, & nous rendit le breuage. Nous le reçumes car pas ne sçauions que mesauenir nous en deust. Et tantost qu'elle vit le breuage à noz bouches, elle nous toucha aux cheueux d'une verge incontinent, ia pour honte ne le quiers denier, ie deuins porceau, & aussi firent pareillement les compagnons qui avec moy étoient, par la force de la poison que donnée nous auoit la deesse, ainsi fumes tous muez, fors Eurilochus le sage, qui onques du breuage ne voulut gouter. Cestuy s'en fuit grand alleure dire à Vlixes, comment il auoit veu honteusement ses compagnons demener. Et bien sçachez que si celuy eust goûté du breuage, il eust esté pareillement mué en porc comme nous, & ainsi ne fust ia venu Vlixes pour nous deliurer & recourre.

M A I S le dieu d'eloquence Mercure luy dô-

na vne blanche fleur que lon appelle moly, tenant à noire racine, qui moult valoit à celuy qui la portoit. A tout celle fleur entra Vlixes en la porte de l'enchanteresse: & quand elle le vit, qui les autres auoit enchanté, legerement cuida faire de luy comme elle auoit fait aux autres. Si luy presenta le breuuege ou il y auoit du ius de Lathos, & le voulut feïr vers le chef. Mais Vlixes refusa le breuuege, & si bouta l'enchanteresse en sus de luy. Et si la menaça l'épée traite pour ses gens, desquelz elle l'auoit depouillé. Et quand celle le vit, de mort eut grand peur: si luy requist mercy, par telle conuenance que ses compagnons luy rendroit. Celle luy iura & assoura, & si se donna à luy étierement par mariage. Vlixes demanda tantost sa promesse & que ses gens luy fussent renduz. Adonques sans delay fumes mandez pour auoir guarison. Si nous arrosa on d'une autre meilleure poison, & plus saine. On nous frapoit en la teste d'une mesme verge à l'enuers, & lisoit on dessus la controuersie du charme, qu'on nous auoit dit à muer. Et comme Circe nous décharmoit, ainsi reuîmes à nostre droite forme humaine. Vlixes pour nostre amour ploroit de pitié, & nous aussi quand en nostre premiere forme fumes retournez, & à peine nous en peumes saouler de l'humblement remercier du bien, & de l'honneur qu'il nous auoit fait. Vn

an entier seiournames la sans departir, si ce ne fust pour nous aller ebatre. Leans auoit quatre chambrières, qui moult de choses me conterent & montrèrent. L'une spécialement me reuela en secret maintes merueilles, que Circe sa dame auoit faite.

ELLE me montra secrettement au temple vne belle image d'or, entaillée de marbre blanc, qui sur son chef portoit vn pin verd, & si étoit toute pourprise de couronnes de maintes guises. Je luy demanday qui étoit celuy roy, & pour quelles causes il étoit en la sainte maison aoree, qui mis l'y eut, & que ces oiseaux signifioient, qu'en telle maniere portoit. Ce que tu demandes, dist la chambrière orras, si pourras sçauoir le grand pouuoir de ma dame, si à mon conte veux ouir & entendre. Fut iadis d'Ausone Picus de la lignee de Saturne, & fut moult puissant & cheualereux, si pouuez veoir par cest image sa beauté, car telle fut sa figure. Bel fut, & assez plus hardy, & si étoit ieune. Onques ne vy en la guerre Troyenne Gréc de son âge tant éprouué de vasselage. Maintes nymphes le conuoiterent, mais toutes les mist arriere pour vne ou il auoit mis son cœur, nee du mont Palatin, belle, gente, & renommee, fille de Venillie & de Ianus, & celle aussi ne voulut mettre son courage par amour, n'en mariage, fors en Picus. En elle eut son eu-

tente. L'un eut son cœur mis en l'autre, si furent coniointz par mariage. Celle chantoit si bien, que pour son beau chanter l'apeloient ceux qui la connoissoient, Canens. Tant bien chantoit, que les boys & les roches souloit émouvoir, & les courages des cruelles bestes apriuoiser, retenir & amuser les oyseaux qui voller souloient par l'air, & les riuieres de courir. Tandis que la belle tendoit à attraire par son chât bestes & oyseaux, alla Picus chasser aux sangliers en la forest de Laurence.

*De la deesse Circes qui mua le roy Pic⁹ en vn oiseau
et de la force et vertu de ses charmes et enchantemēs.*



Lors que Picus alla en la forest de Laurence chasser aux sangliers, il étoit vêtu d'un

manteau à pourpre orfroyé, & seoit sur vn cheual fort & aigre, & si tenoit deux dards. Circes qui souuent y alloit cueillir herbes & fleurs pour faire charmes, étoit là venue à celle heure. Si vit d'un lieu ou elle étoit mucee. Picus roy de Laurence. Et quand si bel le vit, tant la surprint amours, que maniere ne scauoit tenir. Et comme ébahie & trespensive, perdit les fleurs que cueillies auoit, & puis quand elle se fut pourpensée, son plaisir cuida dire au roy, mais loisir n'en eut: car la mesgnie du roy la détourberent, & le cheual qui trop fort l'emporta. Adonc dist la dame: Et si plustost courois que vent, si te tiendray-ie mat, & prins en mes lacz, se sens & esprit ne me faillent, & medecines d'herbes ayent valeur. Et si ne pense pas que ces choses me defaillent: car bien scay que medecines d'herbes valent. Adonc fist Circe par son enchantement deuenir & aparoir deuant le roy vn sanglier courant, qui sans arrest se boura au plus fort de la forest, en lieu ou on ne pouuoit cheuaucher. Picus descendit du cheual, & se mist à suyuir le faux vmbre du porc qu'il cuidoit auoir veu, & se bouta apres en l'epesse forest, brandissant son épieu. Et lors fist Circe inuocations, coniurations & charmes, comme celle laquelle trop bien en scauoit vser. Entre les autres elle en fist vn, dont souuent elle auoit tollu au soleil sa clarté, & la lune obscurcir. Si

fist l'air obscurcir, tellement qu'il sembloit que tout le monde fust en tenebres. La compagnee du roy qui rien ne vit, perdit la trace de son seigneur, & ne sceut quelle part il étoit allé, si prendrent les compagnons à errer & se foruoyer, l'un ça, & l'autre là.

QUAND Circe vit le roy seul en l'epesse forest, & vit que tems & loisir auoit de luy dire sa volonté, si l'arraisonna en telle maniere: Damoyseau agreable le plus delectable & le plus plaisant qui soit au monde, par tes beaux yeux qui les miens ont prins, & par ton beau visage qui mis m'a au cœur la rage, qui tellement m'entraint, qu'il conuient que d'amours te requiere. Si te prie que de moy ayes pitié, & me prens à femme. Je suis haute dame, & puissante royne, fille au dieu du soleil. Ne deprise ma priere, si premier te prie, Picus luy respondit: Ia à Dieu ne plaise que face vers m'amyte telle deloyauté, si tu es sage, puissante, & de haut parage, de ce ne me chaut, j'ay mis mon entente à autre assez bien aprise, laquelle pour toy changer ne vueil, ne pour autre enfraindre mon mariage, tant que dieu la tienne viue. Plusieurs fois l'arraisonna Circe: mais pour chose qu'elle dist, ne peut de son amour finier. Et quand elle vit que Picus tousiours la deprisoit, d'ire & de rage esprise, luy dit: Mal m'as tu mis en refus: car ce dépit vengeray aprement sur toy, & si te

montreray que femme puissante peut faire qui d'amour est refusée, tellement que iamais ne tiendras celle que tant aymes & desires. Lors se tourna Circe vers Orient deux fois, & deux fois vers Occident, & toucha Picus trois fois d'un baton, & dist trois charmes. Adonques fut cestuy mué en oyseau. Si s'en volla, dont moult s'émerueilla: & de dueil qu'il en eut, comme iré se print à fraper de son dur bec, & percer les arbres. Sa plume fut de telle couleur que souloit estre sa robe. La teste auoit pardessus dorée, & briuelement à dire, rien que premiere-ment eust eu ne luy demeura: fors le nom qu'il auoit eu.

TANDIS que Circe mua le roy Picus en forme d'oyseau, le queroient ses seruiteurs par tout, & l'appeloient: mais onques ne le peurent trouuer, & si trouuerent en la fin Circe seule en la fondriere ou faite auoit la mauuaise œu-ure: car faillie étoit l'obscurité que faite auoit par vent & par soleil retraire. Quand ceux qui leur seigneur auoient perdu la trouuerent, bien penserent que par son enchantement les auoit depouillez de leur seigneur, disant que s'elle ne leur rendoit, grand deshonneur luy feroiét. Et celle qui se douta, print à faire charmes & sorceries, & les attouchoit du ius d'herbe qui trop leur nuisoit, & pria les dieux de la nuit, Erebus, Chaos, & Hecates. Lors par ses inuo-

cations la terre trembla: si se print à croistre vn grand bois, & à plouuoir espessément sang. Et les pierres s'ouuurent, & donnerent grans mugillemens, & si aparurent de tous cotez chiens enragez, & de noire serpentine, & de vermine venimeuse fut couuerte la terre d'environ, & si voloient (ce sembloit) en l'air les ames & espritz des mortz. Quand ce virent les compagnons, si fort s'effrayerent qu'ilz ne sçauoient que faire, & Circe les enuenima, & toucha de sa verge pleine de venin. Si leur tollit leurs formes humaines, & les mua en diuerses bestes venimeuses & sauuages.

LE soleil étoit ià absconsé quand Canens enuoya ses seruiteurs querre le Roy, duquel la reuenue moult desiroit: qui trop, celuy sembloit, tâdoit à reuenir dont elle étoit triste. Non pourtant encores esperoit sa reuenue. Ses messagers le queroient par la forest & lieux desuoyables: portans les brandons allumez, & Canens ploroit & dechiroit ses cheveux. Pas ne s'abstint la Nymphé à tant, ains chemina & courut comme folle par vallées, par chemins, & par terre, là ou fortune & auenture la menoient. Six iours entiers ne fina de chercher sans seiourner, qu'onques n'eut que boire ne que manger. En la fin, trauaillée de cheminer, s'enclina sur la riué du Tymbre, plorant & gemissant la perte de son amy, à basse voix

meurtrie de douleur, comme vn Cigne mourant qui chante deuant sa mort, tant demena celle damoyse son dueil, que tout en perdit sang & couleur, petit à petit à legier vent, & ainsi ne sceut on qu'elle deuint, mais la renommee dura. Les païsans de la contree donnerent à ce lieu le nom de la nymphe, si que depuis l'appellerent Canens.

D'Eneas qui fut receu du roy Latin, & des batailles qu'il eut contre Turnus pour l'amour de Lavinie, qui depuis fut sa femme épousée.



TAnt seiourna Eneas en ce riuage, que sa nourrice eut enterree. Puis se partit, & s'en alla par mer nageant luy & ses gens, élongnant à leur pouuoir la court de Circe, qui trop
mal

mal étoit renommée. Si nagerét tant que arriuerét ou le Tymbre décéd en mer. Mais pas ce ne fut sans grandes batailles . Tant fist Eneas qu'il arriua en la cité, qui depuis fut siéne. Grād ioye en fist le roy Latin. Sa fille Lauine luy donna en mariage, laquelle moult étoit franche, belle, honorable & sage. Et toute sa terre a en douaire: mais Turnus vn riche & puissant vassal luy cōtredit, disāt que ia ne souffriroit que autre fors que luy eust s'amyé: Car on luy auoit promise & acordee premieremēt. Parquoy sans arrest enuoya Venulus vers Diomedes, luy prier qu'ayder luy voulust contre Eneas, qui soustraire luy vouloit sa terre & s'amie. Diomedes s'excusa, disant que faire ne pouuoit ce que Turnus luy mandoit, & dist au messager en telle maniere. Amy, aider ne vous puis, car pas ne suis de ceste terre seigneur, ne mener ne doy les gens en autruy querelle sans cōgé, aussi n'ay pas gens propices dont à present ayder vous puisse: & afin que vous sçachez que ce soit verité ie vous raconteray la perte qui m'est auenue puis que Troye fut exillée, iacoit ce que la remembrance face mon dueil renouueller. Depuis que la guerre Troyenne fut finée & route la terre détruite, cuidames estre asseurez sans doutance qu'autre mal depuis ne nous deust auenir, & cuydames que ioyeusement en noz terres deussions repaier: mais trop

Olympe.

nous greua Minerue, qui pour le mal d'Vlixes nous hait, si nous fit trop de dommage: pource qu'il auoit ôté le Palladion du temple de la deesse. Et raut Cassandra la fille de Priamus pour laquelle il encourut l'ire diuine: dont tous en receumes grans dommages: car tous fumes disparez, & longuement vagans par la mer à grand méchef, sans venir à port conuenable. Contraires & rebelles nous furent les vens, & trop nous fist douloir l'air de la mer. Et pour assouuir les griefz que long tems souffrimes, plusieurs de noz compagnons perirent & moururent en mer. Et pource que trop vous tiendrois si tous les grans mechefz, esquelz nous étions, vous racontois par ordre, & les peurs que nous eumes. Brieuement à dire, nous en eumes tant, que si le Roy Priam notre auersaire nous eust veu, il en peust auoir mesmes ploré de pitié: toutefois à quelque peine que ce fust, ie issy des flortz, & décendy à terre par l'ayde de ladite Minerue, qui par sa pitié neme voulut laisser perir es perilleuses vndes. Si cuiday venir à mon pays, mais chassé en fuz, dont moult debuois estre esbahy, quand ma femme & ceux m'en dechassoiēt, qui me debuoiēt auoir auancé & en ioye receu. Venus la sainte deesse remembrant l'ancienne playe que sainte luy auois, m'en paya. Tât euz de hôte, tât souffris de meschef par terre & par mer,

travaux & perilz que plus n'en peut on souffrir sans mort. Peu de compagnons euz qui n'eussēt tous les cœurs failliz, & qui plus peussent souffrir les douleurs qu'ilz auoiēt, si querroiet de leurs angoisses final chef & repos. Entre les autres en y eut vn dédaigneux nommé Agmō, celuy murmuroit des miseres qu'il enduroit disant: Quel mal plus dōmageux pouuons auoir, ia pis ne nous conuient douter. On ne pourroit pis auoir que nous auons. Pis ne peut meriter qui de tous maux à la somme. Iacoit ce que Venus me haye, & qu'elle haye les hommes de Diomedes, si déprise-ie sa hayne & sō courroux, & petit prise son pouuoir, & ne doute sa maleuolēce. Ainsi murmuroit Agmon, & Venus aguillōnoit à pis faire par les afflictions de celuy qui reueillēt faisoit l'ire en dormie. Aucuns de noz compagnons y auoit, ausquelz le fol iargonemēt d'iceluy plaisoit, & plusieurs de nous l'en blamions & l'en repreuions: mais lors auint si cōme il cuyda respōdre, que la parolle luy faillit, & pdit sa droite forme, & fūt muē en oyseau, Lyc⁹, Idas, Nycteus & Abas s'e émerueillāt, se virēt muez en pareille forme. La plus grād' partie de mes cōpagnōs furēt en oyseaux muez, & s'e volerēt par la mer. Ainsi s'excusa Diomedes vers Venulus, & refusoit son ayde qu'il demādoit pour Turnus, de qui il étoit messager, puis se partit Ve-

nulus de là, & s'en retourna deuers Turnus & passa les chams de Messapie, ou il trouua de grandz fossez, & grandz creux à vimbrez de grandes forests dégoutans assiduellemēt. Là se



fouloiet iadis habiter nymphes. Mais maintenant y a Pan son manoir. Appulus vn pasteur plein de derision & de moquerie en chassa les nymphes routes effrayees & esperdues: mais quād elle se rauiserent, plus ne daignerēt pour luy s'ēfuyr, ains depriserent tantost sa menace si l'arreterent & menerent vn virelay. Le villai pasteur ne laissa point les menasser iusques à tāt qu'il fut mué en vn arbre, lequel tiēt encores l'amertume que le villain auoit alors, & à nom Olivier sauage, portant oliues ameres.

Tât erra Venulus, qu'il vint à Turnus qui ia avec les siés se combatroit, & auoit fierement la guerre encômençee cõtre Eneas. Turnus guerroyoit fort avec ses gés contre Eneas, de toutes les deux parties y eut grãd dõmage . Turnus.



bouta le feu es nefz d'Eneas, & les embrasa. Maint peril auoiét passé, mais maintenãt estoient au plus grãd: Car le feu print à ardoir par la proue, tellement que par les mastz alloit la flâme en haut, & allumoit les voilles, & fist fumer les cordes. Arses & peries eussent été toutes les nefz si hãtiuement n'eussét eu secours: mais Cybeles y courut isnellemét qui les secourut, cõme celle q pas ne vouloit que par faute d'ayde perissent. Vne buccine tenoit, dõt elle

cornas, & fist tout l'air retétir: elle vint par l'air en vn chariot que portoiét Lions vollans, & se arréta là ou Turnus boutoit le feu pour ardoir la nauire, & cōme par menace luy dist: O fol & mauuais, que vaut chose que tu faces? cuydes-tu que par faute d'ayde tu puisses détruyre les nefz de mō amy? nenny nō, ie les garderay, & leur étaindray tous les feux. A ces motz print à tōner, & à plouuoir espeffemēt, & les vēs véter ensemble, qui moult troubloient toute la mer. La deesse éleut des vens les plus forts, & les émeut contre les nefz Frigiēnes. Par la force de ses vens rompirent toutes les cordes, à quoy les nefz tenoiét que feu sousprenoit, & les cōduysir éclinees en la mer ou elle les plōgea pour les rescourre du feu. Et elles à ces motz furent muées en corps foeminins, & sont Nereides de mer. Es montagnes naquirent au boys & auoiét été par mer en grande doute. Or y sont maintenant, & ne leur souuient de leur premiere naissance. Mais pas n'ont mis en oubliance les grands perilz qu'en mer étoient soutenuz. Et quād elles voyent nefz perillans elles les approchèr, & piteusēmēt, les adressent exceptées les nefz des Grecz, celles ne veulent elles ayder, car bien leur souuient des Troyens que détruitz ont: Et quand le mechef virent auenir aux Gregeois, moult s'en eiouyrent, i'oycuses furent quand elles virent les nefz d'Ylixet.

despeçer, & moult s'eiouyrent quand la nef
de Neritius virent muer en pierre.

*D'Eneas qui occist Turnus, & de la deification
d'Eneas apres sa mort.*



AVcuns cuyderét, que la guerre deust finer
pour celle merueille : mais Turnus n'a-
uoit talét de refrechir, aïs s'efforçoit tousiours
de guerroyer Eneas plus que deuant. Tant fut
demené le combat, que tous s'efforçoient de
vaincre: plus pour gloire auoir que pour la da-
me ne pour la terre. En la fin fut Turnus hôteu
seméttué, son orgueil matté, & ses gens esper-
duz. Arse la cité de grád renom, & la terre ga-
ree par feu barbarin. Là fut veu vn oyseau vo-
lant, & conneu premieremét qui cruelle voix

auoit. Sa maigreté, sa taile, & sa couleur, & tout ce qu'il auoit, étoit tel qu'il affiert à la cité arse, & au déprisemēt du nom de la cité, fut nommé l'oiseau Ardea. Ioyeuse fut Venus quand d'Eneas son filz ouyt la victoire. Tāt fut éprouuee sa vertu, & cōneue, que tous les dieux qui auoiēt veu ses beaux faitz, furent deueis luy émeuz de grace, Iuno mesmes luy pardonna sa haine. Et quand tout Enee eut fait & par sa prouesse apaisé eut ses ennemys, & qu'il fut en grande hauteſſe, riche d'auoir, & exaucé d'amis & ia fust Iulius Ascanius son filz creu, tāt qu'il n'étoit pas trop ieune pour terre tenir, & que bien fust temps qu'Eneas vint à la fin de tous trauaux, & de tous meschefz, dont moult en auoit été greué, & qu'estre deust au ciel élleu pardurablement en repos. Venus qui curieusement pensoit de son amour & auancement, en pria aux dieux, & mesmement à son pere, & en l'ébrassant elle luy dist: Beau doux pere tousiours auez esté debonnaire, & oncques ne me fustes dur. Or est il besoin sonques m'aymates: que votre grace soit tost demōtree à mō filz. Dont de par moy estes salué dōnez luy deité, & le faites dieu s'il vous plaist. Biē vous peut suffire tāt de peines qu'il a endurees & souffertes, & que veu à vne fois enfer. A la requeste de Venus s'acorderēt tous les dieux sans cōredit, & mesmes Iuno qui hay l'auoir.

Iupiter dist: Bien est digne d'honneur, & queuo lútiens feroit la requeste de sa fille, dōt Venus fut ioyeuse, & moult l'en mercia. D'illec s'en vint vollāt par l'air, en vn chariot que tiroient coulōbs en l'arene ou son filz Eneas étoit, & là s'arreta sur la riuē de Numice, laquelle court en la mer, si luy pria & cōmanda qu'elle nettoyaſt tout ce que son filz auoit de mortel, & le portaſt en mer. Sās arrest fist la requeste de Ven^o. Tout purgea & nettoya tout ce qu'il y auoit en Eneas de corrōpable. Si luy resta seulement la partie immortelle. De diuī oignemēt aromatisa Ven^o sō filz si luy arroſa la bouche, & attoucha d'ābroisie & de pigmēt, si le deifia. La gēt Iuliēne apelerēt ce dieu Indigene, pour ce q̄ lōguemēt auoit cōuerſé entre eux, & que d'eux auoit été par sa puisſāce roy, ilz l'adorent & se ruirent, & luy firent temples & autelz.

*Les amours de Vertumnus, & de la
deesse Pomona.*

AV tems de palatinus eut en Italie vne pucelle rāt belle & rāt auenante, q̄ en toute la terre latine n'auoit plus belle ne plus auenāte, & moult étoit bonne iardiniere, & curieuse d'extirper toutes les mauuaises herbes de son vergier. Toute sō entente étoit d'artificier arbres. Hōte luy sēbloit d'aller en riuieres ou en bois, si n'auoit ſōi de porter arcs ne flèches, riē n'aymoit fors arbres & iardinages. Despōmiers



elle eut nom Pomone. Iamais ne cessoit de plâter, n'aussi d'enter ou ioindre greffes d'arbres ensēble, ou d'arrouser ses ieunes plâtes, c'étoit toute sa cure. Moult étoit la pucelle aymee pour sa beauté, & aussi moult plus pour sō sçavoir mesmemēt des Satyres & du cornu Pā, & de Silenus, & du dieu des iardins, mais Vertūnus le passoit à aymer, toutefois n'étoit pas pl⁹ heureux q̄ eux. En diuerses formes se trāsmaua pour estre agreable à la nymphe, & estre aymé d'elle. En fin prit la figure d'vne venerable vieille, tenāt à la main vñ batō, & s'en entra au iardi de la belle, & à celle dit la vieille: Belle moult es sachāt, onques ne vy pucelle qui tāt eust de beauté & bōré. Je me suis cy venue ymbrayer

en ce Iardin, mais pour dieu ne t'énuye. Certes, dist la pucelle nenny: mais soyez la tresbié venue. Vertūn⁹ ne se pouuoit lors abstenir de baiser la belle, onques mais ne dōna vielle à la pucelle si tresdoux baiser, & à ce baiser s'abandonna cōme celle qui cuidoit que vraye femme la baisast. Volūtiers eust celuy fait le surpl⁹ fil o-
 fast: mais il celloit sa volūtē, attēdāt tēps & lieu cōuenable, & qu'il sceust le courage d'elle. En l'ymbre s'assist Vertumnus sur l'herbe, là vit ses arbres ployāt pour la grand pesanteur du fruit dōt chargez étoiēt, qui leur faix ne pouuoient soutenir. Grādes coulōnes y auoit qui les soutenoient, pour leurs rainceaux garder de rōpre. Et si vit entre les autres arbres vn oliuier & vne vigne. Moulte belle étoit l'oliue, & celuy le regarda moulte qui volūtiers trouua occasiō d'arraisonner la belle, si luy dist: Fille, icy à bel asse-
 blemēt, si la vigne étoit desiointe de l'oliue, elle cherroit à terre: & pourriroit, & l'oliue aussi sās ladite vigne peu vaudroit, or fait l'un valoir l'autre. Ainsi tu deusses auoir la cōpagnée d'au-
 cū par amours, ou par mariage pour faire fruit. Onques Heleine, ne la pucelle de Laphithe, ne Penelope ne furēt de tāt nobles hōmes requises cōme toy. Iāçoit ce que cure n'ayes de leurs prieres, & que tu les desprises. Les plus eleuz de Lōbardie & de Toscare te requierēt: mais si tāt étois sage q̄ marier te vouüsses, & par mō choix

prendre seigneur, ia ne le prendrois de bas lieu ains prendrois vn noble homme, riche, & de grand pris qui t'ayme plus que tu ne pourrois penser. C'est Vertūnus qui est tant beau, biē se-royes ie t'affie mariee, en bō lieu, au mōde n'a plus vaillār, ne plus debonnaire que luy, biē le connois, il est de ceste terre nay si ne t'ayme poīt pour deceuoir cōme les autres amātz font lesquelz amours dois hayr. Cetuy t'ayme, craīt & prise, & est prest de faire tes cōmandemens. Il est biē digne que tu le prengnes, car il sçait moult bien arbres enter, & planter en tems cōuenable, & si n'est rien que tant desire, que tō amour & ta grace. Pour tō amour à cestuy mis tout en oubly, & pour dieu dōne luy ta grace, & si ayes de luy mercy. Saches qu'il t'en prie & requiert, ain si cōme s'il parlast à toy presente-mēt, ce que ie te requiers est pour soy, & ne le tue pas par ton dāgier, car vēgence en retourneroit à toy, & les dieux qui n'ont cure de ce.

Ie te diray vne auenture, qui est auene de mon tems. Ie suis vieille, & si ay moult veu, fais ce que ie te conseille, & si feras que sage.

Les amours d'Iphis, & d'Anaxarete.

EN Cypre auint vne merueille, à laquelle exemple doiz prédre, & pource la te racōteray, Iphis vn iouuenceau de basse parenté auoit sō cœur mis en vne riche dame, & de grād renō, nommée Anaxarete, & tāt l'ayma celuy, q



son amour n'en pouuoit retraite, ne son cœur pour quelque peine qu'il y mist. Il se blamoit fort de ce qu'à grand honneur se prenoit, mais que luy valoit ce? Car en vain contre amour s'efforçoit. Qui est celuy qui contre amour ait force? Quand il vit que contre amours ne pouuoit estriver, pour chose qu'il sceut faire, son cœur decourut à la nourrice de la belle, en luy priant humblement, que nulle nuisance ne luy fist, & si prioit souuēt aux chambrières qu'elles luy fissent aide. Brief à dire, tāt de greuāce & de maux en tira Iphis, que plus ne pourroit homme tirer pour femme. Plusieurs fois fist à scauoir à la belle Anaxarete s'amy, les maux que pour elle enduroit, mais celle qui étoit plus de-

re que diamant, ne s'emouuoit en rien vers luy pour ses maux reconforter, ains l'en blamoit villainement. Or auint qu'Iphis le las amoureux vit, que mercy n'en pourroit auoir, il fut tant angoisseux de douleur, que mieux aimoit à mourir qu'à viure. Si dist à la parfin à celle que tât aimoit, cruelle dame: pour votre amour mourray, dont ioyeuse serez: car grand louange acquiert, qui son amy met à mort. Certes ie prophetise qu'encores sera telle heure, que de celle ioye serez doléte: Et si maudirez l'orgueil par lequel vous m'aurez mis à mort, & direz que votre amy étoit bié digne de votre amour auoir. Pour vous mourray briueuement, mais tât que la vie aye au corps ne partira mon cœur de votre amour. Vie & mort perdray ensemble, & brief orrez nouuelle de ma mort. Et en ce disant attacha vn liecol aux portes de samye & se pendit. L'angoisse de la mort luy fist étendre ses membres, & regiba des piez, tellement que l'huis ouurit. Adonc fut aperceu le corps de la meignie de l'hotel qui le corps dependirent, & l'aportèrent à sa mere, car sans pere auoit long tems été. Qui lors vit la grand douleur que la mere faisoit, pour son enfant, bié luy en pourroit prendre pitié. Quand le corps fut aprété pour enterrer, la procession le vint querir & fut porté par deuant l'hotel de sa fiere dame qui cause étoit de sa mort, & la mere alloit a-

pres la biere, laquelle demenoit grand dueil. Pitié & repentance en eut Anaxarète l'orgueilleuse, qui tant de fois l'auoit refusé. Si vint à la fenestre pour le corps mort de son amy regarder: Mais à peine eut elle la biere auisée quād la veue luy print à troubler, tellemēt que goutte ne pouuoit voir. D'illec se voulut remuer, mais elle étoit ia tant refroidie, qu'elle ne pouuoit. Encore est la fiere dame en Salamine la cité, & fut muée en vn marbre en forme de femme. Pource belle fille ie te conseille, que tu secoure ton loyal ayment, car sage est qui se chatie par autrui.

Q V A N D Vertumnus eut acheuée sa parole qu'il auoit emprinsé, il se découurit & reprint sa droite semblance, si aparut plus bel, quād mise ius eut sa semblāce de vieillesse, ainsi comme le soleil qui souz la nuée à été, est plus bel quand au clair est aparent. Et quand Vertumnus eut sa forme reprinsé, entre ses bras la print & la voulut efforcer: Mais ia besoin n'en étoit, car elle étoit toute preste de faire son plaisir, comme celle qui tant estoit surprinsé de la beauté qu'elle auisa au iouuenceau, qui plus l'aymoit & luy plaisoit quelle mesmes ne fist à luy.

*Comment Romulus fut Roy & edifia premiere-
ment la cité de Rome.*



P Vis que le Roy Palatinus fut mort, Numitor deuoit tenir le Royaume des Latins: Mais son ainé frere Aemulius l'en desherita par guerre. Puis reuint Numitor en son regne par la force de Romulus son neveu, qui le rendit arriere. Et succeda apres luy en grád' paix, en sa vieillesse, & lors ota Mars de son chef le heaume, & si pria en telle maniere à Iupiter. Beau sire Rome est ores en grád' stabilité fondée sur faux fondemens, si gouuerne vn seul prince Rome & Sabine: C'est mon filz. Or te prie que tu me tiéne la promesse que lon tems m'as promis. Ce fut qu'vn tems qui viendrait que vn homme ieterois du monde, lequel es-cieux ie desirois. Si te prie que ma promesse soit

soit ores tenue. Or est maintenant le terme venu que mon filz vueil es cieux par ton gré deifier. Iupiter otroya à Mars sa requeste. L'air couurit d'vne épessle nue, si cheut foudre du ciel & tonnoirre épouventable. Par ce signe sceut Mars sans doute quand veue l'eut, que sa requeste auroit. Si s'apua sur sa hante hardimēt au chariot, dont les timons étoient sanglans, lequel chevaux portoiēt parmy l'air. Si éperonna ces chevaux, & n'arreta iusques à tant qu'il vint sur le mont Palatin chargé d'arbres, ou Romulus son filz étoit & ses hommes entour luy. Ses lois & ses droitz écoutoient & faisoient ses commandemēs. La le print Mars & l'emporta, & en portant affina tāt qu'en luy auoit de mortel. Si print forme diuine & fut de grand autorité.

D'Herfilia femme de Romulus & de sa transformation.

HErfilia étoit fort triste & dolente qui cuidoit auoir perdu sō mary, & son seigneur car riē ne sçauoit de ce que Iupiter l'auoit lors glorifié: Mais Iuno pour la reconforter, luy enuoya sa messagere Iris, qui de son seigneur luy dist certaines enseignes & la verité, laquelle quand descendue fut en son arc coulouré au commandement de Iuno, sa maistresse, luy dist en telle maniere: O royne vaillāte, hōneur de Sabine & de Rome qui seule fut digne d'estre




épouse, & amye au noble roy Romulus: Laisſe
 tō dueil, car tō mary est déſiſé & appellé Qui-
 rinus. Et ſi tu as deſir de le voir, vien avec moy
 au bois rāmu, qui verdoye ſur le mōt de Qui-
 rin, ou ſon ſaint temple eſt. Quand la franche
 dūme vit la meſſāgere, vergōgneuſe fut ſi er-
 ciina ſa face & à peine ſoſa vers elle dreſſer.
 Non pōurtāt luy reſpōdir & diſt: O vaillante
 déeſſe, ſi tu me conduiſois la, ou ie penſſe voir
 face à face mon ſeigneur & mary. Bien me ſem-
 bleroit que Royne des cieux ſerois, & que de
 ioye & bonne auenture paſſerois toutes autres.
 Adonc ſe miſt Herſilia à la voie avec Iris au
 mōt Quirin, la déceudit vne étoile, qui l'em-
 porta au ciel: ſi fut déſiſé & hautement aſſiſe

de coté son mary, en vn noble & riche siege.
Son nom fut renouelé & fut appelée Ora.

*Fin du quatorzieme liure du grand Olympe, des
histoires Poëtiques.*

LE QVINZIEME ET DERNIER LIVRE du grand Olympe, des histoires Poëtiques.

*De Mycilus qui fut accusé à tort, & des noires
pierres muées en blanches.*



TAndis que la terre de Rome fut sans roy,
on quist vn sage homme & loyal, qui bîe

sceust gouuerner la terre apres si vaillant roy. Le preud'hōme, qui fut élu eut nō Numa Pōpilius. Cestuy ne mist pas son entête sans plus à apprendre les droitz & vsages de la terre, mais à plus grande science mist son entente, c'est à sçauoir l'art de nature. Et pour plus diligemment étudier laissa le pays, dōt il étoit nay & nourry, & alla en la cité de Crotone qui siet es fins d'Italie. La l'auoit vn Grec fondée. Si demanda comment & pourquoy faite l'auoit, autrement seant que les autres citez de la contrée. Lors vn sage homme ancien du regne qui de l'ancien vsage sçauoit les coutumes, luy dist : Hercules venoit iadis d'Espagne à tout & riche & grand gain que la conquis auoit. Il print en ce riuage port, & s'y arrēta. En l'herbage laissa son bestial pasturer. Et tandis vint pour le traual qui l'oppressoit en l'hotel de Croton, hōme preux, sage, large, & courtois. Ceux qui son hotel demandoient, étoient courtoisement hotelez & receuz. La se reposa longuement Hercules, car bien y fut receu. Et quand il se partit, il dist à son hote. Vn tems viendra que ceste maison deuiendra cité de grand autorité. Bien auérée est ceste parolle, & vous otrez comment.

EN Arges eut iadis vn vaillant homme, nōmé Mycillus, filz d'Alemon de Grece, duquel le maintien & l'estat pleut moult aux dieux. En eceluy tems n'auoit esté homme de si grande

honnesteté , ne qui la grace des Dieux tant eust , car de loyal cœur les seruoit

Cestuy vit vne fois de vision en vision deuant luy aparoir Hercules le Dieu, portant vne massue : lequel luy dist que hors du regne dont il étoit nay sans arrest s'en allast pour habiter en autre contrée , & que batir luy conuenoit vne cité sur la riuere de Soire en Calabre , ou sa demeure seroit , & si ce ne faisoit que mallement puny en seroit. Quand Micylus s'éueillla , moult émerueillé fut de la vision que en la nuit precedente auoit veue en son dormant. Si ne sceut que dire ne que penser. Car contredire ne vouloit Dieu , ne ses commandés enfreindre, & d'autre part n'osoit il casser la loy ne l'établissement du païs qu'il ne se fust reputé de trahison. Car prins & iugé seroit à mort s'on s'aperceuoit qu'il se voulsist du païs partir. Le iour passa & la nuit vint, si se coucha le preud'homme & s'endormit , & le dieu ainsi comme deuant auoit fait , luy aparut & l'amōnesta de rechef, que sans delay fist ce que commandé luy auoit. Et que maugré luy seroit le plus en queroit alongemēt. Encorés luy dist, que honte & méchef luy viendrait, se sans plus de contredit, n'acheuoit son commandemēt. Lors cestuy qui l'ire diuine douta s'apréta , pour aller sans arrest la ou le Dieu le vouloit enuoier , mais la renommée s'épandit en-

tre ses voisins qui s'en aperceurent . Si dirent qu'il vouloit casser l'establissement du pais , & aller querre maison en autre terre. Si fut accusé de trahison : & arrêté par les iuges, lesquels voulurent enquerre si c'estoit verité qu'il voulsist le paislaisser. Mais son crime étoit tout aperceu, & aussi sans contre luy témoigner , il connu & confessa tout ce qu'il auoit en pensee de faire. Si fut sans arrest , pour ces causes iugé à mort, dont il deuint de peur pâle & décoloré . Ses mains tendit vers le ciel , & y regarda d'humble courage . Si pria aux dieux qu'à ce besoin le secourussent. Et nommément il pria deuotement Hercules , par ce que ce luy auenoit, qu'il luy fust à ce besoin amy, & qu'il l'aydast. En la ville ou on deuoit Nicylus condamner & mettre à mort auoit vn vsage merueilleux , car blancs cailloux, & noirs cailloux y auoit en vn pot par nombre: & quand se venoit qu'on les tyroit dehors, si cestuy étoit à tort condamné pour qui on le faisoit, les noirs cailloux prenoient blanche couleur. Et par contraire les blancs prenoient couleur noire, & par ce sçauoit on s'il auoit forfait , duquel on l'accusoit auoit coulpe ou nō, & s'il étoit coupable si estoit il puny de crime apparant: & les blancs cailloux étoient garans à ce nom coupable. Par la coutume Micylus fut éprouué & non trouué coupable par les noirs cailloux que Hercules

qui les touchoit, selon sa volonté faisoit blanchir, & ainsi fut de la mort quitte & deliuré. Cestuy regracia le dieu, & sapréta ioyeusement d'acheuer sans delay tout ce qu'il luy auoit commandé. Micylus mist tout son harnois en vne nef, & dedans entra à tout sa compagnee. Puis sen alla par la mer exploitant & nageant. Si passa Lacedemone, Tarente, Cibernie, Salarne, Turine, & les champagnes d'Iaspigis, & plusieurs autres places & lieux. Tant passa villes, portz, citez, & autres iles, qu'il trouua le chef du fleuve d'Hestré, ou il deuoit edifier ville & manoir, & illec la fonda sur la fosse de Croton le preud'homme. Duquel nom on nomme la ville Crotonè, & ainsi fut faite Crotone la noble cité en la fin d'Italie.

De Pythagoras le philosophe nay en Same, & d'aucuns de ces enseignemens.

EN Crotone eut iadis vn clerc grand philosophe, noble & sage, nay d'vne ile nommée Same, qui fut nommé Pythagoras bon astronomen & en son tems n'y fut trouué son pareil. De Same étoit party pour la malueillance du seigneur & de sa gent, pour viure en franchise hors de sa male suiectiō. Si vint en Crotone en exil, il étoit preud'homme & sainte personne, il scauoit plus des secretz naturelz que nul autre, si enseignoit sa science à ceux qui vouloient apprendre, & leur monstroit com-

ment ilz deuoient viure au monde, & eux gouverner & contenir, & dont pouuoient venir foudres & tonnoirres, & si disoit que par droit & raison vn homme mortel ne deuoit détruire autrui corps pour luy faouler, & qu'on se doit abstenir de boire sang, & manger chair. Autres viandes, dist il, sont assez dont on peut estre conuenablement repeu, comme blez, raisins, poires, pommes, & autres fruitz de diuerses manieres. Lait, miel & herbes goutables. La terre, dist il, est large, & largement donne à tous, tant qu'il doit bien suffire à chacun. Bestes sauuages & yreuses, dommagent autrui corps, pour assouler leur faim, c'est à sçauoir Tigres, Lyons, Loups & semblables bestes, qui sont pleines de rage, & se nourrissent par leur felonnie. Autres en y a plus debonnaires, qui d'occision n'ont cure, comme cheuaux, bœufz, brebis, & plusieurs autres prenans leurs vies aux paistres par les herbages. Aussi l'humaine creature ne doit faire mal à autrui, pour faouler sa pance: car c'est grande cruauté d'un corps qu'on met à mort, pour repaistre vn autre corps, quand on peut tant de biens & de delices, que la terre qui tant est plantureuse soutient, auoir & trouver viande qui suffise à la nourriture du corps de l'homme, ne sans espancre sang, ne manger de chair, & sans deffaire autrui corps; ce souloient faire les geans. C'est trop mauuaise chose

se que de faire telle mesprison . Il fut iadis vn tems que les gens sans manger chairs viuoient, & sauoureusement se nourrissoient des fruitz & des arbres, & des herbes que nature leur produisoit. Ces gens furēt de franche origine plaineuse & bien heureuse, & furent appelez gés dorez pour leur grande bonté . En ce tems ne doutoient rien les oyseaux, on ne tendoit nulz getz ne nulles retz pour les prendre. Les bestes viuoient seurement aux chams, & les poissons es eaus. Rien n'étoit en soupeon qu'on luy fist mal ne fraude. En villes, en bois, & en chams, & en plaines étoit assleuré en paix. Et vesquirent de cruz mangiers pour saouler leurs ventres. Mais depuis petit à petit se sont habadonnez les hommes à toutes cruautez . Et si prendrent & eurent leurs cœurs en toutes deceptions & fraudes. Premièrement ilz montrèrent leur rage aux sauuages bestes. Au moins leur deuoit ilz suffire de celles occire & detruire, qui seforcent d'homme greuer & deuorer. Bien desferuent telles bestes par leur rage qu'on les mette à la mort: mais on ne les doit point manger, car se seroit desconuenance.

Or est tant creue la cruauté, qu'on ne met point seulement les bestes sauuages à mort: mais chacun s'accoutume à les manger. Et encores y a il pis, car on mange maintenant les bestes simples, & quiert on occasion de les occi

re. Si dist on que la truye à mort desservie, pour ce que de son groin elle fait trop de dommages dedans les blez. Et la cheure pource qu'elle broute & mange les vignes, iacoit ce que par leur coulpe leur auienne. Quelle chose ont mes fait les simples brebis? pour estre mises à mort: car plus profitent viues aux hommes que mortes. Par elles auons-nous laine pour nous couvrir, & des cheures nous auons lait, qui bon est à manger. Pour quelle coulpe detruit on le bœuf qui est beste debonnaire, & sans malice ne fraude, & duquel nous vient tant de biens? Par le bœuf est arée la terre ou les blez croissent, dont notre nourrissement vient. Bien deueroit auoir celuy souffrete qui détruit son laboureur. Et encores ne leur suffist il pas de faire si grande felonnie, ains en mettent aux dieux sus la rage, & si font des entrailles charmes & deuinaillles, cuidans par ce sçauoir la verité des diuins iugemens. Encores font ilz choses plus desconuenables. Quand ilz se repaissent des chairs des bestes qu'ilz occient des sacrifices, quelle rage émeut humaine creature de prédre plaïssance à tel manger? Pour dieu bonnes gens ne vous chaille de vous paistre de telles viandes, venir ne vous en peut nul bié. Mais mettez peine à retenir & à entendre ce que ie vous enseigneray: car puis que dieu m'en donne grace & semont, ie vous montreray les sentences &

tes secretz qui sont encloz en ma pensee plus que les anciens ne peurent sçauoir. Par les étoi les m'en iray, & vous en diray eu appert ce que maintz autres n'en pourroient entreprendre. Les vanitez terriennes laisseray. Si m'en iray par l'air vollant, & montreray à tous hommes qui n'ont discretion, & par folie se vôt de mort épouuantant, tellemét qu'ilz n'entédent à bien comment ilz doiuent viure & l'ordonnance des destinees, s'en suyuir vouloient ma doctrine & mes enseignemens.

Des enseignemens de Pythagoras touchant l'immortalite de l'ame, & de la mobilité de nature & du tems.

OGens égarez, dist Pythagoras, dou vous vient celle vaine frayeur qui tant vous épouuente ? Pour quelle cause doutez vous à mourir ? Soyez certains quoy qu'il auienne du corps arde ou pourrisse, les ames ne peuuent finir, ne les bonnes auoir mal. Leur manoir est haut, & habitent en nouueaux corps. Bien me recorde que iadis fuz au tems que la guerre fut à Troye, autre homme que ie ne suis de present, depuis ay-ie reconneu lécu que lors portoye, encores est il en Arges pendu dedans le temple de Iuno. Toutes choses se changent & se muent, & tout meurt. Quand du corps mourant yst l'ame : elle erre tant qu'elle retreuve repos, iacoit ce qu'elle se deguise en

diuerſe forme dont eſt trop cruel celuy qui pour la nourriture de ſa gloutte pance, détruit vn autre corps. Trop ſe dénature homme qui d'vne ame ſe paiſt. Et puis qu'en profonde mer ſuis vollé & mis au vent, & entrepris l'ay, dire vous vueil tout ce que j'ay au cœur conceu. Bien ſçay que toutes choſes ſe varient, ne il n'eſt rien qui arrêter puiſſe en vn point. Ainſi comme l'eau n'arreſte ne ceſſe iour ne nuit d'éloigner ſa ſource, ſans prendre aucunement nul repos, ainſi pareillement ſe change le tems, ce qui eſt auourd'huy ne fut point hier, ne ne fera pas demain. Le tems ſans faire aucū ſeiour ſ'en fuyt ſoir & matin. Meſmement le ciel n'eſt pas touſiours en vn meſme point, n'aussi n'eſt pas le iour tel comme la nuit. Pas n'a le ſoleil telle couleur au leuer, comme il à au coucher, pour la terre dont il ſ'approche, ne comme il a endroit midy, & la lune n'a pas touſiours la forme ſemblable, vne heure elle eſt pleine, & l'autre elle eſt cornue, en-decours elle luiſt au matin, & au ſoir quand elle eſt nouuellement reſaite.

LES ans ſe changent en quatre diuers tems, c'eſt à ſçauoir printems, eſté, automne, & hiuer, qui ont qualité diuerſes, reſſemblans aux étatz des hommes. Lors que printems eſt, la terre ſe renouuelle, la ſaiſon tendre & moite reſſemblant à l'enfant. Lors naiſt nouuelle herbe, qui

ne peut souffrir froidure. Les Agrestes qui l'herbe voyent s'en resiouissent, par l'esperance qu'ilz en ont, dont reuerdissent les chams, les prez, & aussi les arbres florissent. Mais en ce tems les fleurs sont tendres. De printems passe lon en esté, qui plus fort est ressemblant le iouuenceau qui plus à de force. Adonc est le tems vigoureux, & devient l'herbe forte. Si est le tems sec & plein d'ardeur, ainsi est ieunesse de chaude nature & forte à plus soutenir qu'enfance. L'esté passé, lon est en automne qui plus s'attrempe entre froid & chaud. Ainsi est la creature entree en ieunesse & vieillesse attrempee raisonnablement, si qu'il n'est trop ieune ne trop viel. Puis entre lon en hyuer, tremblant viel & decrepité, qui la crigne à perdue, ou il la chenue. Et ainsi n'est corps d'homme longuement en vn état, ains se change & se transforme. Pas ne ferons demain ce que nous sommes de ceste heure, bien s'en peut apercevoir qui garde y prent. Premièrement nous fumes semence enclose au ventre de notre mere sans forme auoir, & puis nature par son sens y ouura, tellement que formez en yssimes, & pleins d'ame & de vie. Et tât creumes que nature nous tira hors du ventre ou nous étions. Et quand au monde fumes venuz, nous gemimes foibles & nuz, & ne nous pouuions ayder sans auoir d'autruy secours, puis creumes & enforçames tant, que sur qua

tre piez allames en maniere de beste. Apres nostre creut force & age, tant qu'un peu nous soutinmes sur deux piez. Puis apres deuinmes fors iouuenceaux, Et puis en notre moyen age meur & amesuré. Puis vient l'age de vieillesse, dont par foiblesse conuient l'homme rencheoir, & perdre sa belle couleur, tel souloit estre fort fier & appert en sa ieunesse qui ne se peut ayder en sa vieillesse, petit à petit nous détruit vieillesse; & meine à la mort si attentement qu'on ne l'aperçoit. Ainsi se reschangent toutes choses, & mesinement les elemens se deguisent.

De la difference des quatre elemens, & de la situation d'iceux, & quelle contrariété est entre eux.

Q Vatre elemens sont desquelz toutes choses du monde sont extraites. Les deux sont pesans, c'est à sçauoir terre & eau, & sont plus bas que les autres pour leur pesanteur. Les deux autres qui sont moins pesans sont assis plus haut, c'est à sçauoir l'air & le feu. Ces quatre sont assis en quatre lieux conuenablement, & nonobstant se souloient ilz transmuer l'un en l'autre. La terre s'arminoirdist & si retourne en eau, l'eau en l'air, & l'air en feu. Ainsi change sa propriété chacun d'eux en attenuant sa nature. Le feu s'épessit & laisse sa tresgrande legereté, deuiant air, & air deuiant eau, & eau deuiant terre, & ainsi se muent subtilement les elemens l'un dedans l'autre, & échangent

leurs proprieté & especes, ainsi mue & renouvelle nature les choses, si leur donne autres formes qu'elles n'auoient parauant. Rien n'est en tout le monde qui ne se varie, & qu'autre n'apparoisse que premierement apparoissoit, & semble par son renouvellement estre tout renouvelle. Si dit on que ce n'est autre chose naistre que commencer à estre la chose autre qu'elle ne eust esté, & mourir est quand elle se mue, & qu'elle laisse sa premiere forme & semblance. Et combien qu'elle se translate. si ne meurt elle pas : car aussi se muent les âges, & les siecles, qui premierement furent d'or, deuindrent d'argent, apres deuindrent arain, & depuis deuindrent fer. Mesmement se transmuent les lieux, & aussi en maint pais ce qui souloit estre terre est maintenant mer, & en autre pais ce qui souloit estre mer, est maintenant deuenu terre. C'est legere chose à prouuer, car on peut trouuer loin de mer aux chams ou lon moissonne, & es montagnes les coquilles des poissons qui souloient en mer nouer. Et ce qui souloit estre large champagne & montagne, est ores par le defoulement des vndes de la mer, & des vens ouuert en marine. Ce aussi qui iadis paluz boueuse fut, est maintenant sablonneuse terre. Les fontaines sourtent ailleurs qu'eiles ne souloient, & ailleurs sont raries. Et ainsi, par les veines de la terre qui s'en abreuent, se

cauent souz terre qui d'autre part yssent, & puis sur terre flottent. Ainsi va Aréthuse en cauant qui vient & sourt en Arges, & si montre son chef, & puis prent cours ailleurs qu'elle ne souloit faire premierement. Amasenus court aucunefois en Sicanie, & aucunefois qu'elle n'y court point. Anigrus fut iadis bonne à boire, mais depuis que les Centaures s'y baignerent dedans, ne fut, que qui en beut, qu'il n'en eust grand grief & nuysance: car ceux enuenimētēt l'eau quand leurs playes y lauerent, que faites leur auoit Hercules de ses fleches, qui étoient entoxiquees de venim. En Scythie naist des montagnes. Hispanis qui iadis fut douce & beuuable, maintenant est amere & sallee. Pharos, Phenice & Tiros ces iles, & maintes autres souloient estre en mer encloses, & maintenant ne le sont pas. Leuchaide fut anciennement gaignable & labourable terre hors de l'enclos de la mer. Qui querroit Helice & Burin citez Achaides de grand renom, souz les eaus les trouueroit, or n'y a sinon roches. Pres de Troye auoit iadis vne large champagne pleine & vnie. Or est vne grande montagne par vens qui en sousterraine se bouterent, & n'eurent par ou yssir. Si firent par leurs soufflemens les plaines estendre & enfler, & ouques depuis ne peut l'eau fleure estre abaissée: si est des le tems de lors deuenue vne grande montagne.

I'Ay moult ouy, veu, cōneu & apprins, dit Pithagoras, si vous en diray aucun petit. Toute chose cōme ie deuise se diuersifie, l'eau mesme en diuers lieux se chāge diuersement. Nature a en Libie mise vne fontaine qu'ētre iour & nuit chāge trois fois son état. A la droite minuit est fort chaulde, à midy froide, & au matin tiede. Ailleurs à vne riuiera de telle vertu, que quand on y boute du boys il art tant est ardente & chaude, rādis que la lune est en croissant. Aussi trouue lon vn autre fleuve de telle vertu que qui en beuroit il auroit les entrailles aussi dures comme marbre, & pareillement toute chose q y attouché. Il y a pres de notre terre eaus qui dedans se baigneroit, sa cheuelure auroit de couleur d'or. Si a eau d'autre nature qui merueilleusement muēt les corps & les cœurs. Salamacis à telle vertu que tous ceux qui dedans se baignent se muent en autre nature. En Ethiopie à tel lac, que qui en boit dormir luy conuient, tellement qu'on ne le peut éveiller. Homme mortel ne boit de la fontaine de Clitoire qui iamais vneille boire de vin & si ne sçait on pourquoy, fors tāt qu'aucuns diēt que ceste eau auoit nature cōtraire au vin. Et d'autres diēt que quād Melāpus anciēnemēt eut sauuees les filles de Pretus q forcenees étoiēt, & que fait auoit medecines d'herbes, de racines, & charmes, mist en l'eau le remanant

desdites herbes, & aïssi demeure en l'eau la haine du vin. Vn autre eau est, que qui'en boit il s'en desyure. Pheneum vn lac en Archadie est, qui de nuit est amere & salee, tellement que q de nuit en beuroit, il seroit en peril de mort & par iour en peut boire sans domage recevoir. Ainsi se changent les eaux par le monde en diuerses manieres. Simphlegades fut iadis vn cham assis de tous cotez en crolieres & riuieres, ores est en lieu sec seant. Cyclades estoient iadis Iles flottans par la mer avec les vëtz & vndes, si firent maintes nefz effondrer quād elles venoient heurtans. Ceux qui la nef de Iason menoient en furent en grand doute & peril, ores sont assises sans elles mouuoir, pour vndes ne pour vent qu'il face. Ethna qui rend assiduellement flamme, vn tems viendra que la flamme cessera & n'ardra plus. Car la terre à ame & vie, si comme aucuns racontent dont la flamme fault de la terre, & quand elle respire, les conduis pourront estre fermez & cloz par ou la flamme yst des conduis de la terre. Ainsi pourra la flamme ailleurs querir conduit, dont elle faudra, & les conduis d'Ethna faudront, ou si la terre se remue comme beste, elle chāge les cōduis par ou la flāme yst. Autres sont qui esperēt qu'Ethna red assiduellement flāme ardente par les soufflemēs des vëtz qui en terre se creusent en cauernes, si yont

par leurs rigueurs hürter durement les roches
deßous la terre l'vne a l'autre , dont conuient
que flamme ardante en faille . Mais quand le
soufflement abaissera la flamme cessera , dont
la montagne ard. Et selon celle opinion, naist
celle ardeur de poix & du souffre ardent, & per
dra icelle combustion sa flâme-quand elle per
dra sa nourriture de poix & du souffre, & que
elle n'aura qui la nourrisse. On dit qu'en Sep
tétion, en vne region dite Pallene à gens, les
quelz sont couuers de plumes cōme oyseaux.
ceux qui n'ont neuf fois été aux paluz de Trio
mace. En Scythie à femmes sorcieres, qui peu
uent (ce dit on) ainsi faire. Et éprouué est que
des charongnes pourries sont trouuees petites
bestes d'autres formes, escarboutes sont nees &
nourries de cheuaux mortz, qui les piez arra
cheroit, & l'autre partie enterreroit, la partie
enterree se conuertiroit en escorpiōs. Papillōs
se forment de chenilles. Du limon de la terre,
yft vne vile semence sans forme, dont raynes
sans piez viennēt & naissent, puis leur viennēt
piez & iambes, & pour plus loin faillir, elles
ont les iambes de derriere plus longues que
celles de deuant . Quand l'ourse enfante son
faon ce ne semble fors vn billot ou masse de
chair mal viue. Puis luy vient forme & vie par
l'alainement & le leschement de sa mere . Les
mouches qui font la cire, naissēt sans piez &

puis piez leur viennent. Qui le Paon, l'Aigle & autres bestes verroit, à tard croiroit s'il ne l'a uoit éprouué, que d'un œuf naquissét. Aucuns diét que de l'eschine d'un homme mort quād elle tourne à pourriture peut naistre vn serpēt: mais on voit souuent que telles choses que veues ay, sont faites d'autres especes.

La nature du Fenix, & de plusieurs autres bestes & animaux.

VNe chose est qui d'elle mesmes se repaie c'est le Fenix qui habite en Asie. Pas ne vit de la pasture de laquelle les autres ont leur nourriture, mais vit de cinamome, d'encens & d'autres espices, & quand le tems de cinq cens ans vient, il assemble au sommet d'un palmier vn liēt d'épices, & là se mue & fine sa vie en douce odeur, de luy renaist vn petit Fenix, qui autāt doit viure qu'il à fait. Et quād parcreuest & qu'il a force & vigueur, le nid son pere lieue & le berceau ou nourry à été. Si l'éporte haut deuers le ciel, & l'assiet honorablement deuant le temple du soleil. Vn serpent est engendré de telle nature, que l'une heure est masle & l'autre heure est femelle, lequel est appellé Hyena. Chameleon est vn animal de telle nature, qu'il ne vit fors de l'air, & se taint en séblable forme que les choses qu'il ataint. Linx est vne beste qui ne pisse sinō pierre: car son pissat deuiét pierre si tost qu'il à l'air. Coral est de telle

nature, que hors de l'eau est dur comme pierre & ce qui est couuert de mer est verge toute verte. Brief à dire, toutes choses se chāgent, dont nous voyons aucunes gens qui furēt iadis foibles, qui maintenant sōt fors, & plusieurs autres qui furēt fors, qui sont maintenāt foibles. Troye fut moult noble & puissante cité, q̄ fort greua ses ennemis, & se tint dix ans vigoureusement cōtre tāt d'aduersaires, or est pauvre & deserte. Sparte, Michenes, Thebes, & Athenes, furent de grād autorité, mais maintenant sont détruites & desertes, & si n'en est que le nom. Or se lieue vne nouuelle Rome qui croist de iour en iour, & qui tant sera riche & puissante, qu'elle sera dame, Roynē & chef de tout le mō. de si comme dient les auguriens & les deuins.

Ainsi se disoit iadis Helenus à Eneas, lequel ploroit la destruction Troyēne. Helenus q̄ de vray sçauoit les choses à auenir, dist à Eneas: Si tu sçauois ce que ie sçay, tu t'abstiēdrois de plorer, tu restaureras la pte de Troye, tu échapperas & passeras sain & sauf, par feu iras en terre amiable & seure, & y fonderas vne riche cité & autorisée ou ton lignage regnera, onc ne fut, maintenāt n'est, ne iamais ne sera si puisâte Et naistra de tō lignage vn barō q̄ la fera maïresse & dame du mōde. Si suppeditera toutes terres, & mettra par force toutes gēs souz l'épée & dominatiō de celle noble cité. Moult sera

favaleur prisee, quād la terre aura misen paix, il montera es cieux ioyeusement & sera deifié, Ainsi le racontoit Helenus en sa diuination à Eneas en le recōfortant, lequel ia vint de Troye aportant les dieux avec luy qu'il auoit tirez du feu. Bien m'en remembre & si ay grād' ioye quād Rome voy si puillante, & croitre de iour en iour. Et si m'éiouis de ce que les Troyens furent vaincuz des Grecz, qui en ce leur firent grād proufit: car par celle déconfiture vindrēt les Troyens à telle hautesse & honneur que les Romains doiuent auoir, si comme ilz eurent ioye & paix. Ainsi afin que de mon propos ne m'éloigne, ie vueil retourner à ma premiere matiere, si puis bien affermer q̄ ciel, terre, mer & tant qu'il y a, & mesmemēt les abimes changent leurs formes. Or n'est donc chose appartenāt, que l'homme occie autre beste pour sō corps paistre, ains les doit on laisser en paix. Si est grand honte & grand' cruauté de deuorer corps qui luy apartienne. Ne détruisez pas donc bestes non nuisibles, & les nuisibles détruisez, & ce vous suffise sans manger de telle occisiō: car on trouue des autres viandes assez, desquelles on peut bien & hōnestemēt viure.

De Numa Pompilius, & de sa femme Egerie qui deuint fontaine apres sa mort.

Q Vand Numa Pompilius eut cōme sage homme ses doctrines & enseignemens.

diligemment aprins & retenus, il reuint à Rome remply de science, de luy firent les Romains leur gouverneur, & luy baillerēt la maîtrise du royaume, & luy donnerent belle femme & riche à son choix, sage, prude, vaillante, courtoise & de haut lignage, bien s'entraymerent eux deux. Si fut la court pleine de sage baronnie, cetuy mist premier au Kalendrier, Ianuier & Feurier: car parauant n'auoit eu que dix moys en l'an. Il fut sage, si sceut bien gouverner son royaume en tout tēms de paix & de guerre, & apprint à viure en paix les gens de guerre, qui parauant n'auoient mis leur étu de fors qu'à batailler, & tīt toute sa vie le royaume en paix, puis mourut par vieillesse. Pour la mort du roy demenerent grand dueil ceux du royaume, ieunes & vieux, & sur tous autres son épouse, nommée Egerie. Celle laissa sa cité pour son dueil faire, & s'en fuyt sans que femme ne homme le sceut: & fist le dueil de son mary si tresgrand que c'étoit grand pitié à le voir. Les nymphes qui au boys demouroient, se penoient à la reconforter: mais confort ne voulut receuoir. Hypolitus iadis filz de Theseus luy montra, par exemple qu'elle se deuoit de si grand dueil retraire, & luy raconta d'une mauuaise auenture qui iadis luy étoit auenue.



Oyez dame, dist Hypolitus, oyez raconter cōment Theseus fist vn sien filz détirer par l'amonestement de sa fēme, fille Pasiphe, laquelle requist son fillastre de son amour. Et pource qu'il ne la luy voulut acorder, elle luy mist sus qu'efforcer l'auoit voulu. Si l'accusa en uers sō mary pour le dépit qu'elle eut du iouuenceau qui refusee l'auoit, & aussi pour doute de sō vice qu'elle ne fust accusée & blâmée. Si tourna sur le iouuēceau le meschef & l'adultere d'elle, disāt qu'efforcer la vouloit. Et le père q pas ne sçauoit la verité, creut la mésonge trop legeremēt qui pleine étoit d'iniquité, & si mécreut sō filz à tort. Is fuz mesmes celuy dōt

à present parle, que sa fauce maratre accusa.
Si m'en chassa mon pere, pour ladite cause en
fuz de luy comme exillé, & moy qui triste & las
étois, ie tenois le riuage de la mer Corinthe, là
ou ie vy soudainemēt la haute mer monter, &
assembler en vn mont, bruire & mugir cōme
vn bœuf, sauuage, dont en yssit vn thoreau qui
apparut hors iufques au pis. Il auoit vn grand
museau large & tout ouuert, dont il vomis-
soit l'eau de la marine. Quand mes compagnōs
virent la malle beste, ilz en furent moult éba-
his: mais ie ne m'en ébahis de rien: car tant é-
perdu me tenois de mō pays que i'auois perdu
cōme celuy qui cuidois que iamais pis ne peuf-
se auoir. Mais les cheuaux qui menoiēt le cha-
riot ou assis étois, s'effraierent pour le Mōstre
& s'en fuirent contre vn mōt sabotās mō cha-
riot oux roches. Vainement m'efforçay mon
chariot cōduire, & de mes cheuaux refrener la
peur. Tirer voulois ma resne, & bien y misse
telle peinc, que ia les fors cheuaux pour rage
qu'ilz eussent ne me peussent surmōter, & que
bien ne les tinse, si la roue du chariot ne fust
cassée sur vn grād tronc ou elle passa. Si me cō-
uint verser du chariot, & fuz en grand trauail
dessus le tronc ou ie cheu. D'illec ne me fusse
meu, si les cheuaux qui me tenoient dedās leur
harnois atrapé ne m'en eussent entraîné. A ce
meslocherent & debriſerent tous les mēbres,

& les entrailles me partirent, tellement que mieux semblois mort que vif, si n'auois formé qu'on peust de moy connoître. Si ne peut on donc cōparer ta pèrte à la mienne. Je viz la te nebreuse peine d'enfer, & si y fuz, dont en nul iour ne fusse issu, si du noble & vaillant Esculapius filz d'Apolin n'eusse eu l'aide. Peon le bō medecin, qui Esculapius fut nōmé, par force d'herbes me tira dehors, & si me fist reuiure maugré Pluto qui me tenoit, dont moult dolēt fut. Et pource que ma dame Diane ne voulut pas que reconneu fusse, q'enuie eut de moy veoir resuscité d'une immēse obscurité me couurit & me dōna forme, face & figure. Puis fut elle en doute qu'elle feroit de moy, s'elle me laisseroit en Crete ou en Delon: mais icy m'a posé & mis pour la doute de mes ennemis. Le nom m'ota que premier auois, & si ne voulut pas que i'eusse nom Hipolite, ains voulut que deslors fusse nōmé Virbius, & aussi le suis. Or est à moy hōneur diuine, & suis desdemy dieus l'un des moīdres. Et deslors suis mis en ce boeage, en l'hōmage & l'honneur de Diane qui me guarist. La dolēte Egerie ne print onques confort pour rien qu'Virbius dist: Son dueil ne cessoit de croistre & augmenter. Ainsi que son dueil la semonnoit, elle se muça au pié d'un mont, plaignant & plorant assiduelement, & tant demena la lasse son dueil & son

platement, que toute s'en confondit. Dame Diane, qui de son dueil eut pitié, luy mua son corps en froide fontaine, moult s'en ébahirent les nymphes q^l le sceurét, & si grâde merueille en eurent, qu'onques plus grande n'auoiét eue. Plus s'en ébahit Virbius, que Turnus l'agreste ne fist, quand il vit emmy les chams vne herbe à par elle prendre forme d'homme, & la bouche ouuir pour dire les choses auenir aux sages deuins, ceux de Toscare l'appellerent Ta-




rent. Ou en telle maniere s'ébahit que Romulus fist à veoir la seiche lance verdoyer, & perdre sa seicheresse, & attacher comme vif arbre en terre, & donner vmbre aux vmbayans, & aux merueillans qui furent ioyeux. Ou plus se émerueilla Hypolitus que ne fist Cippus qu'ad

premierement se mira en l'eau , & vit sa face cornue. Laquelle quand il eut veue, ne tint pas que ce fust verité , ne que cornes peust en son front auoir , & quand aux mains les eut tatées, bien sceut que c'estoit verité. Et si comme il venoit de la bataille de l'ennemy qu'il auoit don-té, il l'arreta de son gré ses mains tendans vers le ciel, & sa face cornue, disant aux demy dieux: Que peut estre ceste auenture ? ne que peut elle signifier? fil vo⁹ plaist que certifié en soyé. Si cest bon heur sur Rome & pour les Romains, soit, & si c'est le contraire, sur moy seulement vienne, & non sur autrui. Adonc sacrifia sans arrêter sur vn autel fait d'herbe verte, & mist en vn calice vin, & par le diuin fist sçauoir aux veines d'une ieune beste que ce pouuoit signifier. Le deuin y regarda, si dist que grande chose signifioit celle merueille, & toutesfois ne pouuoit par veines qu'il y peust sçauoir le mistere du signe, iusques à tant qu'il eust traité la lumiere dont il allumoit à l'entour du corps de Cippus. Et adonc vir apertemēt le mistere, & hautement s'écria à luy, en disant: Roy des Romains dieu te salue, la seigneurie du monde auras, & à toy obeirōt les Romains. Or tost entre en la cité, & regarde les portes ouuertes. La destinée est telle, q̄ tu seras pour roy tenu, tātost que venu y seras. Et franchement yseras du sceptre & de la seigneurie.

Quád Cippus luy ouit ce dire, de la cité se détournâ : & dist que ia à dieu ne pleust que tel honneur luy auint, & que mieux luy valoit viure franchemēt en exil. Nonobstāt fist il venir & assembler le Senat, mais auant couurit ses cornes d'une verde couronne de l'aurier, puis leur dist : Entre vous à vn homme qui vous sera Roy & seigneur, & à luy sera le Royaume s'il entre en Rome, si comme dist le deuin. Or vous enseigneray qu'il est sans le nommer. C'est vn qui à la teste cornue: s'il luy eust pleu, entré fust en la cité sans cōtredit de nully, fors de moy qui le trahy & contestay. Toutesfois ia n'a il homme qui de plus pres m'apartienne. Or luy defendez qu'il n'y entre, ou vous le prédrez, lierez, & l'occirez s'il vous plaist, pour issir icelle suspicion. Adōc prindrent les princes des Romains & le peuple à bruire tellemēt comme si se fust vent ou buccines heurtans en mer contre roches, Ainsi murmuroient tous, & demandoient tous à vn bruit qui celuy étoit, & le queroiēt en demãdant ou il étoit. Et Cippus leur dist qu'entre eux l'auoient. Alors decourrit sa teste, & leur mōtra les cornes qu'il auoit. Et quand le peuple de Rome le vit, chascun print à gemir, & à couvrir son visage, nō vueilās le regarder, mais onques garder ne s'en sceurent que chacun malgré luy ne vist sa noble teste: nonobstant luy firent ilz hōneur, & luy or-

nerent la teste d'une noble riche couronne d'or. Et pource qu'il ne voulut entrer en la cité, on luy donna la baronnie hors de la cité en demaine, tant de terre qu'il pourroit comprendre, charier & enclorre par bœufz en vn iour. Et pour remembrance de la forme qu'il auoit, firent entailler dessus les murs vne image comme de fin or, semblable à vn homme cornu.

D'Esculapius qui fut par les Romains amené par Epidauré à Rome, pour faire cesser la pestilence qui lors regnoit.



Iadis eut vne pestilence en la cité de Rome, qui tout l'air infectoit & enuenimoit. Si en fut la gent en peu d'heure surprise de si grievue maladie, que rien n'y valoit medecins. Pour

Quoy ilz eurent volonté d'aller ou d'enuoier en Delphos au mont Parnafus, qui est au meillieu du monde, au dieu Apollo qui moult illec étoit aoré, prier & requérir secours & ayde de certe pestilence, laquelle mettoit Rome en telle détresse. Quand ceux qui allerent furent la venuz. Appollo fist par miracle trembler l'image dessus l'autel, & tout le lieu, & vint ainsi comme vne voix, dont moult seffrayerent ceux qui l'ouyrét. Celle voix leur dist. O Romains, qu'estes vous cy venuz querre secours de loin? si de plus prez l'eussiez prié, plus prez l'eussiez trouué, & plus prez le vous conuient querir. Metier ne est que ie vous face ayde. Esculapius mon filz le vous doit faire. Allez à luy, si l'appellez à vostre ayde, & par luy aurez deliurance de voz douleurs. A tât s'en retournerent les Romains, mais parauant enquierent ilz ou étoit ce filz, & il leur enseigna en Epidaure, & leur donna certaine enseigne comment ilz le querroient & trouueroient. En mer entrerét les Romains, & tant nagerent qu'en Epidaure arriuerent. Si arraisonnerent les Grecz, & leur dirent l'occasion de leur voye, & qu'ilz venoient querir ayde & secours à leur dieu, lequel doit par sa presence finer la pestilence qui les Romains endommageoit. La requeste des Romains ne voulurent otroyer les Grecz: car pour rien (ce disoient ilz) ne leur liureroient leurs dieux.

Car on ne doit dōner à autrui ce dōt on pourroit mestier mesmes auoir. Les aucuns s'accordoient à leur deliurer, affermās qu'ilz ne deuoient refuser n'éconduire leurs dieux à nully qui en eust besoin. Les autres disoient qu'ō ne leur deuoit traire n'oter le sauueur de leur cité. Et autres disoient que mal feroit de refuser les dieux aux Romains que secourir le deuoir. Moul't étoit entré eux leur sentēce fort cōtraire. Ainsi se passa le iour sans besongner, & les Romains prioient à Dieu humblement qu'il les secourust de mal & de encombrer. Quand ce vint la nuict que les Romains dormoient, ilz veirent comme il leur sembloit leur dieu tel qu'il souloit estre au temple, tenant comme Agreste vne croce en sa main senestre, & à sa dextre demenoit ses crins & sa barbe, en leur disant amiablement: Ne doutez ie vous ayderay, & si laisseray les simulacres Gregoises, si iray avec vous à Rome en forme que ie prédray le serpent, si comme il affiert à dieu. Or auisez l'image du serpent, si me connoirez mieux quād i'auray prins celle semblance: car demain tel vous apperray. Adonc s'emerveillerent les Romains, si perdirēt la vision & la voix d'Esculapius. La nuit se passa, & le iour commença à venir, les Grecz ne sçauoient que faire bailler leur Dieu ou non. Au temple firent tout le peuple venir, & la se conseillèrent prians & requerans



requerans au Dieu qu'aucun certain signe leur démonstrast, par lequel il les mist hors de la doute ou ilz étoient, & que voir & sçavoir peussent ou mieux luy étoit agreable de demourer & siege auoir. Le dieu en forme de serpent se mist & arréra entre eux. Cresté étoit, & sifflait à son auènement, & fist par miracle trembler l'image, l'autel, & tout le pavement du temple, & tout l'oracle, & auoit plus rouge regard qu'un ardent charbon, & si regardoit entour de luy. Tremblans & paoureux furent ceux qui le virent : bien conneut le mystere du signe le prestre qui étoit reuertu ; & leur dist que son plaisir étoit pour l'utilité & le bien de toute la compagnee, que de sa grace voulsist estre de-

Olympe

BBb

bonaire & fauorable au deuot peuple qui l'auroit. Sire ainsi puist il estre de cœur & de bouche. Ceux de Rome luy crioyēt mercy, & qu'il leur aydast par sa pitié. Et le dieu en signe d'amour & otroy leur crola la teste, en mouuant sa creste dorée, en sifflant & lâguetât. Puis s'espandit, & ietta son corps hors du tēple, auquel il étoit, par les degrez, tournant la chere enuers le temple, dont il se partoit, & saluant l'autel & l'habitable, & salletoit moult solemnellemēt par la cité, dont les chemins furent couuertz de vertes herbes & de nouvelles fleurs. A grād deport le suyuoient les gens, & alla au port sans arrest, puis entra en la nef des Romains.

QVAND le peuple le vit en la nef sur le riuage, ilz luy firent sacrifice d'un Toreau. Puis desencererēt leur nef, & y entrerēt ioyeusement. Si dressèrent tous leurs voilles, & le vēt empoigna la nef qui étoit peinte & parée richement, si s'en alla son chemin. Le dieu auoit assiegé la teste sur le bort de la nef derriere, & regardoit de toutespars, & le vent les mena ioyeusement, & sans peine, tant qu'ilz vindrent en Italie, & entrerent dedans la sixieme iournée. Et tant tindrent leur chemin, qu'ilz vindrent au bour du timbre. Toutes les gens de la contrée allerent là ou la nef s'arreta, & les pucelles du temple Vesta y menerent ioyeusement leur procession en chantant deuotement. Sur l'un & sur

l'autre riuage étoit le peuple demenant ioye à l'encontre du dieu venant, & faisant autelz sur lesquelz y eut grands feuz allumez. De l'encens qu'ilz ardoient, & des bestes qu'ilz sacrifioient illoit grande suauité qui tous les embaumoit. Brieuement à dire, grande feste faisoit tout le peuple. Et la nef singla tant, qu'elle entra en Rome, & le serpent se dressa & appuya sa teste dessus le mast, & regarda par tout s'il verroit lieu conuenable ou il passerroit. En Rome auoit vne ile, qui le timbre enuironnoit de deux pars egallemēt. Là s'adressa la nef, & le serpent fist vn grand fault de la nef en l'ile. Là s'arréra, & reprint sa diuine semblâce que premierement auoit eue, & tira à sa presence tout le peuple à santé, & medecina toute Rome.

De Iulius Cesar qui fut occis, & des grandes complaints que Venus en fist aux dieux.

ESculapius fut en Rome richement receu & pour dieu tenu. Mais Cesar étoit en la cité, qui siennē étoit honoré & seruy pour dieu, & bien le deuois estre: car en tems de paix & de guerre, il fut le plus souuerain, le plus sage, le plus preux & le plus puissant des hōmes nez de mere. Il conquist sur tous ses ennemys victoire, & encores auoit il pl^r grād honneur & gloire, pour la vaillâce, & pour le pris de sō filz, & pl^r tost en fut es cieux deisié que par ceure qu'il fist onques. Je ne cuide pas qu'il fust on-



ques ceuvre, dont il eust plus grand honneur que d'engendrer homme si preux, si sage, si noble, & si vaillant. Cesar conquist plusieurs riches & puissantes regions. Aucune par paix & autres par guerre: Mais tout ce ne monta rien vers la gloire qu'il eut d'engendrer si vaillant filz par lequel l'épire de Rome seigneurist par tout l'vniuersel monde. Les dieux en firent grand honneur à tout le monde d'auoir tel seigneur. Si Iule Cesar ne fust de mortelle semée, il eut été dieu. Qand Venus la mere d'Eneas, qui étoit chef de son lignage, vit pourchasser par trahison la mort de Cesar, qui pourparlée & jurée étoit, moult en dentriste & palle de douleur. A tous les dieux qu'elle enhortoît, monstroît la

male auenture qui de Cesar étoit à auenir, disant : Helas ne voyez vous pas qu'on m'espie par trahison, taire ne me puis des griefz qui continuellement me sont faitz. Triste fuz de Troye qui fut confondue. Et puis de mon filz Enee fuz en grand detresse, qui nagea tant en mer en doute de perir, & qui vit les perilz d'enfer, & auquel Turnus fist depuis maintz griefz travaux, mais que me vaut maintenant raconter les aduersitez que souffert a le mien lignage au tems passé, bien m'ay d'autre chose a complaindre. Je voy aguiser les glaiues & greffes pour ma lignee amoindrir. Et pour mettre à mort le puissant duc qui fait le sacrifice de Vesta. Seigneurs dieux ne souffrez pas ceste chose pour l'amour de moy votre amye.

LES dieux en auoient pitié : Mais la destinee qui auenir deuoit, ne pouuoit par nulle maniere estre détournée : car sans doutance, la mort de Cesar étoit iuree de telz qu'on ne la pouuoit dédire : Mais en signe de dueil qui à auenir étoit, firent au monde aparoir en l'air merueilleux signes, & doutables flammes par les nues. Si ouy on resonner & retenir parmy le ciel cors & buccines, qui couuertement demontroient qu'il auientroit quelque mauuaise auenture au monde. Le soleil en signe de dueil changea sa couleur & deuint pâle &

trouble. Maintes ardantes flâbes vit on en l'air & si plouuoit pluie ensanglantée. Lucifer deuint blanc & si eût le visage couuert: & la lune mua sa couleur: Si ouyt on châter les fressayes & les chahuans par les montagnes & par les bois. Par telz exemples, quand il auoient été veuz, furent les Romains fort émeuz. Si firent faire sacrifice aux dieux pour sçauoir q̃ ce vouloit signifier: Mais estre n'e pouuoiet certifiez, fors tât que lon trouua & vit au pais de Bouille vn felõ signe representât vn chef trêché & grande tumulte en signe de meschef. De nuit abai-oiët chiës par la cité, lesquelz étoiët pleins d'iniquitez enuironâs les tēples, & si crioient les ames des mors & Rome crôla durement. Tous ces signes & autres furent veuz: Mais onques pourtât ne fut l'auēture ne le meschef sceu iusques à tât que fut acheué: & ainsi ne fut Cesar secouru de mort.

A v temple entrerent les traitres tenant leurs couteaux mucez pour Iules Cesar mettre à mort Brutus & Cassius, à tout leur mesgnie: car pour felonnie faire n'auoient lieu, cōme il leur sembloit plus conuenable en toute la cité. Venus d'angoisse & de dueil trembloit: & batoit de ses deux mains sa poitrine, quand elle veoît querir Cesar pour l'occire. D'vne obscure nuée & épesse dont elle couurit Paris quand Mene-laüs le cuida ferir à découuert, & Eneas son

filz pour l'épee de Diomedes cuyda Cesar muer & couurir: mais rien n'y valut, car iugé étoit à mort. Et Iupiter qui la veoit en vain efforcer, car pour rien ne peut fauser la destinee, luy dist fille cuide tu l'establissement des destinees détourner? mais en vain tu te trauailles, car estre ne peut détournée l'ordonnance, si pers ta peine si au manoir des trois sœurs étois, tu verrois leur establissement entaillé en perdurables diamans plus fermes que d'acier, telz qu'on ne les peult destourber ny aussi doutent d'assault ne de l'ire diuine, ne de tempestes. Ce sont les destinees écrites & notees de la geste Romaine. Ie les y vy si les notay, & afin que certaine en foyes ie les te diray.

CESAR pour qui tu Venus me trauailles: dist Iupiter, à eu en terre maintes peines, si conuient venir le terme que ses trauaux soyent finnez. Si sera glorifié & fait étoile au ciel & deifié, sans longue demeure faire, & pour la tienne amour regnera Auguste son filz, qui sera filz & hōme de dieu, par tout le mōde n'aura autre Empereur que luy. Si vengera la mort de son pere, & la forte cité de Mutine prédra par force & tiendra à mercy, & si fera tāt espādre de sang en la terre de Pharsalle en Emathye & en chap Phelippe, que ce sera merueilles, & si fera du tout étaindre le nom de Pompee en l'occasion de son hoir, & Cleopatra la femme d'An-

thoine, qui se penera pour la fiance de son seigneur à mettre l'honneur de Rome en Egypte, & vantee s'en fera, elle villainement domtee & decheute de sa folle entreprise, à honte & damnement perira. Fille ne sçay que te dirois ou raconterois, il ne sera terre deçà la mer ne delà, qui ne soit en sa iurisdiction suiecte & redevable, & en son gouvernement. Et quand paix aura donné en terre, son cœur appliquera à faire droitz & establissemens & à maintenir iustice, & son peuple gouverner, & mettra tout son entendement à les endroctriner en bonnes meurs afin que ses filz, son hoir & son lignage le puissent ensuyuir. Et ainsi par dessus tout le monde regneront, & seront de nom nommez. Et quand au monde aura vécu bien longuement & que son âge acheué, par ses merites sera glorifié, & stellifié sur les nues. Puis dist Iupiter à Venus : Va reprendre l'ame de son pere, qui du corps est ravie : si sera faite étoile luyfante & deifée & mise pres de mon temple pour garde de notre capitolé. Avant que Iupiter eut acheué, vint Venus sans à homme apparoir, & print l'ame de Iule Cesar son accointé. Si l'emporta es cieux. Et comme elle l'emportoit, échauffer & enflammer le sentit & prendre forme diuine. Alors la mist Venus hors de son sein, & celle incontinent s'en vola avec elle plus hautement & fut faite étoile

comette trainant vne grande queue & resplendissante. Or a Cesar hōneur, & gloire & liesse. Mais maintenant s'esioiſt des proesses de son filz, & des beaux faitz qui passent les siens. Et sont de grande autorité.

Conclusion de l'auteur.

PVis qu'avec celeſte faueur ſuis venu au bout de mon entreprinſe, que i'ay par couru le zodiaque de mon Olympe depuis le matin iuſques au veſpre, ayant trouué l'étoile de repos n'agüeres ſtellifée, illuminant l'obſcurité d'obliuion, vienne quand luy plaira icelle nuit, laquelle n'a droit que ſur ceſtuy corps, pour le ſoporer en ſon triſte-dormir: Car de la partie meilleure ie veilleray & viuray longuement, pour la louable occupation de mon eſprit, à eterniſer mon nom par œuvre vtile & delectable, laquelle ſi mon intention ne faut, ſera leué de tant nobles entendemens prenans recreation à ma lecture infatigable. Et ſera tenue entre les honorables mains de mes dames & maitreſſes, louant par aueutur l'induſtrie, & plaſant labeur, de leur tresaffectionné ſeruiteur. Et lors tout travail & peine me ſera tournée en, recompenſe, de ioye incredible. pour auoir le renom de ſatisfaire aux ardans appetiz de choſes nouuelles, tant profitables.

cachees souz la tendre écorce de solacieux passerems. Ce que ie prie à tout bon œil franc & liberal, qui sur moy iettera son regard pour repaire sa delicate veue, vouloir accepter les choses exhibees de gracieux & debonnaire visage.

Fin du grand Olympe.





TABLE DES CHOSES M.
MORABLES DV GRAND OLYM-
pe des histoires poëtiques.

LE PREMIER LIVRE.

N Arration commençant à la resolution de Chaos, & separation des Elements. feu. 4.	
La Situation des Elements. feuillet. 6.	
Description des quatre Elements, de leur nature & composition. feuillet. 7.	
L'aornement des Elements. feuillet. 9.	
La formation de l'homme. feuillet. 10.	
L'âge doré. feuillet. 13.	
De l'âge d'Argent, & du tiers âge. feuillet. 16.	
Le dernier âge dit l'âge de fer. feuillet. 18.	
L'entreprinse & temerité des geantz enuers le Ciel, & de leur deiection. feuillet. 20.	
Le conseil des Dieux pour detruire le monde. fe. 22.	
La cruauté de Lycaon enuers Iupiter. feu. 25.	
Le deluge. feuillet. 28.	
De la reparation du monde par Deucalion, & sa femme Pirrha apres le Deluge. feuillet. 30.	
De la vaillance & conquête de Phœbus contre Python le grand serpent : & des amours de Phœbus à la belle nymphe Daphné. feuillet. 33.	
De l'amour de Iupiter à Io, & de la mutation de Io en vache, & du pasteur Argus qui la print en	

sa garde. feuillet. 37.

L'inuention du flaiol pour l'amour du Dieu Pan à
Syringa: laquelle fut muée en cannes. feuil. 44.

La mort d'Argus, & de la translation de ses yeulx
aux queue's des paons qui traient le chariot de Iuno,
& de la restauration de la vache Io en femme. 46.

Du debat qui sourdit entre Epaphus & Phaëton
son compagnon qui se disoit filz de Phœbus. fe. 48.

LE SECOND LIVRE.

Le triumphe de la salle de Phœbus. feuillet. 50.

La presumptueuse & temeraire petition de Phaëton
à son pere Phœbus, pour regir son chariot. feuil. 52.

Enseignement de Phœbus à Phaëton pour regir le
chariot, & le conduire d'Orient en Occident. fe. 55.

Du mauuais gouuernement que fist Phaëton du
chariot de Phœbus, & de son trebuchement. fe. 56.

La mort de Phaëton & du dueil de sa mere. 59.

Le dueil de la mere & sœurs de Phaëton, pour sa
mort, & de leur Metamorphose. Et de la plainte de
Cygnus, & de sa mutation. feuillet. 60.

La complaincte de Phœbus sur la mort de son filz
Phaëton. Et de l'amour de Iupiter enuers la belle.

Calisto. feuillet. 63.

Le Courroux de Iuno & de la mutation de Cali-
sto en étoile. feuillet. 73.

Par ianglerie le Corbeau n'eut onques depuis son
corps beau. feuillet. 74.

Coronis pour rapporter mauuaises nouuelles fut muée
en Corneille. feuillet. 76.

DV GRAND CLYMPE.

La naissance d'Esculapius prince de medecine & de la mort de sa mere Coronis fille du Roy Coroneus de Grece. feuillet. 78.

La naissance de Chyron le centaure demy Homme & demy cheual. feuillet. 80.

Le diuinement d'Ociroë la diuineresse à Esculapius. feuillet. 81.

Du bannissement des cieux d'Appollo, & de sa bergerie: & du larcin de Mercure, & de la trahison de Battus, & de sa punition. feuillet. 82.

La paix entre Phoebus & Mercure. feuillet. 84.

Le voyage que fist Mercure vers Athenes & des amours qu'il y fist. feuillet. 85.

Le recours de Pallas à Ennie, pour soy venger d'Aglauros. feuillet. 87.

La trahison de Danaus qu'il comist enuers les filz de son frere, mariez à ses filles cinquante, & de la noblesse de Hyperuesira, qui sauua son mary. feu. 91.

Le rauissement d'Europe, fait par Iupiter en forme d'un Torseau. feuillet. 95.

LE TIERCE LIVRE.

La peregrination de Cadmus, & de l'oracle qu'il eut d'Appollo, & de la mort de ses compagnons. 99.

La vaillance de Cadmus contre le serpent, qui luy auoit tué ses compagnons. feuillet. 101.

Cadmus sème les dents du serpent, & naissent gens d'armes, lesquelz s'entretuent. feuillet. 103.

La brieue fortune de Cadmus. feuillet. 105.

La piteuse fin d'Acteon le veneur mué en cerf, pour

noir veu Diane nue, qui fut par ses chiës vené. 106.

Le dépucelage de Semele fait par Iupiter. Et de la vengeance qu'en print Iuno. feuillet. 109.

La mort de Semele pour demander l'accouplement divin, & de la naissance de Bacchus. feuillet. 111.

La question de Iupiter & Iuno touchant le ieu d'amours, & du iugement qu'en fut fait. feuillet. 114.

De la responce de Thirésias à la mère de Narcissus, & de la beauté de Narcissus. feuillet. 116.

Les amours de la nymphe Echo à Narcissus, et du refus qu'elle en eut. feuillet. 117.

Des infructueuses amours du beau Narcissus, qui fut amoureux de sa beauté, lequel pour en iouir mourut. feuillet. 119.

L'histoire du Dieu Bacchus. Et de la venue qu'il fit à Thebes, de son sacrifice, & du depit qu'en tint Pentheus. feuillet. 124.

La mort de Pentheus pour le méprisement qu'il fist de Bacchus. feuillet. 133.

LE QUART LIVRE.

Les infortunées amours de Pyramus & de la belle Babylonienne Thysbée. feuillet. 138.

La déplorable mort des vrais aymantz Pyramus & de la belle Thysbée. feuillet. 143.

Des piteux regretz que fit Pyramus à la fontaine pour l'amour de Thysbée s'amy. feuillet. 146.

La honte que fist Vulcan à Mars & à sa femme Venus trouuez sur le fait d'amours par Phœbus qui découvrit le secret. feuillet. 149.

D V GRAND OLYMPE.

La vengeance que print venus de Phœbus , pource qu'il auoit décelé son secret en amours. feuillet. 151.

Du tendre & delicat hermaphrodite , qui pour le refus d'amour qu'il fist à vne nymphe , eust les deux natures. feuillet. 154.

Du méprisement des Mynediennes enuers les sacrifices de Bacchus, & de leur punition. feuillet. 158.

La malice de maratre enuers ses fillatres. feu. 159.

L'origine de la toison d'or , & de la mort de Helle. feuillet. 161.

La hardiesse d'un amoureux & de la mort de Leander en allant voir s'amy. feuillet. 161.

Le voyage de Iuno aux enfers pour querir Tisyphon à se venger de Ino la déprisante. feuillet. 166.

La cruauté d'Athamas, & la fin de la Ino & de ses enfans. feuillet. 170.

La transformation de Cadmus & de sa femme en serpens. feuillet. 172.

Iupiter pour raur d'amours le tresor, se mua en gouttes d'or, & cheut dedans le sein de la belle Danaës, de qui fut conceu le hardy Persens. feuillet. 174.

La vaillance de Persens, & le décollément de Méduse la Gorgonne. feuillet. 175.

Bellorophon noble chevalier occist plusieurs môstres, & acheua plusieurs merueilles au monde. feuillet. 177.

Le Roy geant Atlas , pour dénier logis à Persens. feuillet. 178.

Le déliurement de la gente brunette Andromeda de la gueulle du dragon, fait par Persens. feuillet. 180.

LE CINQVIEME LIVRE.

La dure bataille de Phineus oncle d'Andromeda q̃
la voulut tollir à Persus qui à bonne querelle l'auoit
conquise , & de la defense que fist Persus vai-
llamment. feuillet. 186.

La vengeance que print Persus de Phineus qui luy
voulut tollir ses amours qui si vaillamment les auoit
gaignees. feuillet. 197.

Pour mal Persus rend le bien à son grand pere
Acrisius prenant vengeance de ses ennemis , & le resti-
tuant au Sceptre. feuillet. 198.

Le voyage de Pallas à la fontaine scientifique des
Muses en Helicone & des propos qu'il y eust. 199.

Des disputes des neuf Muses , & des neuf filles
de Pyreneus , & de la punition de cuyder trop sca-
voir. feuillet. 202.

Le rauissement de Proserpine fait par Pluto. 205.

Les aduentures de Ceres querant sa fille perdue &
de l'enfant qui se moqua d'elle. feuillet. 208.

Les enseignes de Proserpine à Ceres & du pacte
de son rappeau. feuillet. 210.

Aschalaphus fut mué par la royne d'enfer en chou-
ette. feuillet. 213.

L'origine des Seraines. feuillet. 214.

Arethusa raconte à Ceres la maniere de sa muta-
tion en fontaine. feuillet. 215.

La restauration des blez par Triptoleme. 218.

LE SIXIEME LIVRE.

Le debat entre Pallas & Arachnes. feuil. 221.

Comment

Comment Arachnes se pendit Et Pallas la mis en
araigne. feuillet. 227.

Comment la deesse Lathona à l'aide de ses enfans
occist sept filz & autant de filles de Niobe Et d'Am-
phion par l'outrecuidance de leur mere. feuillet. 228.

Punition de villennie Et de rusticité. feuillet. 234.

Trop cuyder sçauoir trompa le bon trompette, &
tabourineux Marsias. feuillet. 238.

Le festin de Tātalus aux dieux, & du restaurémēt
de Pelops auquel Ceres mengea vne epaule. feuil. 240.

Le mariage de Tereus avec Progne & du voyage
d'Athenes, & du violement de la belle Philomela.

feuillet. 242.

Le piteux état en quoy fut delaisée la belle Philo-
mela apres son defloremēt. feuillet. 252.

L'inuention de Philomela à faire à sçauoir à sa
sœur, ses lamentables nouuelles, & de son deliuremēt.

feuillet. 255.

La démesurée vengeance que print Progne de son
mary, qui sa sœur auoit defloree, laquelle oubliā l'office
de maternité par indignation. feuillet. 257.

La metamorphose de Tereus, Progne, Et Philomela
apres auoir donné à māger le filz au pere. feuil. 261.

La mort de Pandion pour le cas auenu à ses filles, Et
du rauissement d'Orithie par Boreas. feuillet. 262.

LE SEPTIEME LIVRE.

La toyson d'or, & l'apprest pour icelle conquer-
re. feuillet 265.

L'expedition du voyage en Colchos pour la toy-
son d'Olympe. CCc.

son d'or. feuillet. 269.

L'entrée des Argonautes en Colchos & de la soudaine amour que fut surprinse la belle Medée pour Iason. feuillet. 270.

La conquête de la toyson d'or par l'art magique de Medee. feuillet. 274.

Le retour des Argonautes de la toyson d'or par trahison, & de la cruauté de Medée. feuillet. 276.

Le raiuennissement du perc de Iason fait par Medée feuillet. 277.

Les enchantemens de Medée & de ses arts nigromantiques. feuillet. 280.

La mort du Roy Pelias fait par ses propres filles à la cantelle de Medée. feuillet. 284.

La ialousie de Medée, contre la seconde femme de Iason, & de sa cruauté. feuillet. 287.

Le voyage de Theseus aux enfers avec son compagnon. feuillet. 289.

Le secours de Hercules aux deux compagnons, Theseus & Pirrythous aux enfers. feuillet. 293.

Le retour de Theseus en Athenes & Medée sa marâtre, qui le voulut empoisonner, & de la guerre que apréta Minos. feuillet. 294.

Le commencement des Pigmiens & mutations des formis en petits hommes que lon dit Nains. feuillet. 301.

Des deuises que Phocus le filz du Roy Eacus & Cephelus eurent ensemble. feuillet. 304.

La ialousie de Procris envers son mary Cephelus

lequel la tua en la chasse incautement. feuillet. 305.

La mort de la loyalle Procris, & de la chasse des deux bestes, l'une imprenable, l'autre tout prenant, & de leur mutation. feuillet. 310.

LE HVITIEME LIVRE.

Pour l'amour d'un estrange Roy ennemy, Scylla trahit son pere, soy & son pays. feuillet. 317.

Le guerdon que recent Scylla pour auoir trahy son pays, & couppe le cheueul fatal à son pere. feuillet. 321.

La conception de Minotaurus. feuillet. 324.

La subtilite de Dedalus, pour satisfaire à l'inhumain desir d'une femme. feuillet. 325.

Le Labyrinthe, & de la deffaitte de Minotaure par Theseus au moyen de la belle Ariadne. feuillet. 327.

La fuyte de Dedalus par l'air, & de la mort d'Icarus qui mourut par outrecuidance. feuillet. 334.

La conuersion de Talus en une Perdrix. feuillet. 337.

La chasse du sanglier de Celidoine, & des amours de Meleager, & de la belle & gaillarde Athalanta. feuillet. 338.

Les regretz de la mere de Meleager, pour la mort de ses deux freres, que son filz auoit tuez, parquoy machina sa mort. feuillet. 346.

La mort de Meleager, la vie duquel ne tenoit que a un tison demy brule, que la fee auoit fatalize. feuillet. 348.

Du retour de Theseus, de la chasse du sanglier, & du logis d'Achelous. feuillet. 352.

La repuee de Iupiter & Mercure en la maisonnette

du bon Philemon, & de la vieille Baucis. feuil. 354.

La punition d'Erichthonius, pour auoir couppe les bois de Ceres. feuillet. 362.

LE NEUVIEME LIVRE.

Le Combat d'Hercules, & d'Achelous, pour la belle Deianira auoir. fueillet. 372.

La deffaite de Nessus le Centaure, qui voulut tolir Deianira à Hercules. Et de la chemise enuuenimée que Nessus donna à Deianira. feuillet. 378.

Les secondes amours d'Hercules enuers Iole la belle prisonniere. feuillet. 382.

La mort du preux Hercules par la chemise enuuenimée, que sa femme Deianira luy enuoya. feuillet. 383.

La mort de Lichas qui porta la chemise enuuenimée à Hercules. feuillet. 388.

La deification d'Hercules. feuillet. 389.

Le dueil de la mere d'Hercules pour la mort de son filz, laquelle raconte à sa nymphe sa naissance. feuillet. 397.

La ruse de la seruante d'Alcmena pour la faire enfanter d'Hercules, & de sa mutation. feuillet. 393.

Le propos que Iole raconta à Alcmena de sa sœur pour l'appaiser. feuillet. 395.

Le prophetisement de Themis sur la guerre Thebane. feuillet. 398.

La mort de Capaneus, Amphion le diuin, & des deux freres Thebains. feuillet. 401.

Les deriglées amours de Biblis qui ayma son propre frere. feuillet. 403.

DV GRAND OLYMPE.

- L'epitre de Biblis à son frere Caunus.* feuillet. 408.
Le refus que fit Caunus à sa sœur qui le prioit d'amours & de la douleur de Biblis.. feuillet. 412.
La fortune d'Iphis, qui fut de femme muée en homme. feuillet. 416.
La transmutation d'Iphis la pucelle en ioune seau. feuillet. 42.

LE DIXIEME LIVRE.

- Le mariage d'Orpheus avec Euridice, lequel en chantant la tira des enfers.* feuillet. 426.
La chanson d'Orpheus en enfer. feuillet. 427.
La deploration du poëte Orpheus, pour auoir perdu s'amy. feuillet. 431.
De Hyacinthus qui fut par le Dieu Phœbus occis depuis mué en fleur ianne. feuillet. 435.
Du tailleur Pigmalion qui fut de son ymage amoureux. feuillet. 436.
De Myrrha qui follement ayma le Roy son pere de qui eut le bel Adonis l'amoureux de Venus. feuillet. 440.

- De la natiuité d'Adonis filz de Myrrha, & comment Venus l'ayma & de ses enseignemens qu'elle luy baille.* feuillet. 459.
D'Hypomenes qui vainquit Athalanta à la course, & comment la deesse Cybelles les mua depuis en lyon & lyonnesse. feuillet. 463.

L'VNZIEME LIVRE.

- La fin d'Orpheus souuerain harpeur.* feuillet. 474.
Du Roy Midas, qui impetra du dieu Bacchus que

tout ce qu'il toucheroit deuint or, cōme il fist. feu. 477.

De Midas qui eut aureilles d'âne, pource qu'il iugea
le son du flaiol de Pan, plus delicieux que la harpe de
Phœbus. feuillet. 481.

De Phœbus & Neptuneus, qui en forme d'ouuriers
ayderent à Laomedon à edifier Troye. feuil. 486.

De la genealogie & naissance de Thelamon &
Ajax. feuillet. 488.

De Thetis qui se transmua en diuerses semblances,
entre les bras de Peleus son amy. feuillet. 488.

Les noces de Peleus & Thetis, faisant digression
pour enchaîner les matieres. feuil. 490.

De la pōme d'or que Discorde ieta au banquet de
Peleus, & du proces entre trois déesses demené touchāt
la beauté pour auoir la pomme. feuil. 492.

Le voyage des trois déesses vers Paris pour le iuge-
ment de la pomme & de leurs accoutremens & ha-
rangue. feuil. 497.

La harangue de la déesse Iuno à Paris Alexan-
dre pour obtenir la pomme d'or. feuil. 498.

Description de Pallas & de sa harangue. feuil. 503.

L'ornement de Venus, sa contenance, & l'oraison
qu'elle fist pour auoir la pomme d'or. feuil. 507.

Le denuement des trois déesses deuant Paris. fe. 514.

Le iugement & sentence de la pomme par Paris à
Venus. feuil. 521.

De Peleus pere d'Achilles qui fut exillé de sa terre
pour le meurtre qu'il fist de Phocus son frere, & cōmēt
il arriuā deuers le Roy Ceyx. feuil. 522.

De Chione fille de Dedalion, qui conceut des dieux
Phœbus & Mercure deux filz d'une portée, & com-
ment Dedalion fut mué en Autour par le dieu Phœ-
bus. feuil. 531.

De la Nymphé de Psamathe, qui fist par un loup
occire toutes les bestes de Peleus. feuil. 533.

De Ceyx qui se mist en mer pour aller en Delphos,
contre la volonté d'Alcyonne sa femme, la ou il se noya
par la tempeste des vens & de la mer. feuil. 536.

De Ceyx & Alcyone. feuil. 540.

De la déesse Iuno, qui enuoya Iris au dieu du som-
meil, afin qu'il fist sçauoir à Alcyone la mort de Ceyx
son mary. feuil. 543.

La description de la maison du dieu des songes &
des dormans. feuil. 545.

Du dieu des dormans, qui enuoya Morpheus le dieu
des songes à Alcyone, en forme de Ceyx son mary, pour
luy donner à connoistre sa pitieuse mort. feuil. 547.

De la pitieuse complainte que fist Alcyone, pour la
mort de son mary Ceyx. feuil. 549.

La fin d'Alcyone & Ceyx son mary qui furent mu-
ez en oyseaux de leurs noms. feuil. 551.

De Eacus filz du Roy Priam de Troye qui de-
uint plongeon. feuil. 553.

LE DOVZIEME LIVRE.

Le voyage de Paris en Grece, pour raurir la belle
Helene. feuil. 556.

De la subtile requeste que Paris fist à Heleine, pour
son amour auoir. feuil. 559.

La responce d' Helene à Paris moult double. fe. 564

Le raiſſement d' Helene. feuil. 570.

De Caſtor & Pollux qui furent noyez, en la recouſſe de leur ſœur, & deſiez au ciel au ſigne de Gemini. feuil. 571.

L'expedition des Gregeois, pour aller en Troye raiſſer Helene. feuil. 572.

De la cautelle que fiſt Vlixes, afin qu'il n'allast à Troye. feuil. 575.

De Thetis la mere d' Achilles qui le miſt en guiſe de pucelle avec le roy Lycomedes, afin qu'il n'allast en la guerre, ou il engendra Pirrhus. feuil. 576.

De Vlixes, qui par ſa ſubtilité reconneut Achilles d'entre les dames, & le mena avec luy en l'oſt, & de la ſeconde deſtruction de Thebes par Achilles. feuil. 577.

Des reſpons d' Apollo, & comment Achilles amena avec luy Calcas le diuin de Troye. feuil. 579.

Du ſacrifice que fiſt Agamemnon, pour apaiſer la tempeſte. feuil. 580.

Des Grecz, qui prindrent port deuant Troye, & d' Achilles qui occiſt Cignus, & de la deſcription de la maiſon de renommée. feuil. 584.

De pluſieurs merueilles que le viel duc Neſtor raconta à Achilles, & aux barons de Grece. feuil. 590.

Des Centaures qui raiſſerent Hypodame la dame des noces de Pirithous, & de la grande & horrible bataille qu'il y eut à la recouſſe. feuil. 593.

De Tlepolemus qui ſe courrouça à Neſtor, pource

qu'en son conte passoit souz silence, les prouesses de son pere Hercules encontre les Centaures. feuil. 602.

Digression traitant d'un discord qui sourtit entre Agaménon et Achilles, à cause de leurs amies Chryses & Briseis, & des prouesses d'Aiax. feuil. 604.

Du grand dueil que demena Achilles pour la mort de son amy Patroclus, & des armes que Thetis sa mere luy fist forger par Vulcan, au lieu des siennes que perdues auoit. feuil. 608.

De Achilles qui retourna à tout ses nouvelles armes en bataille, ou il fist grand occision de Troyens. fe. 610.

De la mort du preux et vaillant Hector de Troye & comment Achilles l'occist. feuil. 612.

Des grandes complaints & pleurs que firent les Troyens pour l'amour de Hector, & comment Achilles rendit le corps au roy Priam. feuil. 616.

D'Achilles qui vint voir l'aniuersaire de Hector, & comment il s'enamoura de la belle Polixene. feuil. 617.

Du message que fist Achilles à la royne Hecuba pour l'amour de Polixene sa fille, & des conuenances qu'ilz eurent ensemble. feuil. 619.

D'Achilles qui occist le noble Troilus, & si le traîna à la queue de son cheual. feuil. 620.

La mort du puissant & redouté Achilles. fe. 622.

D'une grande controuersie qui s'emeut entre les barons de Grece, pour sçauoir lequel auroit les riches armes d'Achilles, & des parolles qui sourtirent entre Aiax & Ulixes, pour auoir icelles. feuil. 624.

LE TREZIEME LIVRE.

Le proces & oraisons touchant les armes de Achil-
les. feuil. 626.

L'oraison du treseloquent Vlixes, par laquelle il gai-
gna les armes d'Achilles. feuil. 633.

La replique d'Aiax contre Vlixes, touchant la prin-
se du Palladion. feuil. 643.

Des armes d'Achilles qui furent adiugées au sage
Vlixes, & comment Aiax s'occist. feuil. 644.

De la noble & puissante cité de Troye qui fut prin-
se des Gregeois, arse & démolie. feuil. 646.

De l'esprit d'Achilles qui s'aparut aux Gregeois,
& du sacrifice que fit Pyrrhus de la vierge Polixene
dessus le sepulchre de son pere Achilles. feuil. 648.

Des piteux regretz que fist la royne Hecuba pour
la mort de Polixene sa fille, & du grand dueil qu'elle
eut pour la mort de Polydorus son filz. feuil. 651.

Des complaints que fist la déesse Aurora au souue-
rain dieu Iupiter, pour la mort de Menmon son filz,
occis par Achilles. feuil. 657.

Du voyage d'Eneas pour aller en Italie. feuil. 659.

Des riches dons & presens que le roy Anius donna
à Eneas & Ascanius, & Eneas pareillement à
luy. feuil. 662.

Des grans perilz & dangereux passages ou Eneas
& ses nefz passerent. feuil. 663.

De Galathée, qui raconta à Scylla les amours d'elle
& d'Acis, & comment fut depucellée par un geant no-

né Polyphemus. feuillet. 665.

Du geant Poliphemus qui occist Acis, qui fut mué en roche de mer. feuillet. 671.

Du Dieu Glaucus qui s'amoura de Scylla la belle. feuillet. 673.

LE QUATORZIEME LIVRE.

D'Eneas & ses compagnons qui arriuerent en Carthage, ou la royne Dido les receut honorablement, & puis s'occist pour l'amour d'Eneas. feuillet. 681.

Dont les singes vindrent & furent premierement faitz. feuillet. 682.

De la Sibille Cumée qui cōduisoit Eneas en enfer, & des parolles qu'il eut avec son pere Anchises. feuil. 684.

Des diuises qui furent entre Machareus & Achimenides, qui étoient échappez des gens d'Ulixes. feuillet. 686.

Des merueilleuses auentures que Machareus raconta à son compagnon Achimenides, qui luy étoient auenues en la mer. Et comment Ulixes enclouit les vents en vne peau de bœuf. feuillet. 690.

Des compagnons d'Ulixes qui deuindrent porcs, par l'enchantement de la deesse Circes, & cōment Ulixes par sa prudence les deffist de l'enchantement. feuillet. 692.

De la déesse Circes qui muà le Roy Picus en un oyseau, & de la force & vertu de ses charmes & enchantemens. feuillet. 697.

D'Eneas qui fut receu du roy Latin, & des batailles qu'il eut contre Turnus pour l'amour de lani-

re, qui depuis fut sa femme épousée. feuillet. 702.

D'Eneas qui occist Turnus, & de la deification
d'Eneas apres sa mort. feuillet. 709.

Les amours de Vertumnus, & de la déesse Po-
mona. feuillet. 711.

Les amours d'Iphis & d'Anaxarete. feuillet. 714.

Comment Romulus fut Roy & edifia premiere-
ment la cité de Rome. feuillet. 717.

D'Herfília femme de Romulus, & de sa trans-
formation. feuillet. 719.

LE QVINZIEME LIVRE.

De Mycilus qui fut accusé à tort, & des noires
pierres muées en blanches. feuillet. 721.

De Pythagoras le philosophe nay en Same & d'au-
cuns de ses enseignemens. feuillet. 725.

Des enseignemens de Pythagoras touchant l'immor-
talité de l'ame, & de la mobilité de nature &
du tems. feuillet. 729.

De la differéce des quatre elements, & de la situatiõ
d'iceux, & quelle contrariété est entre eux. feuillet. 732.

La nature du Fœnix, & de plusieurs autres bestes
& animaux. feuillet. 738.

De Numa Pompilius, & de sa femme Egerie qui
deuint fontaine apres sa mort. feuillet. 740.

D'Hypolitus qui fut deux fois homme. feui. 742.

D'Esculapius qui fut par les Romains amené par
Epidaure à Rome, pour faire cesser la pestilence qui
lors regnoit. feuillet. 748.

De Julius Cesar qui fut occis, & des grandes com-

FIN DE LA TABLE.

A PARIS.


De l'Imprimerie de Hieros-
me de Marnef, & Guil-
laume Cauellat.




EN MOY LA MORT,



EN MOY LA VIE.









SPECIAL 89-B
6042

GELLY CENTER LIBRARY

